

近代中國史料叢刊續編第八十八輯

沈雲龍主編

皇朝政典類纂

沈席裕徐福輯

錢幣

文海出版社

有限公司印行

皇朝政典類纂

皇朝政典類纂卷五十八

錢幣一

錢法 制錢品式

凡錢廣徑十分寸之八周廓而方其內面文曰通寶冠以年號隸文著其局之名焉凡備巾廷曰樣錢行於天下曰制錢樣錢百其重一斤制錢得樣錢四之三普爾錢亦如之藏錢大小權以行大錢十其重一兩小錢半之會典

凡鑄錢十分其劑銅六鉛四以鑄樣錢百分其劑銅五十有四鉛四十有六以鑄制錢純銅以鑄普爾錢惟藏錢鑄以銀焉會典

一鼓鑄制錢一面鑄年號用漢文一面鑄局名用清文寶泉局鑄寶泉字工部寶源局鑄寶源字直省皆用寶字爲首次用各本省一字直隸爲寶直山西爲寶晉江蘇爲寶蘇江西爲寶昌福建爲寶福浙江爲寶浙湖北爲寶武湖南爲寶南陝西爲寶陝四川爲寶川廣東爲寶廣廣西爲寶桂雲南一局一爲寶雲一爲寶東貴州二局皆爲寶黔伊犁爲寶伊凡錢文輕重係鑄供內廷用者重一錢六分京外及伊犁各局重一錢二分均不得各違其式各告鑄錢責成該管官接季造報歲底奏銷如京外各局所鑄有輕重及磨鎚不精並鑄造遲延愆期者皆予譏處

一鼓鑄應配銅鉛成數寶泉局鑄供內廷錢文以紅銅六成白鉛四成搭配京局鼓鑄每鑄銅鉛百觔內配用銅五十四觔白鉛四十二觔十二兩黑鉛三觔四兩三色鼓鑄至用金敍廠低銅鼓鑄之江蘇江西湖

江福建廣東廣西湖北湖南陝西九省毋庸配鑄黑鉛將所配黑鉛按額加配白鉛鼓鑄其全用商辦洋銅

之直隸山西二省及本省出產黑鉛之雲南貴州四川等省鼓鑄錢文均照京局之例一體配鑄

一鼓鑄應除折耗每鑄銅鉛百筋報銷折耗九筋寶泉寶直寶晉寶蘇寶昌寶福寶浙寶陝寶川寶雲寶東寶黔等局於百筋內除耗按九十一筋分兩核收錢文外耗錢文不准再加折耗一百筋按百筋分兩核收錢文外耗錢文不准再加折耗

直隸寶直局五爐四十八卯按一年十二月每月九筋按百筋分兩核收錢文外耗錢文不准再加折耗

直隸寶直局五爐四十八卯按一年十二月每月九筋按百筋分兩核收錢文外耗錢文不准再加折耗

四卯報鑄不另計閏每卯除耗淨鑄銅鉛九千三百六十筋報鑄錢一千二百四十八串補串繩分兩錢一

串八百五十五文又每歲正鑄之未加鑄淨銅鉛五千七百二十筋報鑄錢七百六十二串六百六十六文

補串繩分兩錢一串一百三十三六有奇

江蘇寶蘇局十六爐二十八卯每月額鑄兩卯四季加鑄四卯

遇閏另行加鑄每卯除耗淨鑄銅鉛二萬九千九百五十二筋報鑄錢三千九百九十三串六百文補串繩

分兩錢五串七百五十九文有奇

江西寶昌局六爐二十四卯遇閏加鑄二卯每卯除耗淨鑄銅鉛一萬

三千一百四筋報鑄錢一千七百四十七串二百文補串繩分兩錢四千三百八十三文零

福建寶福局

四爐三十六卯遇閏加鑄二卯每卯除耗淨鑄銅鉛九千筋報鑄六十秤錢一千二百串每秤該錢二十串

浙江寶浙局十爐一歲除耗淨鑄銅鉛九十七萬二千筋報鑄六千四百八十秤錢一十二萬九千六百

串每秤該錢二十串遇閏加鑄錢五百四十秤

湖北寶武局十爐二十一卯一尾每卯除耗淨鑄銅鉛三

萬筋報鑄錢四千串每串補串繩分兩錢五文

陝西寶陝局二十爐正鑄二十四卯一月兩卯遇閏增卯

小建廿日每卯除耗淨鑄銅鉛二萬七千三百筋正鑄錢三千六百四十串又每卯帶鑄淨銅鉛二千二百

五十九助一兩二錢帶鑄錢三百一串二百十文按卯帶鑄不扣小建 四川寶川局四十爐每歲連閏扣
除小建六日修爐十二日歲按三百四十二日除耗淨鑄銅鉛一百萬八千三百五十二助十二兩八錢正
鑄錢一十三萬四千四百四十七串四十文又每歲帶鑄淨銅鉛八萬三千六百四十七助三兩二錢帶鑄
錢一萬一千一百五十二串九百六十文又加鑄四卯每卯除耗淨鑄銅鉛八萬四千二十九助六兩四錢
正鑄錢一萬一千二百三串九百二十文又每卯帶鑄淨銅鉛六千九百七十助九兩六錢帶鑄錢九百二
十九串四百十三文有奇 廣東寶廣局六爐三十六卯遇閏加鑄三卯每卯除耗淨鑄銅鉛七千一百助
報鑄錢九百六十串 廣西寶桂局設爐五座每月鑄三卯每爐每卯除耗淨鑄銅鉛一千助鑄錢一百
三十三串三百三十三文一年三十六卯遇閏加鑄 二卯每年十二個月共鑄制錢二萬四千串 雲南寶
雲寶東二局設爐三十八座寶雲局二十八爐寶東局十爐正鑄三十六卯遇閏加鑄三卯隨正帶鑄三十
六卯鑄正鑄十分之一附鑄外耗三十六卯每爐每正卯除耗淨鑄銅鉛七百八十助鑄錢一百四串帶鑄
每爐每卯除耗淨鑄銅鉛七八十八助鑄錢十串四百文外耗每爐每卯鑄銅鉛七十七助有奇例不折耗鑄
錢一十串二百八十五文有奇 貴州寶黔二局設爐二十座省城局十五爐大定局五爐每年正鑄三十
六卯隨正帶鑄三十六卯鑄正鑄十分之一附鑄外耗三十六卯均自嘉慶二十年卯額爲始用高銅白鉛
黑鉛三色配鑄正鑄每爐每正卯除耗淨鑄銅鉛七百八十助鑄錢一百四串帶鑄每爐每卯除耗淨鑄銅
鉛七八十八助鑄錢十串四百文外耗每爐每卯鑄銅鉛七十七助有奇例不折耗鑄錢一十串二百八十五
文有奇 伊犁寶伊局二爐每年正餘二項共鑄錢一千一百二十二串文原額一千二百串文俟將來獲

銅旺盛時酌量加鑄

一寶泉局每年七十二卯每百觔用銅五十四觔白鉛四十一觔十二兩每銅百觔鋤給耗銅八觔每配銅五十四觔應加耗銅四觔五兩一錢二分應除白鉛四觔五兩一錢二分黑鉛三觔四兩每卯用銅五萬九千九百八十六觔四兩五錢七分一釐白鉛三萬九千五百二十八觔黑鉛三千三百四十二觔十三兩七錢一分三釐每卯用銅鉛十觔一千八百五十七觔二兩二錢八分五釐有奇每配銅鉛百觔折耗九觔共折耗銅鉛九千二百五十七觔二兩二錢八分五釐每卯除折耗外淨銅鉛九萬三千六百觔每錢一文鑄重一錢二分共鑄錢一萬二千四百八十九串七十二卯共用銅四百三十一萬九千十二觔九兩一錢一分二釐共用白鉛二百八十四萬六千十六觔共用黑鉛二十四萬六百八十五觔十一兩三錢三分六釐共用銅鉛七百四十萬五千七百十四觔四兩四錢四分八釐內除折耗銅鉛六十六萬六千五百十四觔四兩四錢四分八釐共鑄銅鉛六百七十三萬九千二百觔共鑄錢八十九萬九千八百五十六串仍將每年鑄出錢文以及用過銅鉛各數目按年造冊題銷過開加鑄四卯底鑄供 內廷錢文營爐附卯搭銷不另計工料除耗淨銅鉛每觔萬觔報鑄錢一千串

一山西寶晉局四爐一十二卯每爐加鑄一卯每卯除耗淨銅鉛一萬九百二十觔報鑄錢一千四百五十六串

一湖南寶南局十爐三十六卯每爐每卯除耗淨銅鉛一千觔報鑄錢一百三十三串三百三十三文三

一江蘇寶蘇局鼓鑄錢文銅六鉛四配鑄每銅百飭用洋銅一成金釵麻低銅三成仍將配用
洋銅高低銅飭各數目按年造入鼓鑄奏銷冊內送部查核

一鑄伊局鼓鑄錢文因白鉛一項貢運維艱應仍照原議每文鑄重一錢二分內用紅銅八分四釐黑鉛三分四釐八毫點錫一釐二毫配鑄毋庸照京局之例配用白鉛以上並戶部則例

天命元年鑄天命通寶錢丙辰春正月諸貝勒等具表上 太祖尊號曰覆育列國英明皇帝建元天命尋開局鑄錢二品依古九府鑄法制之輪郭外周錢面作字陽起一爲國晉滿文一漢字曰天命通寶其滿文一品錢質較大通考

天聰元年鑄天聰通寶錢時 太宗文皇帝御極改元天聰亦鑄錢二品一爲滿文一漢字曰天聰通寶大小各如舊制通考

順治元年置戶部寶泉局工部寶源局鑄順治通寶錢通考 詳京師錢局

二年定錢制每文重一錢二分先是工部侍郎葉初春以制錢每七文準銀一分錢價日增民未稱便請頒鑄當五當二錢以便民用不允至是戶部議言錢文尚輕應更舊制每文重一錢二分凡七文準銀一分舊錢以十四文準銀一分官以此徵收民以此輸納聽便行使從之通考

八年增定錢制每文重一錢二分五釐戶部議言錢爲國寶務厚且大始定制每文重一錢繼重一錢二分猶嫌其輕應每文改鑄重一錢二分五釐仍照定制以每錢百文準銀一錢從之通考

十年鑄一釐字錢九卿等會議疏通錢法奏言鑄錢務照定式每文重一錢二分五釐錢背之左增鑄漢文一

鑄二字其右戶部鑄戶字工部鑄工字如江南江西浙江福建湖廣湖南山東山西陝西省城及密雲瀋宣府陽和臨清等鎮並鑄開局地方一字須極精工鑄不合式者參究每千文准銀一兩其兌行舊時制錢原有高低厚薄不等難以強齊一切貿易應當從民便至直省錢法廣成右布政使專督稽查奉上諭錢法難行皆因鑄造不精所致見今官錢該部酌減爐座務精工如式背添一釐二字上下通行關向來官爐夾帶私鑄尤爲病國犯者以枉法贓論罪其私鑄奸民不時嚴緝若仍違犯並地方官究處餘悉如議行通考

十四年題准寶泉局鑄錢改重一錢四分會典事例

上諭錢法無弊莫若鼓鑄歸一令各省鑄鍤一概停止獨留京局比舊錢體質更加闊厚每文重一錢四分屬鑄料工兼用滿漢字一面鑄順治通寶四漢字一面鑄寶泉二滿字俾私錢難於僞作通典

十八年議收毀舊鑄無一釐字制錢先是順治十年於錢背鑄一釐二字其舊行無一釐字錢暫從民便十四年復定錢文兼用滿字其舊錢俟三年後盡行銷毀至是以三年限滿戶部議言見在各局滿漢文新錢鑄造尚少其一釐字錢暫令展限行使請先收買十年以前無一釐字舊錢每觔給直七分交局銷毀改鑄從之

謹按順治年間錢式屢經隨時更定有錢幕未鑄字者蓋太祖高皇帝始鑄天命錢一面有字一面無字太宗文皇帝天聰錢亦然前明時錢幕亦多不鑄字國初尚仍其制嗣後有鑄漢文戶工字及各省鎮地名二字於錢幕之上或於錢幕之右者皆順治十年以前之制自十年七月增鑄一釐字與戶工及各省鎮一字左右分列十四年改定京局錢幕鑄二滿字十七年復開各省錢局令鑄本地方一字兼用滿漢文而十年以前之舊錢及十四年以前之一釐字錢迭經先後發價收買銷毀更鑄故流行者少至雍正元年始定各省局錢

亦照京局之例以篆字爲首次鑄本地方一字皆用滿文至今遵行通考

康熙元年頒行康熙通寶錢先是順治十八年八月戶工二部以聖祖仁皇帝御極定於明年改元康熙請將寶泉寶源二局錢改鑄康熙通寶輕重如舊制發各省局依式鑄造與順治通寶錢相兼行使尋於十月將鑄成錢式進呈至是頒行天下通考

二年議收毀一釐字制錢先是順治十八年議將銷毀一釐字錢之例暫展限二年行使至是復展限期戶工二部奏定每鋤銀收買每鋤給直六分發錢局改鑄新錢其工部收買銀兩令暫停本年各關採辦寶源局銅即將領銀先行解部聽候撥用通考

二十三年定以銅六鉛四配鑄制錢戶部議定凡銅鋤仍由各關辦運鉛鋤由部發銀交商人承辦解局配用通考

更定錢制每文重一錢令寶泉局每年開鑄四十噸管理錢法吏部左侍郎陳廷敬疏言民間所不便者莫甚於錢價每貫定制每錢一千直銀一兩今每銀一兩僅得錢八九百文錢日少而貴者蓋因奸宄不法毀錢作銅牟利所致鼓鑄之數有限銷毀之途無窮錢安得不貴乎欲除毀錢之弊求制錢之多莫若鑄稍輕之錢毀錢爲銅既無厚利則其弊自絕總計寶泉寶源二局每年各處動稅課銀二十五萬三千兩辦解銅三百八十九萬二千三百七鋤有奇內除耗銅三十五萬三百七鋤有奇淨銅三百五十四萬一千鋤見鑄錢四十萬四千八百串今若改每文重一錢計每年可多鑄錢十六萬一千九百二十串此利於民而亦利於國者也得旨令九卿會議尋議應如所請於寶泉局按卯增鑄其各省錢局俱照新定錢式鑄造從之通考

四十一年大學士等會議制錢輕小易於攜和改鑄每文重一錢四分通志

雍正元年頒行雍正通寶錢先是康熙六十一年十二月戶工二部以世宗憲皇帝御極定於明年改元雍正請將寶泉寶源二局錢改鑄雍正通寶專將鑄成錢式進呈至是頒行天下通考

五年定以銅鉛各半配鑄制錢通考

十一年諭鼓鑄錢文專為便民利用銅重則滋銷燬本輕則多私鑄原宜隨時更定鑄寶變通斯可以平錢價而杜贓弊順治元年每文鑄重一錢二年改鑄一錢二分十四年加至一錢四分康熙二十三年因銷燬弊多仍改重一錢嗣因私鑄競起於四十一年又仍復一錢四分之制迨後銅價逐漸加增以致工本愈重今寶泉寶源二局額鑄錢文每串需工本銀一兩四錢零歲計虧折銀約三十萬兩朕思錢重銅多徒滋銷燬且姦民不須費本便可隨時鎔化陋緝殊難非若私鑄必須有力之人兼設有爐座器具易於查拿也若照順治二年之例每文鑄重一錢二分在銷燬者無利而私鑄者亦難似屬權衡得中可以行之久遠著九卿詳議具奏雍正內閣 上諭

十二年題准制錢改鑄一錢二分頒行開鑄省分照式鼓鑄會典事例

乾隆元年頒行乾隆通寶錢先是雍正十三年九月大學士等以皇上御極定於明年改元乾隆所有開鑄錢文標用乾隆通寶請令錢法衙門知寶泉寶源二局改鑄尋於十月戶工二部將鑄成錢式進呈至是頒行天下令各省局照式鼓鑄通考

又奏准鑄錢之法以八成至十成配為五等如銅係十成者以銅五五鉛四五九成者以

銅六鉛四八五者以銅六五鉛三五八成者以銅七鉛三搭配鼓鑄會典事例

五年定改鑄青錢浙江布政使張若震奏言錢價之貴實由私鑄欲清其弊當絕其源訪之舊時爐匠咸云配合銅鉛加入點錫卽成青錢設有銷毀但可改造樂器難作小件民間無利可圖隨令戶部試鑄每紅銅五十觔配合白鉛四十一觔八兩黑鉛六觔八兩再加點錫一觔共爲百觔卽鑄成青錢以所鑄錢復投爐內鑄成銅觔錘擊卽碎不能打造器皿猶恐不肖奸民將鉛錫提出取銅獲利復用接紅銅爐座鑄試每大錢四串加火耗銀一兩有奇分得紅銅五觔八兩止值銅價銀一兩六錢較之原用工本虧折甚多經大學士九卿議定鼓鑄錢文專爲便民利用既可永杜私銷雖工本稍有加增自應酌量變通嗣後戶工二局應照式鑄造青錢與見在黃錢相兼行使并行令開局各省一體遵照改鑄通考

十年陝西巡撫陳宏謀條奏一鑄錢宜改銖兩也歷代錢文輕重本無一定而過重則防銷鑄過輕則防私鑄因時救弊歷代不同查大清會典我朝順治元年開鑄每文重一錢作銀一觔背鑄一觔二字後因鑄錢壅滯因而改重由一錢二分以至二錢一分五釐旋因過重又改鑄一錢四分康熙年間改鑄每文足重一錢旋因制錢易於攜合改鑄一錢四分新錢一串作銀一兩舊錢一串作銀七錢雍正年間改鑄一錢二分此本朝錢文改鑄輕重之原委惟在防銷鑄兼防私鑄也今銷鑄之弊甚於私鑄其官法難查亦甚於私鑄惟有將錢文銖兩斟酌變通使銷鑄者無利而自止唐代之開元通寶歷來號爲輕重適中每錢十文重一兩明洪武中鑄大中錢每文亦重一錢我朝順治康熙年間皆曾鑄一錢重之錢文是重一錢者歷爲適中銖兩現在一錢二分一錢四分之錢既不免於銷鑄臣請改照順治元年康熙年間每錢鑄重一錢

并順治初年之例以一文當銀一釐每千作銀一兩而民間出入均得一文當一釐之用至為便益至於文重一錢二分若與新鑄小錢同價則奸民勢必盡十當五當三當二當一凡五等我朝順治年間有酌定一錢四分之康熙通寶以若干文當十文與此需用比前無虧凡有大錢者爭先而出與新錢並行歟堪善曾奏請鑄一文止重一錢部議以現在欽遵改鑄議覆在案各省未嘗不飭遵行無如小民用錢復有此議以上二條禁銅則銷燬之源可杜改鑄則知當否用啟且摺密陳 皇清奏議

二十四年開西域葉爾羌城鼓鑄局回部之葉爾羌喀銅爲之重二錢制小而厚外有輪廓中無方孔每錢五在策妄阿拉布坦時錢面鑄其名用準噶爾字背鑄回地普兒資用至是以西域蕩平回城悉定 皇上從將頒發錢式仍用紅銅每文重二錢形如內地制錢較厚管右用回字先以預備軍營之銅開爐鑄五十萬易同

之地陸採銅加鑄通考

回部田賦若葉爾羌喀什噶爾和阗諸城皆以糧與錢並納舊以五十普兒爲一臘格每臘格直銀一兩自鑄版籍以來錢價日就平減諸城伯克等請加納普兒以次遞增乾隆二十六年定以百普兒爲一臘格凡田畝之供輸與市鄼之貿易皆以此爲準通考

五十九年定寶源局鼓鑄之法仍照舊例以銅六鉛四配鑄會典事例

六十年奏准寶泉寶源二局自嘉慶元年爲始乾隆嘉慶年號錢文各半分鑄各省衛藏照此一律辦理其新疆等處照舊遵行會典事例

嘉慶元年奉勅旨上年皇帝率同戶工部臣奏請各省開鑄乾隆嘉慶錢文各半分鑄業經允准今思朕臨御六十年乾隆錢文各直省流行較多著有鼓鑄省分各督撫將嘉慶年號錢文照例全行開鑄戶工二局著將乾隆錢改爲二成嘉慶錢改爲八成鼓鑄使新式錢文廣爲流通會典事例

五年諭內閣新疆各回城自乾隆二十四年平定後卽鑄造乾隆通寶錢文通行至今敬思新疆二萬餘里俱係皇考開拓撫定之區國寶流行所當萬年敬守現在阿克蘇請領祖錢式樣所有新疆等處地方自應鼓鑄嘉慶錢以資行使至乾隆錢尤應永遠通行嗣後新疆地方鼓鑄乾隆錢二成嘉慶錢八成一體行用萬世子孫敬謹遵循勿替 聖訓

道光三十年諭內閣御史降慶等奏請嚴禁鑄錢違式一摺寶泉局鼓鑄制錢配用銅鉛輕重尚有定式自應局員隨時查驗有輕重不均者飭令回鑄不使支放之時臨期挑換茲據該御史等奏稱每月監放八旗銅錢

竟有薄小易碎字樣模糊者每千枚雜數十文勢難逐串查驗而兵丁食用所馳毫容任意以偷減之錢強稱
支領等情因思戶部寶泉局如此工部寶源局其弊略同嗣後著兩局滿漢侍郎督率該監督鑄大使等實力
整頓悉遵定制毋任草率偷減如有厚薄大小輕重不符及文字模糊磨鎚不精等弊隨時查驗將鑄頭人等
嚴行懲辦並將監督等官參處見在新章甫定勸懲兼施該侍郎等若止有保舉而無參劾錢法安望有起色
則懷之

聖訓

咸豐元年諭工部錢法堂奏遵特發下小錢嚴查覆奏一摺鼓鑄制錢向有定式豈容偷工減料致多攢雜此
次發下小錢是否局鑄私鑄見既無憑確查姑免深究嗣後該侍郎等驗錢時挑出不合式樣小錢概令回鑄
重鑄毋許仍前搭放料錢以除積弊並著嚴飭該監督等隨時稽察有犯必懲如有扶同諱飾經該侍郎等查
出除將舞弊之鑄頭工匠交刑部治罪外並將該監督嚴參懲處其每日解交部庫錢文著陝西道御史認真
抽查如有攢雜小錢將該侍郎等一併參處毋稍徇隱至戶局事同一律亦著該部侍郎等飭令監督嚴加釐
剔並著稽查之御史一體抽查務各實力整頓以肅闈法而清弊端

聖訓

五年諭易棠奏酌變通制錢分兩一摺甘肅省銅價甚貴且須兼鑄大錢若制錢分兩仍按每文重一錢二
分鼓鑄非獨工料過重亦易敗奸民私銷改鑄之弊所有該省寶華局鼓鑄制錢分兩著照易棠所請酌量變
通每錢一文減為八分每千以重五斤為率仍著督飭局員認真經理務期制作精良俾輪廓字樣分明不至
有漏風缺邊等弊以重闈法而便行用將此諭令知之

東華續錄

福建巡撫呂桂奏請省錢局鼓鑄毛銀幣改鑄錢以充民用下部知之

東華續錄

御史宗程辰奏臣聞善爲政者視俗而施教必合衆人之所欲而後立法可以必行必量天下之所宜而後行法可以無阻利多而害少者法雖敝而可修利少而害多者法屢更而難恃以今日之時政論之求利於國而不便於民其失計無有甚於錢法者也自道光年間憂銀少而思勝之以錢始有鑄大錢之議 皇上御極初言者益多於是鑄爲數等大錢原期錢勝而銀弱以大錢輔齒有之錢不可勝用也銅不足濟之以鑄專樣之以鉛錫而錢更不可勝用也詎知大錢出而舊錢稀鑄錢出而銅錢隱當百當五十等既存爲無用而銅運又不通卽當十大錢亦難責其多鑄外省錢局率以辦銅隸手潛多銷化舊錢爲之大抵舊錢四五足以成當十之一枚鑄者獲利過本而公家行用仍強民所難名爲當十寶多受六折八折之虧損江南淮上比比如此民間患者而吞噬者多矣京中市肆遵法勉用當十當五錢而一出京門竟不能用其官局與官號所發給流轉者仍在鈔票而大錢特爲標識之貝民用亦僅供零星購物而大錢之爲用究屬無多其換銀遠去者求得一色制錢每千折加三四是大錢雖暗損乎制錢而制錢之尊自若也大錢無少益乎制錢而銀價之昂更自若也公家倚重官號有銀則增其鈔本少銀則賴爲餉資運賈於虛可暫權而恐難經久外省銀錢絕無凌駕故公私錢券皆所罕行司農以爲法貞非臣所敢妄議以臣之愚計之銀少而代以楮不若更代以制錢而大錢雖恢廓既不若制錢之尊信於民則强民用之上下交累亦覺甚拙制錢幸未爲毒手所盡銷不乘此時墮其聲價則久將淪爲無有而私鑄鉛沙薄板日充斥於宇宙之間所謂圖法者安在顧欲降其聲價將奈何竊思制錢之始本爲代銀而設故習俗流傳稱爲一釐然我聖朝一百餘年錢樣始大而後小始精而後範若槩作爲一釐輕重尚無區別擬從咸豐六年爲始以順治康熙之舊

銅錢照廣西及湖南衡永等府行用桂字錢之例以一文當兩文卽抵銀一釐五毫嘉慶道光與現今所鑄和鉛較多抵銀一釐以上皆定其稱曰祖錢凡有此錢輪廓無缺皆作銀用上行則完糧報捐下行則給俸發鈔昔謂無銀者立變爲所在皆銀則銷化祖錢之事不禁而知其必無擡高銀價之弊不禁而知其必平至於大錢已行亦須安頓得法方爲兩全擬將所謂當十者皆令當十文古銅錢新鐵錢之用以後銅已貴重收銅之令可以加嚴鑄大錢純用鐵而不用銅常用鐵制錢亦不必更鑄鉛錫舊存不用之大錢無論在官在民皆可收買銷鎔改爲二三等祖錢而不至於朽廢銀數充擴則度支從寬而錢法自清國用自可漸裕至解鑄制錢一節現在工本過多尙爲失算何以言之臣聞山西平定州產鐵之處每斤僅需大文因奉文採辦層層需索驟長至四十文彼地煤炭糧食俱賤不如移局就地開鑄仍以公正大典鎮靜寧壓鑄成後陸續解京則工本大可減省他省產鐵之所興西川煤溝間產鐵者仿而爲之裨益孔多若雜項小錢始准折三文抵鐵錢一文則私造者亦將無利而自止正不在嚴刑峻法以防之也古云利不百不變法前者以當五十以上大錢不便於民卽蒙皇上虛懷延納立爲停止特未深知當十大錢之用行於南北者實未周也不便於民而反累民卽官亦受其累也有尊祖錢之法以勝之而銀不能過昂大錢不必虛折私小之錢不必禁燬一舉行而三弊去百物通商民悅在大農及司計諸曹當亦不堅執前章而樂爲更綱以贊成此舉惟仰冀聖主持乾斷集廷議布德音定約法而已臣愚昧之見是否有當萬一伏乞訓示施

行經世文續編

同治六年諭軍機大臣等戶部奏請飭慎臨江海各省解錢鑄銅一摺前因銅斤缺乏鼓鑄當十大錢原爲一

時權宜之計行之日久不無流弊近來市廳行使暗中折減於國用民生均有未便惟欲規復勸法必須籌備制錢京師自通行大錢以來所有制錢大都運往外省若欲鼓鑄新錢又非一二年所能驟復戶部議令濱臨江海各省籌解制錢實爲便捷之法前經諭廷襄函商湖北督撫擬於鹽釐項下酌提制錢由輪船運津據稱事屬可行此外如江西江蘇浙江廣東四省均有海船可通各該省釐金較旺自可一律提解著曾國藩郭柏齡英桂馬新貽瑞麟蔣益澧李瀚章何環劉坤一各於鹽卡釐卡收款內每年酌提制錢三十萬串由輪船裝運天津交崇厚擇地嚴密收存聽候提用酌提錢文准照銀價劃抵應解京餉其制錢一千合銀若干及運腳若干卽著各該督撫迅速議定具奏所提之錢務須年清年結以兩年爲止不准稍有短解此項錢文卽名爲天津練餉以昭慎密不可稍有宣露致令外來商民傳播都城有礙錢法是爲至要其湖北施宜等處向多銅礦著該督撫飭屬招商試辦抽礦稅試行有效卽籌款收買商銅以裕鼓鑄並著妥議章程具奏至濱海商賈向有販運紅銅條銅等項應如何招商收買之處並著各該督撫三口通商大臣妥速議奏將此諭曾國藩英桂瑞麟李瀚章馬新貽郭柏齡劉坤一蔣益澧崇厚並傳諭何環知之東華續錄 互見採辦類

鍾大焜擬請變法鑄錢議 同治四年左諭相 奏請製造輪船云輪機成後兼可鑄錢夫鑄錢之欲藉輪機者冀可免虧本上乃 國初部定銅價銀價錢價章程尙留錢惠地步蓋當初采辦渾銅每銅百斤只給民價之半故尙不至虧折以後則橫漸加增由八九兩至十三四兩浸至難數工本故近來各省均行停鑄而奸民又以毀錢私鑄爲業致小錢充盈錢法敝壞查各省每百文小錢有多至七八十文者且 汕頭潮州各處有全用小錢天津上海既用短陌之錢尙不免機和小錢福建全省則自三十文至七

八十文不等求有純用大錢蓋本罕矣推原其故實因錢質太重卽毀錢以鑄錢漏卮所在雖禁令有時而窮彼毀爲銅器尤其小者也邇來新鑄制錢每文重一錢每六斤四兩又查定例鼓鑄錢文銅鉛各半每銅鉛百斤加入點銅三斤其實柔脆不能打造鑄銅器皿立法已極美善無如私鑄仍不能禁小錢仍復肆行卽京都行用大錢而私鑄仍不能免苟非權衡盡善斟酌得中卽勉強鑄款鼓鑄而虧折太甚鑄亦無多且一鑄而百毀百鑄而千毀以有制之財源墮無窮之谿壑仍恐制錢日減小錢日增而錢法何以經久無弊今試上觀往古與我朝開國之初揆之當今時勢合京師各直省各碼頭銀價銅價一切科合似須於漢之五銖唐之開通元寶洋人之香港一文三者之間量度取中鑄庫平八分之錢方可以塞私鑄私毀之源而錢法乃宜古而宜今有利而無弊竊爲我憲台臚陳之以備采擇焉考古今之論錢法者以漢之五銖及唐之開通元寶爲得中開通重一錢綱目稱每錢重二銖四乘積十錢重一兩今存之五銖則重不過五六分七八分而已按說文十乘爲銖二十四銖爲兩據此則五銖將及二錢又按文獻通考宋文帝元嘉中鑄四銖錢輪廓形製與五銖同費損無利故民不鑄蓋每朝分兩輕重不同當以現存者爲斷今錢重一錢準開通也惟史稱梁王世民齊王元吉賜三爐裴寂賜一爐聽鑄錢盜鑄者身死家沒夫以設爐爲恩賞則鑄錢虧本可知乃今制鑄重一錢不免虧本則一錢分兩似尚不可泥若鑄八分輕於開通而重於五銖究之五銖雖輕而銅甚精今以鉛和之重踰五銖其實亦五銖也是考之於古其可行者一也本朝曾鑄康熙小制錢今所名爲京墩者也其重自八分至一錢而止本以二文作一文之用今天津謂京錢一百寶只制錢一百猶其遺意也今則此錢散行各省能據一千文

京鑄且可賣制錢一千二三百文因銅質太好利於毀鑄銅器也若照以後定例銅鎔各半鼓鑄其重只及八分則銷毀無利此弊自除此揆之於國初已有八分之製其可行者一也順治康熙雍正乾隆年間定例每錢一千當銀一兩其時每錢一文重一錢及一錢二分一錢四分不等乾隆十年特用一錢二分之錢陝西巡撫陳宏謀以錢質過重請錢銷毀無存奏請照順治元年及康熙年間每文鑄重一錢並照順治初年之例以一文當銀一釐按此則以銅百兩當銀一兩若鑄八分之錢照現今各直省銀價每兩值錢一千五六百文算尚以一百二十餘兩之銅准銀一兩較之順治康熙雍正乾隆年間銀價錢價每兩銀尚多換銅二十餘兩此準之國初以至中葉其可行者三也查近年京城市上通用之錢不免鑄和私鑄銀貴時每兩約換京票十五六千文則錢較小銀賤時每兩若換京票一二千文則錢較大小者每文約重一錢二三分大者約重一錢六七分七八分計銀一兩亦只換銅一百零數兩查前年京都整頓錢法緝獲私鑄治罪一律行用官板大錢近有人攜帶回閩其輪廓形製為二十年來都中所罕觀者乃取五錢秤之共重八錢八分每錢方重一錢七分六釐姑作一錢八分算計百錢方重十八兩且尚有扣串未除現都中銀價約十二千文每兩銀方換錢一百零八兩若改鑄八分之小制錢每兩銀尙多換銅二十兩此準之京城銀價錢價其可行者四也現福州通行大錢無小錢鑄和若每千重八十五兩每文扯重八分五釐然此錢已珍爲拱璧不可多得矣至市上通用之錢每千約有二三百小錢在內其分兩之輕重何待計就目前而論每文重一錢四分之錢已萬不得一極重者至一錢二分而止極輕者至一分而止自五大分以上民間已通謂之大錢不敢挑剔蓋鑄錢弊實甚多雖係官鑄而局私仍難

鑄局私者鑄錢局吏役就局私鑄厚與制錢相等惟較小耳此種之錢謂之大錢不能謂之小錢亦不可市上交易以大者居中小者居兩頭謂之橄欖錢並不敢指爲小錢也各省通行之錢能均係一錢二分者每千方重一百二十兩能如當今定制純重一錢者每千方重一百兩若有局私在內及五六分七八分之錢雖並無一文小錢其重當與福州之大制錢相若惟天津上海之錢則純用乾隆白銅者每一錢多係重一錢二分但市上多用短陌錢亦間有小錢在內是名用大錢而實則與小錢無異矣若鑄八分之錢較現今各省並無小錢機和之大錢每千只少銅五兩而已倘有小錢在內則分量便相去懸絕矣此揆之當今各省通行之大錢其可行者五也查廣東香港錢法與外洋無異每錢一文只重二三分積十錢二十錢則用當十及當二十銅小番錢再上則用銀角番銀半番由銀番錢而上則用金番錢其銀番錢一元亦只換錢一千零數十文與內地相仿子母相權端自一文錢爲始其錢之大小輕重則視金價銀價銅價及鑄錢工本統爲科合必使毫無贏絀外洋金價銀價無甚長落故自一文錢而至金錢雖遞爲增加亦不滋流弊又用機器鼓鑄銅少而工精用機器而工精則奸民無力私鑄銅少則不私毀兼此三者故較之內地錢幣尙爲得法若鑄八分之錢雖較之外洋爲重然不用機器則工不及其精和入白鉛則銅不及其美以和鉛省工之利積爲分兩之重但與當今之銀價銅價相準則與外洋二三分之錢亦無以異矣此以外洋之錢法銀價比較其可行者六也鑄錢定法原應科合工本統算鑄一文以值一文故無私毀私鑄之弊今各省銀價多在一千五六百文之則較之國初每兩貰至四五百文此無可如何者也欲特創本鑄錢一法挽回天下之銀價使比照國初壁之銜石墳海勢必不能惟有因

時制官鑄出之錢與現今之銀價相準方無流弊本年八月香港中外新報載日本紅銅板每百斤二十一元白鉛每百斤五元六角查每担鉛銅保險不過二三錢銀而已又查鑄錢銅鉛入爐鎔化每百斤例准折耗九斤若照定例銅鉛各半既鑄輕錢即司不加點銅每百斤銅鉛除折耗外實得淨銅九十一斤鑄錢十八千二百文若再仿照私鑄之法略幫船政輪機以資磨鎚當不致再有虧折此合之當今銀價銅價鉛價其可行者七也銅鋪私毀專采紅銅青銅黃銅之錢若銅鉛各半帶白之錢毀之得利較少故現今上海天津各處大碼頭皆用此種制錢乃合天下奸民私毀餘剩之錢也前數年福州到上海買錢數十萬串皆係此種制錢乃錢質太重曾不數月亦爲人盤支銷毀淨盡若用此等銅質只鑄八分則銷毀當不禁自除此足以絕私毀之源其可行者八也古之論錢法者有不愛工不惜銅一語蓋恐私鑄也但此只防買銅私鑄未曾防毀錢私鑄不知民間買銅較難不能俯拾卽是卽廢銅亦屬無多必待買銅鑄錢誠爲有限所可慮者卽毀錢以鑄錢耳若銅質佳而分兩重乃所以速其私鑄也溯自國初以至今日所鑄之錢誠皆不愛工不惜銅然小錢亦未能禁不行用不私鑄也蓋鑄輕錢患但在於私鑄尚有禁止買銅之法在鑄重錢患在私鑄而兼私毀卽毀錢而鑄錢隨地可行直無法可禁矣兩害相並擇其輕者何若非爲政之道也且鼓鑄不虧本則制錢必多贍之人身正氣足則邪氣自消彼小錢何能出而爲敵哉此又足以塞私鑄之源其可行者九也或謂今鑄輕錢矣則昔之重錢勢將盡毀奈何不知鑄輕錢而毀不鑄輕錢亦皆且鑄輕錢而毀在舊錢鑄重錢將合新舊而並毀則何如鑄輕錢尙得保新錢之不毀乎又或謂今因銀價較貴故鑄輕錢以隨銀價若以後因鑄錢太輕銀價更貴則私鑄之錢勢必愈

輕奈何不知現時銀價算至一千五六百文者指大錢價言但使鑄出之錢與現時通用之大錢分兩組若則換銀價值自必與現時之大錢相準便爲有利無弊彼有小錢之銀價雖貴於大錢價無非大錢缺乏故私鑄得以乘機網利耳若大錢充足小錢勢難行用以理勢論銀價只有賤不至貴也則何如改鑄錢尙得保銀價之不貳乎或又謂鑄錢理宜虧本若不虧本便可得惠將以啟奸商仿鑄奈何不知奸民私鑄何必待官局開鑄方行仿鑄彼蓋無時無日不可私鑄者也亦不必仿照輕重積漸遞減而始用其私鑄者也若於未鑄錢之先不慮私鑄之害既鑄錢之後轉深私鑄之憂果何說乎第就當今之船政論必添置輪機仿照西法鼓鑄誠恐力有未逮計莫如仿照私鑄之法較爲簡便快捷若卽查訪私鑄小錢之人收歸入局飭爲匠首並可化莠爲良養活貧民不少或提從前緝獲私鑄之囚徒寬其既往予以自新並可藉得其法至於輪廓肉好似亦宜稍爲更變肉須稍窄照開通元寶形式好須稍大照五銖微小其文字及肉須雕刻稍深則質地便厚不至破損惟更改舊式必須具章入告請 旨飭下各省議覆如各直省銀價貴賤不同科合銅本分兩不能盡一可否請就合宣省分先行試鑄如無流弊或照 國初某省某省行用之錢並照京師專用大錢之例當無不可也是否有當敢請采擇施行經世文續編光緒十四年兩廣總督張之洞奏竊惟粵省制錢自咸豐七年以後三十年來未嘗開鑄官錢日乏商民病之臣比年以來久欲整頓圖法惟舊例辦法虧耗過多限於物力未能舉辦上年與廣東布政使高崇基詳籌熟商博采眾議惟用機器製造則錢精而費不鉅當經電致出使英德各國大臣考究機器價值及鑄造之法並接使英大臣劉瑞芬函電嘉敦廠機器全副每日作工十點鐘能鑄造銅錢二百七十萬個並寄來高

數麻機器價目廠屋隨式計上等機器全副內參大號造銀元機器四架另鑄刻銅錢文母模一副子模十副鑄造銀元母模四副子模八副製造鋼模所用之鋼料隨時購辦合計機器鋼模外加運腳保險以磅價折合約需銀二十五萬餘兩建造廠屋占地縱橫六十丈地面須布鐵板墊洋泥除地基外工料約需銀五萬餘兩粵省城內民戶稠密地基過昂約需銀數萬兩不得以爲常例此外常年所需鎔銅鎔銀洋製泥鐵每月約需銀二千六百兩鑄銅鑄銀鋼模鋼料每月約需銀一千零八十兩鍋爐烘銅片所用上煤枯煤果炭每月約需銀三千兩洋匠四名薪工每月約需銀八百六十兩匠夫三百餘名以及員役薪工挑運雜費每月約需銀二千四百兩綜計一切每年約需銀十二萬兩原議機器一年半造成三批運送首批七箇月到每日可造銅錢四十萬箇次批又五箇月到每日可添造銅錢五十萬個并銀元十萬圓三批又六箇月到齊每日可共造銅錢二百六十萬個銀元十萬圓總計仍符每日鑄錢二百七十萬個之數每月可造銅錢七萬八千緡銀元三百萬圓通年約停工三十日除搭鑄銀元數百萬圓外約得銅錢九萬緡查銅鉛配合之劑銅質若少即不能受機器軋力應以紫銅六成白鉛四成為率考錢法輕重歷代多以唐初之開通元寶爲準其制重今庫平一錢蓋古之稱物皆以銖兩計後世十錢爲兩之名即由開通錢而得宋太宗時太平通寶真宗時咸平元寶景德元寶重皆如之我朝順治十年以前所鑄即重一錢康熙十九年聖祖仁皇帝諭令一文重一錢誠以輕重適中名實相稱此制最爲經久今擬卽鑄此式每一文重庫平一錢並擬於錢文背面上下鑄庫平一錢四字以杜私鑄合計每千重庫平六斤四兩粵省錢價一千五百文值銀一兩今暫以香港上等洋銅洋鉛時價核計銅鉛價本暨物料工費火耗與鑄成所值銀數大率相等

不致虧折機器所成輪廓光潔字體精好私鑄斷難相混鑄成後或發商易銀或購買官物或搭放餉項按照市價臨時酌量務順鑄情不限定搭放成數亦不預定折合銀數以免軍民受累竊惟上古鑄幣本意開山澤之鑄鑄通行之貨固以利民卽以富國今以外洋銅鉛充鑄祇屬一時權宜緣洋舶銅鉛煉精耗少易受模範港去粵近價值亦平滇銅黔鉛所產至富而提煉未淨價腳過昂目前難資應用查西南諸省多產五金此乃天地儲此無盡之藏以供國家邊防之用今日爲西南邊計莫如大興鑄務就近鼓鑄一端然非下手試辦參考贏虧并變通采煉鼓鑄轉運之法其事必不能舉天下事每憚於勞費而創始故臣願以粵省創之茲擬并用內地銅鉛搭鑄並行其式樣配料輕重一切相同用以較其精粗核其恩耗粵省一面試辦一面與雲貴督撫臣者核銅鉛價腳由兩省自行講求開采鎔煉之法如半年以後核計粵鑄無虧則滇黔就近開鑄節省必多查貴州威甯州一帶爲產鉛之所亦兼出銅黔省近年卽於該州設局鼓鑄以取利便惟山路阻遠機器難至若黔鉛運道尚由威甯陸運十站至永甯縣水運三站至四川瀘州委員於此設局轉運滇產雲南東川府與威甯鄰境滇銅運道亦由威甯東下瀘州亦於瀘州設局轉運是四川瀘州實爲滇黔銅鉛會集之所而去該兩省又甚近瀘州瀘江富庶商賈輻輳爲川南綱轍之區若由川滇黔三省合力集貲購置機器二副溯江至瀘建一大廠滇銅黔鉛并四川本省之銅俱就此局鑄造三省自行籌商酌劑每年各鑄錢若干緡計兩副機器歲可出錢一百八十萬緡浮江而下達於沿海上供神京旁濟吳楚制錢暢通而滇黔已受無窮之益矣如此則鑄商鼓舞開采日甚價值漸減鎔煉漸精卽專用內地銅鉛鼓鑄不至虧折廣東及他省所需更無須取給外洋庶爲經久之道行之大效并司於漢口設機鑄

造以期四達旁流以京師及各直省之銀易川滇黔三省之錢自相灌釁大利仍在中國似於京外民用邊
餉邊民均有裨益但目前鑄錢兼用中外銅鉛虧折過鉅力有不支惟有搭鑄銀元或有餘息藉資彌補庶
免以虧耗牽掣致阻圖法其試鑄銀元辦法另片詳陳至此項購器造廠之費需銀三十餘萬兩粵省庫款
支絀無可撥動現經與弛禁商人酌議令其代向富商挪借此數應用將來陸續由外籌還不動正款俟機
器到粵開鑄三個月後當將各項工費商民行用確實情形詳晰奏聞據該藩司高崇基具詳前來除現已
電致出使大臣劉瑞芬立約購運飭縣委員購地建廠外理合恭摺奏陳伏祈 聖鑒訓示 強宮保欽書

直隸總督李鴻章奏竊臣於光緒十三年正月欽奉 該旨規復制錢著生購機器一分就天津機器局趕
緊鼓鑄備用等因欽此遵飭機器局員前福建藩司沈保靖等定購英國格林活鐵廠造錢機器於本年開
河後運到天津業將籌辦情形及價腳等項於上年四月本年三月兩次奏報並聲明西洋機器造法與中
國模鑄不同其自鎔銅捲片以至成胚鑿孔印字光胚挨次相連非多建廠庫不敷分設專體極為繁重工
本恐多虧折應俟開鑄後核明實需銅鉛各項工本若干再行專案奏辦等因均蒙 聖鑒在案臣督飭沈
保靖等於機器運到後卽置設局內按照尺寸修築廠房添配石座並造鍋爐輪軸車牀各項除零星工程
及燒銅爐捲銅滾軸須隨時添修外其餘均已就緒當於秋初開輪試造查閱造成制錢字號輪廓均尚清
楚惟機器時有損壞極費工力緣西洋造錢係屬平面中無方孔壓成較易今以西洋機器造中國錢式須
另添打眼挺桿由錢模正中穿透始能撞出錢孔地位殊窄撞力過大挺桿上下與錢模互相磨觸最易傷
損每日每座機器模撞修換數次及十餘次不等人工既費成數亦少又土鑄係用生銅鎔灌工料簡易僅

用銅五成四鉛四成六機器則須銅七成方受壓力鉛只三成且必先化成六分厚銅板再用捲銅斤機器
燒捲十數次使其質性純熟減至不及半分厚之銅片始能壓造成錢其銅片成錢者只六成下餘四成廢
邊又須加費鎔捲再造僅捲銅片一項工料每造錢千文應合銀四錢一分零加以他項工料爲費甚夥原
訂此分機器日長時每日成錢二百四十串今因機器時須修理約計每日成錢二百串臣與沈保靖等遂
款據節科算雖銅鉛市價現在增昂日後冀可稍減而捲銅等項工料實難過省每年成錢七萬二千串共
需工料銀十萬七千四百餘兩按制錢一千五百文台銀一兩每造制錢一千約需工本制錢二千二百三
十七文七釐虧折未免過鉅直隸貧瘠素著並無閒款可籌非比廣東另有捐項彌補卽須全數作正開支
計每年機器造成之錢直銀不足五萬兩而工本則需十萬七千餘兩賠貼銀至五六萬兩之多值此庫儲
極艱必應通盤籌算可省則省現用土法鼓鑄計每鑄制錢一千文不過賠貼三百文左右較機器省至數
倍其錢樣亦頗光潔似不如專就土法以節糜費夫西洋機器專以製造金銀錢內可夾用銅鉛質料旣省
工力易速價値較昂故甚合算中國以改鑄制錢每錢一文所值幾何而爲費太鉅應懇恩暫行停辦前
項已購機器仍可留局設法改作別用吟將機器造成錢樣及土鑄錢樣咨送戶部查核外理合開具機器
試造各項工本細數清單恭呈 御覽 李文忠奏 諭

錢幣二

錢法改鑄大錢

乾隆四十五年諭伊犁鼓鑄清錢回部則沿用普爾原以順俗從宜各因其便如果葉爾羌喀什噶爾二城庫貯普爾壅積一時難以疏通何妨暫行停鑄將年鑄銅斤解送伊犁俾該處多鑄以期流通乃申保轉欲使伊犁等處亦從回俗改用普爾無論一以當十多員懸殊兵民未便且亦不成事體申保於此事並未通盤籌畫而徒張皇其詞以圖見長殊屬非是申保著傳旨申飭 聖訓

道光二十四年諭軍機大臣等前因回疆所用當五當十錢文行使便利降旨令富呢揚阿等體察陝西甘肅情形倣照鑄行茲據該督奏稱普爾錢一項惟南路八城通行北至吐魯番東至哈密卽不能行其吐魯番所產棉花亦不能以普爾錢收買民間不能施行在官卽難搭放等語回疆普爾錢文藉可疏通闡法惟欲自外而內必須漸推漸近著布彥泰達洪阿體察南北兩路各城情形能否一律行使確加訪覈據實具奏轉奏普爾錢係淨紅銅鑄造倣鑄反增工費其帶至東北各城每個止作一文之用不能當五當十批候旨行 聖訓
陝西巡撫李星沅奏稱臣承准軍機大臣字寄道光二十四年正月初九日奉 上諭回疆所用當五當十普爾錢文行使多年頗稱便利因馬陝西甘肅二省相距非遠地方情形大略相同當可仿照鑄行疏通闡法著富呢揚阿李星沅體察情形妥議章程具奏總期利用便民流通無滯礙以事屬創始稍存畏難之見率以格礙難行一奏了事將此各諭令知之欵此遵卽恭錄移咨督臣富呢揚阿函商定議一面督飭司道

先就陝西情形詳加體察經臣附片奏明在案伏查回疆南八城自乾隆年間在阿克蘇地方開採銅礦設局鼓鑄錢文搭放兵餉始定以一當五之制其先本無民戶亦無內地制錢也道光八年復增鑄當十錢按銀一兩折錢一百十文至今與當五錢相間行用惟至喀喇沙爾迪界之吐魯番而止自吐魯番以及哈密烏魯木齊巴里坤古城伊犁等處皆遵內地錢法向不用普爾錢伊犁間有紅錢亦係該夷另式與普爾錢不類計陝西省城距不行普爾錢之吐魯番五千四百六十餘里距行使普爾錢之喀喇沙爾六千一百七十餘里地方既不相近情形即不相同錢法守之官吏而行之市廳陝省懋遷有無貨販四達如甘省新疆各路熙來攘往實繁有徒概以制錢交易絕無輕重機雜有自回疆攜歸普爾錢者或遂傳爲珍異惹商民所不習見也今若以不習見之錢遠令陝省試行而回疆較近之區未先行使則疏銷易窒而推廣易窮商民狃於故常其信從必不堅其流轉必不速雖肫切開導明立章程究恐陽奉陰違終無實濟再四籌畫創始更難茲據甘肅議以先將去路能否疏通詳加考訂誠使由外而內不難由關而關庶幾一氣呵成事無格礙業經督臣奏請飭下新疆各城將軍都統參贊大臣等一律體察如果口外均能行使則口內亦可謹行甘省向無錢局自應由寶陝局定額鼓鑄臣現將鑄錢式樣工本多寡斂散機宜督同司道從容悉心酌核以期勉副聖主利用便民之至意所有遵旨體察情形理合據實覆奏伏乞皇上聖鑒訓示經世文獻編

王慶雲擬鑄大錢說帖今日之銀少矣非獨銀少錢亦少也國家歲歲鑄錢積至於今日宜乎山不能藏海不能納矣然使一月停爐則局支立匱况廠峒之告疲銅運之不繼其勢岌岌迫不及待此猶可蹈

常與故而不思變計哉今欲不添銅不加卯使局錢變少爲多莫若酌提卯銅配鑄本直相當之大錢爲易行而無弊自銀價昂貴今之制錢蓋工本二而鑄錢一局中鑄一串之錢卽糜一串之帑歲常以數十萬金置之無用之地此何爲者誠使以制錢五文工本鑄當五大錢以十文工本鑄當十大錢是一而鑄一也雖制錢民間行用固不可廢要不妨與大錢配鑄配行局中減鑄制錢一串明省一串之虧折此人所共知至配鑄大錢一串隱留一串之盈餘人或未必知卽知之又慮其不能行是在當事者實力講求所以行之之術而已凡作事謀始未計其利先防其弊前此議加鑄者必曰收銅收之不至則議禁銅而銅卒不可禁其請鑄大錢者又欲以數兩之幣當百當十名實乖違公私欺罔利未一而弊已百今但減制錢鑄大錢銅斤取諸加額經費不必別鑄也一枚工本與一枚價直相當私鑄無利又不禁自止矣且價與工本相當昔之糜費一倍者固已節省其半矣從來貨幣之所以不行每由上專其利而下不能流通如前明造鈔而禁民用金銀究之鈔日以輕金銀日以重無他上之所行非其所令也今欲兼行大錢不患不能搭放而患不能搭收官不收而使民用之其廢格不行可立而待故其始必收放相權立爲規制及乎鑄漸多用亦漸廣利權操於上而民用便於下異日之大錢卽今日之制錢流布轉移有不必遠期其效者惟是鑄造之法必精收放之令必信設誠致行存乎其人今謹條四事一曰錢制以今日鑄制錢之工與料鑄大錢則不如其不鑄何也其鑄不利用其脆不久存也故大錢必選高銅或加煎煉勿雜黑鉛砂錫十分其劑以康熙二十三年所定銅六鉛四爲準或近年銅色不高則照國初以銅七鉛三配鑄並見通考其色其質務於順治康熙一錢四分重之錢相等至於銅價鉛價工料局費四項通謂之

錢本凡當五當十必計錢本與錢直名實相副不妨多費分毫斷不可吝惜鑄銖以生奸僞考前明洪武時鑄當十至當一錢五種今略仿其法而不用當三當二者從簡便也輪廓勿太寬以免剪邊之弊一曰錢工銅質雖淨鑄治不精示人以模則易於僞爲而行之不遠案康熙間鑄造黃錢其工有八曰看火翻砂刷灰雜作剉邊滾邊磨錢洗眼治之各以其序而務極其精自改鑄青錢漸至驟雜惜工省費日就苟且今以鑄制錢五文之工食鑄治當五者一文可期磨洗勻淨積至當十工費加多枚數加少自能精益求精至於爐匠工作侵盜固所宜禁鑄率亦所必懲工食務足贍其身家不使刻扣絲毫致顯然有疾視之意庶開法日久而常新一曰搭放凡大錢用抵制錢與銀搭放則可徑以大錢抵銀搭放則不可蓋銀價長落無常錢質一成不易也今部庫搭放以制錢一千準銀一兩宜仍其舊惟先就制錢中配放大錢二成如搭放一串以制錢八百當十大錢二十或制錢八百當五大錢四十量配放之數爲配鑄之數或分爐或分卯必度其宜大抵配放之始宜少不宜多少則易散亦易斂斂散易則流通疾流通疾則錢見重錢見重則存於民者必多而官無朽貢之虧疾爲斂之正所以廣爲散之此善取不奪之道也一曰搭收或由鹽課或由關稅此當俟諸興日而必自戶部常捐及雜項倡之然後法立而人不疑凡搭放亦以二成爲準不足乃以銀民知官之樂爲收也必爭儲以待用其事猶有不行者乎至於變通不倦茲釋鑄神則必使上與下公其利莫若以當五之三百六十文與當十之一百八十文直制錢一千八百鄙許準銀一兩交納或曰今銀價每兩二千如是則便於民不便於官然自官計之當時銀一兩鑄錢一串又以錢一串抵銀一兩名焉搭放實無盈餘今以銀一兩鑄大錢其直兩串準直搭放是一兩之銀

獲二兩之用也卽以一千八百搭放一串之外尙有八百之餘也何必取盈於二千之數哉且使民間得大錢常有什一之利商賈通行民用便利以視制錢必有倍加寶貴者小利在民卽大利在國慎勿藉口於難行哉或曰如前所謂搭放之數既取諸按卯之配鑄而足矣若使源源搭收大錢不壅於官乎然此爲民間不行用貢之耳民之所棄而官收之其壅固宜誠使鑄爲大錢質既厚重工復精純領之官而有什一之利納之官而無折閱之慮不壅不腐可藏可沽輕齎便捷之便免短陌機和之患其爲流通利用無可疑者夫一室儲錢百則萬家有百萬之藏京師百萬戶可使萬萬大錢流通於下若乃物則質雜而工彌法則朝行而夕改小有退塞不讓停放輒議停收出納不平掊克貽誤一朝沮格歸咎於立法之人平心論之此人不行法之過邪抑法不可行之過邪再考本朝錢法順治初每文重一錢七文準銀一分後更鑄重一錢二分以新錢七文準銀一分舊錢十四文準銀一分是新錢一當二也十年行一釐錢十文準銀一分十四年更鑄重一錢四分新錢一亦當舊錢二康熙二十三年復爲一錢四十一年仍爲一錢四分舊錢十當新錢七輕重相權實國家之故事而非創自今日至於收納職掌之所官役勸懲之法面稱文字之式在當事者計論故實熟思審計取自上裁非下走之所敢議也戊申十一月江翊雲給諫上請鑄大錢疏竊意其法可行惟所請徑以大錢抵銀搭放爲思之未熟事下樞府友人屬爲說帖因氣取汪衡南京兆以二千搭放以一千八百搭收之議卒成四條會事寢未上其年十二月五城禁市肆私錢短陌不數日銀價每兩由二千驟減至一千四五百文時民間方倚錢度歲典物者質庫不肯納一時譖然卒弛禁而銀復昂然則今日錢價之賤由局錢不精奸僞濶雜是篇所言銀少錢亦少者

非意之也

石渠餘紀

咸豐二年四川學政何紹基奏請鑄用大錢以復古敘時並禁止民用銅器得旨所奏不爲無見然小錢大錢制雖異用實同見鑄小錢銅尚不足何況大錢乎汝知一未知二也至器用多銅原干例禁本年曾經降旨況古制亦非盡善舉一事必欲復古試問井田封建尚可復乎此摺著戶部存記若有可行時不妨採擇入奏

聖訓

三年諭內閣王懿德奏請添設鑄座兼鑄大錢一摺見在京師戶工兩局添鑄當十大錢與制錢搭放行用甚爲便利業據戶部奏明通行各省照式增鑄大錢酌擬章程試辦茲據王懿德奏請於福建寶福局添設兩鑪試鑄當十當五十當百大錢其原設鑄座仍按卯鼓鑄制錢與大錢相輔而行並將大錢式樣進呈著卽照所議辦理其銅斤分數如何配製各省收放款項如何通行利用之處著戶部妥議章程具奏

聖訓

又諭內閣前因巡防王大臣等奏請推廣鑄造大錢當交戶部議奏茲據該部咨照王大臣等所議當千大錢以重二兩爲率以次酌量遞減期於輕重相權便民利用著卽照部議所有當千當五百大錢均用淨銅鑄造務使磨鑄精工色澤光潤當百當五十當十當五大錢亦須配鑄精良一律完整與制錢相輔而行俾民間咸知責便於行用係製造稍有粗率偷減著錢法堂侍郎卽將鑄匠人等嚴行究辦該管監督大使各官一併嚴參並著該部通行各省督撫均照此次所定分兩一體鑄造以歸畫一其民間應納稅課錢文等項均照部議准以大錢交納其應交銀者並准其按照制錢兩串折銀一兩之數抵交繩期上下相信出入均平如有私鑄及奸商居奇阻撓者均按例治以應得之罪

聖訓

戶部侍郎王茂蔭奏竊查本年三月戶部奏鑄大錢請定當十當五十二種自六月始按成搭放本月十四日巡防王大臣奏請推廣鑄造大錢奉硃批所奏是戶部速議具奏欽此臣蒙聖恩擢任戶部右侍郎兼管錢法堂事務職司尤重自當隨在部諸臣悉心推崇以期利用何容獨有異議顧臣竊慮此法之難行且慮行之稍窒或併所已行者而亦致不行有不敢不將利弊源流備行陳奏再請聖裁者臣惟自來圖法總以不惜工本為不易之常經偶鑄大錢計圖節省由漢迄明興者萬數十矣而不久即廢從未有能行者現行大錢頗見便利蓋人情喜新歷代初行亦皆如此非今法獨異也然閏當五十之錢市人已多私議奸人已多私鑄第爲時未久尚未見大阻格耳今王大臣奏請添鑄當百當五百當千三種而當千但以重二兩爲率其餘以次遞減爲裕籌經費起見誠爲至計此法果行豈非大利顧臣考歷代錢法種類過繁市肆必擾折當過重屢罷尤速前戶部請鑄大錢時亦稱歷代之行而輒罷皆由折當太重分量過於懸殊故止鑄當十當五十兩種而猶聲明以後照式一律不准稍有偷減誠有監於前失而戒之也方深戒之何遠犯之若當于之錢重二兩非所謂折當太重分量過懸殊耶論者謂折當太重謂其嫌於虛耳大錢雖虛視鈔票則較實壹鈔可行而大錢轉不行不知鈔法以實運虛雖虛可實大錢以虛作實似實而虛故自來行鈔可數十年而大錢無能數年者此其明徵也論者又謂國家定制當百則百當千則千誰敢有違是誠然矣然官能定錢之值而不能限物之值錢當千民不敢以爲百物值百民不難以爲千自來大錢之廢多由私鑄繁興物價湧貴斗米有至七千時此又其明徵也宋御史沈晦之言曰自爲當十之謫召禍起奸游手之徒一朝鼓鑄無故而有數倍之息雖日斬之其勢不可遏也學士張方平之議曰用大錢致奸人盜鑄

其用日輕比年以來皆虛高物估增值於下取價於上雖有折當之虛名乃權虧損之寶害又其顯者大觀
鑄錢自蔡京而其子蔡絛作國史補敘其始之得恩而流通鑄之盜鑄而多弊終之改當而折閱事皆親見
言尤獨詳夫聰明材力古人遠勝今人作奸犯科今人又遠勝古人古既不行而欲行於今臣寶不勝過慮
願使當于當百雖不行而當十當五十猶可行似不妨於一試而臣又慮其不能也信爲國之寶現行大錢
鈔票皆屬權宜之計全在持之以信守而不改庶幾可冀數年之利今大錢分兩式標甫經奏定頒行各省
大張曉諭刊刻成書未及數月全行變更當五十者較向所見而忽大輕當一百者較向之五十而猶見輕
且當五百當千紛見錯出民情必深惶惑市肆必形紛擾而一切皆不敢信行錢爲人人日用所必需裕
國便民所關甚重萬一如臣所慮誠恐貽悔或謂銅斤短絀若不及時變通則明年必至停鑄此又豈細故
耶顧變通欲其能行不行則亦與不鑄等乾隆以前銅初不取諸演鼓鑄所資有國初之成法在逆賊一
平不患無銅若賊不平銅不能運則雖儘現在之銅熟鑄當千似亦無濟所可慮者固不止停鑄一事也現
在言大錢者甚多如御史蔣達之奏第計行之利未計不行之弊臣自爲司員時竊嘗於此考之伏願皇上
上堅持一信永保勿渝實爲幸甚臣性既拘迂識尤淺陋惟受恩深重但有所見不敢不言爲此備陳利
弊伏乞聖鑒訓示

諭曰巡防王大臣會同戶部密議具奏蓋大錢之暢行與否全視在上之信與不信果能設法豫籌爲經久之
計不先自壞成法斷無陽關之理據該侍郎所奏作奸犯科今人甚於古人足徵今日非昔時可比況經營之
巧今人亦甚於古人現今大錢初行卽過慮後時難爲謀國久裕之計獨不計及朝堂樂譖小民便增疑也但

伊亦老成之見王等不可先存成見秉公定議

聖訓

四年諭內閣惠親王恭親王奕訢親王銜定郡王載銓奏試鑄鐵錢有效請旨辦理一摺見在戶工二局所鑄大錢業已暢行更得鐵錢相輔國用民生當可益臻饒裕著惠親王等悉心詳定章程添鑄鼓鑄總期與民用銅錢並行不滯所擬設廠安鑪各款均照所議辦理 東華續錄

又 諭王慶雲奏陝局鼓鑄大錢進呈錢樣一摺陝西省局鼓鑄當十至當千各種大錢既已漸次流通商民便於行用著卽照所議辦理其南山一帶銅鉛等礦並准民間開採惟不得招集外來游民致令奸宄滋迹著王慶雲妥定章程督飭所屬認真稽察以裕鼓鑄而杜流弊 東華續錄

又 諭軍機大臣等慶錫奏遵議設局鑄造大錢章程各摺片所請先鑄當百當五十當十大錢以期暢行著卽先行鼓鑄其錢背應鑄局名卽查照舊例用清文寶鏹二字至五字百字毋庸添寫人旁以歸畫一其餘各條均著照所議辦理該總兵卽督率委員招匠試鑄以備搭放兵餉之需儻因銅斤支絀或成本過重未能獲益卽著停鑄如果大錢流通無滯所有部頒鈔票卽行暫存官局另爲設法變通著慶錫隨時體察情形奏明辦理將此諭令知之 東華續錄

又 諭軍機大臣等御史伍輔祥奏錢法新定章程請飭速爲曉諭以期疏通一摺京師糧食最關緊要據該御史奏稱近因京外各處販賣糧食來京者不肯使用大錢致外來糧食日少糧店紛紛歇業至銀市以錢買銀大錢制錢價值懸殊且天津通州等處私鑄甚多潛運入京以致大錢愈賤各等語前經疊降諭旨停鑄當千當五百大錢其當百以下大錢飭令通行已由戶步軍統領衙門順天府五城出示曉諭京城內外單已

遵行收使惟京外順天直隸所屬地方尙未能一律周知鄉民販賣糧食來京者恐仍不免疑慮以致京師糧店不能以大錢收買糧價日昂於錢法仍有窒礙著賈楨李鈞桂良飭令所屬將前奉諭旨於城鄉等處徧行曉示並諭以見鑄當百當五十當十當五各項大錢於便民裕國之計實屬權衡至當行之永久決無變更俾小民知當百以下大錢可以久遠存儲自必爭相通用遠近通行如糧市經紀有把持阻撓等弊卽著嚴飭懋辦務使京師糧食無昂貴之慮而大錢亦無壅滯其銀市以錢易銀亦著嚴飭經紀大錢與制錢均勻配搭毋許稍分輕重任意折抵庶錢價平而百物之價俱平至私鑄罪名業經加重仍恐差役等有得錢賣放之弊著順天府兼尹府尹直隸總督飭令所屬於私鑄大錢人犯務應嚴密查拏毋任漏網天津通州等處私鑄甚多並著嚴飭各屬認真查拏按律懲辦如有奉行不力者卽據實嚴參毋許徇隱 聖訓

又 諭軍機大臣等前因翰林院侍講清安奏大錢未能暢行諭令步軍統領衙門順天府五城妥籌辦理本日據周祖培奏大錢壅滯之故由於使用私錢者未奉明禁以致官錢任意折算奸商官私並用壟斷出入故小民疾苦日甚請於關寧私鑄私販人犯外明定章程禁絕使用私錢以杜銷售之路各部院及旗營給發公費兵餉均有蠹吏奸役私行抵換官錢等弊尤爲官私混雜之害並請嗣拏究辦各等語著步軍統領衙門順天府五城按照所奏悉心妥謗奏明辦理並嚴拏私鑄私販不得任其肆行無忌阻撓圖法原摺著鈔給閱看將此諭令知之

聖訓

又 諭內閣戶部等衙門奏遵議通政使李道生條陳錢法一摺戶工等局鼓鑄當百當五十等項大錢子母相權便民利用近因奸商阻撓以致大錢不能流通業經刑部定擬罪名由各該衙門勦切曉諭俾共知此項

當百以下大錢永遠通行決無更改愚民不妄生疑慮奸商亦不敢任意阻撓以身試法其私鑄大錢人犯
仍著步軍統領衙門順天府五城一體嚴拏照新定章程治罪

聖訓

又 諭軍機大臣等前因銅斤短絀改鑄各項大錢與制錢相輔而行並諭令鋪戶軍民人等出入交易均須
大錢制錢均勻搭配原期利用便民通行無滯慶惠文瑞等設局鼓鑄本係專鑄當百以下大錢惟見在民間
行使大錢漸形壅滯該局如能兼造制錢於錢法更有裨益著慶惠等體察情形悉心籌畫將該局能否兼鑄
制錢若干之處速行覆奏將此諭令知之

東華續錄

又 諭軍機大臣等昨因大錢行使漸形壅滯已諭令慶惠等體察情形悉心籌畫矣茲據戶部奏稱見在大
錢倍形壅滯若以戶工兩局所鑄制錢配搭慶惠等所鑄大錢不但數目多寡不敵轉致戶工兩局所鑄大錢
壅滯不行請飭慶惠等自八月起倣照戶工兩局章程按成配造以十成計算鑄當百大錢二成當五十大錢
二成其餘六成鑄當十當五並制錢以便民用等語如此變通辦理當於錢法有裨著慶惠等妥籌辦理並著
速行具奏原片鈔給閱看將此諭令知之

東華續錄

諭內閣前因大錢行使壅滯諭令慶惠文瑞仿照戶工兩局章程分成配鑄制錢以便民用茲據奏稱制錢一
項因銅斤短絀僅能專用鉛鑄等語見在戶工兩局於按成鑄造大錢以外加鑄鉛質制錢與各項大錢相輔
而行已足以資周轉慶惠等因銅斤不敷未能添鑄制錢自係實情其鉛錢一項既有戶工兩局鼓鑄所有慶
惠等見設錢局著卽停止將以前捐輸銅斤及鑄錢數目一併移交戶部該部於寶泉局或議添鑄或議加卯
及工匠人等分別去留酌量辦理嗣後捐輸銅斤亦交該部收捐以歸畫一至慶惠等設局以來承辦各員署

有微勞著擇其尤爲出力者與捐銅人員一併駁寶請獎毋許冒濫

聖訓

戶部侍郎王茂陸奏竊臣於上年十一月因部議巡防王大臣推廣大錢會上大錢利弊一摺未奉 諭旨
今於本日恭進各大錢式樣臣職管錢法惟當力求鑄造精工期能行以仰副 聖意何容更有所言顧臣
於此事夙夜籌思實覺難行有不敢不再瀆陳者今行當百以上三種大錢與原行當五十大錢分兩式樣
無甚可辨若特字爲辨則此何以貴彼何以賤愚民莫解恐致舊亂此其一難錢本以便零用今一錢而當
五百當千竊恐以易市物難以分析以易制錢莫與兌換此其二難大錢雖准交官項然現在准以五成搭
交者有官票有寶鈔再加大錢何能並搭此其三難然此猶其小也最大之患莫如私鑄論者以爲私鑄正
可增官鑄之用可以無患不知官錢以當千發之以當千收之故可無虧若奸人以四兩之銅鑄兩大錢卽
抵交一兩官銀其虧國將有不可勝計者舊行制錢每千重百二十兩鎔之可以得六十兩以鑄當千可抵
三十千之用設奸人日銷以鑄大錢則民間將無制錢可用其病民又有不可勝言者卽此一弊已無法杜
無論其他今論者或知難行又謂姑先少鑄以試之試之而不行再停非晚臣以爲他事可試茲事不可試
蓋事之本未有得者試而不行亦無所失事之已有所得者試而不行將並所得而失之臣固非徒爲難行
之大錢虛寶爲已行之大錢應也方今鑄銅維艱買銅不易幸得當十當五十之錢暫能行用月既省銅數
萬斤又多輕錢數萬串於經濟不無小補設更動之後稍有阻格一樣不行各樣皆廢挽回無術悔將何追
臣思推廣大錢原欲於利用之中更爲節省之計方今官票寶鈔其省遠過大錢其利亦遠過大錢有一能
行利已無盡大錢之歸似可以已若必不得已則惟一法請於當百以上者加銀點以示貴重當千者十

點當五百者五點當百者一點每點缺銀不過二二分而可使辨別較易造偽較難再請將戶局當十當五十兩種亦照工局之制原重一兩八錢者減爲一兩五錢原重六錢者減爲五錢使戶局工局分兩均歸一律新錢舊錢式樣無甚懸殊市肆行用不致齷亂而戶局銅斤已曉省數萬斤不爲無益卽將來當百以上大錢或有不行而此當十當五十者規模如故制度仍然亦尚可行庶幾有得無失錢爲人生日用所必需法不宜於輕動臣非固執已見妄肆阻撓實因籌思已久不勝過慮爲此再行瀆奏愚昧之見伏乞 皇上

聖訓示經世文續編

五年諭內閣惠親王恭親王奕訢奏錢法亟宜整頓酌擬章程五條呈覽一摺戶工兩局並鐵錢局鼓鑄當十大錢凡官收民用均應恪遵功令一律行使近以私錢過多人懷疑畏銀市奸商並敢將大錢與制錢各定價值任意軒輊兵餉民倉攸關自應亟籌整頓著照惠親王等所請嗣後順天直隸山東山西等省徵收地丁錢糧凡零星小戶及銀鈔尾零完納錢文者俱准呈交銅鐵當十大錢並鉛鐵制錢如官吏書差勒索挑剔不肯收納准該民人控告究辦其餘較遠省分以次遞推遵照辦理其民間買賣交易儻敢聽信奸商把持任意阻撓初犯者枷號示衆再犯者發極邊煙瘴充軍遇赦不赦其有故意刁難致大錢買物之價昂於制錢者亦卽照阻撓律治罪至私鑄錢文本干例禁尤宜嚴加懲治嗣後凡私鑄大錢人犯拏獲到官除將該犯按新定律例訊置重典外仍將該犯家產入官並准軍民人等首告誣告者仍反坐所有一切詳細章程卽照所擬著巡防王大臣步軍統領衙門五城出示曉諭並著近京各直省督撫等一體遵行務期家喻户晓遵鑄滯至錢文之鼓鑄間有未善則民間不知寶貴並著戶工兩部錢法堂侍郎督率該監督等將兩局當十大錢加工

鼓鑄務使分兩均齊制作精良以重國法而裕國用

聖訓

又 諭軍機大臣等御史倫惠奏羣役舞弊有礙錢法請飭查禁一摺據稱地方官於民間交納錢糧不收大錢故近京百里外大錢不能行使延慶州等處差役以買草豆煤炭爲名按戶勒派且勒令折價交納至當五當十大錢保安州行使已久惟州署人役每持票向鋪戶勒取制錢運至張家口發賣以致民間疑議等語大錢與制錢相輔而行地方官於民間交納錢糧自應恪遵前旨按成搭收至胥役藉端科派並勒索制錢販賣漁利尤屬大干功令著桂良嚴飭所屬各州縣於民間交納錢糧時務遵前定章程將當五當十大錢按成搭收儻有陽奉陰違不肯收受者卽著嚴行參辦其延慶州保安州懷來縣差役舞弊並著桂良按照該御史所參各情密速拏訪恭法懲治各該州縣等如查有縱容包庇情事並著嚴參懲處毋稍姑息原摺著鈔給閱看將此諭令知之 東華續錄

六年諭內閣戶部奏搭用制錢成數並籌辦章程一摺制錢大錢相輔而行豈容任意低昂近日大錢漸見流通而各錢鋪開發錢票並不搭用制錢以致民間零星日用諸多窒礙自應亟籌變通以期盡利嗣後京城各官號開放兵餉及開發寶鈔凡兵民到鋪取錢每京錢一串均著搭用制錢十分之一其民間錢鋪開發錢票並著步軍統領衙門順天府五城出示曉諭一體遵照不得專用大錢儻有奸商不遵搭放制錢之數及將制錢收買出京漁利並擡價售賣者卽著各衙門嚴拏懲辦其錢數不及京錢一吊者或用大錢或用制錢悉聽良便至頭撓大錢前經定有罪名仍著各該地方官實力訪查以重國法而利民用

聖訓

七年諭內閣京師鼓鑄大錢銅鐵並重前經惠親王等酌擬章程嚴定阻撓罪名嗣後諭令崇文門稅局戶部

捐局一體搭收原期上下周轉永爲寶貴乃聞近日市間漸不行使鐵錢以致物價日昂鋪戶間有歇業此必有奸民造言煽惑任意軒輊暗中把持半利於軍餉民食大有關繫著步軍統領衙門順天府五城剴切曉諭鑣商民人等敢於阻撓一經查拏卽照前旨初犯者枷號示衆再犯者發極邊煙瘴充軍遇赦不赦以儆刁風至私鑄罪名定例綦嚴近來地方官並不認真查拏因有破碎私錢攪和致民間藉端挑剔仍著嚴密查緝照新定章程辦理其京外地方凡官收民用均宜恪遵功令一律行使閏順天直隸各屬尙未暢行總由地方官怠忽因循殊堪痛恨著直隸總督責成藩司認真經理務使中外流通不至阻滯並著順天府嚴飭各屬實力奉行以重關法而便民用毋得視爲具文將此通諭知之 聖訓

御前大臣載垣等會議給事中吳惠元奏籌流通大錢請於長蘆鹽課按三成搭收從之東華續錄

又 諭前因御史保恆奏請疏通大錢並聯順奏請定交納章程暨轉運糧石先後諭令御前大臣軍機大臣會同戶部妥速議奏本日據載垣等會議具奏京師行用銅鐵大錢總由直隸省未能設法疏通以致情形雍滯自應亟籌變通著照所議順天直隸各屬錢糧卽自本年上忙爲始著以寶銀四成寶鈔三成當十銅鐵大錢三成按成搭交其零星小戶應交錢糧不足寶鈔之數者准以大錢抵交所交寶鈔大錢數目按照見定章程辦理一切用項亦照成數搭放該府尹總督迅卽刊刻謄黃徧行曉諭務使民間家喻户晓按章輸納朕聞直隸州縣徵收錢糧或勒捐實銀私換鈔票種種舞弊該上司不能嚴加參劾均堪痛恨嗣後如敢仍前疲玩不收寶鈔大錢勒令交銀或經民間呈控或有人參奏定將該州縣照枉法例從重治罪如該上司徇隱不參著戶部奏請嚴加議處至所請由部派員赴各府會同徵收取結報部存案之處恐有名無實轉滋煩擾卽著

該府尹總督責成該道府等於所屬開徵時嚴密查訪作弊必懲飭有徇庇等情該上司亦無從藉詞諉飾其私鑄大錢罪名前經從重定擬而愚民無知仍多藐玩自應盡法懲治著步軍統領順天府五城暨直隸總督嚴飭所屬督力緝拏如查有私鑄匠徒卽照所議無分首從均於訊明後就地正法以儆刁風甲長鄰居隱瞞不報分別徒流治罪該地方官自行擊獲者於訊辦後由該上司奏請獎敘如被鄰境訪拏卽將該地方官從嚴參處至捐銅局搭收大錢前經戶部議定章程每銀一兩搭收大錢六百文其崇文門左右翼稅銀應如何分成搭收當十大錢之處著該鹽督等迅速酌覈具奏官民錢鋪如有囤積制錢收買私鑄者著步軍統領順天府五城一體查拏嚴辦似此詳加整頓大錢既可流通卽糧價自然平減所有鄉間米石仍著該府尹等飭令各屬曉諭務使照常販運公平糴賂以濟民食 壽訓

又 諭軍機大臣等諱廷襄交酌擬推行大錢及設局加鑄鐵錢一摺直隸行使大錢雖稱二成搭放民間竟有以制錢九百二十文作錢一千者致大錢日形壅滯該署督奏稱如果各州縣駁實通搭二成大錢自必日見流通所見諒有把擋卽著照所擬試辦各屬如有陽奉陰違者著卽督同司道等官嚴行糾察毋許稍有歧異參差之弊至徵收錢糧民間如一時無從購買大錢勢不能不准其暫以制錢抵交方免抑勒病民該署督摺內所稱設局經理鈔票開鑄鼓鑄錢文並片內所稱搭收錢文按月用印票呈報備查之處均著照所擬妥爲籌辦總期實力奉行不至有名無實將此諭令知之○又 諭御前大臣軍機大臣等今日引見後著御前大臣軍機大臣會同諱廷襄安議流通大錢暨鐵制錢辦法並將將來設石室礎之處作何補救之方一併議及庶免京外情形有所隔膜惟不必另立章程徒涉紛更總期潛移默運益民生而裕經費尋御前大臣載垣

等奏疏通大錢並搭收錢糧應先由直隸酌定章程再由戶部駁計方能中外相符不至隔膜應請自本年下忙爲始直隸徵收錢糧悉照銀七票三辦理其大錢三成卽納在鈔票三成之內交票交錢悉聽其便仍於各府設立鈔局准以鈔票與大錢互相易換再以大錢分發各行店按二八搭配行使庶鈔票與大錢互通融以爲補救再查鐵錢局及五字各官號捐銅局平糴處共存鐵當十錢五百餘萬串已足數搭配所有鐵錢局尚鑄二成大錢應照見議停鑄其停鑄銅制錢加鑄銅大錢應由戶工兩部酌改卯額分別奏辦總以鐵制錢與銅大錢相輔而行仍以寶鈔運寶於虛以便民利用從之

聖訓

又 諭內閣前因五城御史保恆等奏請疏通大錢一摺萬交戶部駁議貝奏茲據該部駁覆奏戶工兩局鼓鑄當十銅錢與鐵錢局所鑄鐵制錢分成搭放民間轉流通並無窒礙乃近日商賈挑斤大錢竟敢私造名目任意刁難以致貧民持錢入市行使維艱殊於錢法大有闕繫本年五月間經戶部奏定章程於兵餉應領二成見錢全行改放制錢每月輪折粳米旗分又搭放制錢五成各官號開放錢票均按八成當十銅錢二成鐵制錢開放每計制錢散布民間當可足資周轉總因奸商販運出京希圖射利以致市肆尙少制錢流通而各鋪戶於銅大錢多方挑斤亦必有奸商從中煽惑以爲重票輕錢地步國寶流通原以便民利用豈容齊小把持致妨兵民生計著步軍統領五城出示曉諭酌定期限所有民間錢鋪及買賣鋪戶均各遵照官號搭用制錢二成之例一律配搭行用係於所定期限之外有不按成行用者卽著隨時查辦如有將鐵制錢回積或販運出京及將銅大錢任意挑斤者卽著各該衙門嚴拏懲辦以儆刁風而便民用東華續錄

又 諭內閣前因京城鋪戶人等於行使大錢任意挑斤經巡防王大臣等奏定章程嚴行懲辦茲據步軍統

領衙門順天府奏稱該鋪戶人等日久玩生於當十銅錢挑剔日甚兵民生計維艱請飭查辦等語自應申明前定章程俾知警惕嗣後各鋪戶及各項貢賣人等如有不肯行使當十銅錢被首拏獲初犯者枷號一箇月遊示旗營地面再犯者發極邊煙瘴充軍遇赦不赦如被告到官畏法悔過免其治罪誣告者照例反坐其銀市交易不准將制錢大錢分定價值市肆各項貨物均不得任意擡價及囤積不管違者從嚴究辦卽著步軍統領衙門順天府出示明白曉諭儻兵役人等有受賄徇庇或敢於藉端滋擾者均著從嚴懲處此項案件隨到隨辦毋得稍有積壓留難以儆刁風而懲玩泄

聖訓

八年諭吳振棫等奏請停鑄大錢一摺鼓鑄當十大錢與制錢配成搭放原冀省銅而利用滇省兵餉廠本等項既據該督撫體察情形實形壅滯自應隨時變通著准其收回大錢改鑄制錢其請將制錢銅斤酌減之處並照所議辦理另摺奏稱需餉緊急等語除廣東見難籌撥外已諭令四川山陝各督撫趕緊籌解以資接濟矣將此諭令知之

東華續錄

吳廷棟 咨見恭紀丙辰歲黃河潰決大名之開東長被水成災請賑奉 詈派臣廷棟稽查賑務仲冬蒙 恩升授山東藩司時農部以大錢壅滯不行歸咎直省不肯疏通行使奏奉 諭旨飭下直督自明歲上忙為始兼收三成大錢三成鈔票完納錢糧合省皆知勢不能行諸多窒礙因 諭旨嚴切有如不奉行私收實銀以枉法贓論之語督臣不敢上陳懼干阻撓之罪合省人心惶惶迄無補救善策廷棟於丁巳仲春

陞見直督因奉部文疏通六錢之條陳於現行大錢二成奏明准許行使三成臨歧諒屬廷棟面奏情形

廷棟至京二十一日進見

上問賑務及河決情形一一據實陳奏二十二日再進見

上卽問直隸能否

行使大錢對曰直隸市肆前曾出示行使大錢二成今春復推廣行使三成小民謹奉公令原屬行使其實市中買賣價值百文之物因行使大錢二成卽索價百二十文今行使大錢三成卽索價加三成暗中折算除去三成大錢不計臣不敢一言欺飾竊謂此雖名爲行使實不得謂爲流通國家立法必先便於民方可行必失信於民方能行現奉 諭旨直隸自今歲上忙爲始錢糧卽收三成大錢三成鈔票是十成實銀已遞減去六成在百姓似宜歡忻鼓舞急於奉行乃反懷疑觀望隱生顧慮者必有所不便不信也直隸計二百餘萬錢糧若收三成大錢以京錢四串紙銀一兩計收二百餘萬串大錢民間安能驟得如許大錢將來私鑄必由此充斥恐誅之不可勝誅如不收私鑄則可指爲阻擋或折收制錢又于枉法姦民得以挾制其上矣倘謂既收大錢如部文所言京中必有商販自然疏運將大錢由京運直竊謂商販所圖者利耳今以十文制錢買一當十大錢運至直省仍賣十文制錢初無利息空增運費川資謂自多興販必無是理設有興販定是私鑄而影射官錢其弊何可勝言至各處所收大錢運交藩庫其運費又將何出臣駐開州以一州而論應收錢糧將及八萬以三成大錢而計合二萬四千兩以四串京錢抵銀一兩合九萬六千串每車運大錢六百串計車一百六十輛至省十一站每車四串一站計一車四十四串共需七千串有零此費取之民則爲浮收出自官必無力賠墊況由藩庫支放又需車費此亦窒礙難行之一端矣官民之情如此上忙錢糧恐難照常輸將直隸乃畿輔重地畿輔安靜足以拱衛京師前此所收銀七票三支放則銀票各半藩庫多此二成寶銀方足以供周轉卽去歲大賑及今春展賑計用寶銀十九萬有零皆賴此二成寶銀撥發否則豈能鈔票大錢分給災民乎今年黃河決口未塞直隸水災必重若議賑卽費將何出又 東西

陵差借資民力必先由藩庫墊發方不至緩不及事倘無款可撥必將預取於民操切太急恐抗糧抗差別滋事端必所不免外省情形各有不同在因地制宜酌量辦理督撫大臣受恩深重當此經費支絀之時如大錢可以疏通豈肯不盡心籌畫臣非謂大錢必不可行似宜以大錢爲母以制錢爲子必子母相權而子多於母方可漸次通行尤必禁令畫一不致朝更暮改庶足取信於民 上始而靜聽繼則連聲相應曰據此無論官運商運仍是不行對曰若能行自然流通不待販運情事實是如此臣不敢一毫欺飾各處行使大錢城內行使城外卽不能行使如何得謂流通今市中但見大錢不見制錢小民實是不便窮民日用零星之物僅值數文卽物價亦必有奇零市上只有當十大錢並無當一制錢豈非不便今百物騰踊實由於此蓋官以一錢爲當十民以當十爲一錢欲救此弊只有添鑄鐵制錢停鑄大錢以平其勢 國家用鈔票大錢原爲每月搭放兵餉起見惟多搭幾成制錢放散則多一成制錢自能平一成物價今戶工兩部不肯多鑄制錢臣曾訪問其故據云工本太費須兩文錢鑄一文似是物料工價底本太貴臣在直隸見寶局所鑄鐵制錢雖無大盈餘不致如是之費 國家錢法惟無餘利則私鑄不禁而自患其利權可操之自上今市上不見制錢非是無制錢乃是市儈居奇銀一兩換大錢八串換制錢四串 朝廷多方疏阻大錢立法卽增一等皆爲市商所假借以遂其操縱伸縮之計愈欲重大錢而大錢愈輕實由科條太多朝更夕改民無適從之故 國家先不自信何能取信於民前聞順天府出示不准挑剔大錢豪徒因故持破爛大錢買物有不收者卽勾通差役以阻撓大錢向其訛詐順天府查知前示生弊又出示准挑剔破爛大錢不用遂有借挑剔而不收大錢者民間遂訛傳不行使鐵大錢而鑄大錢竟廢而不用此禁令不一之一端

也現在市上並不見有當十鐵大錢則民間不用可知乃戶工二部猶日鑄鐵大錢何也 國家設法疏通
報捐則收鐵大錢二成今方平耀又全收鐵大錢將來大錢盡歸於官只有搭放兵餉一途兵持鐵大錢無
處使用貧民小貿所得鐵大錢亦成棄物是兵民交困矣且御史條陳各持一說固有目擊時艱爲民生起
見者恐或因 皇上意在疏通大錢揣摩迎合附和進言議論紛然徒足惑人聽聞亦所不免若因之多立
章程流弊愈甚卽如銀票鈔票本係一例頒行乃無端自分輕重欲廢銀票而專用鈔票又准以銀票而換
鈔票無怪銀票日輕也 問曰直省物價已騰貴否對曰收三成大錢之時黃初張物價實已漸長直省錢
糧舊章似未可輕改或於三成銀票內有願交大錢者當聽其便其零星小戶銀不成兩者亦聽交大錢似
不宜限定成數致有窒礙今歲上忙錢糧若不早定畫一章程必多觀望臣竊謂三成大錢章程未免操之
太急人見 諭旨嚴切懼干阻撓之罪勢既難行必至陽奉陰違諸弊叢生 皇上問及臣臣實不敢一字
欺瞞 上頒之臣廷棟退出嗣至 朝房見大農翁協揆問及大錢可否流通謹以所奏對大農亦以爲然
先是戶局日鑄大錢八成制錢二成卽因是易爲制錢八成大錢二成繼見少農沈公兆霖時管理錢法堂
廷棟亦進言如前少農稱快囑廷棟具摺上陳廷棟以現爲山東官 皇上問及故不敢不直陳究不敢出
位具摺陳直隸事少農復親至寓諱切言之廷棟請謝謂可俟新任直督譚公廷襄奏止之廷棟復謁樞庭
穆公蔭敬述次對之言穆公亦擊節謂胸中鬱氣今爲一暢廷棟因問曰公旣以棟言爲然當日與農部會
議時何不阻止公曰諸邸力持此議余力不能禁耳廷棟至東省後卽以所奏對寄書直省錢方伯忻和方
伯亦深稱之謂制軍將蒞任可以奏明挽回後制軍 啓見與諸邸會議遂得停止收三成大錢之議而民

心始靖足徵時政之弊特憲無人上達今聖主從善納言雖朝議意在必行之法但能明指其弊無不立卽俯從而舉軒每以詔令已行遂諉爲不能補救何耶己未仲冬月臣吳廷棟追憶恭紀經世文續編

九年御史趙樹吉奏臣竊見自春入夏雨澤甚稀皇上軫念民依虔甲祈禱近已甘霖渥沛秋成自可無虞然而貨物僧昂民生愈蹙人多歎業饑孳日增就中八旗尤爲窮困其故何哉蓋京師之患不在偏災之爲害而在大錢之不便也溯查軍興以來添鑄當十大錢原欲於權宜通變之中仍寓利用便民之意無如有司過計規制繁興私鑄乘之漸形空礙祇以法令明肅申戒再三市肆遵行至今未廢然奸商販餉任意低昂銀錢貴賤殊流弊因之日甚夫錢少則貪多則賤者古今之通理也今大錢徧滿京師而行使不出百里之內以至每銀一兩約易京錢十七八千商賈販物以銀出入恐多折耗增價求利勢有必然所苦者小民饑從前十日之資不能供此時一飽之費於是紛紛歇業無以爲生老弱行乞於街衢壯者竄身於盜賊至於八旗兵丁不賣不農別無生計一月之入惟此錢糧八口嗷嗷待而舉火今既依官折發支領所值幾何勢不能贍養家人計惟有束手待盡其餘閑冗力尤不給骨立黃瘦十室九空愁苦之情形實尋常所未有尙賴聖慈矜恤屢予增加飯廠展期不住散放得以稍謀果腹旦夕苟延然寢惠豈易均沾眾情未可長恃求生之心既迫苟且之念必萌滋生事端何所不至京師爲根本重地豈可不爲寒心臣愚以爲大錢不鑄則市價不平市價不平而欲兵民之無困不可得也且大錢之不便人無愚智皆所共知而未有肯爲皇上一言者徒以經費支綏之際稍有利益不容妄議更張耳臣請以利害衡之夫所謂利者不過曰減

本損工可數支放而已不知得其利者一而微受其害者三而大當十錢六七百始抵制錢一千然質重者一文可鑄制錢五六輕者亦可鑄四五利既數倍人爭私銷近聞畿輔風行率皆自京販賣如此不止將成錢荒害一飯廩久行糜費不少貨物短絀關稅更虧陽獲錙銖之微陰失倍蓰之利害二食用縮艱盜風日熾兵無勤旅人有危心害三且此三害臣見變法本以利國而反使上下交敝恐非權宜變通之本意也伏查咸豐七年戶部於酌改卯額摺內奏稱制錢自國初以來歷年鼓鑄洵為經久不易之常規雖變通貴乎因時而成法不容盡廢請仍以一卯銅鑄制錢存庫當時計臣此論具有深意況今時移勢異流弊叢生豈宜因循不思改計竊謂月鑄五卯制錢輔以寶鈔使支放不至大絀足矣如此則錢少而貴諸弊可不除而自去也擬請飭下戶工二局將大錢概行停鑄仍鑄制錢然後渙發德音與民由舊其布在民間者令崇文門各稅務及捐銅局得以收納之或除正項職官外專以捐級空銜貢監等項折收俾定章程以示限制庶廢錢既有所歸亦可藉資鎔鑄數月之後必復舊觀國計民生兩有裨益臣嘗考於書史續見自古圖法如周景王之寶貨蜀漢之直百魏之當五百當千晉之比輪唐之開通元寶明洪武之當十當五雖為制各殊然行之未幾卒以皆廢乃知大錢法難經久自昔已然簡冊具存非臣臆說仰惟皇上至聖至明物力之艱久已上邀洞鑒伏讀本月二十三日卹兵之諭未嘗不感激涕零宋臣蘇軾有言以物與人物盡而止以法活人法行無窮若今日欲厚民生其事莫便於此伏乞皇上博咨廣訪並飭部熟議施行或別有良法可以救弊補偏非臣之愚所能擬議不勝懇切待命之至

同治六年戶部奏稱惟當十大錢之設原因銅助缺乏欲以數文之銅當十文之用推行各省以期變通盡利

乃行之既久市塵相率折減每大錢一枚不獨不能當十文之用並不敷
且小民零星貿易以錢易銀及以錢購物均受折減之累於國用民生
錢也惟是大錢一項專行於京城之內凡商民出京皆須攜帶制錢十餘
間所存無非大錢一旦下令更張大錢既停制錢無出民間無錢可使必
前車可鑒此欲停大錢而不敢驟停者也臣等審時度勢惟有令外省籌
充足然後明定章程與民更始庶幾不動聲色而舊章可循前興升任臣
以曾署湖廣總督得悉湖北鹽釐各卡多係徵收制錢可以酌量提解至
運湖北省瀕臨大江適爲輪船通行之地當經臣廷襄函詢該省督撫旋
錢有限必須臨海臨江各省通力合作方能收衆擎易舉之效查江西江
現時各該省督撫均係認眞辦事公忠體國之臣雖未經臣等逐一函
設籌提解擬卽令該五省各於鹽卡釐卡收款內每年酌提制錢三十萬
裝運天津由三口通商大臣擇地嚴密收存聽候提用各該省酌提錢文
制錢一千合銀若干各省運腳需銀若干卽由各該督撫迅速議定奏明
以兩年爲限後不再提惟是民可使由不可使知國家規復制錢之舉
師商民疑阻所繫匪輕臣等此次將辦理緣由密摺陳明嗣後臣部催提
項提解錢文名爲天津練餉於國法概弗之及庶無不密害成之弊相應

各總督湖北江西江蘇浙江廣東各巡撫迅速認真籌辦此係臣等廣爲諮詢確鑿可行且所提錢款准其照價賣抵京銅更不得以餉需支絀爲詞稍有短解該督撫等務宜如數解交幸勿空言搪塞是爲至要說者謂外省制錢隨收隨放總稽其數則有餘確考其錢則不足一旦酌提運津外間不敷周轉錢價必致騰貴然一省之錢僅提三十萬串何至遠有妨礙且外省例得設局鑄錢以濟民用軍興以來不暇及此若日久廢弛錢無來源卽不令提解亦必有錢貴之患查湖北施宜等處多有銅礦久經封閉其苗必旺屢議開採皆恐奸民溷迹遂致因噎廢食貨棄於地殊爲可惜應令該督撫趕緊飭屬招商試辦酌抽礦稅試行有效卽籌畫款項收買商銅以裕鼓鑄其應如何妥議章程並多派官兵巡察之處該督撫等務卽奏明舉行又紅銅條銅等項瀕海商賈曾有販運售賣者近因經費支絀久經停賣其應如何招商販運加價收買之處應一并令各該督撫三口通商大臣妥速奏明辦理所得銅觔如何盡分成數解京應用及隨地鼓鑄應俟外省奏報到日由臣部體察情形分別覆覆行令照辦臣等爲規復制錢起見是否有當理合恭摺密奏伏乞皇上聖鑒訓示 經世文續編

諭軍機大臣等戶部奏請飭濱臨江海各省解錢籌銅一摺前因銅斤缺乏鼓鑄當十大錢原爲一時權宜之計行之日久不無流弊近來市廳行使暗中折減於國用民生均有未便惟欲規復圓法必須籌備制錢京師自通行大錢以來所有制錢大都運往外省著欲鼓鑄新錢又非二年所能驟復戶部議令濱臨江海各省籌解制錢實爲便捷之法前經諱廷襄函商湖北督撫擬於鹽釐項下酌提制錢由輪船運津據稱事屬可行此外如江西江蘇浙江廣東四省均有海船可通各該省釐金較旺自可一律提解著曾國藩郭柏蔭英桂馬

新貽瑞麟蔣益澧李瀚章何璟劉坤一各於鹽卡釐卡收款內每年酌提制錢三十萬串由輪船裝運天津交崇厚擇地嚴密收存聽候提用酌擬錢文准照銀價劃抵應解京銅其制錢一千合銀若干及運腳若干卽著各該督撫迅速議定具奏所提之錢務須年清年款以兩年爲止不准稍有短解此項錢文卽名爲天津練銅以昭慎密不可稍有宣露致令外來商民傳播都城有礙錢法其湖北施宜等處向多銅礦著該督撫飭屬招商試辦酌抽礦稅試行有效卽籌款收買商銅以裕鼓鑄並著妥議章程具奏至濱海商賈向有販運紅銅條銅等項應如何招商收買之處並著各該督撫三口通商大臣妥速議奏

聖訓

光緒二十四年候補知府總理各國事務衙門章京劉慶汾呈爲倣照成法印造銅錢通飭各省從速籌辦以濟時艱而紓民困懇乞代奏事竊維國帑支絀國用浩繁從未有如今日之甚者當此財力竭蹙輒聞恩借洋款急借民款從未聞識開利源以補時困是猶汲江河之水絕其源流而飲之飲之雖少日久必竭猶用太倉之粟廢其耕作而食之食之雖寡日久必窮至窮至窮終陷饑渴此職所以有勤於中而不能已於言也事至今日迂緩之計莫補時艱空疏之談罔有成效現在惟有速將錢法略爲變通各省措施盡善不須數年大利頓興職隨使外洋十有餘載每見彼國所鑄銅錢與金銀等錢並行不悖行使之便利益之溥有筆楮所不能殫述者謹就管見所及而略陳之詳考印造銅錢非第無弊其利有四焉一成本極輕獲利增倍也我國現行各種制錢每一千文約重七斤左右若以目前之銅每百斤價銀二十餘兩計之虧本過半倘援鑄鉛則年號模糊圖法愈壞今改爲當五當十當二十每銅百斤計可得錢八十餘千文此較舊法而兩倍其利也一製造甚精分兩無幾可杜作僞而免私鎔也印錢改用機器則字畫明顯樣式堂皇斷非

土爐可以倣造亦非小號機器所可倣製且每枚既作當五當十及當二十分兩自是無幾奸商卽圖銷毀必虧資本此作偽私鎔之弊不禁而自絕者也一錢價割一小民厚沾其惠也咸豐同治年間雖有當十當百成法因製造不精民間易於倣製以致各省格不能行今倣其法而改用機器鑄造一面印光緒通寶暨年分省分局名一面印當五當十當二十以及若干枚可換龍洋一元庫銀六錢八分永遵定價卽奸商無可居奇錢價不致昂貴此小民實沾厚惠者也一飭官收用則中飽可除漏卮可杜也查道光年間所行寶鈔初非民不遵使實由官不肯收以致中止今若改印此項新錢凡民間應納官款數在千文以上卽勒令繳納新錢以實之不僅准鑿星搭用如此徵收新錢方能流通不窒卽以各省現造龍洋而論其不能周轉使行者一因轉由外省銷行京師理勢不順一因各項用款仍計銀數事涉兩歧且劣書蠹役深恐龍洋一行則火耗平餘盡爲烏有是以百計阻撓多方掣肘況國家米折盡用紋銀僅勸商民強而行之其難暢銷勢所必至倘將各省釐稅丁漕薪俸軍餉內外一切正雜各款凡例納庫銀一兩者改爲龍洋一元五角多寡之數以此類推應請欽定成案京外一律奉行龍洋自可暢銷銅錢亦必廣佈銀銅並用數年再繼紙幣國帑之充可立而待且外國行銷我國洋錢每元內據銅質數分歲計受此成色之虧不下二百餘萬今仿成法自主利權則外國洋錢進口自少此宗漏卮非特可以補救向來中飽之惡習亦可滌除者也職邊隅下土樗櫟庸材寡學淺聞焉敢預謀國家大計因在洋日久此項利益確見眞知且運會所趨變通捐益實處不得不然之勢用是不揣冒昧另將詳細條議抄呈總署敬謹粘圖貼說伏乞察看代奏一摺著總理各國上諭總理各國事務衙門奏章京劉慶汾請仿照成法印造銅幣通飭各省籌辦據呈代奏一摺著總理各國

皇朝政典類纂卷五十九

事務衙門安定章程奏明辦理 邱鈔

錢幣三

錢法行用鈔票

順治八年行鈔責之制是年始造鈔一十二萬八千一百七十一員有奇自後歲以爲額至十八年即行停止

據考

嘉慶十九年諭內閣侍講學士蔡之定奏請行用楮鈔一摺前代行用鈔法其弊百端小民趨利若驚楮幣較之金錢尤易作偽必致訟獄繁興麗法者衆殊非利用便民之道且國家經濟量入爲出不致遠形匱乏何得輕改舊章利未興而害已滋甚乎蔡之定著交部議處以爲妄言亂政者戒

認訓

道光十八年貴州巡撫賀長齡奏竊臣接閱邸鈔奉上諭寶興奏近年銀價日昂由於奸商所售錢票註寫外免字標輒轉磨兌並無現錢請嗣禁各錢鋪不準支吾磨兌雖以現錢交易以防流弊等語著步軍統領衙門順天府五城會議具奏並直省各督撫妥議章程奏明辦理欽此臣惟政在便民道崇簡易錢之有票猶銀之有票蓋以運寶於虛方能流轉無滯而虛不廢寶仍有現錢可資非如楮幣之卽以紙爲錢不能課寶也原奏謂輒轉磨兌並無現錢臣以爲非無錢也蓋緣交易之時不必卽有用錢之事遂以票兌換而去耳如果謂用甚切卽安能以空紙當寶錢小民雖愚謀利則智不待法令之程督也且今日之銀票其每歲利焉錢質繁重難以致遠有票而運載之費可省并得交易遠方其便一也錢有貞惡之異爲數又易混淆

所會兌蓋數倍於錢矣而銀乃日貴更何得以錢賤之故歸咎錢票乎就臣愚見錢票不獨無弊也兼有數

今但以票爲憑并可不必據錢不必過數省去許多煩擾其便一也且也小票隨身更無宵小盜竊之虞又免船水沈溺之失其利殆不可勝計臣嘗考之前史錢票蓋亦便國不僅便民也唐憲宗時令商賈至京師委錢諸路進奏院及諸軍諸使富家而以輕裝趨四方台券乃取之號曰飛錢宋太祖時令商旅投牒三司乃輸錢於左藏庫而以諸州錢給之後因制爲便錢務所謂合券者蓋卽今之會票商既便於取攜官亦藉省齎運國民兩利莫善於此明臣邱濬大學衍義補按語謂今世亦可行之但恐奉行者給受有停滯之弊出入有減換之弊耳臣以爲唐宋上下通行實有裨於國計今若禁民兌會何以順乎人情仍請一仍其舊

於計爲便緣奉飭議謹就管見所及據實直陳是否有當伏祈

聖鑒訓示斟酌奏議

邱家穂銅鈔議曰錢法之所以壅滯不行者非患其太簡而失之重卽患其過繁而失之輕也要存権爲母子之制而簡以統繁繁以分簡俾其輕重兼行以相爲流通而已矣今天下之錢大率準於漢之五銖唐之開元而無前代甚輕甚重之患然猶慮其勢日趨於輕而不足以爲重者以其一文僅當一釐之用繁而不簡分而無統而子母之制不立故也竊見自漢武令諸王侯製白鹿皮爲幣而後人易以楮至宋元明三朝始有交子會子寶鈔之法皆自一貫至百千貫以代現錢之用究其爲製不過方尺之紙印文其上而可以易數十百錢之物其費省於錢十倍而利用無疆又不啻過之顧楮之爲弊也用勞而易毀質薄而難全而其上刊有定式專視區區之印文以爲照驗卽使製造者極其工緻而傳染未幾已歸於斷爛而不可以復辨上之人始不得已廢取而更造之而新陳出入之間動多詐僞抑勒不可禁止如前明行寶鈔法每一貫紙錢一千銀一兩會未及中葉而已漸輕漸減其後一貫之鈔不足抵一二文之用

竟以字跡漫滅濫惡不堪而罷蓋以累朝數百年之永利而終莫之能守者由此故也所謂鈔法之廢久矣苟欲神明變通而爲可久之計固不必襲紙幣之虛名亦不當用虛薄易爛之紙莫若取白銅之精好者銷鑄爲鈔如今之錢式而稍加重大錢以文字面曰康熙寶鈔背曰準五準十之類以至準百爲止而其孔中則別之以圓取其內外圓通流行錢法之意要使內局自鑄定爲一式輕重纖毫不容增減以杜僞造之弊用是雜行於散錢之中有鈔爲母以統錢之繁有錢爲子以分鈔之簡既不若前明寶鈔之易爛而又可收宋元交子會子之用其亦庶幾古人作輕作重之意而足以救古人錢法之靡也歟東山草堂集

王璽鈔幣議曰三代以上君民相通但有足民之事更無足君之事必百姓足而後君足猶子孫富而父母未有貧者也三代以下君民相隔既有足君之事又有足民之事且必君足而後百姓足猶父母富而子孫亦未有貧者也夫欲足民莫如重農務穡欲足君莫如操錢幣之權然而往往不能操其權者何也蓋自毀錢爲器起於工匠而利權一失矣鉛錢私鑄竊於姦民而利權再失矣外洋錢幣行於中國而利權三失矣銀價低昂操於商賈而利權四失矣錢票會券出於富戶而利權五失矣今欲操錢幣之權莫如禁銀而行鈔而又盡去其弊則國用常足而民財同阜矣請綜錢幣之源流論之後魏高謙之曰堯遭大水以歷山之金鑄錢湯遭大旱以莊山之金鑄錢夫古者分國而治資於粟帛者重而資於錢幣者輕故非水旱要可不鑄後人或以珠玉銅貝刀布爲幣未嘗專以銀與錢也鄭司農釋詩抱布貿絲云周人以布廣二寸長二尺憑官司印書其上以爲民間貿易之幣此卽行鈔所昉漢武帝造白鹿幣唐憲宗用

飛錢又爲行錢之漸至宋張詠始行交子宋孝宗以內帑金帛易楮幣藏於內庫一時楮幣重於黃金沿及金元皆用紙鈔明初亦行寶鈔至英宗有米麥折銀之令弛用銀之禁由是有出無入而鈔遂不行迨崇禎十六年生員蔣臣奏行銅鈔帝竟欲用紙鈔因流賊渡河其事遂止夫自宋迄明凡行鈔四五百年本朝順治中亦嘗兼行鈔幣苟其有害無利安能行之如是其久哉按明戶部侍郎倪元璽嘗欲行鈔其時省臣條陳十便一曰造之本省二曰行之途廣三曰齎之也輕四曰藏之也簡五曰無成色之奸醜六曰無稱兌之輕重七曰革銀匠之奸偷八曰杜盜賊之窺伺九曰錢不用而用鈔其銅鑄錢軍器十曰鈔行而銀不行其銀盡實內帑此十者惟末一條立法尙未盡善蓋鈔可用而錢不可廢也銀雖可廢宜仍散之民間爲器飾而不宜盡實內帑也其餘皆至論名言無可疑者而蒙細推行鈔之利其實不止此如凡以他物爲幣皆有盡惟鈔則無盡造百萬卽百萬造千萬卽千萬則操不涸之財源其大利一也萬物之利樞收之於上布之於下則尊國家之體統其大利二也外洋不得以其幣行中國則動遠東之畏服其大利三也姦民謀逆類皆以財利要結人心國家財用不竭則消姦民之逆志其大利四也用銀有白紋元絲洋錢之不同行鈔歸於畫一則齊天下之風俗其大利五也鈔法旣行收銅以供鼓鑄則極錢法之精好其大利六也鈔直既有一定商賈不得低昂之則絕民心之詐僞其大利七也富家或以土窖藏銀厯久不用銀益見少今舉而變之悉出易鈔則去壅滯之惡習其大利八也鈔式宜變從前分爲七大鈔書孝經其次書印先正格言俾民識字則寓教民之深意其大利九也凡漕務河務鹽務皆有積弊當釐人不敢議者恐經費不足故也若行鈔無難更定章程矣則除萬事之積弊其大利十也國計大

裕捐例永停卽捐銜亦可無廢則重朝廷之名器其大利十一也一切取民者從薄予民者從厚則行于
載之仁政其大利十二也夫天下無不弊之法而當時有救法之人而欲圖天下之大功必先破衆人之
論人徒見宋金元明行鈔不能無弊遂以爲不可行不知皆立法未周之故耳今言試其弊之大略一則
單紙易壞而不知裝潢糊表也二則式印苟簡而不知宣鑄版精工也三則鈔文但尋刑律無可觀玩也
四則印章不多難於辨別也五則中統鈔自二貫至十文分爲十一等太瑣屑也六則中統鈔止於二貫
民猶不便也七則鈔直二貫者止費錢三四文資本太輕紙幅狹隘程式不精也八則有可以出鈔爲利
入鈔爲諱也九則民以舊鈔換新鈔必增工墨費每貫三分也十則舊鈔行用每至閼闕也十一則鈔法
屢更使民疑也十二則不鑄錢而錢日少也十三則仍雜用銀也十四則專利於上而不能行惠於民也
十五則雖設嚴刑而未盡防僞之道也今誠能一一悉去其弊則行鈔者宋金元明之法也而所以行鈔
者固非宋金元明之法也豈非理財之善策哉嘉慶年間翰林學士蔡之定曾奏請行鈔然徒言行鈔而
不知去弊之方則無以全收其利而不受其害宜其議之不行也夫古有治人無治法然苟有治人必
有治法而立法之善不過卽弊法而去其弊所謂勝者所用敗者之謀也蒙嘗博觀載籍徧訪通人有言
行鈔之利者必與之深心商榷而究其理有言行鈔之害者必與之反覆辨論而窮其故實見鈔法之行
利及百姓而非止國家也利及萬世而非止一時也故爲考證八條目四十問答二十以破衆人之論獨
龜之愚俟有言責者擇焉經世文續編

包世臣答王亮生書曰鈔法上利國而下便民事理至明白易曉所可慮者一則細民不信從一則匪人

爲奸利欲細民之信從世臣前致淵甫書所云未議行先議收而收之莫如正供常例一事盡之矣然前書謂奇零乃雜用銀錢未免重鈔輕幣當以相半乃爲善耳杜匪人之奸利世臣前策是下書所云取高麗及貢宣兩紙之匠與料領於中官和合兩法爲紙即使中官習其法而兩匠則終身不出其紙既可垂久遠而外間不得其法無可作僞固已得其大端然鈔有大小則紙亦隨之雖至小之鈔皆令四面毛邊更攷宋紙寬簾之法使簾紋寬一寸以上又用高麗髮牋之法先製數大字於夾層之中正反皆見此爲尤要也足下徵引五六百年已事並及成說以明行鈔非衰世苟且之法非小人務財用之舉甚盛心也大旨已明不必更條分縷析多列款目條列一多不能不少有得失一有得失則訾者爭持之以爲阻撓之柄矣前明倪文貞十便之說惟以銅器鑄軍器一便或當時機宜未能懸揣至銀寶帑一便其中具有妙用一則足資欹動一則實濟緩急蓋緩急之時鈔或不行而銀則未有不行者也輕重相權不相廢爲古今之至言行鈔則以虛實相權者也銀錢實而鈔虛古人三幣之制上幣想非民間所常行黃金爲中幣而漢書曰黃金一斤值錢萬是仍以錢起數則幣之流通者惟刀布耳唐以前銀止爲器其時銀產尙少也近世以錢爲國寶而銀以便總統之用至奪黃金之權是地不愛寶非人力所能輕重之也惟一切以銀起數而錢反聽命於銀未免太阿倒持耳足下欲於行鈔之後卽下廢銀之令仍恐懷銀者失業斟酌許其爲器取今值之一半足下假藏鏹大萬不數年卽折閱其半諒亦未甘從令也且行鈔而廢銀是爲造虛而廢實其可行乎哉十數年內銀貴而公私交病者以僅以銀爲幣不惟珠玉黃金不爲幣而錢亦不爲幣故也今法假銀罪止遣私鑄則至株死是固重錢而輕銀已民間稱富室曰有錢下至博徒

無論大小攤場皆曰賭錢從未聞以銀爲說者是錢之當爲幣也明甚然國家地丁課程俸餉捐贍無不以銀起數民間買賣書券十八九亦以銀起數錢則視銀爲高下故銀之用廣富貴家爭藏銀銀日少鹽米必需之物商賈買之以銀賣之以錢故物價騰涌欲救此弊惟有專以錢爲幣一切公事皆以錢起數而以鈔爲總統之用輔錢之不及然銀價久昂制錢一千當銀一兩例有明文一旦改銀爲錢難免觖望兵餉尤難調和似宜將兵餉月給銀一兩者改爲給制錢千三百文其他俸廉應支之項皆酌改爲舊準銀一兩者制錢千二百文統計現在春秋二撥每年各直省報撥之項約一千七百餘萬兩當加出制錢四百萬千每年正供襍款課程常例歲入四千萬兩以腳價爲說舊輸銀一兩者改爲制錢千二百文壞耗同之是每歲可加入錢八百萬千出入相乘有盈無絀各省現征錢糧至少之處每兩收制錢一千八百文輕征官解司一正一耗加火工解費每正銀一兩須銀一兩一錢七八分方數而一千八百文不能得市價銀一兩一錢七八分小民共知銀一兩錢一千之例以千八百文輸官怨謫已起而官每兩尙須賠錢二三十文不等若改爲輸錢是一正一耗止須錢千三百二十文此外則官司資爲辦公之需雖有貪吏不能不減於舊數民之從令不待其辭之畢也如是乃可決行鈔矣造鈔既成由都發各布政司轉發州縣州縣必立鈔局與民平買賣其水陸大鎮店去處由司設局大要賣鈔收銀必照市價領鎔批解之費不可以累州縣宜據旬報爲準州縣以九四折解司司以九七折解部富民見行鈔之便知銀價必日減藏鎔必出鎔出益多而用銀處益少銀價必驟減然須消息盈虛使至庫紋一兩準制錢一千而止是其大綱鈔宜始於一貫一錠之數也終於五十貫一寶之數也如尊說至千貫以便藏者原行鈔之

意以代錢利轉移耳非以教藏富也尋議云造百萬卽百萬造千萬卽千萬是操不涸之源云云從來鈔法難行而易敗正坐此耳初屆造鈔以足當一歲錢糧之半爲度陸續增造至倍於歲入錢糧之數循環出入足利民用卽止行鈔之初銀價尚昂利之歸國者不過五成銀價漸減利可七成大行之後利可九成凡官民相交之事必有耗折如近日收漕明加之比豈可如尋議於鈔載明文別加虛數名爲利民更生枝節凡善謀國者奪奸民之利權以其七歸之良民而以其三歸之公上事乃易行而可久行鈔則主於攬兼并豪強及錢莊虛票之權以歸之上而其利則官與民各得其半與他術稍殊耳至於鈔紙上寫格言選書手之說以爲富而寓教則尤爲隔膜教亦多術矣古書具在何必此若謂珍藏佳書試問藏鈔者爲藏錢耶爲藏書耶唐之開通宋之大觀皆精書世固有一二人寶玩之者豈可通之齊民乎尋議又無鑄當十當百大錢以濟現錢之乏而廢銅禁以飭錢法云云鈔法一行則現錢足用而私鑄自息銅禁之嚴莫如憲廟其時政事無不令行禁止者而銅禁竟不能行況可必於今日乎當十當百法雖自古然唐以河北之故舉行之深不便民不數年皆準常錢當一乃已而數年中官費不償民之受其害者已夥又尊議盜賊得之而用於市則立敗及海洋載鴉片土來者得吾鈔則不能行於彼國勢將自止以此爲斷經源烟土之二大利益非事實今盜賊得會票錢票用於市而不敗者多矣何嘗無號數可稽印記可辨乎中土旣禁用銀只許爲器得半價是正可以用以買土豈不驅銀盡入外夷乎足下行鈔之議載於前刻者讀之而信以爲必可行者尙不數人若必欲禁銀且并禁銅鑄大錢言之恐斯世罕有能讀之終卷者矣盛業以此被阻世臣所深惜故敢直其私意要之鈔法非盛時不能行尋議固已明白之矣然亦

此教弊之良策世臣見三十年來求利之術至亟而迄無效故力持此論若卽以爲理財之大經則世臣亦未敢附和也

安與四種

咸豐元年御史王茂蔭奏臣維用人理財二者固分本末然當務爲急今日之需才急矣而理財亦正不容緩
粵西之軍務未息河工之待用尤殷 國家經費有常豈能供額外之用於是部臣又有開捐例之議夫捐
例之弊人皆知之臣部臣獨不知之而爲此議耶不得已也臣觀自漢以來不得已而爲經國之計者有二
一曰鑄大錢一曰行鈔幣二者之利同而其難以經久亦略相似然臣嘗考鑄大錢如漢元鼎迄明興者數
矣曾不三五年卽廢鈔幣之法昉於唐之飛錢宋初因之置便錢務可者至道末商人便錢百七十餘萬
貫天禧末增二十三萬貫計其流行已三四十年交子之法自天聖至大觀行之七八十年會子之法始自
紹興行之終宋之世有元一代皆以鈔行明沿用之至宏正間始廢蓋亦行百有餘年是鈔又不能久中之
尚可久者也臣見往年議平銀價內外臣工多爲鑄大錢之說因私擬爲鈔法以爲兩利取重兩害取輕計
鈔之利不啻十倍於大錢而其弊則亦不過造僞不行而止 國初造鈔歲十餘萬行之亦經十年之久其
行也所以輔相夫不足其止也卽以裁成夫有餘 聖神妙用百世可師濟用樞宜似莫過於此顧臣雖擬
之久而不敢上者誠恐奉行不善轉爲法累苟可無需不必行若爲不得已之計則芻蕘之愚似宜陳之
以備採擇用是不揣冒昧敬將所擬鈔法十條恭繕進呈伏乞 皇上聖鑒

一推鈔之弊鈔之利自不待言行鈔之不能無弊亦人所熟曉然知有弊而不能實知弊之所在知弊之
所在而不能立法以破除之則鈔不行閒嘗深思切究卽古來行鈔之弊而詳推之蓋有十端一則禁用

銀而多設科條未便民而先擾民二則謀擅利而屢更法令未信民而先疑民三則有司喜出而惡入適以示輕四則百姓以舊而換新不免多費五則紙質太輕而易壞六則真偽易淆而難識七造鈔太多則壅滯而物力必貴八造鈔太細則瑣屑而詐偽滋繁九則官吏出納民人疑畏而難親十則製作草率工料偷減而不誠能舉此十弊去之先求無累於民而後求有益於國方可以議立法

一擬鈔之值元以前未嘗用銀故鈔皆以錢貫計今所用在銀而不在錢則鈔宜以銀兩計過重則不便於分過輕則不便於整請定爲兩種以十兩者爲一種五十兩者爲一種十兩以下則可以錢便之者也十兩以上至數十兩則皆可以十兩者便之百兩以上至數千兩則皆可以五十兩者便之其平色則以庫平足色爲准既以便上庫亦以便流通蓋卽仿現行庫餉錢式以免瑣碎參差之弊

一酌鈔之數鈔無定數則出之不窮似爲大利不知出愈多值愈賤明季鈔一貫至不值一錢於是不得不不思責民納銀以易鈔不得不思禁民用銀以行鈔種種擾民皆由此出宋紹定五年兩界會子多至三億一千九百餘萬此所以不行也宋孝宗曰會子少則重多則輕此鈔法之扼要也請仿國初之法每歲失造鈔十萬兩計十兩者五千張五十兩者一千張試行一二年計可流通則每歲倍之又得流通則歲又倍之極鈔之數以一千萬兩爲限蓋國家歲出歲入不過數千萬兩以數寶輔一虛行之以漸限之以制用鈔以輔銀而非舍銀而從鈔庶無壅滯之弊

一精鈔之製自來鈔多用紙故有楮幣之名既易散爛尤易造假今擬仿古者用幣之意請由戶部立一製鈔局先選織造處工人以上等熟絲織如部照之式分爲兩等方尺有五寸者爲一等方尺有二寸者

爲一等四圍篆織花紋中橫嵌大清通行寶鈔六字滿文於額直嵌大清寶鈔天下通行八字漢文於兩旁按每歲應製鈔張數道辦以方尺五者爲庫平足色紋銀五十兩尺二者爲庫平足色紋銀十兩選能書吏於鈔中滿漢合璧作雙行書每年擬定數字每字一千號編爲一簿鈔之前按簿上每張填某字某號鈔之後某年月日戶部奏准大清寶鈔與銀錢通行使用僞造者斬告捕者賞銀若干兩仍給犯人財產誣告者坐皆漢書再請飭另鑄大清寶鈔印一顆於中間滿漢紋銀數上鈐以印前某字某號上鈔與簿鈐騎縫印鈔質必厚實如上等江綢篆文必細緻滿漢書必工楷一律印文必完整印油必鮮明監造各官有草率不如式者治以罪禁民間不得私織如鈔花樣有犯必懲再請飭於製鈔局特派一二有心計之員另處密室於每鈔上暗設標識數處所設標識惟此一二人知之仍立一標識簿載明每年之鈔標識幾處如何辨認封藏以便後來檢對其識按年更換以杜窺測一切均不得假手書吏以防洩漏如此則造僞甚難辨識甚易僞造之弊庶幾可杜且綢質較足經久亦不致遠虛訟爛矣

一行鈔之法立法必自京師始如部中每歲製鈔十萬請先以一萬分頒五城御史令傳屬內殷實之銀號當堂將鈔酌爲頒發取目領狀由城移送銀庫銀號領鈔准與微利每庫平五十兩者止令繳市平五十兩庫平十兩者止令繳市平十兩限於領鈔後次月隨同庫上收捐時將銀繳庫銀號領鈔後許加字號圖記花字於鈔之背面聽各處行用並准兌與捐生作捐項與銀各半上分餘鈔九萬酌分各省大都會及東南兩河交各督撫飭省會州縣發交錢糧銀號其銀號領鈔亦如京城准與微利庫平止繳市平將銀於次月繳納各州縣庫領鈔之銀號亦准加字號圖記於鈔之背面聽各處行用並許爲辦解錢

糧與銀各半解司其有無錢糧銀號之州縣或交官鹽店與典鋪凡京城之銀號自多捐生兌換外省州縣之銀號有專局辦解錢糧者鹽店典鋪亦皆與官吏較親倘書吏再有審察之弊許該捐生銀號等指名呈究該管官卽嚴行懲辦庶幾民情無所疑畏矣

一舞鈔之通京城發銀號之鈔許捐生作兌項則鈔仍歸於部庫庫上每月應放款項除零星散數不可給鈔外如數十百兩以上者部庫均可酌量以鈔搭放凡領鈔者如兵餉馬乾不便分析即可向銀號兌銀散給鈔上有銀號圖記如他銀號未曉卽向原加圖記銀號兌換自屬甚便該銀號收鈔仍可爲兌與捐生之用外省發銀號之鈔許其解充地丁則鈔仍歸於藩庫該省每年應撥放款項該藩司酌量以銀與鈔各半發給領鈔者均令就各州縣錢糧銀號兌換該銀號得鈔仍可爲辦解錢糧之用在各該銀號以銀易鈔既聽各處行用且可爲捐生上兌捐項辦解錢糧並無苦累如或故意勒捐不肯兌換扣減不肯如數許民人指控治之以罪凡民畏與官吏交而不畏與銀號交如此而疑畏之弊益除矣

一廣鈔之利鈔法行之自上原不强民然利輕齊與行遠無成色與重輕較之金銀於民爲便內而順天府五城外而督撫州縣令出示曉諭使民咸知此意驛民人等向銀號兌換行用並聽寫隨處上納錢糧兌換銀錢之用再請飭發鈔專在省會州縣而收鈔則凡天下州縣必令於城內立一收鈔銀號無論本地與鄉民人有持鈔至者或作交錢糧或兌換銀錢均卽如數兌交各州縣收鈔後均可爲辦解錢糧之用如行鈔數年而州縣有並無鈔解充地丁者是該州縣辦理不善使鈔不得通於該處該督撫查明卽行參處京外各行鈔銀號均飭於招牌上加鈔字有持鈔至者均卽兌換毋許抑勒各州縣辦解藩庫者均

令於鈔正面之旁註明某年月日某州縣恭解至民間輒轉流通均許背面記明年月收自何人或加圖記花字遇有僞鈔不罪用鈔之人惟究鈔所由來逐層追溯得造僞之人而止如此而民無用鈔之苦矣一換鈔之法部庫令一人專司鈔之出入每收鈔時必詳審鈔之正反面不必待其昏爛但鈔之背面圖記花字註寫略已將滿者卽付送製鈔局各省收鈔遇有似此者卽作辟項解部庫亦付送製鈔局使民間無換鈔需索之處各省解部者亦令於鈔正面之旁註某年月日某省解製鈔局於原製鈔簿上對明年月字號註明某年月日銷將鈔截角另貯一庫遇有僞鈔便可對明如係已銷之號而尙有未銷之鈔則取當年製鈔標識簿覈對前後兩鈔何者真僞立可辨認按僞鈔背面各圖記追究由來則僞造無不破矣

一嚴鈔之防製鈔行鈔各法非不力思防弊然恐法久而弊仍生再請法行之後不得令有更張致民觀聽惶惑以壞法造鈔之制不得漸減工料致失本來制度以壞法民人有僞造者卽照鈔文治罪不得輕縱以壞法如是而壞法之弊庶幾可杜宋臣韓祥有言壞楮幣者止緣變更救楮幣者莫如收減增添料質寬假工程務極精緻使人不能爲僞者上也禁捕之法厚爲之勸厲爲之防使人不能爲僞者次也是言得鈔法之精意矣

一行鈔之人自來法立弊生非生於法實生於人顧生弊之人商民爲輕官吏爲重商民之弊官吏可以治之官吏之弊商民不得而違之也今於商民交易雖力爲設法不經官吏之手然官吏果欲牟利從而需索扣減亦復何難商民兌換一有扣減卽不敢用將使虛名徒懸而利不通於上下論者因以爲鈔不

可行似非鈔之不可行也保甲社倉良法具在苟非良吏亦終不行是豈法之過與州縣得人則商民奉
法督撫得人則官吏奉法是在聖朝洞鑒之中又不獨鈔爲然矣唯是明臣邱濬謂鈔不可行以用之
者無權也故行鈔尤貴稱提有法稱提之法則在經國大臣相時之輕重而收發操縱之庶幾可以經久
以上所擬十條第就管見所及舉其大綱請旨飭部院大臣詳細委諾如可施行再令部臣詳定節目
臣爲急籌濟用起見是否有當伏乞 聖鑒訓示

經世文續編

二年先是福建巡撫王懿德布籌行鈔法以濟急需命軍機大臣會同戶部議奏至是奏稱民間行用鋪戶銀
錢各票乃取銀取錢之據若用鈔則鈔卽爲銀鈔卽爲錢與鋪戶各票之持以取銀錢者不同必致民情不信
滯礙難行應毋庸議報聞 東華續錄

三年戶部奏咸豐二年九月初三日奉 上諭花沙納奏請行鈔法一摺著前派會議籌備軍餉之王大臣等
一并會同戶部詳諭具奏欽此嗣於十月二十八日臣等會奏籌備軍餉摺內暫行銀票期票聲明行票之
法與行鈔相關請將奉旨交議左都御史花沙納條陳行鈔一摺歸并核議以免歧異而資利用等因奏
奉 碑批依議欽此欽遵在案臣等伏查兩載以來軍需河餉靡帑已二千數百萬兩以致度支告匱籌畫
維艱中外臣工感切 因計者無不竭力殫忱各抒所見而請行鈔法者爲多合物諸臣之論大抵遠取唐
宋飛錢便錢之遺意近譬民間錢票會票之通行以爲濟困之策無以逾此而其中虛實之各判辨信之攸
分與夫興廢久暫之代有異同通滯利弊之不相假借似未有灼見眞知俾克立時措手可有把握之處是
以戶部於請行鈔法諸奏疊經議駁而於會票率餉摺內有行用銀票期票之請誠以利源可自上開之而

流之通塞又必自下權之鈔法可徐圖而未可驟舉也茲據左都御史花沙納奏稱爲今之計欲求萬全之
策莫若酌行鈔法一事因臚列造鈔行鈔換鈔三十二條並數陳用鈔十四利等因臣等竊惟生財胥本乎
六道四立制尤貴乎因時現在軍務未竣各省防勦兼施所籌無非急款與其用久未奉行之法而收效稽
遲不如就從前本有之財以力圖周轉再四籌思公同酌議僉謂京師錢票流通就其法而擴充之民以習
見而相安事以推行而盡利擬請暫行銀票期票仿照內務府官錢鋪之法開設官銀錢號以便支取並查
臣等前於議覆詹事府少詹事阜保奏請酌抽帑本摺內聲明當雜各商本銀另籌周轉之法茲擬除各省
鹽商帑本毋庸議提外請於各省當雜各商生息帑本內每省酌提十分之三由該州縣解交藩庫勒限三
箇月由藩司造冊報部候撥戶部核明銀數計應造一百兩暨八十兩五十兩之票若干張彙發該省藩司
按原提本銀數目分給各該當雜商准令該省捐納封典職銜貢監之人向各商買票報捐歸還原提各商
銀款內有畸零尾數卽以現銀令其找足其各商應繳息銀仍如其舊如此一爲轉移於商無虧而於事有
濟應令該管地方各官妥爲辦理毋致胥役別滋擾累亦不許商人藉端阻撓又各省有現存未旨穀價銀
兩應令各直省督撫轉飭藩司勒限三箇月查明此項存銀若干無論在藩庫屬庫酌量催提先行報部聽
候撥用其發交銀票歸還各該州縣原款之處亦與酌提當雜商帑本辦法相同俟各該省豐收買補之時
令捐生交銀領票報捐地方官卽將所交之銀買補並請於京城內外招商設立官銀錢號三所每所由庫
發給成本銀兩再將戶工兩局每月交庫卯錢由銀庫均勻分給官號令其與民間鋪戶銀錢互相交易卽
將戶部每月應放現錢款項一概放給錢票在官號支取俾現錢與錢票相輔而行輒轉流通兵民兩有裨

益至在京王公百官俸銀向分二八月兩次支領今擬請世職自親郡王以下伯以上文職自四品以上武職自二品以上均給與期票五成統限於八月初一日持票赴庫關支其秋季俸銀准此遞推以上各條如蒙前允臣等卽行文各省督撫暨八旗都統欽遵辦理空開設官銀錢號處所應由順天府尹督飭大宛兩縣購覓鋪房由五城坊官招股賣商人加具保結送部核辦其左都御史花沙納奉請酌行鈔法以濟要需之處卽在銀票期票及官銀錢號票內逐漸試行自毋庸另議所有臣等會諭擬請暫行銀票期票酌提當雜商帑本及各省現存穀價抵放王大臣俸銀並開設官銀錢號緣由理合恭摺具奏伏乞 皇上聖鑒訓示遵行

東華續錄
三年戶部奏推廣鈔法以錢準銀凡地丁雜稅及一切解部之款均請以鈔二千抵銀一兩從之
又 諭內閣前有旨派左都御史花沙納陝西道御史王茂陸會同戶部堂官妥議鈔法奏明辦理茲據花沙納等公同酌議具奏並繪具官票式樣進呈朕詳加披覽所擬章程各條尙屬周密著卽照所請定爲官票名目先於京師行用俟流通漸廣再頒發各省一律遵辦官票之行與銀錢並重部庫出入收放相均其民間銀錢私票行用仍驗其便商賈交易亦無抑勒洵爲裕國便民良法總期上下相信厯久無弊卽使回用充裕官票照舊通行該部卽遵旨刊刻告示並著步軍統領衙門順天府五城一體出示曉諭遵行 聖訓

又 諭內閣東親王等奏請頒行銀錢鈔法一摺據稱銀票以便出紳錢鈔以利流通請令京師及各直省均由戶部頒行銀票錢鈔任聽民間日用行使並完納地丁錢糧鹽課課及一切交官等項俾文武官員軍民人等咸知銀票卽是寶銀錢鈔卽是制錢聚定成數搭放搭收以期上下一律流通等語自來制用常經銀錢

並重用楮作幣歷代通行見在銀價昂貴需用浩繁民間生計維艱必須與時通變使鈔票與銀錢兼權並用以冀襄多益寡日見充盈茲據巡防王大臣大學士軍機大臣戶部合詞飭請已諭諒欽同著卽照所議由戶部製造錢鈔頒發中外與兌行銀票相輔通行其應如何搭收搭放酌定成數以昭限制總期官民兩便出納均平所有一切庶務事宜著戶部詳細酌取安議章程具奏 聖訓

又 諭兼心存等奏軍營搭放鈔票壅礙情形一摺官票寶鈔之興原以濟銀錢之不足見當章程甫定正期中外大臣力求變通設法推行順天為首善之區尤宜倡率遵辦以為各省之式且出納皆以五成為限民間完繳正項錢糧與鹽關課稅及一切交官等款皆須鈔票與銀錢相輔而行前降諭旨甚明民間宜無不周知方且購求鈔票以為交課之用尙何窒礙之有該兼尹等率據糧臺道員詳文謂須先由地方試行有驗方可行使是先存一試行無驗之心為此阻撓之說並未將如何流通一為籌及直甘心置鈔票於不用是何居心該兼尹府尹輕聽該道之詞意存見好屬員率請撥給見銀制錢豈戶工兩局見鑄大錢日不暇給與庫項空虛該兼尹等竟茫無所知卽謂兵丁行使初尙未便而隨營官員應領款項甚多且亦難搭放是直畏難不辦竟置大局於不顧至該員定保詳稱係奉參贊大臣札令徑詳覈辦該兼尹等亦不復咨查是否確實遽信為實在情形尤不可解想借格林沁公忠體國不當如是也所有應行次第施用鈔票之處卽著該兼尹等妥速籌商俾無阻滯將此諭令知之東華續錄

四年戶部侍郎王茂蔭奏竊維今日度支告匱需餉方殷不得不資行鈔然鈔法實於行之以漸持之以信伏讀 上諭有行之日久中外俱可流通之旨仰見 聖明洞鑿固知義之不宜太驟也今自上年議行鈔法

以來初用銀票雖未暢行亦未滋累至臘月行錢鈔至今已發百數十萬於是吳丁之領鈔者難於易錢市物商賈之用鈔者難於易銀置貨費力周折爲累頗多臣察知其情夙夜焦急刻思有以補救之惟臣既在戶部凡有所見必取決於總理祁憲藻尙書文慶乃所商多未取決而設想更已無方有不得不上陳於聖主之前者伏惟自來鈔法無傳然由唐宋之飛鏢交子會子循名而思其義則似皆有實以運之獨元廢銀錢不用而專用鈔上下通以此行爲能以虛運然聞後亦少變至明專以虛責民而以寶歸上則遂不行歷代之明效如此故臣元年所上皆以寶運虛之法今時世所迫前法不行議者遂專於收上設法意誠善矣然京城放多而收少軍營有放而無收直省州縣有收而無放非有商人運於其間皆不行非與商人以可運之方能運之利亦仍不行謹就現行法中酌擬四條以通商情而期轉運敬爲 皇上陳之

一擬令錢鈔可取錢也查市行錢票與鈔無異而商民便用者以可取錢也寶鈔准交官項本自貴重而人總以無可取錢用多不便若於准交官項之外又准取錢自必更見寶貴屬發鈔已百餘萬而欲籌錢以供取似爲大難然以臣計之戶局向來月解部錢六萬餘串自鑄當十當五十大錢月約解十一萬串今加鑄當百以上大錢月可得二十餘萬串若部中仍前月提十一萬則三箇月後可積三十餘萬串即較前月多提五萬串六箇月後亦可積三十餘萬串若出示許民半年以後以鈔取錢似屬無難現在民情望此若雲霓故宗寶伍輔祥皆奏及之或謂儻三十萬盡而不能給將若何臣謂此有二道一則有錢可取人卽不爭取彼錢店開票何嘗盡見取錢如四官錢店現在開票放餉之數可謂明證似無庸慮一則有錢許取人亦安心候取鑄錢將盡而鈔紛來竟不能給不妨示期停止令半年後再取人亦樂從經

過一次發錢人知鈔不終虛自不急取此法每年雖似多費數十萬之錢而實可多行百餘萬之鈔如得准行臣知不待發錢之日人心始安卽當出示之日而人心已安矣此籌安人心之最要也

一擬令銀票並可取銀也現行銀票錢鈔均屬天下通行而行遠要以銀票爲宜欲求行遠必賴通商欲求通商必使有銀可取人疑無此如許現銀以待取而不知各省之錢糧關稅皆現銀也今既準以銀票交官矣此抵交之銀不歸之商人乎既可准其抵交何妨准其兌取自上計之二者初無所殊而自商視之則二者大有所異蓋抵交遲而兌取速抵交滯而兌取遲凡州縣徵收錢糧必有銀號數家將錢統易爲銀將銀統鎔爲錠以便解省今使商人持鈔至傾鎔錢糧之銀號准其兌取現銀則商人之用鈔便而得鈔不待傾銷卽可解省於銀號亦便在各州縣收鈔於商與收鈔於民初無所異而零收之與整兌亦有較現爲便者今若於准交之外再加准兌取一層則鈔益貴重處處可取銀卽處處能行用而不必取銀御史章嗣衡河督楊以增所奏之意蓋亦如此誠知各州縣銀號之未必卽照兌也卽照兌而不免需索扣減也然許以兌取則能取而貴之卽不能速取而亦貴之方今時勢多阻未必盡行未必盡不行得一處行則一處之銀路通數處行則數處之銀路通現在商人會票之局全收惟此可以濟銀路之窮京城之中凡商人之來者皆貨物而往者皆銀使銀票得隨處兌銀則京城之銀可以少出而各路之銀亦可得來此又通籌全局之所宜加意也

一擬令各項店鋪用鈔可以易銀也各店鋪日賣貨物慣用市票何獨憚於用鈔以市票能易銀以置貨寶鈔不能易銀卽不能置貨此雖強令行用將來貨物日盡寶鈔徒存市肆必至成空不獨商人自厭卽

國家亦不能不代爲慮查銀錢周轉如環無端而其人厥分三種凡以銀易錢者官民也以錢易銀者各項店鋪也而以銀易錢又以錢易銀則錢店實爲之樞紐爲各店鋪日收市票均赴錢市買銀而錢店則以銀賣之今請令錢市凡以票買銀者必准搭鈔則各店鋪用鈔亦可易銀而不憚於用鈔矣各店鋪不憚用鈔則以銀易錢之人無非用之於各店鋪凡令錢店開票者亦可准令搭鈔矣各錢店開票亦可搭鈔則以銀貯各店鋪之票而亦不憚於用鈔矣凡以三層關節爲之疏通使銀錢處處挾鈔而行此各行互爲周轉之法雖似強民而初非病民似不至有大害惟法行後銀價恐益增昂然京城銀之來路專在外省解項部中發項今解項放項目形其少卽不行此法銀亦日貴此則須俟殄平逆匪方有轉機又不徒關行鈔也

一擬令典鋪出入均准搭鈔也查現在典鋪取贖者用鈔不敢不收而當物者給鈔率多不要使典鋪之鈔有入無出將來資本罄而鈔僅在不能周轉必至歇業典鋪歇業貧人益無變動之方應請嗣後出入均令按成搭鈔此一行自爲周轉之法

以上所擬四條前二條是以寶運法而不必另籌鈔本後二條是以虛運法而不至甚爲民累虛寶兼行商民交轉庶幾流通罔滯抑臣更有請者現行官票寶鈔雖非臣原擬之法而言鈔寶由臣始今兵丁之領鈔而難行使者多怨臣商民之因鈔而致受累者多恨臣凡論鈔之弊而視爲患者莫不歸咎於臣凡論鈔之利而迫欲暢行者又莫不寄望於臣而臣蒙 因擢任戶部業經數月一無籌措上貢 天恩下諭人望夙夜愧悚實切難安相應請 旨將臣交部嚴加議處以謝天下而慰人心庶幾浮言稍息臣

雖廢黜不敢怨悔謹陳管見附歷下情恭摺具奏伏乞

聖鑒訓示

經世文編

諭內閣恭親王奕訢親王銜定郡王載銓奏摺議王茂蔭條陳鈔法窒礙難行一摺著卽照所奏均無庸議竊
鈔之設原以裕國便民三茂蔭由戶部司員經朕咨摺侍郎宜如何任勞任怨籌計萬全乃於鈔法初行之時
先不能和衷共濟止知以專利商賈之詞率行濶奏章道國事於不問殊屬不知大體復自請嚴議以謝天下
尤屬膽大設使朕將伊寵斥轉得身後指使百計阻撓如是欺罔豈能逃朕洞鑒耶王茂蔭著傳旨嚴行申飭

東華續錄

又 諭內閣端藉全慶奏天津紳民具呈請繳銀錢兌換官票錢鈔一摺著照所請於天津設立分局令該紳
民等徑赴該局呈繳銀錢領取票鈔毋庸由縣轉呈以歸簡易所換票鈔准該紳民等遵照戶部章程於交納
地丁課賦稅及一切交官款項內搭交五成所收銀錢暫存運庫作爲收買海運餘米之用其餘銀兩仍報
部候撥此事卽著文謹悉心經理務期於倉儲鈔法兩有裨益 嘉訓

又 諭前經戶部奏請令各省開設官錢局推行官票添鑄銅鐵錢及各項大錢當經降旨允准原以經費支
绌全賴錢法鈔法通流無滯庶足以利民用而濟時艱乃迄今日久僅據福建山西陝西各督撫奏明遵辦其
餘各省並未將見辦情形奏報該督撫等如果悉心經理何至遷延一載迄無定章福建素稱瘠區辦理已有
成效各省情形雖有不同亦何難設法籌辦總由地方官吏畏難苟安怠玩因循審堪痛恨各省督撫將軍
都統府尹等查照戶部原奏督飭所屬酌量地方情形迅速設立官錢局並設法籌款開鑄加鑄停錢法與鈔
法相輔而行一面妥議章程奏明辦理如有廉能官吏認真辦有成效准該上司據實保奏以示獎勵將此通

諭知之 東華續錄

又 諭內閣大學士親王奕訢等奏商人皇請借貲墊發寶鈔請旨遵行一摺商人白亮劉宏振等呈稱情願攤借貲本呈報戶部以備收發寶鈔之用渝屬好義急公著照所請准該商等設立總局分開鋪面無論寶鈔新舊錢數多寡均許持鈔到局支取錢票見錢仍由戶部綜覈稽察以資流轉單開章程六條均著照議辦理 東華續錄

熱河都統毓書奏遵旨籌款鼓鑄推行鈔法請官收銅百斤作銀十兩報捐者八十斤作銀十兩銅器百斤作銀十三兩並設立官錢局以逐卯所鑄之錢作為票本得旨所奏俱安實無可再議卽照所擬行 東華續錄

又 諭內閣戶部奏請發寶鈔易換當千當五百大錢等語此項大錢或令換鈔或於捐輸等項內分成酌量收回著戶部再行妥諭具奏尋奏當千當五百大錢甫經行使卽形壅閼者以折當過多私鑄無隙可乘則不禁自絕前議以寶鈔法難盡除既存鑄以清其源必收回以防其弊而尤在收之迅速使私鑄無隙可乘則不禁自絕前議以寶鈔收回大錢少則旬日之間多亦不過一月而止不至挾延滋弊捐輸之搭收大錢與大錢換鈔殊途同歸而一速一遲不無區別仍請將寶鈔發給錢行經紀驗明局鑄大錢如數收回以昭便捷從之 東華續錄

五年諭李鈞奏河南州縣徵收錢糧不收票鈔並山東藩庫搭放票鈔不搭收票鈔各等語票鈔之設以濟銀錢之不足疊經明降諭旨凡京外應收應放各款均准按成搭解以期暢行無滯凡官吏於收放等款敢於作弊者亦經吏部等衙門將應得處分罪名明定章程具奏茲據李鈞奏稱河南省州縣於徵收錢糧時專收銀錢不收票鈔解司之時則收買票鈔按五成搭解以致商民於票鈔不知實責見在票銀一兩寶鈔一千均止

易制錢四五百文河工領款係八成票鈔一成見銀所領票鈔難於行使每遇險工無從搶運山東省藩庫於各領款則照二成搭放而於州縣解款並不搭收致票鈔更形壅滯種種弊端該撫等何竟毫無聞見著崇恩英桂密速查訪凡州縣徵收錢糧如有前項弊端濫利病民及州縣願收票鈔而搭解之時道庫藩庫有意刁難致州縣不能搭收者均著嚴行參奏毋稍姑容至奸胥蠹役把持舞弊尤屬不免務應嚴密查拏從重治罪所有票鈔收放章程並著崇恩等再行出示剴切曉諭或有完納錢糧州縣不肯搭放票鈔者准該民人赴上司衙門控告以通民隱而裕國用經此次訓諭之後該地方官如敢仍前玩泄並不實力辦理將來別經發覺朕惟崇恩英桂是問將此各諭令知之

聖訓

又 諭本日據軍機大臣會同戶部詳議鈔法章程一摺民間完納錢糧自咸豐六年上忙起凡應搭官票改換寶鈔議令直隸山東河南三省先行遵辦內如部頒寶鈔令各省藩司編立號簿蓋用印信再行解部所用騎縫印信篆文大略相同恐小民難於辨認應否添設簡明標識之處著各該督撫斟酌奏辦其各省收到寶鈔並准由各官銀錢號兌賣事屬官民交涉防範稍有未周易啟勒捐把持之弊至酌給羨餘一層應由該督撫體察所屬情形通盤覈計酌立定額固未可過於苛刻亦豈容稍涉冒濫立法之始不厭周詳著桂良崇恩英桂各就該地方情形悉心斟酌妥擬詳細章程迅速具奏總期寶鈔得以流通而兵民亦藉紓困累原摺著鈔給閱看將此各諭令知之

東華續錄

六年諭內閣前因各直省大錢鈔票未能暢行疊經諭令各該督撫剴切示諭民間按成搭解錢糧以期通行無滯惟錢鈔之行必自近及遠本日據給事中仙保奏直隸保定府清苑縣至今並未出示曉諭以致商民無

所取信鈔票大錢仍多空礙真隸一省尙形阻滯他省自更難流通著桂貢查明該省地方官如果未經出示曉諭其爲收銀買鈔或買大錢搭交藩庫營私肥己情弊顯然卽著據實參奏東華續錄

七年怡親王載垣等謹覆署直隸總督譚廷襄奏推行大錢鈔票章程一准州縣分設票局一持票取錢先儘鈔票給發餘仍舊照掣字辦理一票價隨銀長落一加卯鼓鑄以資搭放均應如所請辦理從之東華續錄
又 諭內閣前因愛仁奏銀錢鈔票請仍准互換等語當經降旨令戶部議奏茲據酌議覆奏見在寶鈔業已暢行官票一項自應量爲變通使鈔票並重無分軒輊著卽照所議以官票掣字換給寶鈔按月收發以便商民而資利用東華續錄

八年軍機大臣彭蘊章等會同戶部議奏東河鈔票酌改錢鈔成數得旨依議河工撥款既加寶銀一成自應撙節支放究其本惟在地方官竝收民鈔一面開設官號認真辦理則河工放款或可稍增成數不至折耗過甚該河督巡撫勿徒坐享其成不肯獨任其難迅速妥籌補救之方懷之東華續錄

又 諭軍機大臣等據廖鴻荃奏福建省永豐官局前因提用局票過多局夥倚恃委員護庇買空賣空致民間不復信用局票物價日昂奸徒鼓煽致有三月間闖入督署之事乃鑄錢空礙該復銅錢以二成錢票一成見錢搭放市肆未見分文多被奸民運赴省外銷售近因彌補票本設局勸捐怨聲載道將來此項捐貲若復那移別用更何以爲清釐官局之資一朝潰裂患不勝言等語該省設立官局原期酌盈劑虛便民利用若任令委員盤踞奸夥營私不思力加整頓必致官民交困王懿德見在出省督兵所有該局倚勢作奸之委員著派東純會同屢端嚴參懲辦局夥奸民從中漁利者一併嚴懲以除積弊至錢票與見錢分成搭放該省銅錢

本不數用不准奸民外運私銷日久自堪補救其勸捐一節原屬不得已之舉亦須俯順輿情不得抑勒苟派
致滋怨謗該將軍巡撫務當通盤籌畫剔弊釐奸嚴定章程飭屬安辦以資周轉而裕民生將此諭令知之東

華續錄

十一年諭內閣戶部奏銀價日貴設法辦理並據翰林院侍讀學士綿宜奏請嚴禁姦商把持並訪拏私鑄等
語京師銀價騰貴於旗民生計大有關繫總由各官號商人始以戶部官號爲名暢開私票繼以官款長開爲
口實意在挾持因之奸商從中漁利實堪痛恨著照戶部所議所有該部長開官號票存按上年十月奏准錢
隨市價之日統扣三成作爲該商罰款並變通捐銅局章程收回該部長開官號票存俟官款收清將四乾字
號撤去官號字樣作爲民鋪交順天府管理倘各官號未能將私票存及三成罰款全數清理以致貽累民間
或任意抑勒及有心擾亂激成事端卽將該商人等送交刑部奏明正法原保之恒利等號商人著先交五城
看管如任令官號商人攜貲潛逃卽將該保人一併治罪其五天字號並著總管內務府大臣妥爲辦理至民
間錢鋪見不出票額有與官號通同把持之弊卽著順天府五城步軍統領衙門一體出示曉諭限於一月內
各開各票倘敢抗違卽將該鋪商從嚴懲辦除以前官號錢票仍照戶部見定數目發給外自奉此旨後各錢
鋪均照票之多寡發錢不得仍前抑勒短少至私鑄錢文大千例禁並著順天府五城步軍統領衙門一體查
拏於舊案後加等治罪仍嚴禁販錢出城並查拏私設錢攤之人以重罰法而利民用

東華續錄

同治二年江西巡撫沈葆楨奏竊臣接准戶部咨奏令直隸山東河南四川等省應徵地丁旗租及各關稅課
均請自奉 旨之日爲始全行停止搭放鈔票改收寶鈔京外搭放之款除東南兩河仍舊搭放外其餘無

論何省何項應發鈔票一概停發毋庸補放寶銀奉旨允准通行各省照辦等因查江省向未奉頒寶鈔惟先後由都督發官票銀二十萬兩咸豐四年七月起設立寶豐官局司庫應放兵餉及俸廉等項一律支發八成寶銀二成官票營兵所領官票省營赴局易錢外營向坐營州縣易銀紳民所得官票准其完糧抵捐州縣所收官票准其搭解地丁二成嗣復仿照江蘇清淮糧臺章程議將兵餉照舊搭放其餘俸廉役食雜支各款改搭五成其歷年陣亡官弁兵勇卹賞祭葬等銀遵照部定章程按名先放五成鈔票計自行用以來搭放搭收輜輶周轉官民日久相安庫款亦資展拓茲准前因查各營兵丁應領月餉本屬無多從前銀價甚昂尚可稍資敷衍近則錢貴銀賤仰事俯首已苦無資倘將應搭官票再停則領款愈形短絀夫士飽馬騰方成勁旅飢寒之不卹欲其專心技藝勢有不能文武養廉業經分別減成茲復頓減其半亦不足以示體卹至於辛工役食資以辦公胥隸類多貧民卹其身家方可責其守法陣亡官紳兵勇應領卹賞祭葬碑價等項業已停放五成寶銀若官票慨行抹銷則死難子孫毫無所得不足以激勵人心臣督同司道再三商議擬請嗣後江省司道關庫無論何款撥解京餉循照舊章起運寶銀不搭官票至本省司庫支收各款仍將官票按成搭放搭收以資周轉寶官局事務舞多應卽裁撤歸司庫照章辦理以節糜費由署務司孫長紱詳請具奏前來除咨明戶部外理合會同協辦大學士兩江總督臣曾國藩恭摺具陳伏乞聖鑒訓示謹奏沈文肅公啟書

光緒二十二年湖廣總督張之洞奏再湖北省錢少價昂商民交困雖議設爐購機器鼓鑄一時驟難卽有現錢供用至行用銀元太以輔削錢之不足而民間持向錢店易錢每爲奸商所抑勒以致錢價仍不能平查

從前各州縣解繳丁漕錢文皆在各錢店易銀上兌於是制錢專歸錢店該商遂得以擡價居奇臣等與司道熟商惟有設立官錢局製爲錢票銀元票精加刊印蓋用藩司印信及善後局關防偏立密號層層檢察如有私造者照私鑄制錢銀元例嚴行懲辦通行湖北省內外此票與現錢一律通行准其完納丁漕釐稅凡州縣丁漕向來以錢赴省易銀者概令由官錢局易銀上兌卽以錢供民間持現銀及官票來局換錢之需民間來局換錢者概照市價錢票以制錢一千文爲一張銀元票以大銀圓一元爲一張蓋以數少票多工精罰重則作僞者自絕當於上年夏秋間在武昌省城設局試辦派委廉謹誠實之員經理現又於漢口設一分局以資推廣行之半年尚無弊端有此官錢局之錢票銀元票流播民間庶可補現錢之缺乏臣等仍當督飭司道隨時嚴加稽核體察民情與時消息行之既久民信既堅官票大暢則市價自平而民困可漸紓矣據湖北布政使王之春署湖北按察使漢黃德道翟廷韶會同善後局司道詳請具奏前來臣等覆核無異除咨部外理合附片具陳伏乞 聖鑒謹 奏張宮保政書

皇朝政典類纂卷六十一

錢幣四

錢法 錢直

凡制錢千曰串普爾錢百曰勝格串一勝格一藏大錢九小錢十有八以當銀得一兩凡鑄耗率以百九耗淨則耗錢之數以其重準其本與其直以均盈虧焉會典

順治二年題准改鑄新錢每七錢準銀一分舊鑄錢每十四錢準銀一分官以此徵收民以此輸納聽便行使會典事例

三年題准禁用舊錢送部者每斤給價八分會典事例

四年更定錢直戶部議定制錢行使原係每七文準銀一分錢價既重小民交易不便應改為每十文準銀一分永著為令通考

康熙二十九年議准制錢務照定例每銀一兩不得不足一千之數會典事例 通考

四十一年更定錢制每文重一錢四分議定新舊錢直大學士等會議錢法奏言見今私鑄者多官錢壅滯若干少更舊制錢法既難疏通奉 上諭前佛倫等廢奏將制錢鑄小甚有裨益始准其行今鑄小以來私鑄之錢不能停止可會同九卿再加詳議務使永遠遵行無弊尋議言順治十四年因停止各省設爐專留京局改鑄每文重一錢四分定每銅百觔准耗銅十二觔鑄錢十串五十文有奇支給匠工物料等項錢二千六百九十五文康熙二十三年以詳察耗費事宜將耗銅減定為九觔每百觔鑄錢十串四百文支給匠工物料減定

一千九百七十四文是年改鑄每文重一錢卽照此支給每百觔鑄錢十四串五百六十文今制錢易於攜和私錢諸仍照順治十四年錢式改鑄每文重一錢四分其耗銅及匠工物料等項仍照康熙二十三年例支給今寶泉局按卯加銅鑄足額數自本年十一月鑄大錢起三年之內暫准兼用舊鑄小制錢但錢廩交易不便一律應定新鑄制錢每千文準銀一兩舊鑄小制錢每千文準銀七錢俟三年後新錢足用則舊錢可漸次令其各自銷毀其新鑄制錢務令分兩準足如有鑄不合式者將該監督題參議處從之通考

六十年議准京城制錢向來市價每銀一兩易錢八百八十文今每銀一兩易錢七百八十文錢價日貴民用甚艱嗣後將賣米所收制錢令五城照市價易銀交庫俟錢價稍平卽行停止會典事例

六十一年諭准於大宛兩縣設立官牙將錢價議平買賣現鑄雍正通寶制錢並康熙大小制錢樣和使用會典事例

六十一年議將平羅官米錢文交五城市易以平錢道並令八旗月餉皆以銀錢各半配給戶部議言京城制錢舊時每市銀一兩易錢八百八十文今銀一兩易錢七百八十文錢價日貴民閒日用以錢交易資用甚艱應將稻米所收錢文卽令五城平價易銀交庫併八旗給發月餉皆以銀錢各半搭放俟錢價稍平卽行停止從之○又奉 諭京師錢價甚貴至今尙未得平昔年管理錢法侍郎陳廷敬等條奏奸宄圖利毀錢作銅以致錢直騰貴如將制錢每文鑄重一錢則錢價卽平九卿議覆准鑄小錢迨後私鑄甚多朕以制錢仍照舊鑄大者爲善故特降諭旨而九卿請鼓鑄大錢將小錢銷毀朕念小民行之已久情令大錢並用自後於民亦甚便利凡事須隨時制宜鼓鑄一事從前屢經更改今錢價何故驟貴交九卿科道會同確議尋議言錢直平減

全在錢文之充裕見在銅觔已定歸併江浙購辦務令仍照原議四月完半十月全完如上運銅觔於四月內不完者卽應初參再限四月不完爲二參展限四月不完爲三參下運銅觔一照上運扣限糾參如有徇隱不行揭報將該督撫一併交吏部議處銅觔運解既速則按卯鼓鑄制錢日多錢價自平從之通考

雍正元年令寶泉局每年開鑄四十卯設立官牙議平錢直奉 上諭錢文係國家要務 皇考常注意勞思此事見在錢價日昂其如何平價之處著王大臣會同九卿定議具奏尋議言錢價騰湧總緣制錢尚少從前寶泉局每年曾鑄四十卯旋因銅鉛解運甚遲議減四卯見今歷經嚴催本局解收銅鉛甚多應增四卯卽於雍正元年爲始開鑄四十卯每年用銅二百八十八萬觔鉛一百九十二萬觔鑄出新錢與順治錢及康熙年間大小制錢相兼行使則錢多而價自平但恐有奸民囤積居奇應令大興宛平兩縣設立錢行官牙將錢價議平毋得任意低昂以便交易違者論罪從之通考

七年諭錢爲國寶固貴流通以利民然必權衡輕重使得其平方能便民用而無囤積私銷之弊近聞馬蘭峪地方每銀一兩換大制錢一千零二十餘文又聞奉天及直隸數府亦然錢價過賤民間貿易物價必致虧損且恐奸弊從此而生著該督及奉天府尹嚴飭地方官通行曉諭居民市肆嗣後錢價每銀一兩止許換大制錢一千文倘曉諭之後仍有出於千文之外者卽將違法之人查出治罪并著該部行文各省督撫轉飭各地方每銀一兩所換制錢不得過於一千文之外俾民用便利而國寶流通以爲經久平準之定則雍正內閣

上諭

九年諭八旗都統等八旗所設錢局倘定價太賤則射利之徒賤買貴賣就中取利反生弊端今比民間價值

每兩酌賤十數文逐漸減至每兩換大制錢一千文止如此則錢價自平於民生實有裨益其隨時減價之處八旗務須畫一辦理並知會步軍統領及察旗侍衛參領等留心察訪爾等亦不時稽查雍正內閣 上諭又議定疏通錢價應行應禁事例戶部遵旨議言一民間錢多則價賤錢少則價增應令提督府尹五城御史不時稽查其有販運出京及囤積居奇者卽行拏究一五城十廠糶賣成色米所得錢文發五城錢鋪照定價九百五十文兌換俟此項兌完卽令官錢鋪將所換銀兩照時價收錢循環流轉至八旗米局糶賣錢文亦交本旗錢鋪照五城例循環收換一兵丁月餉現在一九搭放今戶部卯錢及五城賣米等錢共得二十四萬餘串官錢鋪既有銀兩兌換不必於庫內再發則八九十月餉錢皆可以二成搭放俟十一月以後仍照舊例行一八旗五城現有錢文并所賣成色米之錢定價每市平紋銀一兩換大制錢九百五十文俟市價漸增官價亦漸增以銀一兩合大制錢一千文爲率不得因市價而遞減一京城內有姦民勾通經紀預發本銀於大小鋪戶收買制錢多藏堆積俟錢責始行發賣名爲長短錢應嚴行查禁從之○十一月飭各省文武官所賞給兵丁營運生息銀兩毋與小民爭利兵部覆准雲貴廣西總督鄂爾泰奏恩賞各省兵丁生息銀兩足資營運必須公平辦理如有將營運銀或占百姓行業或重利放債與商賈小民爭利者將出納官弁照驟擾地方索詐部民財物例治罪該上司照失察屬員貪劣例議處通考

十二年題准大宛二縣額設錢牙均令分五城地方酌量錢價貴賤以平時值每十日令牙戶親身赴部報價一次務令錢價平減以便民用並令步軍統領順天府尹巡視五城御史嚴行稽查儻有聚衆一處私立罰規職中串通高擡價值者送部治罪其牙戶選擇殷實良民承充會典事例

乾隆二年議將工部餘錢設官局出易以平錢直戶部會同提督衙門奏言見在京城每紋銀一兩換大制錢八百文較之往時稍覺昂貴蓋因兌換之柄操於錢鋪之手而官不司其事故奸商得任意高昂以圖厚利查前因米貴於京城內外設立米局委官監轄米價得平今錢價與米價均關民生日用事屬相同工部節慎庫見存餘錢八萬串請於京城內外開設官錢局十處東西南北四城共八處東華門西華門外各一處於內務府戶部刑部提督衙門各派官二員吏兵二部各派官一員併委各衙門雜職等官十員分派各局辦理庶奸商知無利可圖自必將回積錢文各行出賣錢價可以漸平俟試行有成效後就酌量奏請停止從之通考

三年奏准錢行經紀概行革除凡銀錢交易聽民自相買賣儻有藉經紀名色從中阻撓者所在地方官嚴拏究治會典事例

九年諭江南搭放餉銀自乾隆九年爲始仍照定例每銀一兩給錢一千其錢局公費運錢水腳准其動項報銷不敷成本准其銷算至現在鼓鑄省分如有折扣搭給者亦一例加恩照江南之例給發○又議准嗣後應官發錢者仍用錢外其他應支領銀者卽以銀給發不得復以錢代如直省興修水利城工坐糧廳赴東採買布疋等類及各省修理城垣倉庫營房衙署等項領出帑銀除雇匠夫給發工價外其一應辦買物料等項如間有易錢給發者該管上司卽行查禁至民間日用自當用銀除零星布帛菽粟之類准其用錢外至鋪店向行家成總置貯貨物均令用銀交易不得用錢行令直省該地方官徧行出示曉諭會典事例

十一年議定用銀用錢事宜時以兵部侍郎舒赫德奏稱京師錢文自各門嚴查後價直漸平而近京州縣仍貴昔因天津一帶商船漕船回南時興取錢文所致應令地方文武官嚴查禁止得旨照所請行錢文一事

有稱廣爲開採者有稱嚴禁盜銷者有稱禁用銅器者其論不一卽京師現在稽查辦理亦不過補偏救弊之一端終非正本清源之至計朕思五金皆以利民鼓鑄錢文願以代白金而廣運用卽如購買什物器用其價直之多寡原以銀爲定準初不在錢價之低昂今惟以錢爲適用其應用銀者皆以錢代而趨利之徒又復巧詐百出使錢價低昂以爲得計是輕重倒置不揣其本而惟末是務也不但商民情形如此卽官員辦公亦有沿習時弊者如直隸興修水利城工坐糧廳採買布疋所領帑金數萬皆欲易錢運往其他官項大率類此夫所領帑項原係銀兩卽報銷亦以銀錢核算何必換錢應用若以領銀之人得受錢文爲便不知所發銀兩卽少至分釐亦可按數分子與行使錢文何異况未必至分釐乎向來江浙地方有分釐皆用銀者何嘗見其不便嗣後官發銀兩之處除工部應發錢文者仍用錢外其他支領銀兩俱卽以銀給發至民間日用亦當以銀爲重其如何酌定條款大學士九卿議奏尋議言凡各省修理城垣倉庫等項領出帑銀除雇匠夫給發工錢外一應辦買物料如有易錢給發者該管上司卽行察禁其民間各店鋪除零星貿易准其用錢至總置貨物俱用銀交易應通行各督撫轉飭地方官出示剴切曉諭使商民皆知以銀爲重不得專使錢文實於民用有益從之通考

二十一年定各衙門公費給錢之例戶部奏言寶泉局歲鑄錢文於額用之外餘錢八萬餘串逐年遞積現存庫錢約六十萬串在京各衙門每月應支公費除工部各官業經該部奏明給發寶源局錢外其餘俱由戶部支領銀兩每月需銀九千四百餘兩不等而各衙門領銀之後又需赴市易錢應用請嗣後一體改給制錢則庫項既不至壅滯而錢價又可漸平從之通考

三十六年諭錢法責於流通近日錢價頓平自由鑄錢日多之故令各省皆請減鑄座此後官鑄錢文即不能如前充裕設市儕探知其故難免無藉口居奇復增錢價於錢法甚有闊礙不可不豫為籌畫著傳諭各督撫務須通盤籌計期使錢值常平方為妥善會典事例

五十一年覆准各省市換錢價長落隨時行令將市換錢價有無增昂按月查明按季報部以憑查覈會典事例

五十六年諭軍機大臣等長麟奏調劑市集錢價一摺朕初閱時因泉貨流通隨時長落原可聽民自便但該省現在錢價過賤諸物未免增昂推原其故自因銀少錢多以致錢價日賤物價愈昂朕卽想及該省暫停鼓鑄自可調劑得宜惟是錢銀互易務在商民兩得其平其應如何量為節制不使少有窒礙之處必須籌算周詳本日復與軍機大臣講求推原該撫所稱將江省各營兵餉暫以銀兩散放並請來春暫緩開鑄一節係為一時調劑起見與朕初意相合應照所請辦理但此等權宜之計祇可因時通變行之一年以收一年之效可暫而不可久如明歲停止局鑄後錢價不致日賤仍當照舊辦理卽此法亦只可行之江省錢賤之處而他省情形又各不同亦不得一例辦理總之有治人無治法惟在封疆大吏因地制宜隨時妥辦也 聽訓

嘉慶九年諭內閣戶部等衙門議覆朱恒條奏京城錢價過昂請嚴察積弊禁止居奇以便民生等因一摺國家設局鑄錢原以利用便民而錢價之昂貴總不外局中短鑄及奸商私毀二端京城寶泉寶源二局接卯兌發銅鉛鼓鑄錢數自有定額該錢法侍郎自應督飭各該監督釐剔弊端心經理而奸商私毀之弊卽京師亦所不免著步軍統領衙門嚴密訪拏以清弊源至外省設立錢局接卯鼓鑄何以錢價騰貴更甚於京師自

由各該督撫及各該地方官不實力督辦或係局中短鑄或有奸徒私毀以致錢文不能充裕價值日昂嗣後各直省督撫當轉飭各地方官一體嚴察如查有短鑄及私毀情弊立卽查拏懲辦毋得視為具文以重錢法而利民用儻各該督撫等不實心籌辦經朕訪聞或別經發覺惟該督撫是問 聖訓

十年諭內閣近年京師錢價昂貴節經降旨查禁私販外出並令戶工兩局接卯鼓鑄毫無短缺而價值仍未稍為平減風聞各省錢局不能如數鼓鑄該督撫等並不實力查辦以致日形短絀前於嘉慶五年間曾經降旨諭令停鑄省分概行復卯其中有數省奏明不能還復者而每歲報部照舊鼓鑄者居多猶如承辦之員冀圖偷減工本並不遵照定例妥為經理名為開鑄而其實仍未復卯各省商賈市易流通專賴京局錢文以資轉運無怪乎局錢接卯鼓鑄而錢數不見其增錢價不見其減也夫國寶所貴流通若以天下之大恭仰給於戶工兩局是各省錢局竟成虛設民間購買物件以銀易錢虧失增倍於閭閻生計大有關繫不可不通飭查辦著各該督撫等將各省錢局應鑄錢文務令接卯如數鼓鑄毋許有偷減虛報情弊儻經此次曉諭之後尙不激發天更敷實辦理一經發覺或被人指參必將該督撫藩司及管局之員從嚴懲治其有將短鑄缺額等事據實呈告者說明所控確鑿定加獎賞以期釐槩肅清閩府充裕各該督撫并不可視為具文自干重戾也將此通諭知之 聖訓

道光二十五年御史劉良駒奏為銀價昂貴公私交困請飭定畫一章程以權輕重而便出納恭摺奏祈

聖諭事關銀價之昂未有甚於今日者京中紋銀每兩易制錢幾及二千文外省則每兩易制錢二千二百文不等其勢日就增加尚無底止諭者謂銀價之昂由於銀少固已然臣竊考唐宋以前中國數千年

上下通行之寶惟錢耳明初用銀猶爲厲禁至中葉始定稅糧折納白金之令相沿至今民間輸官之物皆用銀而猶謂之錢糧是其明證今之銀貴由於錢賤實由於用銀太重用錢太輕我朝承平數百年歷代所鑄之錢流行字內然自小民日用之外殆無用錢之處此制錢所以日輕也部司庫藏皆以銀爲出入此紋銀所以日重也於此而欲因時救弊襄益平施端賴聖人之權衡矣臣伏思國家制用不外出納二端銀錢皆所以權用不宜偏有低昂應請嗣後定爲銀錢兼用之制每紋銀一兩由部酌中定價准換制錢若干文如近歲戶部奏准各省捐輸案內以制錢一千五百文抵銀一兩之例並飭部臣將每年經費出入逐款稽核每年所入之項何項必須收銀何項可銀錢並收何項可一律收錢酌爲銀錢入數定額每年所出之項何項必須放錢何項可銀錢並放何項可一律放錢亦酌爲銀錢出數定額其收錢放錢卽依新定銀價折算但令制錢入數出數兩足相抵隨收隨放旣無貿朽之虞亦於向來銀項奏銷毫無虧損如收錢之處較少放錢之處較多卽令各鑪加卯鼓鑄以數支放則庫銀所入更可望其漸積盈餘尤於經久之計有益以臣愚見每年經費所入如關稅之短絀由於銀價過昂商賈畏累不前百計偷越若定以平價改收制錢可以廣示招徠當於關稅有裨此可收錢者一也鹽課之缺額亦每以銀價過昂爲詞查賣鹽之價本係制錢例須易銀納課今銀價倍增一歲至完兩歲之課將何以堪若定以平價改收制錢鹽務必日有起色此可收錢者二也常例捐銀每歲約三四百萬兩民間銀少錢多若准其照部定銀價交錢則輸納者衆且有近年各省捐輸以錢抵銀成案可循此可收錢者三也又臣來自田間深知百姓買銀納官之苦南中州縣間有收折民間錢文由官換銀運解初亦官民兩便今則銀價日昂向之折收民錢定數不能再增

州縣賠墊無出因欲加取於民以致激成抗拒如前此湖南之永陽崇陽及近日福建之臺灣浙江之奉化百姓滋事皆因州縣徵收錢糧加重所致而州縣之議加重又實因銀價過昂官賠無著所致是則銀價不平官民通累所關非細竊謂今日徵收錢糧亦當暫爲銀錢並收之法或通省酌定成數或察該處向來民間收錢卽令解錢仍就一省通融計算銀歸司庫奏報錢歸各支開銷此則各省州縣情形不同應令督撫飭地方官體察詳議此可銀錢並收者又其一也至每年經費所出如河工歲修貢料雇夫皆係用錢向來所定銀數照向來銀價已足敷用現卽物料昂貴而今日所定平價較之向來銀價尙必過之若改發制錢於河工不至支絀近日戶部奏准東河所收捐輸錢文卽已令作正款撥用此可放錢者一也工程尚定銀數本屬寬餘開銷難免浮冒今銀價過昂愈充私橐若改發制錢不過少減中飽之資於辦工仍屬俗如此可放錢者二也各省留支款項多係所領者銀所用者錢有司視銀價之昂爲利薮若酌定成數改發制錢於相沿舊章並無更改此可放錢者三也八旗月餉向有搭放制錢此後京外官俸及各省綠營坐餉似亦可仿照分成搭放此可銀錢並收者又其一也臣思成憲固宜恪守而達權乃以濟時況今日銀缺價昂上下均切殷憂幾無長策尤不能不取籌酌劑以利變通惟經費出入之數至繁豈臣等竊議測所能遠盡其曲折是在部臣秉公熟計而已要之紋銀日少勢不能使之更多制錢日輕法能使之漸重臣上年五月間曾有淮南推廣票鹽之奏其時卽籌及銀價昂貴請令商販納課銀錢兼收並請其錢撝辟南河應用嗣以票法不行其銀錢兼收之說該省亦未議及江西撫臣吳文鎔亦奏銀錢並行部議令其試辦卒以專行一省不無窒礙而止蓋銀錢兼重乃國家制用之大權非由部畫一定價暨統籌出納章程則上下觀望

莫執其咎臣再四思維現在紋銀流布日廣天產幾細勦制錢乃國家之寶設鑪開則可以取之不窮且
紋銀之少亦未必非豪猾富商利輕齎而儲厚積若用錢之途廣彼將無奇之可居卽藏銀亦當漸出矣若
夫市肆貿遷百物隨銀騰貴尤爲閭閻剝虧之病儻部價既定各處市價一體遵照出納每銀錢交易不得
過例價百文違者沒入所易銀錢仍按違制擬罪至用錢不無攬雜短陌諸弊須責成該管官吏認真收放
現在外省捐輸有收制錢者並有經部撥解河工抵銀者是卽一收一放並未聞其滋弊也或謂紋銀出洋
太多島夷廣集市舶以收銀爲坐耗中國之術臣謂缺銀之故未必盡由於此然銀錢兼用之令一下便知
中國上下所通行者不專恃銀以爲用則彼卽有陰計亦將漸就消沮而莫之逞是亦代謀之一策臣愚區
區深維今時國計民生之要無急於此是否有當伏乞飭下部臣詳議恭候聖裁經世文續編

二十六年內閣侍讀學士朱嶟奏竊維今天下大勢銀之日趨於少而日形其貴不待智者而後知也而國家之經費猶事事取給於銀豈非必窮之勢哉窮則變變則通變通之道奈何亦曰運錢法以握利權而已矣先王取山澤之蘊作泉布之寶貨國專其利而不使民間得私鑄者良有以也故定賦以粟而平貸以錢物賤由乎錢少少則重重則加鑄而散之使輕物貴由乎錢多多則輕輕則作法而斂之使重一輕一重張弛在官而權操於上今也出納以銀而錢幾若於無用雖曰國寶流通然流於下而不轉於上於是富商市儈得以乘人之乏相時之急操奇贏而竊行其輕重之權驟欲立一定價使上下遵行而或有勉強抑勒於其間此令必格而不行也要在其便使人易從通其變使人不狃方今鹽務疲餉皆以銀貴錢賤爲辭以鹽之賣錢而不賣銀也賣錢卽令解錢人豈不樂從乎長蘆鹽價可以解京充餉兵

餉發錢請自京師始東西兩隅分建二庫收貯錢文戶工左右侍郎掌之按照時價搭放兵餉東四旗餉東庫支領西四旗餉西庫支領以免轉運之勞並毋許有剋扣短陌纔雜等弊查明治罪又誰怨乎兩淮鹽價則解至河工以備歲修淮上至工皆有水路可通挽運較易工次雇夫購料俱是用錢此固兩便之道也民之以錢輸賦者通天下無慮十之七八地方官收錢而令解銀賠累已不勝其苦江西撫臣吳文鎔奏請本省坐支之項收錢放錢解部候撥之款徵銀解銀支放兵餉役食請照時價改折其言不為無見惟是全行改折錢文已涉紛更應出之項盡數解司然後由司發給往返搬運倍增勞費通省之大不用一分一釐銀幣未免偏枯據臣愚見以爲州縣徵收悉照舊規無庸更定章程向來徵銀解銀者姑置無論但就現在收錢者量其錢糧多少視其附近地方約計兵役衆寡爲之酌減應解銀數少解數成以紓其困除易解司之外則卽以錢抵銀每銀一兩折錢若干酌一定數以初爲常應有耗羨平餘攤捐款項仍行提出解司而本官同城官之廉俸准其坐支也本州縣之書工役食准其坐支也本地分汛之兵餉准其坐支存庫也其餘則視道里之遠近就近解存府庫道庫藩庫按照時價以放兵餉省標城守由藩司支放外標外營由藩司發帖持向各道府州縣支領時價則視省垣爲準以開徵之前十日爲定由藩司批示遵照半年一更餉銀每兩折錢多不過一千七少不下一千二下至一千二便可取爲定則不復再減至文武官廉俸無有收錢者發銀如故兵丁屯駐之區附近州縣無有收錢者發銀如故局鑄之錢向有成例者如何搭放亦如故如此則雖變而實因豈至糾紛而召怨乎此議若行於民無擾於官有益曷言乎於民無擾也百姓出粟米麻絲繩賣錢文輸錢完賦久已習爲故常向收若干今收若干自封投櫃者不遽改折此於民無擾

也曷言乎於兵無虧也兵丁領銀尚須易錢然後適用每至兵餉下時鋪戶又往往抑價今照前定時價放給足陌現錢入手應用何便如之此於兵無虧也曷言乎於官有益也先時銀多官以收錢漁利今時錢賤官以易銀賠累若多用一分錢則少解一分銀即少受一分累迨銀價平時又復獲有羨餘此則於官有益也或謂錢收於上則塵市一空恐萬井有錢荒之歟不知兵丁工役每月所領之錢必行於市也地方官除委輸官庫外尙有其大半必須易銀解司則其錢亦必行於市也且今日之患不在錢荒而在錢濫欲救其弊固莫利於收錢尤莫利於停鑄當此錢賤之時暫停鼓鑄將工本銀兩發出易錢實收登庫薄小者汰之則私錢難行而官銀見多價不漸就平乎仍照制錢一千準銀一兩之例搭放則利在其中矣利歸於上而市價漸平則兵餉發錢之說可得而行矣故興利除弊之方當以停鑄爲先著或謂今天下銀少錢亦並不多鑄何可停不知錢雖不多然自國初開鑄以來流行至於今日加以私錢攜和比之於銀固明明見其多矣將欲平價非銀錢相均價何由乎爲平價而權且停鑄追價平而旋復開鑄所謂欲贏先縮一弛而一張也若徒據目前事勢而言原欲以錢之有餘濟銀之不足方當加鑄廣鑄奚爲而言停鑄停鑄者正爲加卯增鑪之地步也昧者不察乃謂停鑄則錢乏錢乏而又開鑄一時恐難猝辦不知遺銅存焉器具存焉工本存焉或疑工本業已易錢不知工本易錢者謂發當日應用之工本易當日搭放之錢文非取後日之工本而鑄於一朝也且卽取後日之工本以易錢錢未放完便可以爲工本乘時而鳩工廣鑄何患不及所患者一停之後遂置錢法於不問但將官局封閉任其拋殘剝落偷賣而莫之省憂則是廢耳烏得爲停所謂停者工作少休而區畫運勞之方未嘗或息故雖不鑄一錢而局中應存應發之項並無短少且有平價

查私之益寓乎其中又有加卯增鑄之功繼於其後則停而未停也復何患焉或謂停鑄祇爲虧本起見國之大事苟利於民不惜費損斯則習見聞而不通時務之論者也夫錢價日益賤則物價日翔貴此自然之勢亦必然之理泉府以兩錢而成一錢之功官兵領一錢僅獲半錢之用無利於民有損於國孰得孰失必有能辨之者或謂開鑄有息停鑄則無息試思長餘之錢非息乎遺曠之銅非息乎統計有鑄十四省每歲卯額錢得一百四十四萬串有奇計其工本八十餘萬以八十餘萬兩之銀易錢搭放卽以每銀一兩合錢一千五百文計之當長錢四十餘萬串或錢僅數支放而一年鼓鑄之銅足可遺曠矣況發銀易錢乃散重而爲輕也收錢搭放乃斂輕而爲重也平價之方無易於是一舉兩得爲國持帑何憚而不此或謂外省工本恐爲別用借墊早已無存試思鼓鑄不停能以空空妙手鑄成百萬緡錢乎卽或工本微末易錢無多尚可借款籌辦以此借款易於歸還不至無著也或謂局中工役衆多一朝失業散之恐有不便不知錢法旣行收錢放錢在在需人不無安置之處且若輩執技事上非驛卒水手之比自食其力別謀生理未嘗不可夫今日之停工屢矣何嘗聞有工頭匠役出而滋事者乎由此觀之不惟外省之鑄可停京局之鑄先可停縱不可停亦可減當其始也減鑄而不減運仍以其餘工本易錢照舊搭放銅鉛存貯三年之後停運而不停採停運則運腳可省不停採則所出之銅可以留在雲南令其就廠開鑄鼓鑄以充演餉而將各省協濟之銀撥運進京以質庫款或就近採買銅斤以供鼓鑄至京銅見乏再令滇省或運銅或運錢參酌而行蓋滇省薪炭價廉製造亦精至長途運費運錢與運銅一也故他省之鑄可停而雲南之鑄必不可停以其銅鉛錫皆有若停官鑄則盜鑄者起矣如蜀黔湖廣江淮之間盜鑄者多所當加工精製以爲模範又

不徒以停鑄了事也若謂鼓鑄概不可停非篤論也總而言之可以用錢之處則用錢必須用銀之處則用銀大約附近則用錢致遠則用銀銀錢並用卽可銀錢並收子母相權贏縮有制能斂輕而爲重能散重而爲輕則價自平矣價既平乃益廣卽山造礮之功峻毀錢爲器之禁懲偷銅減工之失苟制持得所則錢有餘矣錢有餘乃益豐其糴本採買穀石以實倉儲以勸稼穡此由未返本沿流而溯源之道也有粟可食有錢可支雖未能陳紅貫朽而利權在握能發能收將來銀雖絀而不絀於用矣補偏救弊之方無踰於此在審其先後次第而布之耳若以爲事實因循何必改作鼓鑄依然鼓鑄用銀還是用銀工本日見其虧錢價益流於濫上失利柄下因有司有司賠累不起則必議加徵加徵而民不堪命則必至激變激變而封疆大吏帶兵彈壓又增一重浩費府庫日虛征求益急當此之時會計之司左支右絀一籌莫展而關心國計者又爲不切時要之言或議勑捐或議改鑄或議開礦或議行鈔紛如聚訟迄用無成夫數開捐例則仕途久淹人心莫奮改鑄大錢則名實不稱僞造日滋開礦則以現在河求未來卒之所得不償所失也行鈔則務虛張而鮮實濟久之將有亦化爲無也統觀眾論較短絜長曷若卽此現行之錢酌盈濟虛運籌其間不失制用之恆經爲得理財之大柄哉惟是各省情形不能盡一其中因地制宜隨時通變總在直省督撫藩司細心體察通籌妥議勿喜功而欲速勿憚煩而苟安則得之矣臣以候補之員本無言事之責特念一介庸愚由翰詹科道不數年間浮躋卿貳渥荷隆施涓滴未報昨緣事部議革職蒙恩改爲降調仰窺聖懷尙有不忍終棄之意眷戀闕廷留京邸伏見經費短絀上座宵旰之憂自知補救無猷敢爲芻蕘之鄉儻有可採相應請旨飭下部臣疆臣核議施行不揣冒昧塵瀆宸闕不勝戰慄待命之至經世

陝西巡撫林則徐奏竊照前准部咨奉 上諭穆彰阿等奏遵旨會議御史劉良駒條奏銀錢畫一章程一摺銀錢並重本係制用常經果能隨時酌數不使輕重相懸裕國便民兩有裨益未可輒稱窒礙不思設法變通著該督撫等各就地方情形詳細體察悉心妥議其奏務使法立可以推行不致滋弊毋得任聽屬員巧爲推諉稍存畏難苟安之見僅以一奏塞責欵此又軍機大臣會同戶部議覆內閣侍讀學士朱嶟條奏貴錢濟銀一摺奉 旨依議欵此並抄錄各原奏咨行到陝當經前撫臣轉飭司道暨各府州酌覈籌議臣到任後復經諱飭細加體察設法變通不許畏難推諉去後茲據司道兼覈屬樂會議具詳前來臣思銀錢相輔而行利散於民而權操自上果能廣用錢之路自足持銀價之平惟變通本以濟時而制宜首須因地查部議章程四條本以陝西列入陸路六省之內固已知其非比東南省一革可航而仍議令查明有無內河水路原冀一處能通舟楫卽於一處先令試行無如陝省七府五直隸州所屬九十一廳州縣之內錯處於南北兩山者計已五十九處重巒疊嶂車轍尙不能通此外三十二處雖屬平原之地亦無內河水路可達省垣是以行旅往來非車卽駄並有駄載亦不能通之處則須雇夫背負腳費愈繁此費若出諸官則恐滋虧空之端若取諸民又恐增派累之弊是陸路之難以運錢實係限於地勢似不能勉強而行也且陝省銀錢市價長落無常有時竟與別省迥異如本年七月內臣甫到西安省城每紋銀一兩可換制錢一千八百餘文迨至九十月間每兩僅換錢一千二三百文不等較前兩月頓減錢五百餘文之多衆人皆以爲詫異訪詢其故則僉稱歲歉糧貴之時銀價必然跌落其理亦不可解如果此後銀皆落價似亦相宜然又

忽低忽昂不能預料且當陝省銀賤之際鄰省銀價仍昂而未聞有市倉販錢來陝賣銀以圖獲利者可見陸路運費太大不能取贏若以市倉所不能爲者責令有司爲之其勢自更不易查內閣侍讀學士朱嶟原奏請將各屬銀錢視省垣時價爲準今以陝省觀之卽有難以作準者如省城現在銀賤而各屬之銀偏貴則領錢而回者不能與該處銀價相敵州縣不甘暗累卽難強以遵行且缺分衝僻不同錢糧多寡亦異自此屬之所解而爲彼屬之所領者領錢之人非卽解錢之人稍有參差遂滋爭執似亦非上司所能強制若論常年稅課原可銀錢並收但查陝省額徵商錢稅以及地畜牙當鹽茶磨鐵各課每年共銀六萬八千五百餘兩內除鹽課項下支給西安將軍養廉銀一千六百兩外其餘皆應報部候撥此正部議所云撥解之款應照舊徵銀不能改議者也以工程言之近年應修各工概因經費短絀奉文停止卽間有刻不可緩奏准辦理之工亦係爲數不多通年無幾或因本有恩款始准支銷與其改用錢文仍不如加意撙節之爲有益也惟陝省留支項下有可以變通用錢之處如文武各官養廉公費並各屬額支夫馬工料及各關局額支收稅書役口食等款俱可搭放錢文查道光二十三年覆奏陝局減卯開鑄案內卽已議准凡養廉等項每領銀一兩內搭錢一百文抵作銀一錢每年共搭錢三萬六百四十三串三百六文共扣回庫銀三萬六百四十三兩三錢六釐按季報部現仍遵行無異是變通用錢之議陝省所辦已在他省之先其未經搭錢者現扣六分平頭每年扣銀亦在二萬兩以上若再加搭錢文則減平一項轉覺扣不如數且即使此等款內再令減銀添錢亦不過核水車薪於大局似仍無濟至兵餉項下未便再搭錢文則前撫臣李星沅先已奏荷 恩允自毋庸議當此權衡制用上座 肅軒疇咨臣但有一得之愚斷不敢存苟安之見惟就陝

局情形細加體察實有難以改易者亦有業已變通者應請仍循舊章庶免轉生竝礙林文忠政書

咸豐元年禮部侍郎曾國藩奏臣於本月陳奏民間疾苦一疏聲明銀價太昂另摺具奏思所以變通之綱惟十年以來中外臣工奏疏言錢法者前後不下十餘人皆思貴錢賤銀以抑積重之勢而臣所深服者惟二十四年吳文鎔一疏二十五年劉良駒一疏二十六年朱嶟一疏此三疏者皆奉旨交軍機大臣會同戶部議奏戶部又交各省議覆旋以外間覆奏議論不一此事停閣不行臣反覆思維民生切害之痛國計日紓之由實無大於此者謹就三臣原奏所及參以管見擬爲銀錢並用章程數條伏候聖鑒

一部定時價每年一換也凡民間銀錢之貴賤時價之漲落早晚不同遠近亦異若官收官放而不定一確鑿之價則民間無所適從胥吏因而舞弊查吳文鎔原奏內稱照各省時價由藩司酌定於開徵前十日頒示各屬朱嶟所奏與吳文鎔大略相同惟稱多不過一千七百少不過一千二百稍示限制而已劉良駒所奏則以爲由部酌中定價若捐輸案內以制錢一千五百文抵銀一兩之例厥後戶部議覆酌定每兩折錢一千五百文核准在案臣愚以爲時價可換二千若驟改爲一千五百以放兵餉則譁然矣應請部頒定酌每年一換如現在時價換一千九百有奇部改爲一千八百則耳目不至乎大駭而官民皆得以相安明年時價稍平則部價亦從而稍減令各省每年奏報銀價九月奏到戶部酌定明年之價於十月奏聞求皇上明降諭旨明年每銀一兩抵制錢若干文收之民者不許加分毫放之兵者不許加分毫窮鄉僻壤謬黃徧諭凡一切糧串田單契尾鹽照捐照等件概將本年銀價刻入海內皆知婦孺共曉堅如金石信如四時庶民不致生怨胥吏不能舞弊也其與官項全無交涉市肆漲落與部價不符

仍置不問至現在八旗搭放兵餉每兩抵錢一千文外省搭放兵餉每兩抵錢千數百文不足以昭
證一應俟新章定後槩從每年所定部價以免參差

一京外兵餉皆宜放錢也查劉良駒原奏兵餉分成放錢吳文鎔則言外省之兵槩放錢文朱嶟一摺於
兵餉尤爲詳細其說以爲京營分建東西兩庫東四旗兵赴東庫領錢西四旗兵赴西庫領錢外省之錢
則分道庫府庫存貯各省標城守之兵由藩司支放外標外營之兵由藩司發帖持向各道府廳州支領臣
愚以爲朱嶟之說實屬可行凡兵丁領銀之後皆須換錢而後適用應請嗣後八旗兵餉皆各平分一半
仍放銀兩一半搭放錢文其外省綠營一槩放錢各省縣所收錢文有道員處解存道庫無道員處解存
府庫無知府處解存直隸州廳庫由藩司發帖向各處支領庶錢無解省累重之煩而兵丁無減平剋扣
之苦至駐防各兵仍舊放銀以免紛更

一部庫入項亦可收錢也查戶部所收各項惟井田科之旗租捐納房之常捐係京庫坐收之款此外皆
由各省解運來京劉良駒原奏內稱常捐銀兩儘可收錢朱嶟奏內稱長蘆鹽價可解錢以充京餉臣愚
以爲不特此也旗租銀兩本係近京小民佃種其所納皆係錢文官爲易銀轉費周折不若卽令解錢入
京常捐大捐之銀亦可酌收錢文計此二項每年可得百餘萬串至於外省解京之款如長蘆山東鹽課
儘可解錢進京而隸山東地丁起運之項亦可運錢應令此二省督撫每年各解錢百萬串入京又令兩
淮鹽運使每年解錢二百萬串入京合之京局鼓鑄之錢共得六百餘萬串足以資運轉矣臣雖至愚豈
不知錢質笨重搬運艱難然不行天下至難之事不足挽天下積重之勢大利所在未可以小小窒礙輒

畏難而苟安也且較之滇黔之銅鉛江廣之漕糧辦易相去懸遠矣其解錢之官須照銅員之例量與津貼之費務使毫無賠累官兵稱便共計幫費不過二三萬金所失無幾而所轉移者大矣

一地丁正項分縣收錢也凡出項莫大於兵餉入項莫大於地丁查吳文鎔劉良駒朱嶟三臣摺內皆極言地丁收錢之益臣愚以爲當分縣辦理如雲貴川廣閩蜀甘肅此七省者本省之丁賦不足充本省之餉初無起解之項其地丁銀兩應即全數收錢以省轉輸此外各省除去存留及兵餉二項尙有餘銀解兵運京庫協濟鄰省者其地丁銀兩應令一兩以下小戶全數收錢一兩以上大戶銀錢各半無收不必按成指派不必分析名目使小民易知易從其或患收錢太多不便起運者州縣自行換銀解省以備京款協款之用

一外省用項分別放錢也查各省廉俸工需役食等項名曰存留坐支之款前吳文鎔劉良駒朱嶟三摺及戶部議覆一摺皆言此項可全行放錢應即遵照辦理至兩河經費劉良駒朱嶟及戶部三摺皆言可搭成用錢臣聞從前林則徐在汴工目前陸建瀛在豐工皆令遠近州縣鑄錢到工以防市價居奇銀價驟跌之患東河捐輸案內曾令以錢報捐是河工在在需錢其理易明應請嗣後南河每年解錢百萬串到工於兩淮鹽課江蘇地丁項下各半分派

分解

一量減銅運以昂錢價也查朱嶟原奏內稱暫停鼓鑄一弛一張庶錢重而價漸平臣愚以爲鑄不可停而運不可不減側聞雲貴銅務洞老山空民怨官困滇銅不足搜買外省外省不足偷買寶局寶有萬不

能繼之勢應請於六運中酌量停一二運使雲南官民稍紓積困其銅木一項即可採買並可於鑄頭匠役量加優恤以期鑄造堅好庶錢質日精錢價日起俟十年後滇織稍旺再復六運各停鑄之省亦漸次開卯務使天下官民皆知錢之可貴而不知鑄運之苦則相安無事庶不終受紋銀出洋之苦矣曾文正

全集

七年諭軍機大臣等王茂蔭奏請飭外省廣鑄制錢營濟民急等語據稱江浙銀價向來每兩換至制錢二千有零自英國人在上海收買制錢錢卽湧貴以銀易錢之數漸減至半見在每兩僅易制錢一千一百餘文民衆困而洋人竟據爲利藪因請飭於江浙兩省加鑄加卯廣鑄制錢以濟目前之急該侍郎所奏自係爲銀賤錢貴變通調劑起見著該督撫等各就地方情形酌量覈辦至洋人收買銅錢應如何杜漸防微設法阻止之處並著何桂清趙德勲晏端等悉心籌議具奏王茂蔭原奏著鈔給閱看將此通諭知之東華錄

馮桂芬用錢不費銀議今天下非小弱也開墾之地日益廣山澤之利日益出布帛菽粟民生日用之需有加而無減也生齒雖曰日繁然二三十年來水旱兵革歲不絕閩傷人無算恐戶口之籍未必較乾嘉盛時遂相懸絕也是天地之所出自足給生人之食用而患貧之勢日甚一日者何也曰銀少也銀何以少曰偷漏出洋也或謂銀貴不盡由於出洋以明季國初爲證不知彼時府第有私積富室有厚儲故銀驟貴厥後窖藏盡出加以礦苗大旺銀又自貴而之賤今有是事乎或謂由錢多所致不知錢未嘗多也京師歲除間因錢鋪閒歇稍多藏票者爭取見錢錢卽湧貴是錢不多之證京師尙爾外省可知矣上海通市以來夷船每日收元寶四五百爲銀二萬餘每年漏銀七八百萬距今十年遂爲常額四口遞減

合計不下二三千萬兩設欲禁遏瑕竚立開中國之銀遞消遞減已去者不復來未去者勢無已凡物多則賤少則貴理也憶二十年前每兩易制錢一千二百文十年以前易制錢一千五六百文今易制錢幾及二千文若不早爲之所將來日增月益二千以外翹足可待 國家歲入地丁鹽課關稅不下三四十萬兩無非取之民間夫民間之所出粟米之屬而已而 國家之所取乃在至少至貴之銀若干徵其所無累逾益賤銀逾益貴始以粟易錢則粟賤而錢貴向之每石入三千文者今入一千數百文是十折而爲五六繼以錢易銀則錢賤而銀貴向之每兩出一千餘文者今出二千文是又十折而爲五六以銀準粟昔之一兩今之三兩也是 國家之出銀也常以三兩而供一兩之用而 國家之入銀也廩以一兩而竭吾民三兩之力如是而民安得不貧民既日貧賦益難辦逋欠則年多一年虧短則任多一任而地丁之入紬富商大賈倒罷一空凡百貿易十減五六而關稅之入紬於是經費竭而撙節之說起撙節甚而因循之事成應修之水利不修因之言苦無資農田易成旱澆轉以蠲卹損帑金應設之巡緝不設因之養癱貽患穿窬變爲跳梁轉以徵調糜軍餉凡地方應辦之事大都以工用支紬概緩籌議卒之事後補救需費更多歧中有歧弊益滋弊如是而 國安得不貧揆厥原本無非銀貴有以致之夫銀非可點石成也窖藏久無聞矣礦苗久不旺矣乾嘉間一例之開動贏千萬數商之助動贏百萬今則開捐助餉應者寥寥此何故也中國之銀止有此數不過相流轉於上下之間開捐助餉無非挹彼注茲之法今則無可挹何有注雖劉晏復生不能轉無爲有矣雖然銀而爲生民衣食不可少之物中國誠病矣若猶未也則中國之富足自在也轉弊爲利由反手也爲今之計莫如用錢而廢銀然用錢而廢銀尚不

如用錢而仍不廢銀惟在有以奪銀之權使其多少貴賤不足爲吾累而已銀之利在輕攢不廢其輕
之利也銀之害在匱乏不受其匱乏之害也節用而無耗減之名薄費而無耗費之實政本改作而不離
舊貫道在自然而然而不假勉強此其法奈何一曰收款放款起數一以錢也賦稅本有錢糧之日錢文又曰
通寶通者上下通行之謂顧名思義本無不宜應請一切文案凡載銀一兩者酌改爲一千八百文下及
民間一切票券嗣後一皆以錢起數不準以銀起數犯者其銀入官其在定章以前在官欠繳生息各款
在民典借各款一體換改一曰解京解省輕齎兼用銀也錢重難運準其以錢易銀運解其水路可通之
地昭鑄銀一曰輕齎銷算由部按時定價每年一易也先期頒發一年之價各省一年內解京及互撥
之款俱照定價銷算以昭盡一一曰市價長落官不强抑而解款銀錢相易致有贏紩之數準別立一款
報銷也各處市價準兩水糧價之例而加詳焉分朔望兩期督撫按月報閏徵收起解以錢易銀幹到發
放以銀易錢皆於朔望相易以使之一定其於部定之價所贏所紩之數準別立一款存贏補紩歲終核
銷此未嘗廢銀不用而銀之多少貴賤可不復問以目前計之以九錢而當一兩之用萬一銀價更增
卽以八錢七錢而當一兩之用銀日益貴不啻銀日益多充類至盡上與黃金同價猶之以此入以此出
也度支無損毫末而國與民之隱收其利者實非小補蓋民間各種貿易往往頓置論銀而零賣論錢
銀價以來論銀者不加而暗加論錢者明加而賣減以是商賈利薄裹足不前今一概論錢則準本獲利
自然趨之如驚貨物因之流通稅項可期增裕至於鹽務納課論銀而賣鹽論錢銀價以來課項倚於鹽
價今改爲納錢商人獲利既多輸課自易而尤莫若地丁錢糧一款爲小民沾皇上莫大之恩也窮鄉

僻壤無銀可徵往往以錢代銀官爲轉換愚民無知但見年增一年不無歎望浙江奉化等處滋事多由於此可爲寒心今改徵錢文正數已減十分之一火耗傾鎔之費加之無名亦當頓減昔爲不加賦而加賦今爲不減賦而減賦在國家無絲毫之損在閩閩沾浩蕩之恩彼見聖天子當軍興費絀之時有此非常曠典必將感激涕零輸將恩後所以節民欠者利猶小所以固民心者利更大也或謂中國不重銀東市以銀準貨出洋不更多乎不知此未離乎重銀之見也今用錢而以銀爲置郵之具貴也賤也出洋也不出洋也總與大局無與也宋以前不用銀何以富強自若也况本無法以使之不出洋何可爲改法苟且就使銀盡出洋正有一法以持其後唐憲宗時有委錢富家輕裝合券之法謂之飛錢宋間中交子法富人十六戶主之嗣又官爲置務有會子關子之目皆有寶錢爲本更非行鈔之比今山西錢賈一家輒分十數鋪散布各省會票出入處處可通何妨仿唐宋遺意令西商轉換則輕齋更捷而無官爲置務之繁此亦一法也他若議用金玉珠貝諸幣議鑄大錢夫黃金便頓不便零寶玉珠貝一碎不可復力皆不足以敵銀大錢當十當百強輕爲重與行鈔同而防僞之法難於鈔製造之費多於鈔而其不可行亦同要皆未若用錢不廢之法爲易闊久大而無弊也若貢輕齋之小利貽匱乏之深憂舉一切國計民生盡殉之饑不可食寒不可衣之一物何爲也哉

此王子年作自道光中葉以後銀價漸貴迨巡至於咸豐三四年而極每兩易錢二千文以上蓋通商五口出入各貨略相抵獨鴉片價皆以現銀出洋計每年漏銀二三千萬兩故銀驟貴當是時南省米價每石一千內外農田出米而國課徵銀江浙州縣加徵無日先是銀一兩徵銀一千餘文後漸

加至二千八九百文 民重困其不能加之地 江蘇句容丹徒等縣定價每兩一千六百八十文稍加
卽滋事浙江奉化等縣略同官亦重困同年常州汪君本銓爲浙藩書來質以是法余嘗之遂屬余創
是稿亦不果上迨咸豐五六六年泰西諸國大水染盡仆中華絲市驟盛一年中賣絲至六七千萬兩各
貨及鴉片不足抵則運銀價之銀遂驟賤以迄於今是爲中外通市一大轉關蒙往時持銀貴由出洋
之說不信者參半至是始知黎說之不謬惟銀價方慮其日貴而今轉賤此料事之難以今時價言之
可易爲每兩四五百文斯尤善矣夫今天下以銀爲幣之勢已成改銀爲錢實不可行而上下出入
之間爲預備折耗地步則於用銀大局並行不悖今者銀價雖平而賤徵貴徵賤往來倚伏轉瞬不
可知汪君此法未爲無見偶檢得舊案遂附錄焉不敢掠美銀價仍而不易以志吾失云年來百物騰
貴有甚於銀者卽如匠工一節國初每工祇銀二三分見郡縣志者不一今增三四倍以彼時錢數雇
工豈不誤事然則衡甫之法亦不可用矣

顥志堂集

皇朝政典類纂卷六十一終

皇朝政典類纂卷六十二

錢幣五

錢法禁令

順治三年禁用前代舊錢戶部議定制錢漸廣舊錢應概禁不用惟崇禎錢數許行使其餘舊錢有願送部者每筋給直八分以資鼓鑄至八年以明季舊錢流行日久未能遠革復申其禁以三月為限過三月仍行使者罪之○又申假銀及行使低銀之禁通考

四年定各處地方不許私鑄僞錢及用前代舊錢通行嚴禁會典事例

八年題准明季廢錢願送部者量給價值如文到三月仍舊行使者枷一月杖一百地方官以瀕職論會典事例

十年題准官鑄夾帶私鑄者計贓以枉法論會典事例

十三年議准緝獲私鑄三次者紀錄一次會典事例

十四年議准私鑄爲首及匠人皆處斬爲從及知情廩使者擬綏監候經紀鋪戶興販攤和者杖一百流徙尙陽堡在京總甲在外十家長知情不舉首者照爲首例治罪不知情者杖一百徒一年告捕者官給賞銀五十兩該管地方官知情任其私鑄者照爲首例治罪不知情及聽其姦賈機和者五城坊官州縣每起降一級掌印兵馬司知府直隸州知州二起降一級司道三起降一級同知通判吏目典史有捕盜之責者各照印官例鹽運司照司道例分司照知府例大使照典史例副參游擊照道例都司守備千總照州縣例如五城御史

各撫按不參究者一併議處○又議准改鑄新錢有撫和廢錢舊錢行使者係旗人鞭一百枷一月係民人杖一百枷一月會典事例 通考

十八年議准私鑄爲首及匠人斬決家產入官爲從及知情賣使者斬決總甲十家長知情不舉首者照爲從例治罪不知情者枷一月杖一百告推審實官給賞銀五十兩該管地方官知情任其私鑄者斬監候不知失察者降三級調用如經紀鋪戶販賣機和私鑄者枷一月流徙尙陽堡在內五城坊官在外州縣官失察一起降三級二起降四級皆調用三起革職寧印兵馬司知府南隸州知州失察一起降一級二起降二級三起降三級皆調用四起革職司道失察一起降一級三起降二級四起降三級皆調用五起革職府州縣捕盜佐貳鹽場武職各官各按職掌照新例處分五城御史督撫不參究者以疎忽治罪會典事例

康熙三年題准失察私鑄該州縣官並吏目典史衛所官各降三級調用知府直隸州知州捕盜廳官各降一級調用司道都司各罰俸一年督撫罰俸六月運司照司道例分司照知府例大使照典史例議處會典事例七年題准攢和私錢十文以上照例治罪九文以下仍枷責免流徙會典事例 通考

九年題准興販私錢攢和行使五城御史及各省巡撫不訪參者一起罰俸三月二起罰俸六月三起罰俸九月四五起罰俸一年六起以上降一級留任會典事例

十二年題准銷燬制錢者犯人與失察官皆照私鑄例治罪地方官拏獲每一起紀錄一次至四起加一級旁人首告者所獲銅一半入官一半給賞除紅銅鍋及現存銅器不禁外其鑄造一應銅器止許五斤以下違禁者係官革職係旗人鞭一百枷一月係民人杖一百流三千里所獲銅入官驍騎校失察照知縣例佐領照知

府例參領照司道例都統副都統照巡撫例議處領催每一起鞭一百會典事例

十八年議准禁止鑄造銅器除銅鍋並現用已成銅器不議外其軍器樂器鏡子盥盆錘子鎖鑰箱櫃鍼轡節件戲子天平法馬刀束刀鎗刀環等物乃民間必用之物五斤以下者許其造賣此外銅器一概禁止犯者按律治罪失察官照例議處○又題准寶泉寶源二局鑄頭局役將各官應辦解局之銅包攬買交者杖一百枷三月並妻及未分子流徙尙陽堡該管官革職會典事例

二十三年議准錢局鑄頭並匠役等有私鑄小錢令錢法侍郎同稽察錢局科道及監督等嚴行查緝如不服別經發覺者皆議處○又定五城御史巡捕三營步軍統領嚴拿盜鑄私鑄及銷燬制錢之人若別經發覺訪獲者五城三營步軍統領官皆照處分錢局官例議處會典事例 通考

二十四年議准旗下正戶人有在本旗地方私鑄及銷燬制錢者照例治罪該管各官分別知情不知情照例治罪處分領催總甲鄰右十家長知情者照爲從例治罪不知情者係旗人鞭一百係民人杖一百係官降一級留任若別旗人或民人在該旗地方私鑄銷燬失察者領催鞭八十步軍尉驍騎校罰俸半年佐領步軍協尉各罰俸三月參領罰俸兩月都統副都統罰俸一月犯人本旗該管官皆免議如家僕有犯其主係官降二級留任係平人鞭一百該管官免議貨房之主知情者照爲從例治罪不知情者係官降一級留任係平人鞭一百城外居住及看墳家人有犯其主照此例處分若看房家人贊與他人有犯者家人照房主例處分其主免議在屯莊家人有犯屯莊領催知情者照爲從例治罪不知情者鞭一百其主及該管官免議

二十九年覆准據和私錢行使之人免其枷示流徙如有舉獲者不論錢數多寡係旗人鞭八十釋放係民人

杖八十釋放京城內外責令貢坊官瀕天府屬之宛平大興二縣直省責令該州縣官不時嚴行查拏如仍有攬和私錢者被督撫科道糾參或別有發覺將該管司坊州縣官每起罰俸一年京城內外令五城御史該部司官亦不時嚴查其私錢在內定限六月交送戶部照買銅價每斤給銀一錢收取交錢局鼓鑄制錢在外以文到之日為始亦限六月各州縣官動用銀收取亦照買銅價每斤給銀一錢收取解交布政使司限內交送私錢之人免其治罪

會典事例 通考

三十六年議准嗣後內外文武官將該管地方銷燬制錢私鑄販賣者自行棄獲免其治罪如被戶部都察院差官查出督撫差官拏獲或被旁人首告者五城坊官及直省州縣官不知情者一起降三級調用二起革職兵馬司掌印指揮直省知府直隸州知州一起降二級二起降四級皆調用三起革職司道官一起降二級一起降二級三起降三級皆調用四起革職五城御史直省督撫一起降一級二起降二級三起降三級皆留任四起降四級調用五起革職知府不捕盜同知通判州縣下更目典史照掌印官鹽場大使照典史分司照知府運司照司道武職守備都司照州縣官游擊參將照知府副將照司道提領照巡撫各分別處分以上議處各官有因公出境者免議至官船戶夾帶私錢者杖一百流三千里同船人知情不舉首者枷一月杖一百徒二年押運官知情任其夾帶者革職不知情者降三級調用其不知情之文武地方官但能拏獲者不論年月遠近皆免其處分文官拏獲者並免同城之武弁處分武弁拏獲者亦免同城之文職處分京城地方該管文武官拏獲者如係接壤州縣此縣拏獲彼縣亦免處分再知府以下若各旗地方有鑄造私錢銷燬制錢機和私錢行使者照康熙十二年議准銷燬制錢例處分再有自別省買私錢船車裝載牲口駛帶販賣者或被看

守邊關之人攀獲或被旁人攀獲甲首者將私錢入官攀獲之人照例賞銀十兩將販賣私錢之人及未經查出之該管官仍照例治罪處分其小錢在京城者限兩月交送戶部免罪照買銅價值每斤給銀一錢兩省以文到之日爲始限三月交各該地方官送布政使將小錢亦照買銅價值每斤給銀一錢咨報戶部其攤和低鉛所鑄小錢不便照好銅給與價銀於所定限內自行銷燬者免其治罪在京戶部都察院在外直省督撫差官不時查拏○又罰准湖廣昌字南字錢色紅不堪使用照小錢例依限收交行令該督撫鑄造務必精工如仍攤和鉛多將司道官以剋減治罪督撫以徇隱治罪○又覆准收燬小錢鉛多紅重每斤改給銀八分鑄時仍令開除九斤折耗其小錢不必解部竟交寶泉局戶部官與該監督公同收取會典事例

三十七年議准南字昌字錢禁止不准使用會典事例

三十八年覆准收取小錢紅色錢每斤給銀六分五釐○又覆准各處小錢紅銅錢悉令銷燬停其交送寶泉局在京城以奏准之日爲始外省以文到之日爲始均限兩月自行銷燬如逾限不銷燬仍照前存貯使用販賣者照定例將經紀鋪戶杖一百枷一月係旗人鞭一百枷一月將失察該管地方官亦照定例計起數議處會典事例

四十一議准改鑄新制錢將舊制錢於三年後停其使用各白銷燬會典事例

四十四年題准經紀鋪戶與販私錢攤和行使者枷兩月杖一百應發黑龍江給窮兵丁爲奴者照例改發雲貴川廣煙瘴少輕地方該管地方文武官不訪拏者一起降三級調用一起革職掌印兵馬司各省知府直隸州知州一起降二級留任一起降四級調用三起革職司道官一起降一級二起降二級皆留任三起降三級

調用四起革職巡城御史及直省督撫一起罰俸一年二起降一級三起降二級皆留任四起降三級調用五起革職再知府下捕盜同知通判州縣下吏目典史各照掌印官例鹽運使照司道例分司照知府例鹽場大使照典史例若營伍內有私鑄販賣行使者于總守備都司各官照州縣例游擊參將副將照司道例總兵提督照巡撫例再各旗有鑄造私錢銷燬制錢及機和小錢行使者驍騎校照知縣例佐領照府例參領照司道例都統副都統照巡撫例分別議處其漕船夾帶者船戶照興販例同船人照不知情之糧甲十家長例治罪押運官知情者革職不知情者照失察例議處○又照准行令直隸山西河南陝西督撫將水陸衝衢要口訪察販賣機和私錢之人照例立綬凡經過地方文武官皆照失察私鑄例降三級調用會典事例

四十五年議准新鑄錢尚少將舊制錢履限五年再行銷燬會典事例 通考

四十七年議准湖廣武昌蕪鑄制錢俟五年限滿之日不准使用卽行銷燬會典事例

五十六年覆准錢局收買廢銅以致小民圖利將小制錢燬壞變賣通行八旗步軍統領五城大苑兩縣嚴拏爲首者於本處枷兩月杖一百應發三姓地方給兵丁爲奴者照例改發雲貴川廣煙瘴少輕地方爲從者枷一月杖一百流三千里該管地方官知情故縱者與同罪不知情者降三級調用房主鄰右知情不舉首者照爲從例治罪不知情者杖九十又議准寶泉局爐頭豫借工料錢以致虧空嗣後永行禁止豫支再寶泉局每年奏銷照舊例開明不必別造款項會典事例

六十一年議准京城現鑄雍正通寶制錢同康熙大小制錢機和使用會典事例

雍正元年覆准雲南省自康熙四十四年設立官銅店短少價值加長秤頭礮民賠累該督撫嚴行禁革恐聽

商民採買販賣照市秤市價出入一依康熙四十四年以前銅廠則例公平收納毋得抑勒商民至所產之銅除供本省現在鼓鑄之用有餘聽民間販賣流通不必解運來京會典事例 通考

二年行收買舊銅之令○又禁直省收納錢糧銀匠估色之弊刑部尙書勦姦儀委員定繳糧例易銀上納民間單賣色銀未必卽係足紋必投銀鋪領鎔而後入櫃官銀匠當領鎔之時每苛估成色橫加勒索各有截字爲認遠州縣拆封後再發匠另鎔大錠方始解布政司銀匠見非其字截必以成色低潮票官責令完戶並補以致重耗累民嗣後諸嚴禁銀匠藉口成色包攬需索之弊經九卿議言直省州縣解司銀糧例鑿有州縣及銀匠姓名或店號銀匠之認識誠不可少應令地方官酌量錢糧之多寡擇其信實有身家者選用數人或十餘人聽民隨便赴鋪領鎔不許銀匠包攬代納如有不肖州縣設立當官總銀匠非其截子卽不准收致有扣剋等弊督撫卽指名參處從之 通考

四年置准晉省小錢寬限三年令該撫試行收買歲終彙報戶部候文銷解俟大錢流通然後通行收禁儻逾限三年猶有私錢事發者將奉行不力之各該地方官失察一次者降職一級二次者降職二級三次者降職三級四次者降職四級皆准其戴罪限一年內撫撈果能撈獲私錢一次者退職一級二次者退職二級三次者退職三級四次者退職四級如失察五次以上者降一級調用會典事例 通考

五年行各省舊欠錢糧折收銅器之令○又開甘肅鼓鑄局甘肅巡撫石文焯奏言甘肅錢文頗雜請動支庫銀二萬兩收買各屬戶工一釐字小錢及古舊錢廢錢開局於省城設爐十二座鑄滿文鑄寶華二字以所鑄大錢收換小錢源源更鑄俟收盡停止戶部議如所請從之 通考

九年嚴版運及國積制錢之禁戶部諭言民間錢多則價減錢少則價增應令順天府提督衙門五城御史不時巡查其有販運出京者卽行究處至京城內有奸民勾通經紀預發本銀於大小鋪戶收買制錢居奇四積僥錢貿始行發賣名爲長短錢亦應嚴行察禁從之通考

十三年諭國家錢法關小民日用之需必使流通充裕方能足用阜民乃每年鼓鑄而錢不加多京城之中康熙錢甚少此必姦徒暗行銷燬之故也我 皇考惠愛斯民留心錢法屢頒 諭旨嚴飭內外官員查拏盜銷之弊而下仍然錢少價昂則有司奉行不力顯然可見將此通行曉諭凡京城內外各該地方官務必密緝嚴拏勿稍疏縱儻仍視為具文發覺之日必將該管官重加處分不稍寬貸○又諭准私鑄未成從來比照偽造印信未成後即擬向未著有定例嗣後凡私鑄甫經置造器物尙未鑄錢被獲濟實者將起意爲首並同夥商謀之人皆照偽造印信未成爲首律杖一百流三千里其湊錢入夥並房主鄰右總甲十家長知情不首者皆照徇從減一等律杖一百徒三年不知情者照不應重律杖八十該地方官不實力訪拏經上司查出或別經發覺究明實係尙未鑄造者照豫先不行查出例降一級調用○又題准儻有不法姦商專販私錢運載至數百串出京貨賣及在京鋪戶人等將錢國積在家俟價昂始行出售者查拏究治其尋常行旅之盤纏小販之資本不得濫行截索留難如胥役借端生事擾害小民一經發覺嚴行重處該管各官玩忽不行嚴禁交部議處○又諭准江西湖北等處現在行使翦邊錢令各該督撫出示嚴禁不許攤和行使其從前收貯在家以文到一月內赴官首明量給官錢半價至一月後經紀鋪戶人家仍敢收買攤和貨賣者若照攤和廢絛行便輕例枷一月杖一百治罪尚不足以止姦應令嚴加曉諭凡收買翦邊錢攤和貨賣數至十千以上發黑龍

商民採買販賣照市秤市價出入壹一依康熙四十四年以前銅廠則例公平收納毋得抑勒商民至所產之銅除供本省現在鼓鑄之用有餘聽民間販賣流通不必解運來京會典事例 通考

二年行收買舊銅之令○又禁直省收納錢糧銀匠估色之弊刑部尙書勵廷儀奏言完繳_{錢糧}例易銀上納民間買賣色銀未必卽係足紋必投銀鋪傾鎔而後入櫃官銀匠當傾鎔之時每苛估成色橫加勒索各有截字爲認遠州縣拆封後再發匠另鎔大錠方始解布政司銀匠見非其字截必以成色低潮稟官責令完戶重補以致重耗累民嗣後請嚴禁銀匠藉口成色包攬需索之弊經九卿議言直省州縣解司錢糧例鑿有州縣及銀匠姓名或店號銀匠之認識誠不可少應令地方官酌量錢糧之多寡擇其信實有身家者選用數人或十餘人聽民隨便赴鋪傾鎔不許銀匠包攬代納如有不肖州縣設立當官總銀匠非其截子卽不准收致有扣剋等弊督撫卽指名參處從之 通考

四年頒准晉省小錢寬限三年令該撫試行收回歲終彙報戶部候文銷解俟大錢流通然後通行收禁儻逾限三年猶有私錢事發者將奉行不力之各該地方官失察一次者降職一級二次者降職二級三次者降職三級四次者降職四級皆准其戴罪限一年內拏獲果能拏獲私錢一次者還職一級二次者還職二級三次者還職三級四次者還職四級如失察五次以上者降一級調用會典事例 通考

五年行各省舊欠錢糧折收銅器之令○又開甘肅鼓鑄局甘肅巡撫石文焯奏言甘肅錢文頗雜請動支庫銀二萬兩收買各屬戶工一釐字小錢及古舊錢廢錢開局於省城設爐十二座錢幕滿文鑄鑾華二字以所鑄大錢收換小錢源源更鑄俟收盡停止戶部議如所請從之 通考

九年廢版運及回積制錢之禁戶部議言民間錢多則價減錢少則價增應令順天府提督衙門五城御史不時巡查其有販運出京者卽行究處至京城內有奸民勾通經紀預發本銀於大小鋪戶收買制錢居奇回積俟錢賣始行發賣名爲長短錢亦應嚴行察禁從之通考

十三年諭國家錢法關小民日用之需必使流通充裕方能足用阜民乃每年鼓鑄而錢不加多京城之中康熙錢甚少此必姦徒暗行銷燬之故也我 皇考惠愛斯民留心錢法屢頒 諭旨嚴飭內外官員查拏盜銷之弊而目下仍然錢少價昂則有司奉行不力顯然可見將此通行曉諭凡京城內外各該地方官務必密緝嚴拏勿稍疏縱儻仍視爲具文發覺之日必將該管官重加處分不稍寬貸○又議准私鑄未成從來比照僞造印信未成律例擬向未著有定例嗣後凡私鑄甫經鑄造器物尙未鑄錢被獲審實者將起意爲首並同夥商謀之人皆照僞造印信未成爲首律杖一百流三千里其湊錢入夥並房主鄰右總甲十家長知情不首者皆照尙從減一等律杖一百徒三年不知情者照不應重徒杖八十該地方官不寶力訪拏經上司查出或別經發覺究明實係尙未鑄造者照豫先不行查出例降一級調用○又題准儻有不法奸商專販私錢運載至數十百串出京貨賣及在京鋪戶人等將錢回積在家俟價昂始行出售者查拏究治其等常行旅之盤纏小販之資本不得濫行截索留難如胥役借端生事擾害小民一經發覺嚴行重處該管各官玩忽不行嚴禁交部議處○又議准江西湖北等處現在行使翦邊錢令各該督撫出示嚴禁不許攤和行使其從前收買在家以文到一月內赴官首明量給官錢半價至一月後經紀鋪戶人家仍敢收買攤和貨賣者若照攤和廢錢行使輕例枷一月杖一百治罪尙不足以止姦應令嚴加曉諭凡收買翦邊錢攤和貨賣數至一千以上發黑龍

江給兵丁爲奴者改發雲貴川廣煙瘴少輕地方不及十千者杖一百流三千里千錢以下者仍照舊例枷責其並無收買販賣一時未及交官或數止十文五文難以交官者令交地方保甲歲終彙交地方官毋得行使如行使者照不應重律杖八十該地方官不嚴行禁止以致仍有行使翦邊錢者將奉行不力之該地方官照收築小錢例失察一次降職一級二次降職二級三次降職三級四次降職四級皆准其減罪限一年內挾私鑄一次者還職一級二次者還職二級三次者還職三級四次者還職四級失察五次者降一級調用至不法之徒將錢剝薄小取銅求利者若仍議以滿杖亦屬太輕應令以文到日爲始如有挾獲者不分首從枷三月杖一百如將大制錢翦邊打造器具審明確有實據至十千以上者爲首之人照私鑄原律擬綏監候爲從杖一百流三千里房主鄰右總甲十家長知情不首照爲從例治罪所斂錢不及十千爲首之人照斂化小制錢例枷兩月杖一百發黑龍江給兵丁爲奴改發雲貴川廣煙瘴少輕地方爲從減一等杖一百徒三年房主鄰右總甲十家長知情不首皆照爲從例治罪千錢以下者仍枷三月杖一百該地方官並各上司不行查拏仍有姦民將制錢翦邊斂化至十千以上者州縣吏目典史等官一起降二級調用二起革職知府直隸州知州同知通判等官一起降二級二起降四級皆調用三起革職司道一起降一級二起降二級三起降三級皆調用四起者革職巡撫一起降一級二起降二級三起降三級皆留任四起降四級調用五起革職如翦邊斂化不及十千者州縣吏目典史等官一起降二級二起降三級皆調用至三起者革職知府直隸州知州同知通判等官一起降一級二起降二級三起降三級皆調用至四起者革職司道一起降一級二起降二級三起降三級皆留任四起降四級調用至五起革職巡撫一起罰俸一年一起降一級三起降二級皆留任四起降

三級五起降四級皆調用至六起革職如數止千錢以下者州縣吏目典史等官降一級留任會典事例 通考○又覆准嗣後如有將黃銅充作白銅製造器皿貨貿者一併嚴行禁止其已成者照依生熟黃銅給價交收入官如仍有犯者亦照例治罪○又覆准各鋪古銅器皿除寶在遠代銅器及紅銅白銅打造者不禁外其有將黃銅裝飾捏稱古器貨貿者令各鋪戶自行呈首定限一年儘數交官照例給價如限滿隱匿不交查出照私賣黃銅器皿例加等治罪地方官不能查訪別經發覺將失察之官照例議處

乾隆元年奏准停止收銅禁銅之令民間買賣聽從其便會典事例

八年定私鑄鉛錢禁例戶部會同刑部議定凡私鑄鉛錢爲首及匠人皆擬絞監候聽從及知情買使者各減一等里長知情不舉首者杖一百不知者不坐房主鄰佑知而不首者杖八十徒二年至九年更定私鑄不及十千者發雲貴兩廣極邊烟瘴充軍二十五年復定夥衆開鑄至十千以上者總甲十家長及房主鄰佑俱擬

杖徒互詳刑部 通考

九年申嚴販運及囤積制錢之禁 通考

十年奏准湖北行使之錢除翹邊嚴禁外如有砂版捶鑄錢古錢俟該省制錢充裕之後再行定議查禁會典事例

十四年奏准洋船有將紅黃銅器私販出口商利者百斤以下爲首者杖一百徒三年百斤以上發邊衛充軍爲從及船戶各減一等貨物及銅皆入官關汎文武官弁不搜檢查拏者革職知情賄縱者計贓從重論失察

著降一級調用會典事例 通考

十五年奏准凡各省拏獲私鑄之犯不論砂殼銅錢爲首及匠人皆擬斬監候爲從及知情買使者皆發遣爲奴如受些微雇值挑水打炭燒火及停工散局之後貪其價賤偶爲買使以及房主鄰右總甲十家長知而不拏獲舉首者皆照爲從發遣罪減一等杖一百徒三年其房主人等並不知情但失於覺察亦皆杖一百或有空房別舍誤借匪人一有見聞立即驅逐未經首捕者果係並未在場亦非受賄容隱仍止照不知情科斷失察各官皆交部分別議處官船戶夾帶私錢應照偶爲買使例定擬同船之人知情不舉首者照不應重律治罪押船官交部分別議處若拏獲銷燬制錢之犯密明將爲首者擬以斬決家產入官爲從者絞決該地方官有能拏獲私銷者地方官交部議敘失察者地方官及該管上司交部分別議處至於房主鄰右總甲人等知情受賄代爲隱匿者照爲從例治罪如但知情不行首告並未分贓者照爲從例減一等杖一百流三千里其並不知情止於失察者皆杖一百旁人首捕審實者官給賞銀五十兩再私鑄之犯有卽係私銷之人該督撫拏獲私鑄案犯必先嚴究有無銷燬儻有私銷確據卽照私銷例從重治罪會典事例

二十二 定分別收換廢錢之例通考

三十年奏准私鑄不及十千之犯定例係發往雲貴兩廣查各該省俱產銅鉛安插其地轉令故智復萌嗣後私鑄不及十人犯俱照免死減等之例發往黑龍江等處給披甲人爲奴不准發往雲貴兩廣安置三十六年奏准前代古錢向因流傳已久且非私鑄可比聽從民便今趨利之徒借古錢名色私鑄私販擾和行使遂致真僞難分請將前代古錢概照小錢之例一體嚴禁責成地方官勒限三月收買淨盡每斤給制錢

三十七年奏准存禁古錢原以防趨利之徒私鑄私販之弊然鄉僻愚民相安已久或數千文中夾雜一二未成斤兩不能零星繳換恐更胥轉得乘機嚇詐且前代古錢質地堅潔字式清楚若私鑄古錢與流傳舊錢迥異不致買偽難分嗣後如有姦徒借古錢名色私鑄私販者同各項私錢一體嚴行查禁外其實係前代舊錢行之已久仍聽民便

五十五年諭各省設立官局鼓鑄制錢其輕重厚薄原有部頒一定分兩量容絲毫偷減草率致私鑄得以乘機機雜今江西省局所鑄工料錢文與正額制錢皆係官爲鼓鑄何以斤兩多有參差不齊江西一省如此各省錢局亦難保無此弊著通諭各督撫務須督率道府局員認真稽查並令藩司於解收錢局之時無論正額工料按卯親加提驗如所鑄錢文有偷減銅斤節省火工不能遵照部式立卽發回另鑄並將局員爐匠參處責懲俾官錢一律整齊堅實私鑄自無從攏入矣督撫等視為具文並不隨時稽察致官局制錢不能如式私鑄仍未能淨絕一經查出必將該督撫治罪○又 諭銅斤爲額甚堅鎔煉時尚費椎鑿何至不耐磕碰卽使銅版四邊澆薄之處偶有擦損自在船內尙可隨時檢拾歸數卽稍有遺失亦不應多至數千斤此必係解銅委員有盜竊遺失情弊誑報掩飾沿途督撫不加體察卽據稟入奏殊屬漫不經心所有此項磕碰短少銅斤卽著照數賠補遇便搭解委員交部嚴加議處嗣後俱著照此辦理會典事例○又 諭內閣御史富稼奏請飭嚴禁錢市賣空買空一摺據稱錢市舊規各持見銀見錢互相交易近日市間多有憑空言買賣之人並各官號影射買銀之弊故銀價日昂百物因之騰貴小民生計愈艱大爲閭閻之害著順天府五城迅即出示嚴禁如查有空言買賣銀錢者立即嚴拏照刑部新定章程懲辦失查官員照例議處並將代保之經紀一併

嚴懲以懲奸商而平市價

喬光烈禁私銷讓羈惟錢文爲民生利用之資我國家軫恤民隱自京師以及外省各設爐座廣爲鼓鑄宣錢文日裕民用益饒乃近年以來錢未見足價值不平蓋姦黠之徒罔利私銷致妨民用亟宜立法嚴詔以杜其弊然禁私銷之法更難於私鑄私鑄者雖藏匿僻地必須設以爐座加以匠工爲時既久尙易敗露惟私銷者可以鎔化無迹隨時隨地最易藏姦是以法禁雖嚴終於百無一獲也夫欲絕其弊必先清其源防其弊於已然不如杜其弊於未然小民趨利若驚大抵錢質重則盜銷者多錢質輕則盜銷者寡此自然之理也我朝定制每錢一文重一錢四分一錢二分五釐不等唯康熙二十三年管理錢法侍郎佛倫等奏將錢一文改鑄一錢至康熙四十一年復改鑄每錢一文重一錢四分今現行錢文如順治康熙青錢質重一錢四分者每百中僅見一二文康熙錢重一錢者每百中常居十之三四歷考成書徵諸時事唯錢質止重一錢者可以行之久遠而無弊耳今應請倣照康熙二十三年之例將現在鼓鑄錢文每錢一文題請改鑄一錢每錢千文共重大斤四兩較現行制錢每千重七斤八兩計減用銅鉛一斤四兩遇匠精造務使輪郭周正字跡顯明既於國體毫無闕礙而盜銷者照現行制錢價每銀一兩二錢五分易錢一千文止得黃銅六斤四兩卽改造器皿所得價值不過在一兩以內姦徒無利可圖銷毀之弊似可不禁而自除矣又定例鼓鑄錢文銅鉛各半每銅鉛百斤加入點銅三斤其質柔脆不能打造器皿立法已屬周詳但不能爲打銅尙可爲鑄銅如銅鏡樂器以及箱櫃事件等碎小器皿均可私銷改造而碎小器皿加以手工往往不計分兩取值每易子倍於母是以銅少之區雖錢質甚輕而仍

不免有私銷之弊夫銅鏡等物爲民間日用所必需若因私銷而復嚴禁銅之例又屬繁重難行唯一州一縣之中銅匠不過數戶尙易稽考應飭地方官稽考銅匠共有爐座若干每月收買銅斤係何來厯務須確有根據并令一甲人等具結保任仍不許縱役而索如此立禁嚴密民知畏懼似亦杜絕私銷之一法也最樂堂集

諭軍機大臣等本日浦霖覆奏到查禁私錢二摺朕初閱其第一摺內稱訪查郴桂等屬及滇黔下游商販處所嚴禁偷鑄夾帶等弊先後拏獲私鑄六起咨部完結現在奸民頗知斂戢等語朕卽疑其所言未必皆實及閱其第二摺內稱民間日用小錢久已剔除其餘官板制錢或因行用日久稍有邊幅不整及顏色微黯者現飭呈繳給價解局改鑄等語是其所奏前後自相矛盾可見該省官局鼓鑄已不能如式久有小錢夾雜行使官錢且然安能使民間私鑄小錢查禁淨盡耶各省設立官局鼓鑄錢文大小輕重本有一定之制自應遵照京局寶泉寶源式樣筋杆如法鼓鑄民間旣槩用官錢則私鑄小錢自無從夾雜行使乃該撫始則稱民用商販無偷鑄夾帶之弊言已不實繼又稱官板制錢有邊幅不整及顏色微黯之處則是官鑄已有小錢不啻自行呈告大屬不可著傳諭浦霖務須督飭所屬實力查辦先清其官鑄之源始能杜私鑄之弊不得仍以顛頽了事

諭內閣姚鼐奏稽查鼓鑄局錢一摺內稱寶昌局工料錢文字畫多有模糊銅質亦甚窳陋隨提鑄匠責成發局另鑄火工署落局員賠補等語各省設立官局鼓鑄制錢其輕重厚薄原有部頒一定分兩量容絲毫偷減革差致私鑄得以乘機滋雜今江西省局所鑄工料錢文每兩皆有額定數目與正額制錢隨時解驗皆係官

爲鼓鑄何以動兩多有參差不齊則正額錢文亦恐不能如式何裕城久任江西巡撫未能留心稽查嚴禁實
贊辭旨著交部議處江西一省如此各省錢局難保無此弊前經通諭各督撫禁止私鑄私銷質力查辦若此
項官局錢文字書繞糊質地鏽糙局員先已滋弊則私鑄亦得藉此影射於錢法大有關係姚榮將鑄不如式
之錢盡數發局另鑄著落局員賠補所辦甚是著卽通諭各省督撫務須督率道府局員認真稽查并令藩司
於解收局錢之時無論正額工料按卯親加提驗如所鑄錢文有偷減銅觔節省火工不能遵照部式以致參
差不齊之處立即發回另鑄並將局員鑑匠參處責懲俾官錢一律整齊堅實私鑄自無從攬入弊混行之日
久則私銷私鑄之弊更可不禁而自止矣倘督撫等視爲具文並不隨時稽察使官板制錢不能如式而私鑄
仍未能淨絕一經查出必將該督撫一併治罪決不寬貸 聖訓

五十八年諭軍機大臣等畢沅等奏楚北收買小錢因地處衝途易換尙多懇請不必立限常川收買一摺內
稱自乾隆五十五年奏准定限後前後共收買過三十萬九千餘觔俱經發交寶武局銷鎔改鑄制錢現在民
間見小錢不能行用源源易換甚爲踴躍應准其常川收買繳局改鑄等語湖廣省自五十五年收買小錢以
來先後收買過三十萬九千餘觔不爲不多何以小錢仍源源不絕何而來今又奏請展限可見私鑄私販
來源不斷必致日收日多而奸商等恃有官局收買之例若一經查出可以藉詞赴局呈繳卽脫罪名如地方
官查察不到卽據入制錢行用漁利是名爲收買小錢以期淨絕而其實私販無所顧忌攜雜更多且湖廣小
錢非本省私鑄卽係四川雲貴各省私販順流而下必非下游江西江南等處商賈攜帶到彼近聞楚省下游
各處皆因湖廣小錢不淨致有攜帶到彼攜雜行用鋪戶居民均受其累是湖廣爲私販小錢總匯之所尤不

可不設法禁止以清其源而截其流畢沅等今諸履限收買之意不過以該處小錢不能淨絕將來下游各處遇有私販小錢破案審係由楚省販來可以託詞收買限期未滿爲鉤過地步今姑再予限二年著畢沅等一面盡數收買一面於上游各關隘實力巡察如有四川雲貴私販小錢到境卽嚴行查辦並令江南江西安徽徽浙江各督撫等通飭九江蕪湖龍江潯寧北新淮安各關凡遇商船經過於查看稅貨之便一併詳查如祇係制錢中攬雜小錢一二十串者仍給予大錢收換不必苛求致滋擾累若純係小錢而錢數竟多致百千餘串以上其爲私販無疑卽查出全數入官照例發落如此辦理既清其源又截其流則私販淨絕小錢無從行使私鑄之弊不禁而自止矣如予限之後畢沅等或於本省私鑄及上游各關隘不能禁絕以致下游各省復有小錢行用一經查出係從楚省攜往惟該督撫是問

聖訓

五十九年諭軍機大臣等福康安奏籌辦錢法暫停鼓鑄並於寧遠府收買小錢設鑄改鑄一摺已交軍機大臣會同該部速議具奏矣據摺內稱川北一帶民間行用俱係民鑄大錢而錢價總未加昂到省後與孫士毅當面講求總由川省水陸交衝各省商販往來錢文類多夾雜自平定金川以後百貨通行小錢充斥等語所奏固係就川省情形而論但小錢滋弊之由究由於各省局員將官錢私行減小額外多鑄小錢希圖贏餘肥羨以致流行各省日積日多而雲貴四川爲尤甚若商販夾雜使用能有幾何卽游惰小民於僻靜處所私行鎔化亦屬有限何至如此充斥是竟由官局偷減分兩多鑄圖利其弊顯然而督撫等又以錢局爲美缺往往將伊信用私人派令管理使之得有贏餘以致輒轉效尤竟成銅弊若此時加以究辦事隔年久恐督撫等無一人得免咎戾者是以寬其既往勉以自新今川省屢發兵餉及武職養廉等項既已銀兩滿支則銀兩流通

錢價自可日漸增長該省鼓鑄竟應停止而福康安仍請於寧遠設鑄四座將收買小錢另行改鑄仍不免爲地方官豫留津潤地步又據稱川省寧遠重慶等處均與滇黔交界私鑄奸民往往乘間販運若查禁不嚴必至漸滋偷漏等語福康安具奏此摺之時尚未接奉調任雲貴諭旨是以在川言川今福康安已調雲貴總督則滇黔皆其所屬川省小錢既由該一省私鑄運往其應如何嚴禁俾不致流行川省以期杜絕弊源之處正可悉心籌辦務盡根株而川省查禁小錢孫士毅本係原辦之人尤應力辦者俟和琳到任後再行據實認真督辦伊等三人先後接手同心妥辦自可期盡淨無弊至寧遠一帶沿用小錢據福康安奏若於收買後運至省城改鑄腳價費重勢有難行擬於寧遠府設鑄改鑄俟收買淨盡卽行撤局等語此事亦暫可如此辦理補偏採弊但設局開鑄最易滋弊所派道府等未必可恃林雋出身本屬寒微因其平日辦事尙知出力是以加恩擢用臬司今寧遠府設局開鑄一事竟當專委林雋實心經理並著林雋自行酌量如能常川在彼親督督率固屬甚善倘不能常駐彼處或於空閒時往來稽察務使收買小錢設鑄鼓鑄等事弊絕風清方爲妥著林雋受恩深重自當倍加勉力盡心查辦此後若能認真整頓肅清積弊將小錢收繳淨盡該處不留萌蘖著有成效朕必加以恩施倘不能實力妥辦致局鑄仍前滋弊小錢依舊夾雜必將伊從重治罪斷不稍貸又據福康安奏川省地方情形據稱該處無籍游民易於滋事現飭地方官認真偵緝從重究治遠近均知斂跡等語川省民情强悍從前畱匪等往往肆行滋事全在平日嚴行禁捕方不致故智復萌今福康安奏飭屬嚴拏均知斂跡和琳到任後惟當一體嚴行督飭有犯必繫以期地方寧謐和琳平日辦事俱能用心精細於此等事自必稽查嚴密辦理周密以副委任也將此各諭令知之 聖訓

又奏准民間小錢節經給價收買仍未免擾和行使顯係有心藏匿應勒限一年收繳淨盡毋庸給與價值若不依限呈繳一經訪出分別治罪令地方官責成牙行經紀人等查收赴官交納將所收實數按月呈報儻該州縣任轉牙行虛報及通同胥役藉端索擾卽行據實嚴參牙行胥役人等照例治罪○又諭前經戶部奏請各省收繳小錢俱不准給價勒限一年呈繳已令通行各省遵照辦理原因繳出小錢復與易給銀兩小民等惟利是趨轉致私鑄小錢冀圖沾潤是以停止給價今思民間日用及商賈貿易所有存留小錢不免有需資本若祇令其呈繳入官不稍償以價值小民等或因此裹足不前私相藏匿以致小錢仍不能淨盡著各督撫察看情形或於呈繳小錢時酌量給價俾各聞風跡躍呈繳可期淨盡各就所見據實速奏交部駁議欽此遵旨議定每小錢一斤給制錢六十文毋拘錢數多少卽數文數十百文者均准其赴官呈出易換大錢併予以一年之限收買淨盡儻再有私行藏匿不赴官呈繳者查出比照經紀鋪戶收翦過錢攏和販賣之例分別錢數若十千以上者照攏和私錢行使充軍例量減一等治罪不及十千者枷號一月杖一百會典事例六十年上諭內閣前因京師及各省錢價日賤由於小錢充斥節經降旨飭禁並立限收繳乃自查禁以來已逾年餘而京城錢價近又減落步單統領衙門尙有陸續收繳小錢是錢價之賤總由於私錢未能淨盡京城地方邊關人烟稠密並非偏僻處所奸徒無從藏匿偷鑄所有小錢必係外省夾帶來京而外省私行販運來京前經降旨委各關口實力嚴查今小錢尙敢於輦轂之下私行使用自由管關各員奉行不力日久生懈而地方官查禁私鑄亦視為具文不過出告示查禁止過一年半載胥忘之矣否則各省現俱停鑄京城戶工二局亦各減卯並將應發兵餉寶支銀兩又賞借王公及文武各官俸銀銀多錢少錢價日當增長何以轉日就

減落其爲小錢未淨情弊顯然昨據陳淮奏鑄楚小錢一案訊係由湖北漢口販至江西是漢口竟爲小錢聚集之所該督撫及地方官所司何事本應從重治罪姑念該省現有承辦軍需要務從寬免其深究該督撫各宣嚴飭所屬上緊查拏若仍陽奉陰違別經發覺惟該督撫等是問恐不能當其咎也至雲貴四川尤爲私鑄之數雖據該督撫奏現在實力收繳漸次淨盡但所奏如果屬實則私鑄既絕來源肅清因何各省仍復換和行使是該督撫所奏現無私鑄之處亦係託諸空言況前據徵瑞奏天津關已另設收繳小錢之局曉諭過往客販令其盡數繳出等語隨交各監督仿照徵瑞留心查驗嗣據盛住奏在淮宿海三關設局於齊看稅貨之便逐細嚴查並據刁玉成奏應責成地方官令錢鋪出具不敢攜和小錢甘結等語乃自該監督等具奏以來惟淮關收過小錢三百餘觔清查關收過小錢六百千文其餘各關未據將收過數目具奏而刁玉成轉以責成地方官爲詞可見該監督等並不認真遵辦惟以一奏了事所有查辦不實之各督撫及管關各監督均著傳旨嚴行申飭除就近飭知步軍統領衙門及五城順天府嚴密查拏責成錢經紀毋許攜用輕減外並再通諭各省督撫及管關各員嗣後當各矢天更一體寶心查察清其源以杜其流務期圖法肅清國寶流通錢價增平不可因有此旨一時嚴行查禁久而輒忘又復因循懈弛倘經此次飭查之後仍有盤獲小錢必當徹底根究係何處私鑄及經過何處卽將該管各督撫暨地方官並管關各員一併從重懲治不能復邀寬宥也

聖訓

嘉慶元年 太上皇帝勅諭內閣前因各省小錢充斥由於各省督撫不寶心詳查不肖局員等鼓鑄時偷減銅筋將輪廓收小且以爲好缺用其所私之人以致奸民因之私鑄弊端百出是以降旨將有鼓鑄省分暫行

停止業將兩年因念各局匠役人等世業其役停鑄日久伊等未免生計維艱而滇黔各省照舊徵採並恐銅
鉛積壓過多致啟偷賣營私之弊自不可不量為變通又上年皇帝率戶工部臣奏請各省開鑄時乾隆嘉慶
錢文各半分鑄業經允准今思朕臨御六十年而雲南廠又值豐旺遂照數鼓鑄乾隆錢文各直省流行較多
茲復各半分鑄則新舊錢文攏雜行使倘局員等仍復減小鼓鑄轉致無從稽覈著有鼓鑄省分各督撫於接
奉此旨後卽將嘉慶年號錢文按例全行開鑄並照戶工二局頒發錢式銅六鉛四配搭試鑄戶工二局現係
乾隆嘉慶錢文各半鑄造亦著將乾隆錢文改為二成嘉慶錢文改為八成鼓鑄使新式錢文廣為流通今當
改鑄伊始務須輪廓分明質地堅實不得再有偷減收小等弊以便商民而清圖法若此次開鑄之後嘉慶錢
文內再有未能如式薄小糙脆者錢上有各省局名可以一望而知非局員舞弊卽係地方官查察不嚴致有
奸民私鑄必將該督撫及地方官局員等分別從重治罪至雲南楚蜀向為小錢淵藪尤應審力稽查倘陽奉
陰違仍前滋弊一經查出必將該督撫等加倍治罪決不姑貸伊等身任封圻從前旣未能嚴查小錢收繳淨
盡已屬咎無可辭倅邀格外寬宥茲當奉行之初經朕諄諄訓誨若再不激發天良認真查辦則是始終不悛
恐不能當此重戾也 聖訓

又 諭軍機大臣等近年以來各省小錢充斥節經降旨諭令各督撫實力查禁收繳而小錢仍未淨盡且不
肖吏胥等往往藉查繳小錢為名任意訛索甚至暗中受賄轉將私鑄私販之人賣放是欲除弊而反以滋弊
可見官為查辦仍屬有名無實況百姓商賈行使之小錢均係由他處輾轉攬雜而來並非本人私行鑄用若
不清其源而徒絕其流於事終屬無益現在開鑄伊始正當肅清圖法之時該督撫等務宜實心查察如式鼓

鑄勿令局員工匠等偷減薄小其山僻處所有奸民私鑄者當督飭所屬嚴拏治罪俾官無小錢民無私鑄弊源可以杜絕其民間行使轉可不必查禁以免擾累惟舟車裝載成捆小錢經過關口仍應查拏究辦將此通諭知之 聖訓

又 諭近年以來各省小錢充斥節經降旨飭諭並令各督撫等實力查禁收繳而小錢仍未淨盡且不肖吏胥等往往藉查繳小錢爲名任意訛索甚至暗中受賄轉將私鑄私販之人賣放是欲除弊而反以滋弊可見官爲查辦仍屬有名無實况百姓商賈行使之小錢均係由他處輒轉攜雜而來並非本人私行鑄用若不清其源而徒絕其流於事終屬無益現在開爐伊始正當肅清圖法之時該督撫等務宜實心查察如式鼓鑄勿令局員工匠等偷減薄小其山僻處所有姦民私鑄者則當督飭所屬嚴拏治罪俾官無小錢民無私鑄弊源可以杜絕其民間行使轉可不必查禁以免擾累惟舟車裝載成捆小錢經過各關口仍應查拏究辦毋任稍有透漏並嚴查家人胥役等藉端訛索賣放之弊會典事例

十七年諭內閣御史嵩安奏請平銅器價值以重錢法一摺所奏不可行國家鑄造錢文以利民用如有敢將制錢銷燬或鑄錯薄小取銅求利者律有明條地方官果能嚴行查禁自不致有私鎔等弊若如該御史所奏將民間所用銅器官爲酌定價值勿任擾價居奇以杜奸商私鑄制錢取銅牟利之弊無論民間製造銅器尙需手工火耗等費工本懸殊其價值原不能齊民間日用器具甚多豈能一一官爲定價該御史所奏無庸議
○又 上諭軍機大臣等朕聞江蘇寶蘇局近日所鑄錢文多機和沙子錢質薄脆擲地卽碎外省設立錢局鼓鑄錢文應遵照定式斤重以期久遠流通今該省錢質如此薄脆自係經手官吏匠役人等剋扣銅斤機和

沙子所致事關錢法不可不加以整頓著百齡朱理卽留心查察提驗該局現鑄錢文如質係薄脆不堪行使
而將局內吏役人等嚴行審訊究出弊端將該管官員據實嚴參勿稍迴護再聞該省所屬瀋寧淮揚蕪湖各
關胥役人等於過往船隻每故意留難希圖勒索近日南省各關於應徵稅額每多短絀而往來行旅仍受稽
留之累其理殊不可解或該監督等受人欺瞞任聽劣幕長隨恣意舞弊商賈受其刁難伊等將所收關稅私
自分肥監督不能覺察國課轉致缺額並著百齡朱理嚴查密訪若有前項情弊卽將幕胥等拏究並將經理
不善之員一併參處 聖訓

十九年諭軍機大臣等蘇楞額奏嚴禁海洋私運一摺據稱近年以來夷商賄通洋行商人藉護回夷兵盤費
爲名每年將內地銀兩偷運出洋至百數十萬之多該夷商已將內地足色銀兩私運出洋復將低潮洋錢運
進任意欺蒙商賈以致內地銀兩漸形短絀請旨飭禁等語夷商交易原令彼此以貨物相準俾中外通易有
無以便民用若將內地銀兩每年偷運出洋百數十萬歲積月累於國計民生均有關係著將攸詒祥紹查明
每歲夷商等偷運足色銀兩出洋寶有若干應如何酌定章程嚴密禁止會同妥議具奏 東華續錄

咸豐三年諭內閣御史福壽奏奸商剋扣請旨嚴禁一摺見在戶部設立官錢鋪兌放八旗車餉必須嚴除積
弊方可取信於民若如該御史所奏官錢鋪散放兵餉任意扣折概用小錢並該鋪商人強橫異常不准取錢
人詳細點數等情殊非設立官鋪使民利用之本意著戶部派員實力稽查官鋪商人如有扣折剝削及攏用
小錢情弊立飭嚴行懲辦並於各官鋪出示曉諭以杜奸欺僞取錢人等故意挑斥爲難亦著一併查究 東華

四年諭內閣前有旨嚴定私鑄當百以下大錢並阻攏行使各罪名各該衙門諒已遵旨出示嚴切曉諭俾兵丁商民人等一體懔遵矣因思大錢製造之初民間極知寶貴嗣因私鑄充斥貞偽難分以致商民猜疑錢法不免壅滯茲已降旨停鑄當千當五百大錢但鑄當百以下各項大錢與制錢相輔而行輕重相機均勻搭配便民利用必可暢行惟官局製造若不精良仍恐私鑄得以淆混著該管錢法各掌官嚴飭監督司員等督率工匠所鑄當百以下大錢務須加工磨鍊色澤光潤俾私鑄不能相混而市倣奸商亦無所藉口儻查有偷減工料及攪雜破碎者卽行嚴參懲處其奸民私鑄及官局偷漏等弊仍著步軍統領順天府五城嚴拏務搜按照新例從重治罪至各省鼓鑄大錢亦著各該督撫嚴飭局員認真查驗如有前項弊端立卽查明從重懲辦毋稍疏懈 聖訓

同治元年諭內閣御史陳廷經奏請除積弊以平錢價一摺據稱京師自上年清理官錢票後錢價漸平近復驟長驟落各錢鋪取錢之人紛紛擁擠皆由各該錢鋪於現錢錢票有意低昂錢票一項復巧立現錢票寄存票等名目甚至買空賣空通行市上諸弊叢生近日城內竟有膽敢盜銷當十大錢以銷化之銅賣與寶源寶泉兩局並銅鋪內卽用大錢銷毀製器各等語銀錢市價爲居民生計攸關豈容鋪戶奸商把持市價任意高下牟利病民私銷例禁綦嚴豈容任聽此等奸徒蠹國害民漫無稽察著步軍統領衙門順天府五城一體嚴查槩行禁止如查有前項情弊立卽嚴拏按律懲辦 聖訓

五年諭內閣本日據管理錢法堂事務崇綸軍道遠毓祿王發桂奏遵查戶工兩局鼓鑄情形各一摺所稱近因滇省銅廠停開專用收買銅斤鼓鑄錢文質未純淨錢形間有參差工局現年所鑄錢數較少各等語錢法

關繫民用各該管堂官及監督自應認真辦以期一律流通豈可不加意講求致敗挑剔之漸辦理不善咎實難辭所有戶工兩部兼管錢法堂事務大臣及寶泉寶源兩局監督著先行交部分別議處嗣後該堂官等務當遵循成法認真督辦期於裕國便民永無流弊儻再任意因循致滋弊端當從重懲處

聖訓

岳震川興安郡志食貨論古者以黃金爲上幣錢爲下幣銀爲器飾非幣也後世黃金日益少莫能知其由雖富商大賈鮮以此交易惟通行銀錢一幣而已自秦漢至今千錢爲一貫曰縉曰纊其實一也興安一郡以八百爲挂相沿已久莫知其初小異而不失大同我聖清五朝之錢順治康熙多青銅雍正青銅赤銅各半乾隆六十年之錢暨嘉慶錢赤銅爲多有此小異其爲錢法則一也古人蓋貢赤銅丹陽之銅稱赤金漢武帝時公卿請京師鑄官赤仄如涓曰以赤銅爲其郭也班氏食貨志稱每壹易錢民用破業而大陷刑彼其法令紛更貴賤淆亂是以民怨而刑煩若我朝之九府圖法輕重得宜輪郭分明不待填以黃金文字刻畫顯奕真所謂利如刀流如泉分布如布民何由破業刑辟何自而生乎惟乾隆五十一年後承平日久奸宄潛滋山南二郡小錢之多如水湧而山出西同乾鳳諸郡無此患興漢二郡其患獨深則以南連蜀山東接楚澤奸民之淵藪盜鑄之巢穴也販小錢者或馬驥重載或舟舫潛貯百方掩匿期於不敗此盜鑄之骨肉也城門關隘津渡吏胥雖察其奸得賂卽縱此盜鑄之羽翼也亦有跡同黠鼠遺伏夜行吏胥無從詣驗此盜鑄骨肉之尤健者也此其所載最多獲利最厚富商大賈間有爲之姦索者不過十二三至於小小商販見利忘害此則盜鑄之奴僕耳州縣親民之官必掃其巢穴誅其骨肉鑄其羽翼而後盜鑄可絕若止詣問其奴僕屢有濟乎西安官吏奉憲檄來查小錢商賈閭閻均被其

害商賈之害官吏餉馬資大抵出於市區閭閻之害冠婚喪祭十千可辦之物二十千弗可得及官兵
征白蓮教匪往來川陝如織而小錢之害愈矣盜鑄之奸民明目張膽往而從賊販小錢之奸民或爲
鄉勇或爲賊尾攻剽富室乃知太史公以鑄幣與掘冢同科真有以也方教匪正熾大臣有援漢文帝故
事請寬私鑄之禁以容奇豪以恩兵革 主上剛斷弗許此萬世帝王不易之常經非止一代之綸綽也
吾讀張介侯續黔書有假銀一篇言其弊甚悉雲貴產銀故假銀惟患小
錢偶有過客持假銀交易市人必訟於官官必懲之以刑其勢不能姑息故其禍不至蔓延小錢之入於
市廬也以漸而多失爲霜霰久乃堅冰長民者昭雖似鄭忍或效曾至於通省官吏皆知山南小錢之患
而商賈閭閻皆病如前所云矣今小錢息滅踰十年矣浮食者尚多遊匪未盡改行若不思患預防數年
之中小錢之患又將生矣賜葛堂集

皇朝政典類纂卷六十三

錢幣六

京師錢局

戶部管理錢法侍郎滿洲一人漢一人掌寶泉局鼓鑄之政令凡銅鉛進於局驗而收焉缺者補之銅不足者抵以耗凡鑄錢月定其卯驗而解於部附鑄亦如之考其式法給其工料越歲則奏銷主事滿洲一人漢一人掌出納文移寶泉局監督滿洲一人漢一人掌監收銅鉛及鼓鑄之事察匠役之勤惰局大使滿洲一人掌守庫藏給使令東廠大使滿洲一人南廠大使滿洲一人西廠大使滿洲一人北廠大使滿洲一人掌分管四廠會典

工部管理錢法侍郎滿洲一人漢一人掌寶源局鼓鑄之政令凡銅鉛之歲輸於部者定其額至則以時驗收焉凡鼓鑄分其爐座覈其緡數出卯則輸節慎庫以給工直其餘者按成數以納於戶部寶源局監督滿洲一人漢一人掌監鼓鑄大使二人掌給使令會典

順治元年定令漢右侍郎一人督理京省錢法滿漢司官各一人監督寶泉局每年掣差設大使一人五年報滿會典事例

順治初年定寶源局鼓鑄制錢接卯報部運赴節慎庫驗收以備給發各工之用會典事例
十四年停各省鎮鼓鑄專歸京局更定錢制每文重一錢四分於錢幕鑄滿文戶部奉 上諭鼓鑄之法原以裕國便民今各省開爐太多鑄造不精以致奸民乘機盜鑄錢愈多而愈賤私錢公行官錢壅滯官民兩受其

病欲使錢法無弊莫若鼓鑄歸一其各省鑄爐一概停止獨令京局鼓鑄務比舊錢體質更加闊厚每文重一錢四分磨鍔精工且兼用滿漢字俾私錢難於僞作一面鑄順治通寶四漢字一面鑄寶泉二滿字其見行之錢姑准暫用俟三年後止用新鑄制錢舊錢盡行銷毀通考

康熙二十三年議將各關稅及蘆課銀增辦寶源局銅令每年開鑄二十四卯管理錢法刑部左侍郎佛倫疏言寶源局每月分二卯鼓鑄每卯需銅五萬觔現在各關額解之銅尚不無遲延尾欠每年約止交局六十五萬八千餘觔僅可供鑄大月有餘其餘五月匠役無事各歸鄉村安能保其不行私鑄請將各關稅及蘆課銀增買銅至一百二十萬觔一年按月鑄足二十四卯不令匠役出局可杜私鑄之弊經工部議言見今蕪湖龍江南新荊州四關歲辦額銅七十一萬九千六百五十四觔尙不足銅四十八萬三百四十六觔應照部定銅價每觔銀六分五釐令蕪湖關贛關各支稅銀一千九百五十兩衡陽關支稅銀六千一百七十五兩太平橋關支稅銀二千六百兩鳳陽關支稅銀一千四百十六兩七錢四分湖口關支稅銀九百十兩共辦銅二十三萬七百九十六觔再撥江蘇蘆課銀一萬一千五十兩安徽蘆課銀三千九百兩湖廣蘆課銀六百五十兩江西蘆課銀六百二十兩七錢五分共辦銅二十四萬九千五百五十觔卽以康熙二十四年爲始解交寶源局足以鼓鑄從之通考

四十一年覆准寶泉局鼓鑄制錢仍照順治十四年錢式每文重一錢四分每銅百斤准耗九斤支給匠工物料等項錢一千九百七十四文務令分兩準足精工鼓鑄會典事例

四十三年議准每卯鑄銅六萬斤通考

五十年增定寶泉局每卯用銅鉛十萬觔通考

五十三年命寶泉局每年開鑄三十六卯通考

五十四年議准寶源局每年鑄錢定限三十六卯每卯需銅三萬六千斤鉛二萬四千斤會典事例

五十五年令京局暫行收買舊銅以充鼓鑄時江蘇等八省督撫辦銅以事在創始未能依限解交戶工二部議定先行收買舊器皿廢銅交局鼓鑄每觔定價銀一錢腳費五分由戶部給發銀兩辦實務令不誤鼓鑄仍照銅六鉛四合計將銅六價直併腳費銀兩數目扣明行文江蘇等八省督撫照原額扣除減辦其所減之銅價及水腳銀兩令其乘齊解部通考

五十七年增定寶泉局每卯用銅鉛十二萬斤通考

雍正元年議准寶源局加鑄錢四卯會典事例

又議准戶部給發兵餉每月約放銀三十四五萬兩不等銀八錢二搭放每次約需錢七萬串每年兩月搭放一次共需錢四十二萬串有奇除寶泉局歲鑄交庫錢四十萬五千一百六十八串儘數搭放尙少制錢一萬五千餘串應將寶源局給發工匠餘剩制錢每年咨取二萬串增放兵餉戶部二八月對搭制錢放餉之例改爲每兩月銀八錢二搭放一次○又奏准部存額定銅鉛卽著寶源局如數鑄錢可得二十一萬一百九十餘串除留給匠役工價一萬一百九十串餘錢二十萬串移送戶部爲每年春秋二季給發兵餉之用

二年令寶源局每年開鑄四十卯先是工部錢法侍郎薩爾納奏言寶源局每年額鑄之錢止給匠役工價尙有餘錢併銅鉛亦多餘剩若加鑄錢除本局爐役錢外歲可得二十一萬一百九十餘串留錢一萬餘串以備

給發各工其餘俱交戶部增搭兵餉於兵丁甚有裨益經戶部議准令其加鑄以二十萬串移送戶部於每兩月一次銀八錢二分額之外爲每年春秋二季增搭銅錢之用至是遂加卯開鑄通考
令寶泉寶源二局以所收銅器於定額之外加卯開鑄通考

六年奏准解部潮銅聚定成色減價報銷其錢按照估定成色分別搭配如九成銅以銅六鉛四配鑄每百斤加銅二十斤九五銅以銅五五鉛四五配鑄每百斤加銅十斤 又奏准寶源局照戶部分局之例添設一局於舊局二十五爐之內移設新局十三座另設勤爐六座

會典事例

十二年議准從前鼓鑄制錢重一錢四分寶泉局每卯用銅鉛十有一萬斤得錢一萬二千四百八十串寶源局每卯用銅鉛六萬斤得錢六千二百四十串今制錢改鑄一錢二分每卯兩局共節省銅鉛二萬五千七百十四斤有奇其煤礮等物價值自應一例裁減寶泉局歲減物料錢六千五十串五百五十九文按卯解戶部搭放兵餉寶源局歲減物料錢二千七百三十串五百六十三文解交節慎庫支用

會典事例

十四年令寶泉寶源二局爐頭工料錢改給銀兩工部侍郎韓光基奏言寶泉寶源兩局額鑄錢各四十一卯寶泉每年應給爐頭工料錢九萬串有奇寶源局半之共需十三萬餘串是經年鼓鑄之勞錢未出局已於爐頭項下耗去十分之二而有餘爐頭領出錢文非如兵民可以流通蓋兵民勢處於散爐頭勢處於聚兩局爐頭名爲七十五人多係朋充實不過十數家以十數家之人而歲擁十數萬串之錢宜其囤積居奇隱操市價之贏縮也且局中所需工料二項所謂料者不過煤與礮而已民間買賣價至二二十兩以上槩不用錢何況兩局每年所用煤礮盈千累萬從未見有以錢交易者至於工匠一項凡各匠在局日用俱係爐頭於支領項

下代爲買備按卯扣算所除工價仍係每錢一千折銀一兩散給可見工料二者皆可不用錢文以徒餽爐頭之私橐也嗣後兩局鑄錢請盡數歸庫每月加增成數支放兵餉其爐頭應領工料每錢一千給銀一兩於四季由戶部發兩局監督按數分給如此則兵民俱受流通之利而錢價亦可漸平下部知之通考

五年更定寶泉寶源兩局淘洗餘銅之例先是乾隆三年議定京局連年鼓鑄積存銅渣不拘工匠銅戶及民人盡許赴局買出淘洗燒鍊聽其自行售賣至是戶工二部奏定所有銅渣卽令兩局爐頭隨時淘洗封貯各廠俟銅足數一卯飭令添鑄其淘洗工價每百觔給銀四兩尋復定每至年終將淘洗所得餘銅之數清查奏明次年卽行附卯添鑄錢文通考

六年奏准將雲南應解寶源局加運銅五十六萬八千餘斤加鑄二十卯得錢十有一萬三千餘串○又奏准寶泉局物料每錢一串仍給銀一兩其工價仍照原議每卯給錢二十三串四百七十六文爐頭領錢照市價易銀給發匠人會典事例

又更定寶泉寶源一局工料分給銀錢之例先是令錢局爐頭工料俱給銀兩嗣因匠役食用不敷經戶工二部奏准工匠價酌給錢文六年六月以匠役首告爐頭案內降旨仍俱給銀兩至是復以工價不足將誤鼓鑄奉諭從前改發銀兩中有不敷之處錢法空官安議尋奏覆仍照原議料價應給銀兩外工價給發錢文爐頭按卯領錢仍照市價易銀散給各匠役永遠遵行寶泉局每卯給料價銀九百七十四兩四錢工價錢一千一百七十三串八百文寶源局以半給算料價仍按季支領各項工價從前每季給發一次者並按月支給從之謹按寶泉局每一卯用演銅五萬一千四百二十八觔九兩一錢四分用白鉛四萬二千六百八十五

勦十一兩四錢二分用黑鉛六千六百八十五勦十一兩四錢二分用點錫二千五十七勦二兩二錢八分鑄
錢一萬二千四百九十八串除工價外得錢一萬一千三百二十四串二百文寶源局半之每爐額設爐頭一人
其所需工價有八行匠役曰看火匠曰翻沙匠曰刷灰匠曰雜作匠曰剷邊匠曰滾邊匠曰磨錢匠曰洗眼
匠例給錢文所需料價曰媒曰離子曰黃沙曰木炭曰鹽曰串繩又有爐頭銀紅爐匠頭銀及自局解部車腳
俱例給銀兩凡鑄錢之法先將淨銅鑄鑿成重二錢三分者曰祖錢隨鑄造重一錢六七分不等者曰母錢然
後印鑄制錢每遇更定錢制例先將錢式進呈其直省開局之始亦例由戶局先鑄祖錢母錢及制錢各一文
頒發各省令照式鼓鑄通考

七年令寶泉寶源二局每年各開鑄六十一卯戶工二部議定雲南現有加運銅勦應於京局每年各加二十
卯開鑄寶泉局歲添錢二十二萬六千四百八十四串寶源局歲添錢十一萬三千二百四十二串以備增搭
兵餉如遇閏加鑄四卯通考

九年令寶泉寶源二局加卯鼓鑄時以京城錢價歸復設官錢局經大學士等議定兩局於定額六十一卯
之外各加鑄錢十卯交官局易換至十年復議兩局各帶鑄五卯加鑄二十二卯共可得錢四十五萬八千六
百三十串有奇添給錢局以廣流通十年五月以錢價漸減奸民每以在京賤買之官錢運至近京錢賣之地
興販射利議將官局停止其兩局開鑄仍照原額爲六十一卯通考

十年議准寶泉局乾隆十年額鑄錢六十九萬餘串係留放兵餉之用寶源局額鑄錢三十四萬五千餘串除
各工應用錢六萬串餘錢二十八萬五千四百餘串爲數無多請將寶源寶泉二局於本年額鑄外帶鑄五卯

加鑄二十二卯共可得錢四十五萬八千六百三十串有奇流通民間以平錢價會典事例

十一年定給工部錢法堂關防工部侍郎三和奏言寶源局所辦事宜與寶泉局相倣見在兩局監督俱給有
公司關防惟工部錢法堂尚未議給請照例一體補給庶文移稽核各專責成尋議定寶泉局錢法堂印文係
督理京省錢法關防今寶源局錢法堂應鑄工部督理京省錢法關防以昭畫一通考

又奏准寶源局大使請照刑部司獄定例年滿回部在額外筆帖式上行走遇有本部及各該旗筆帖式員缺
照例移咨吏部陸續坐補嗣後補用大使之筆帖式員缺亦毋庸別選俟五年期滿後仍回原任候陞會典事
例

十二年奏准寶泉寶源兩局大概畫一惟寶源局尙未給有印信不免互異請鑄給工部督理京省錢法字樣
關防以專責成○又奏准寶泉寶源二局監督嗣後每年新舊滿漢互相更代會典事例

十六年奏准寶源局歲收雲南銅二百有五萬餘斤除每年額鑄六十一卯用銅一百六十九萬餘斤存銅三
十五萬餘斤黑白鉛錫亦有餘剩現在庫存銅錫鉛等項本年額鑄之外約共存二百七十餘萬斤應請照戶
部例每年加鑄十卯需用銅二十七萬七千餘斤白鉛十有九萬二千餘斤黑鉛三萬三千餘斤錫一萬餘斤
每年可得淨錢五萬六千六百餘串以利民用○又奏准寶泉局每年額解銅四百十餘萬斤除額鑄錢六十
卯每年應用銅三百三十八萬餘斤剩銅七十一萬餘斤黑白鉛錫亦有餘剩及節年餘存湏銅黑白鉛錫
等項約計七百餘萬斤應於額鑄之外每年加鑄十卯需銅五十五萬五千餘斤白鉛三十八萬五千餘斤黑
鉛六萬六千餘斤高錫二萬餘斤每年可增得錢一十有一萬三千餘串如遇京城錢價高昂發八旗米局照

市價平減零星易換則錢可通流與民有益會典事例

二十一年奏准寶源局歷年庫貯餘銅二百九十餘萬斤請添鑄十卯以廣流通會典事例 通考

二十五年奏准寶泉局於額鑄七十一卯之外添鑄五卯會典事例

二十六年奏准寶源局自添卯後所有餘銅將次用盡請將添鑄十卯暫行停止俟將來庫有積餘銅錯再行加鑄會典事例

三十八年奏准寶泉局停止一卯歲鑄七十五卯每卯鑄錢一萬二千四百八十串加補串繩分兩錢十八串
○又奏准寶泉局爐匠工食原定每卯給制錢一千一百七十三串令爐頭易銀給發今錢價日就平減應仍
舊改給銀兩按照時價酌中駁給每年七十五卯發銀十萬二千三百四十五兩三錢由局按季赴部支領存
貯局庫按月給發其所需鑄錢物料向於部庫按四季領銀歲共七萬三千八十九兩令爐頭備辦今工錢改給
銀兩將此項工錢改發料錢每料錢銀一兩駁給制錢九百文每年共給制錢六萬五千七百七十一串會典
事例

又奏准寶源局各爐匠役工價例給制錢易銀開發不敷之項均係爐頭等設法墊補誠恐日久無措於辦公
殊有妨礙請將匠役工價照現在開發銀數改給銀四萬八千七百六十二兩監督按季出具印領赴戶部支
取按月交爐頭分給至添設新局應繳入官庫奏准加鑄一卯應請停止仍將堂司各官每年捐出飯銀存
局抵用即於戶部應領工價銀內扣除會典事例

五十九年奏准寶泉局減鑄錢二十卯○又奏准寶泉局裁勦爐十座再減鑄錢二十五卯每年鼓鑄三十卯

以銅六成白鉛四成配搭鼓鑄○又定寶源局舊鑄錢七十卯本年六月內奏減二十卯留五十卯今照戶部議定再減二十卯仍留三十卯每年共鑄錢十八萬七千四百餘串以免積壓其鼓鑄之法仍照舊例以銅六

鉛四配鑄會典事例

嘉慶元年奏准戶工二局自減卯之後匠役人等所得工料未及從前一半生計未免拮据酌請每局每年各加鑄十卯以符從前各四十卯原額之數會典事例○又奏准寶泉局加鑄十卯

四年諭前因民間錢價日賤飭令京局及外省俱各減卯停鑄嗣因各該局所減之卯多已照舊鼓鑄惟戶工二局尙未復舊著戶部將前停鑄之三十五卯先復十七卯工部停鑄之三十卯先復十五卯○又 諭本年

春間因京城錢價較昂曾降諭旨令戶工二部將所餘之卯量爲增復自增卯以來錢價仍未甚平所有戶工二局俱著全復舊卯○又奏准寶泉局鼓鑄每一百斤用銅五十二斤白鉛四十一斤八兩黑鉛六斤八兩三色配鑄○又奏准戶工二局存貯黑鉛現有一百十萬餘斤之多自改用二色以來堆積日久置之無用試將四成白鉛內量爲攜入黑鉛共四成有餘合淨銅五成有餘三色鑄就錢文甚爲完好較之現行二色配鑄每制錢一千文計省工本銀六分三釐有奇現當復卯鼓鑄之時省出工本既可多鑄錢文而存貯黑鉛仍歸寶用於錢法實爲有裨會典事例

五年奏准京局自減卯以後鑄錢較少銅鉛卽有餘剩雖於上年仍復舊卯鼓鑄但湏銅黔鉛每歲源源而至與其積壓過多堆貯庫外莫若加添卯額鼓鑄錢文搭放俸祿請將寶泉寶源二局各添鑄十六卯覈算寶源局歲可鑄錢九萬餘串除工料銀錢之外計得錢八萬餘串搭放俸祿可敷一成○又議定寶源局鼓鑄搭放

俸錢於舊局增設俸爐三座新局增設俸爐四座○又奏准戶工二局所存黑鉛因添卯鼓鑄恐不能接濟將現在三色配鑄用銅五十二斤白鉛四十一斤半黑鉛六斤半內減用黑鉛三斤四兩卽將所減鉛斤加添演銅二斤白鉛一斤四兩以之配鑄○又奏准寶泉局添設俸爐十三座每年加鑄十六卯所鑄錢文搭放京員俸祿並復勤爐十座

會典事例

六年奏准寶泉寶源二局全鑄嘉慶通寶錢文頒行天下

會典事例

九年奏准寶泉局裁俸爐十三座減鑄十六卯○又奏准寶泉局庫貯銅鉛不敷本年十一十二兩月各暫行減鑄一卯明年正月至五月每月暫減二卯○又奉旨國家設局鑄錢原以利用便民而錢價之昂貴雖不外局中短鑄及姦商私鑄二端京城寶泉寶源二局按卯兌發銅鉛鼓鑄錢數自有定額該錢法侍郎自應督飭各該監督釐剔弊端實心經理而姦商私鑄之弊卽京師亦所不免著步車統衙領門嚴密訪拏以消弭源至外省設立錢局按卯鼓鑄何以錢價騰貴更甚於京師自由各該督撫及該地方官不實力督辦或係局中短鑄或有姦徒私鑄以致錢文不能充裕價值日昂嗣後各省督撫當轉飭各地方官一體嚴察如查有短鑄及私鑄情弊立卽查拏懲辦毋得視爲具文以重錢法而利民用儻各該督撫等不實心籌辦經朕訪聞或別經發覺惟該督撫是問

會典事例

十年諭近年京師錢價昂貴節經降旨查禁私販外出並令戶工兩局按卯鼓鑄毫無短缺而價值仍未稍為平減風聞各省錢局不能如數鼓鑄該督撫等並不實力查辦以致日形短絀前於嘉慶五年間曾經降旨諭令停鑄省分概行復卯其中有數省奏明不能遽復者而每歲報部照舊鼓鑄者居多無如承辦之員冀圖偷

減工本並不遵照定例妥爲經理名爲開爐而其寶仍未復卯各省商賈市易流通專賴京局錢文以資轉運無怪乎局錢按卯鼓鑄而錢數不見其增錢價不見其減也夫國寶所資流通若以天下之大盡仰給於戶工兩局是各省錢局竟成虛設民間購買物件以銀易錢虧失增倍於閭閻生計大有關係不可不通飭查辦著各該督撫等將各省錢局應鑄錢文務令按卯如數鼓鑄毋許有偷減虛報情弊儻經此次曉諭之後尙不激發天良覈實辦理一經發覺或被人指參必將該督撫藩司及管局之員從嚴懲治其有將短鑄缺額等事據寶呈告者訊明所控確鑿定加獎賞以期鑄弊肅清圖府充裕各該督撫等不可視爲具文自干重戾也將此通諭知之○又奏准寶泉局本年六七八三箇月明年三四五三箇月各暫行減鑄半卯每銅鉛百斤內減去白鉛五斤加添洋銅二斤高錫一斤八兩黑鉛一斤八兩暫行通融配鑄會典事例

十一年奏准寶泉局自本年七月至十月各加鑄半卯十一月至明年二月各加鑄一卯三月至十一月各加鑄一卯半停配高錫洋銅仍照定例以演銅白黑鉛三色配鑄會典事例

二十一年諭內閣成格等奏增復鑄錢料價一摺寶泉局額給鑪頭料價因物值增高不敷辦公加恩著照所請准其照雍正十二年以前舊價每卯增復料錢一百四十七串六百文每年共增復料錢一萬六百二十七串二百文將局庫現存餘錢內撥出錢十萬串交廣商生恩其增復料錢卽以此項恩錢給發惟料價既增務須督飭該鑪頭等如式鼓鑄毋令再有偷減以肅錢法○又 諭內閣佛住等奏請照戶局增復料錢一摺工部寶源局額給鑪頭料價前於雍正年間與戶部寶泉局額給料錢同時酌減前此戶部因該鑪頭等辦工不敷奏請增復料價業經降旨允准工局與戶局事同一例加恩著照所請准其照雍正十二年以前舊價每卯

增錢七十三串八百文每年共增錢五千一百六十六串文由戶局存貯餘錢內再撥錢五萬串同戶局前請撥錢十萬串一併發交蘆商生息按年解交戶部其工局每年所增料錢卽自奉旨之日為始按月在於鑄出卯錢內發給該侍郎等務督飭該監督等責令各鑄頭如式鼓鑄毋稍偷減以肅錢法 聖訓

道光三十年諭內閣刑部奏審擬寶源局匠役圖借官銀糾衆滋鬧一案並請由工部錢法堂飭令該監督隨時約束已依議分別辦理自足儆戒將來惟戶工部錢局人數衆多如果該監督大使等平時管束有方何至有恃衆抗官之事前因通政使司參議齊承彥條奏曾經降旨令寶泉寶源兩局堂官妥籌約束章程因思該工匠等均係在官人役近在筆轂之下膽敢鳴鐘聚衆復敢不服彈壓將地面及該管官閉門扣留雖未貽誤鼓鑄實屬目無官長大干法紀儻不嚴加整頓必致釀成事端所關匪細嗣後應如何嚴定規條先事豫防之處著該堂官仍遵前旨迅速妥議具奏尋戶部工部奏擬約束匠役章程一各廠匠役平時責成大使查察朔望點驗責成滿漢監督覈對年貌一各廠開門各有定期責成中廠大使並派筆帖式一名分赴抽查一間匠額數鑪房八人磨房大人不得於額外私相容留一各匠出外買辦食物責成地面堆撥弁兵隨時查察一各廠閒匠令八行正匠管束八行正匠令鑪頭管束有不安本分者稟明本廠大使究辦從之東華續錄

咸豐元年諭內閣工部錢法堂奏請分撥銅斤以資鼓鑄等語工部寶源局見存銅斤不敷鼓鑄在途各運盤經嚴催尚未據報抵何處自應先事豫籌著戶部錢法堂於業經提到之湖北銅六十萬斤內撥交工局二十萬斤以資接濟其奏提未到之江蘇湖南存銅共四十四萬三千斤俟解到時亦著照向來演銅定額分撥工局三分之一嗣後戶部如再提他省銅斤並著照此劃分辦理以昭平允 聖訓

三年諭本日據戶部委兵餉支絀請飭附近籌款移緩就急一摺見在寶泉局雖經復卯兼鑄大錢尚有不敷備支之勢著訥爾經頒速飭藩司於沿河州縣起運各款內酌提錢文舟運至京並派大臣催提毋任延宕並著長膳鹽政文謙卽將本年鹽課按照時價全數改解制錢或駁明銀款先行酌解若干原摺著鈔給閱看將此由四百里諭知訥爾經頒並傳諭文謙知之

五年諭內閣惠親王等奏鐵錢局四廠鑪座開設齊全將收支錢文採辦鐵炭及卯錢數目開單呈覽並請購買房間設立總庫各摺片均著戶部駁議具奏另片奏請由捐輸項下撥給錢文抵還正藍旗滿洲官房等語著依議東華錄

右京局鼓鑄

皇朝政典彙纂卷六十四

錢幣七

直省錢局

一各省錢局鼓鑄錢文令該督撫督率道府局員認真稽查並令藩司於解收局錢之時按卯親加提驗如有偷減銅觔節省火工不能遵照部式以致參差不齊立卽發回另鑄所需火工著落局員暗補並將局員爐匠參處責懲倘該督撫等並不隨時稽察使官板制錢不能如式卽將該督撫一併治罪

一各省經營錢局之司道於新舊交卸時前任造冊移交新任並結報巡撫倘有款項未清卽將前任經營之員叅處

一各省徵收支放錢文以銀折抵銷算者每錢一千作銀一兩

一審陝局鼓鑄錢文改歸藩庫收貯該司隨收隨驗按月搭放兵餉由司核明銀錢兼放當堂給發仍於歲底造冊題報

一貴州錢局收支各數令局員按月呈報巡撫兩司隨時抽查一月一清每年封印停爐後藩司將一年之內局中收發銅鉛及錢文支放各數並實存銅鉛錢文詳細查明由巡撫盤查具奏倘接收之員查有未清卽將上次盤查之藩司及其奏之巡撫叅處

一阿克蘇錢局酌撥把總外委各一員督識兵丁六十名於阿克蘇兵朋造銀其砍柴燒炭等事應於前項兵丁停爐八箇月砍燒供應

一阿克蘇錢局書識兵丁六十名所需口糧於阿克蘇倉貯稻穀內動撥其每年餽牛大麥七十餘石於餘存麥石內核實支放按年造冊報銷

一寶伊局每年春秋兩季開爐鼓鑄共正鑄錢一千一百二十二串加鑄錢六百串共鑄錢一千七百二十串以爲湊放兵餉之用

一寶伊局加鑄錢文於每季鑄錢三箇月限外再展限五十日照例給與工費口糧其加鑄配用鉛効卽在伊犁採取所需錫効器皿亦在本處採買其用過銅鉛及所買物料價值并加鑄錢文歸於鼓鑄原案造冊送部核銷

一伊犁寶伊局阿克蘇錢局均鑄造乾隆錢二成道光錢八成一體行用以上並戶部則例
順治元年定鑄成順治通寶樣錢頒發河南陝西兩省直隸宣府薊州山東臨清陝西延綏等鎮開爐鼓鑄令布政使司總理就近道員府同知通判分管會典事例

二年令山西陝西省及密雲前宣府大同延綏臨清等鎮各開鼓鑄局先是元年已頒發錢式至是各省鎮陸續奏請開鑄戶部議准每文照京局重一錢二分令各右布政使總理錢法委就近道府及同知通判等官分管局務通考

三年定湖廣及荊州鎮開鑄會典事例 通考

四年題准 盛京河南江西甘肅廣東湖南之常德府各開局鼓鑄會典事例 通考

五年議准江南江寧府設廠開鑄停陝西延綏鎮及 盛京局會典事例 通考

六年定山東浙江福建各設局鼓鑄移大同局於陽和會典事例 通考

七年定湖北之武昌襄陽二府各開爐鼓鑄會典事例 通考

八年議准各布政使司止各開一周餘皆停止

九年停湖廣常德襄陽二局令荊州鄖陽各設局開鑄 又題准各省鑄錢責成各該衙門按季報部歲終彙冊奏銷會典事例 通考

十年復開密雲蔚宣府陽和臨清等鎮鼓鑄局先因各省鎮局過多定議裁減至是以錢用日廣錢價漸昂戶部議准仍設密雲等處鑄局共增爐三百有四座通考

又題准各省鑄造制錢背鑄一釐兩漢字各增本省一字宣府宣字蔚州蔚字山東東字臨清臨字太原原字陽和陽字河南河字江寧江字浙江浙字福建福字武昌昌字陝西陝字清漢各一字錢不合式者叅究會典事例

十二年山東萊州府設爐鼓鑄會典事例

十三年停福建鼓鑄 又議准各省鼓鑄如樣錢頒發而鑄造遲延並季報愆期鑄制錢粗壞者皆罰俸一年又覆准移山西陽和局於大同改鑄清漢同字會典事例 通考

十四年題准停止各省鑄局會典事例

十七年定復設各省鼓鑄雲南亦令開鑄背鑄清漢雲字會典事例

十八年題准鑄成康熙通寶樣錢頒發省局依式鑄造會典事例

康熙元年定停各省鑄錢止留江寧局會典事例

六年復開各省鼓鑄增設湖南及江南蘇州府陝西鞏昌府鑄局照式鑄地名各一字兼清漢文蘇州蘇字湖南南字鞏昌鞏字廣東東字廣西桂字四川川字貴州貴字清漢各一字會典事例通考

通考

七年增蘇州府局爐座江蘇巡撫韓世琦疏言蘇州繁富之地百貨流通近雖設鼓鑄局而錢價尚昂請更增置爐一百座開鑄戶部議如所請從之 又議令直省官役俸工驛站雜支諸項請均照銀七錢三例配給該督撫仍取所屬徵收錢糧流水底銀錢兼收其存留之官役俸工驛站雜支諸項請均照銀七錢三例配給該督撫仍取所屬徵收錢糧流水底簿查對歲終將收放數目造冊報部奉行不力者參處從之 又令四川廣東廣西貴州各省開鼓鑄局戶部疏言湖南等處俱已開鑄惟四川等省原未設局應令各督撫詳查定議尋俱奏請開爐其錢幕滿漢文四川成都府局鑄川字廣東廣州府局鑄廣字廣西桂林府局鑄桂字貴州貴陽府局鑄貴字通考

康熙九年給事中姚文然奏臣惟鼓鑄之設原以流通 國寶不計乎多鑄與少鑄也若多鑄則期於生息矣凡物先計其本後計其息銅者本也其鑄出新錢所值之銀者息也既云生息則必核銅之實價以定鑄本而部頒一定之銅價不可據矣又必核錢之實值以定鑄息而部算一定之值不可執矣臣查近日錢之所以有息者以所收之銅定爲每斤六分五釐之價而所放之錢定爲每千文作銀一兩之值故算之有息耳今各省開鑄太多則與昔大不同矣何也開鑄之初廢錢壅積恭化而爲銅又鑄局少則用銅少銅不勝貴故部頒一定之價每斤六分五釐而足也今各省開鑄則各省採銅銅之價每斤乃有貴至一錢至一錢三四分者矣各省採一解部者皆以銅少而貴踰期久不到矣儻此後銅價日貴而部中仍以一定之價銷算

之如廣東省鑄出新錢七十二萬一千文值銀七百二十一兩遵照部例銷算止應開銷鑄本銀五百九十三兩尙殘息銀一百二十八兩若照地方時值工本計算實用過鑄本銀一千四十三兩除照部例銷算外局官寶包賠鑄本銀四百五十兩此等暫時猶屬官吏包賠久之不強派於商必強派於民矣是核其實乃加派也而名之曰生息豈可乎錢之時值如米鹽之時值因地之宜從民之便不可以法令強定也今京城錢值約略每千文不過值銀八錢若各省開局鑄錢愈多則錢值愈賤乃給旗下之窮丁邊腹之戍卒驛遞之馬料役食仍以一兩之定價放之而加以遠道搬運之腳費見在如興延各營已有具呈泣控情願減餉不願領錢者矣是核其實乃裁減也而名之曰生息豈可乎故論其名則銅雖日貴錢雖日賤而部中銷算銅有一定之價錢有一定之值則每年有一定之恩各省鼓鑄應停者不必急議停也若核其實則鑄局日增銅以日少而日貴錢以日多而日賤不急酌議停止非惟無息并耗鑄本矣各督撫疏請停鑄其不便於兵民之處俱已詳陳無俟臣贊而臣核算細算更憂其於國計有不便者此也臣年來見部中疏通錢法將存留錢糧一槩收錢放錢用心甚周立法甚善宜乎錢法大行然而各省督撫或以銅貴爲難或云新舊鑄錢已足支放疏請停鑄臣初甚疑之後細思其故乃知錢之爲物少則流通多則壅滯何也曰貯之者少也官庫富室朝收夕放銀藏更代錢散目前此其一也曰運之者少也質直價微運艱腳費銀行萬里錢行百里又其一也曰用之者少也諸產經商多處不用斤鹽斗米用處不多又其一也有此三少之故則其物不可以過多多則必滯乃自然之勢天也非人之所能強非法之所能通也臣因此又考明時鼓鑄之事洪武嘉靖萬曆皆屢令各省開鑄旋因錢法壅滯開鑄所得不償所費屢次停止其始皆以爲便國便民之良

圖終以不便而停豈非往事之已驗哉臣又查鼓鑄一事亦各省情形不同如浙江等特請開鑄密輸等鎮開鑄稱便見經撫臣金世德頤報在案其餘未報到地方自可陸續酌發至於請停鑄各省該撫有屢疏疊陳者有經年待命者窮邊兵餉急如星火或去鑄局竄遠或山路崎嶇領錢搬運尤爲苦累早定議一日旱省一日之勞費卽早沾一日之皇恩伏乞特沛綸音勅部速議應停者停應減者減其餘願開鑄地方仍行開鑄各從民便庶國計兵民俱有利益矣

端恪集

九年停江寧蘇州江西福建湖北湖南河南山東山西陝西甘肅廣東廣西雲南貴州四川鼓鑄時以四川巡撫張德地疏言四川僻處邊地州縣本無存留錢糧而陸路有棧道之艱水路有川江之險若令銀錢兼徵則起解腳費恐致累民見在無需錢文之用請停鼓鑄經戶部議應如所請其江寧等十五布政使司均恐有需錢非急之處開鑄以來官錢既多或致壅滯亦應行查議停得旨俱暫行停止

通考

十年停蘇密宣三鎮局

會典事例

通考

十二年議令浙江及臨清局買銅增給水腳銀時各省鑄局陸續諭停惟存浙江及臨清局戶部議言各局銅價原定每觔六分五釐而腳費無出恐至因民令浙江與臨清局俱於正價外許增腳價銀五釐從之

通考

十三年停浙江鑄局

會典事例

通考

十四年停臨清鑄局

會典事例

通考

十五年議准復開廣西鼓鑄

會典事例

通考

十九年續准福建漳州府設爐鼓鑄背鑄清漢漳字

會典事例

通考

二十年設雲南鑄局停廣西鼓鑄會典事例

二十一年復開雲南省城鼓鑄增置大理府祿豐縣蒙自縣局錢幕俱鑄雲字通考

二十二年停福建漳州鼓鑄

會典事例

二十三年設湖南鼓鑄會典事例

二十四年開雲南臨安府鼓鑄局錢幕亦鑄雲字通考

二十五年復開廣東省鼓鑄增置肇慶府局錢幕亦鑄廣字通考

二十六年覆准開湖北鑄局會典事例

二十八年題准福建臺灣建設郡縣頒發樣錢就地開爐鼓鑄○又覆准雲南暫停鼓鑄會典事例

三十一年停廣東及福建臺灣鑄局會典事例

三十五年開浙江鑄局會典事例

三十八年停止浙江湖北鑄局會典事例

三十九年停湖南鑄局會典事例通考

六十一年題准鑄成雍正通寶樣錢令四川雲南兩省設爐鼓鑄寶泉局頒撥樣錢四川背用寶川二清字雲南背用寶南二清字嗣後別省鑄錢背用寶字爲首次加各本省一字○又題准雲南省城霑益臨安大理四局共設爐四十七座鼓鑄會典事例

雍正元年停止四川鼓鑄會典事例

又開雲南省城及臨安府大理府瀘州鼓鑄局定錢幕俱鑄滿文先是雲南於康熙四十四年奏開青龍金釵等銅礦嗣以銅產日旺巡撫楊名時奏請每年解京局銅一百萬觔以供鼓鑄經至大臣會同戶部議言滇省採銅漸次有效與其解京多需腳費不如卽留滇開鑄其省城之雲南府及臨安府大理府瀘州四處相近銅廠轉運俱爲便易各令其開局務選賢能道府官監理其錢幕應俱用滿文擬令鑄雲泉字樣於康熙六十一年十二月得旨依議其部議錢幕清字鑄雲泉見在京城二局係寶泉寶源字樣錢乃國家之寶雲南應鑄寶雲以後各省鑄錢俱將寶字爲首次鑄各省一字至是雲南各局俱行開鑄復題定省城局爐一座臨安府局爐六座大理府局爐五座瀘州局爐十五座遵照銅六鉛四配鑄銅價每百觔銀九兩二錢鉛價每百觔銀四兩五錢每鑄銅鉛百觔准耗九觔給工食錢一千二百文料價六百二十文除銅鉛本及工料外得息錢一千二百六十文每年開鑄三十六卯遇閏加三卯每爐一卯用銅鉛千觔計四十七爐歲用銅鉛一百六十九萬二千觔於稅銅之外動支廠課銀收買充用俟鑄出錢文搭放兵餉易銀以爲次年更鑄工本所需鉛觔由黔省採買至七年以諭開羅平州之卑琳廠鉛平彝縣之塊澤廠鉛卽由鉛廠每百觔以價銀二兩收買供鑄通考

二年
二年
二年
二年

批准裁雲南各局爐七座會典事例

三年諭雲南四川鼓鑄制錢恐各省禁止不許出境著行文該督撫聽其流連各省以便民用

雍正內閣 上

四年覆准雲南裁去大理居益江鑄局其省城臨安一局設爐三十座鼓鑄制錢除本省搭放外以四萬

申發運江南江西湖廣四川廣東廣西等省令各督撫動滯庫銀每制錢一串給銀一兩交雲南解官領回核濟工本各省所收錢搭放兵餉流通如錢輕薄不合式各該督撫奏聞將雲南監局官交部議處又覆准

甘肅開鼓鑄收小錢鑄大錢小錢收盡卽行停止錢背鑄寶韋二清字會典事例

六年停甘肅寶華局鼓鑄署甘肅巡撫張廷棟奏言甘省收買小錢改鑄大錢未免擾民請暫停鼓鑄戶部議如所請得旨從前石文焯請收小錢開鑄朕諭以開鑄一事當詳細斟酌若因不能禁止小錢欲藉此爲良策恐未必所毀之銅能敷鼓鑄之用小錢之禁不可急驟應暫緩候旨乃石文焯復行具請始准其行不意收錢開鑄之弊煩擾如此著卽行停止會典事例 通考

又覆准雲南寶雲錢局每銅鉛千斤外加耗九十斤准其加鑄所需工本銀亦准照數動給鑄出制錢造入正額鼓鑄案內報部所獲恩錢增給食米等項之外如有盈餘據寶報部會典事例

七年令江西浙江湖北湖南河南山東山西各開鼓鑄局先是正月戶部奉上諭各省收買銅器屢降旨令該督撫酌量可以鼓鑄卽爲奏聞至今未見奏到再行文各省但所收銅効可設局開爐卽當鼓鑄俾錢法疏通不必拘定足放一成二成兵餉嗣是各省陸續奏請開鑄經戶部議定各局錢幕滿文江西南昌府局鑄寶昌二字浙江杭州府局鑄寶浙二字湖北武昌府局鑄寶武二字湖南長沙府局鑄寶南二字河南開封府局鑄寶河二字山東濟南府局鑄寶濟二字山西太原府局鑄寶晉二字 通考

八年開貴州畢節縣鼓鑄局先是貴州於雍正元年議開銅礦鼓鑄督撫以黔省漢苗雜處用銀沿襲已久若以錢文搭餉領運既難流通無時請停止開採至是復以威寧州探銅有效而大定府境內又產有鉛礦巡撫

張廣泗奏請開局於畢節縣城設爐十座錢幕滿文鑄寶黔二字每年開鑄三十六卯每爐每卯照雲南之例鑄正額銅鉛一千觔帶鑄銅鉛一百觔外耗銅鉛九十觔該縣與銅鉛各廠道理相近且鄰接滇省之湯丹等廠如數有不足卽採買演銅添補以所鑄錢配給官兵俸餉戶部議如所請從之通考

九年開江蘇安徵鼓鑄局戶部議定江蘇開局於蘇州府設爐十二座錢幕滿文鑄寶蘇二字每月開鑄二卯每卯用對搭生熟銅一萬八千八百觔鑄錢二千九百九十四串有奇安徵開局於江寧府設爐四座錢幕滿文鑄寶安二字每月開鑄二卯每卯用對搭生熟銅九千六百觔鑄錢九百九十八串有奇通考又覆准安徽將收買銅器開爐鼓鑄背鑄寶安二字清字又題准山西河南二省所收銅器無多暫停鼓鑄會

典事例

十年開四川鼓鑄局先是四川於康熙四十一年奏開寧遠府屬各銅廠至雍正元年已請鼓鑄以礦砂未旺復經議停至是巡撫憲德奏請開局於省城成都府設爐八座錢幕滿文鑄寶川二字每年開鑄二十四卯用銅鉛三十二萬觔採買演銅及黔鉛應用如本地採得礦銅亦卽添補供鑄以所鑄錢配給兵餉及各官養廉戶部議如所請從之通考

停江蘇寶蘇局鼓鑄通考

諭據西安按察使楊馝奏稱陝省黃銅甚少不敷鼓鑄是以錢價昂貴每銀一兩僅兌錢八百二十文一應薪蔬俱皆增價似應藉鄰省之錢通融行使查湖廣水路可抵陝屬商州之龍駒寨由此以至西安僅有旱路四百餘里約計水陸運費每錢千文共需銀一錢有零再將京城戶工二部制錢由糧艘帶至楚省從楚運陝

爲軍需採買物件之用則陝省錢文日多價值自平等語從來市買物件錢數之多寡原合銀數計算錢價既歸則物價應當酌減此在地方大吏善於經理務期便民利用至於京師制錢只可供京師之用豈能遠運陝西湖廣雖謂鼓鑄今因銅筋不敷暫且停鑄亦難分及鄰省楊馝所請皆必不可行者但陝省錢價既昂又值軍興之際亦應籌畫通融之策朕思滇省鼓鑄錢文較易於他省若每年多鑄錢十萬串著陝省督撫差員赴滇領取由湖廣水路運至陝省商州之龍駒寨再從龍駒寨陸運至西安府如此似於陝省有益著署總督高其倬巡撫張允隨悉心籌畫滇省錢文可否添鑄並令陝西督撫將錢價運價通盤計算如此辦理果否於地方有無俱著飭行定議具奏雍正內閣 上諭

十一年設開雲南東川府局鑄錢運往陝西戶部議言陝西錢價昂貴應令雲南歲鑄錢十萬串發往易銀還滇其開鑄錢局令該撫相度水陸適中地方著雲南巡撫張允隨奏請開局於東川府設爐二十八座每年用銅鉛一百一十九萬九千五百筋有奇其銅即由東川府屬之湯丹廠採用其鉛由曲靖府屬之卑漸塊澤廠採用錢幕亦鑄寶雲二字定於十二年開銅所鑄錢發運陝西分頭運二運三運令陝省委員接解每串合工本腳費銀一兩一錢一分六釐有奇通考

又議准湖北湖南廣東應辦雲南銅運解京局共一百六十六萬三千一百九十九斤有奇嗣後留於雲南令貴州辦鉛運至雲南配搭鼓鑄制錢三十四萬三千六十二串有奇委官運至漢口附搭漕船運抵通州轉運至京 又題准安徽所收銅器皆已用完停止鼓鑄會典事例

十三年題准陝西錢價平減雲南所鑄運陝錢停止領運 又題准山西將收買現存銅鉛開局鼓鑄 又題

准江蘇收買銅器設局鼓鑄背鑄寶蘇一清字 又起准改鑄乾隆通寶樣錢頒發設爐各省一式遵照鼓鑄會典事例

乾隆二年督准江西復開鼓鑄 又定貴州鑄錢銅鉛對搭不能黃亮准以銅六鉛四搭配鼓鑄會典事例
三年增四川寶川局爐座四川巡撫碩色奏言寶川局開鑄以來兵民稱便但出錢無多配支兵餉尚不及一成之數近聞滇省產銅甚多請添買滇銅配辦黔鉛增爐七座共為十五座每年用銅鉛六十萬觔鑄錢七萬二千八百串除支給爐匠工價等項外寶存六萬二千二百串有奇增搭兵餉下部知之至十年奏定省城滿漢兵餉以銀九錢一配給其餘省各營兵餉除重慶鎮中左右三營及所轄之黔彭忠州綏寧三營并夔州協左右及巫山梁萬四營暨川北鎮所轄之太平營以領錢不便停止搭錢外其餘無論營汛之遠近概以每銀百兩搭錢八串為例各官營廩仍照舊例配給通考

又奏准山東寶濟局停止鼓鑄會典事例

四年題准雲南停鑄運京錢 又奏准福建收買銅器設局鼓鑄會典事例

又增貴州寶黔局爐座貴州總督張廣泗奏言寶黔局開鑄以來錢源流邇見在增改營制添設官兵每月關支餉銀俱應以錢文搭放鼓鑄之數尚覺不敷請增爐十座共為二十座所需鉛觔本省各廠所出除運解京局及鼓鑄外尙多積庫取用甚便惟銅觔一項雖有格得八地二銅廠及新開之銅川廠出產尙不敷用每有藉於滇銅仍應按額向滇省銅廠添買每年共用銅鉛八十五萬六千八百觔鑄錢十萬三千九百五十八串三百文有奇除去工價等項寶存八萬九千七百七十三串有奇增搭兵餉戶 部諭如所請從之尋復奏定威

鑄績標及大定黔西平遠三協水城畢赤一營兵餉核定配搭數目就近赴本局支領近省地方民餉及官役俸工各官費廉令學節局解錢至省城配給安順提標及安龍鎮標兵餉令解錢至安順府庫配給通考五年奏准雲南省局增設爐十座臨安局增設爐五座○又題准貴州鑄採價歸貴請買雲南銅增爐十座○又議准雲南改鑄青錢需用點錫赴鄂採買不易准其以箇鑄鐵板錫搭配鼓鑄會典事例

又開福建鼓鑄局先是福建於乾隆四年以臺灣一郡錢貴殊常該處向用小錢每錢三文抵內地大制錢二文之用從前每番銀一兩易小錢一千五百文近止易八百餘文兵民交困議將收存黃銅器皿八萬餘觔先於省城開鑄錢萬餘串儘數運往臺地搭放兵丁月餉其福建內地辦銅鼓鑄之處另行籌議至是以閩省內地錢價日昂巡撫王士任奏請採買滇銅二十萬觔照鼓鑄青錢之例添辦白鉛十六萬六千觔黑鉛二萬六千觔點錫八千觔合成四十萬觔開局於省城福州府設爐八座錢幕滿文鑄寶福二字每年二十四卯鑄青錢四萬八千五百三十三串三百文有奇除去工價等項配給兵餉先動帑銀五萬兩委員赴滇辦銅應用如有浮銅進口仍酌量官買接鑄戶部議如所請從之○又開江蘇寶蘇局鼓鑄江蘇自雍正十年停鑄之後於乾隆元年以續收存黃銅器皿復請開局二年卽行停止至是總督郝玉麟奏言江省錢價日昂若待商人自辦之銅收買供鑄恐不能如期應用請先動帑銀十萬兩委員採買滇銅復開寶蘇局設爐十六座每年開鑄二十八卯用銅四十六萬八百觔配買漢口鉛錫合成九十二萬一千六百觔鑄青錢十一萬一千六百九十九串四百文有奇除去工價等項配給兵餉俟有商辦辦銅回棹卽行發價官收以供接鑄戶部議如所請從之尋復奏定通省兵餉皆以一成錢配給仍以所餘錢運送安徽藩庫搭放兵丁月餉○又復開浙江寶浙局

鼓鑄先是四年閩浙總督德沛以浙省停鑄之後錢文缺少請動帑銀十萬兩委員赴滇採買銅觔陸續運浙鼓鑄至是復以收買商辦辦銅並將從前承辦未經解京之庫銅截留在浙巡撫盧焯奏請復開寶浙局設爐十座每年開鑄三十六卯用銅五十三萬觔加買漢口鉛錫合成一百六萬觔鑄青錢十二萬八千六百十三串三百文有奇除去工價等項配給兵餉戶部議如所請從之

通考

六年復開雲南東川府局鼓鑄雲南總督慶復奏言滇省開濬東川府屬地方之金沙江直通四川河道現在將上下游大小八十三灘估勘疏鑿匠役工食在在需錢查東川府附近湯丹等銅廠前以運陝錢曾經鼓鑄旋即議停請復行開局設爐二十座每年開鑄三十六卯共用正額帶鑄外耗銅鉛錫七十三萬四千四百觔鑄青錢八萬九千七百七十三串三百文有奇除去工價等項以爲給發金沙江匠夫價直之用戶部議如所請從之至八年以江工將次告竣需錢無多復奏定昭通一鎮及鎮雄尋沾東川三營皆係新闢夷疆制錢流通尚少將該處官兵俸餉馬乾等項以銀七錢三配給十一年復因東川局有積存錢文歲以銀錢各半配給○又復開湖南寶南局鼓鑄湖南巡撫許容奏言長沙一帶多使小錢不能驟禁亟須鼓鑄大錢以便民用因咨商滇省知有金釵廠銅可以賣給諸動帑銀委員採運回省復開寶南局設爐五座每年開鑄二十四卯用銅鉛錫十九萬六千二百觔鑄青錢二萬四千串除去工價等項實存二萬一千九十四串八百文配給兵餉所需鉛錫照時價赴漢口購買至湖南各屬山礦現議試採俟將來旺盛之時就近撥用戶部議如所請從之等奏定各營兵餉以每銀百兩搭錢五串爲例每年尚有餘錢於省城設立官局照依市價酌減出易通考

七年開廣西鼓鑄局兩廣總督慶復奏言廣西久未開鑄惟賴滇省運錢以濟民之需查本省恭城縣之同

項山礦及懷集縣之鋸水廠河池州之將軍山礦歲約共產銅十餘萬觔向係變價充餉請卽配買鉛錫以供鼓鑄開局於省城桂林府設爐十座錢幕滿文鑄寶桂二字每年開鑄三十六卯用銅鉛錫二十一萬六千觔再加耗二萬一千三百餘觔鑄青錢二萬八千八百串其各銅廠若用心調劑尙可較前旺盛偶有不數赴滇採買添補所需鉛錫亦相度開礦以資接濟鑄出錢文除去工價等項合之湏錢一體配給兵餉役食戶部議如所請從之○又開江西寶昌局鼓鑄先是巡撫陳宏謀奏言江西錢文最雜所用俱係小廣錢又摻和私鑄之砂錢其價竟與大錢相等若卽行禁止又恐官錢未充民用不便惟有速開鼓鑄但本地向不產銅採買滇銅難以按期而至請將湏省解京銅內於船過九江時截留五十餘萬觔先濟急需俟次第籌辦得旨銅
勑運京從無外省截留之例但念江西錢文太少錢價太昂准如數截留濟用他省不得援以爲例至是奏請以所留湏銅配買漢口鉛錫復開寶昌局設爐六座每年開鑄二十四卯用銅鉛錫三十四萬三千六百觔鑄青錢四萬一千九百三十二串八百文除去工價等項配給兵餉戶部議如所請從之尋復奏定江西錢法與他省不同十三府中惟附近省城各屬向來不用大錢其餘贛州等各府或近閩粵或近楚湘制錢尙易流通價直亦不甚貴請自省城撫鎮兩標營兵餉每銀百兩搭錢十串外其餘暫緩配給以所餘錢按照工本酌定官價發省城及各屬缺錢地方鋪戶源源出易以便民用其見用之小廣錢暫准其八折行使以漸而減俟制錢充裕減至每小廣錢一文作大錢一文而止至窮邊及私鑄砂板等錢卽行禁革_{通考}

八年開湖北寶武局鼓鑄先是五年湖北巡撫張渠以楚北爲水陸通衢商賈雲集需錢最廣而各屬行使多係輕薄小錢相沿已久請採買湏銅以供鼓鑄至是辦回金鎖廠銅巡撫晏斯盛奏請復開寶武局設爐十五

座每年開鑄三十六卯用銅鉛錫六十萬觔鑄青錢七萬二千八百串除去工價等項配給兵餉嗣後所需額銅陸續委員赴滇辦運其鉛錫等項皆聚於漢口鎮可以隨時購買戶部議如所請從之至九年以金鎖廠銅成色不足復採買湯丹廠銅高低對搭於每百觔內以湯丹銅三十八觔金鎖銅六十二觔配鑄通考

又議准復開雲南大理局設爐十五座鑄錢搭放兵餉會典事例 通考

九年題准貴州加爐增鑄會典事例 通考

又增江西寶昌局爐座江西巡撫塞楞額奏言江省自截留京銅開鑄以來恐銅觔不繼卽委員赴蘇州收買洋銅因蘇州商辦洋銅定例以一半聽其自售見在亦照官價買其五分之一起運交局與滇銅配鑄但新錢額鑄有限請增爐四座共爲十座每年用銅鉛錫五十七萬六千觔鑄錢大萬九千八百八十八串庶制錢足數流轉錢價日平戶部議如所請從之尋定贛州等屬兵餉自乾隆十年爲始每年四季一例搭放一成制錢通考

十年題准直隸保定府開爐鼓鑄背鑄寶直二清字○又題准廣東鼓鑄青錢背鑄寶廣二清字會典事例

十一年奏准四川增爐鼓鑄會典事例

十二年開直隸保定府鼓鑄局直隸總督高斌奏言保定府向未鼓鑄今部派官商辦交洋銅自應速鑄開局請配買漢口鉛錫設爐六座錢額滿文鑄寶直二字每年開鑄四十八卯用銅鉛錫六十萬觔鑄青錢七萬二千八百串其爐頭工料分給銀錢悉照京局之例按卯將制錢交納司庫以備配給兵餉之用戶部議如所請從之嗣後至十五年以銅觔不敷減爐二座通考

又照准四川鼓鑄照雲南之例配用板錫會典事例 遷考

又奏准湖北採買漢口商銅增爐五座鑄錢搭放兵餉及減價出易以平市價 又題准陝西設爐鑄錢背鑄
審陝二清字減價出易以平市價 又題准山西採買紅銅開爐配搭鼓鑄頒發制錢式樣令照式鼓鑄會典
事例

又增湖北寶武局爐座令仍鼓鑄大錢先是十一年以高低二項潤銅將次用完潤省各廠不敷採買銅觔無
從接濟未便停爐請收買漢口鎮商銅改鑄每文重八分之小錢仍照大錢之價配餉既以節省局銅且可冀
除盜銷之弊部議令試行一年至是湖廣總督塞楞額奏言官局改鑄小錢與大制錢同價計其工料費大制
錢二千卽可鑄小錢三千盜銷與私鑄弊日相因而起應循照定制仍鑄每文重一錢二分之大錢至所鑄錢
文向正議配兵餉每銀百兩搭錢六串五百文各營散錢有限亦不足以平市價近日漢口商販銅觔甚多若
預行給價按月交銅每年買銅四十萬觔配入鉛錫尙可增爐五座爲二十五座鑄錢除增搭兵餉之外發交
江夏漢陽二縣設立官局按照市價酌減出易於兵民均有裨益俟委員辦運添銅及官商分交洋銅到日仍
搭配鼓鑄戶部議如所請從之通考

十三年復開山西寶晉局鼓鑄先是以山西錢價昂貴 特諭晉省巡撫將鼓鑄用銅之處悉心籌議尋以購
用銅觔惟有招商承辦議定照從前官商辦銅完帑之例支銷價直并行知各關免其納稅至是以商人辦到
紅銅五十萬觔并委員採買漢口鉛錫巡撫準奏請復開寶晉局設爐十座每年開鑄十二卯用銅鉛錫三
十四萬八千觔鑄青錢四萬二千三百二十四串除去工價等項實存三萬五千一百七十五串於配給兵餉

之外並隨時減價平賣以資民用戶部議如所請從之 又開陝西鼓鑄局陝西巡撫陳宏謀奏言陝省錢價日昂前經部派官商辦交洋銅三十萬觔見已運到其黑鉛一項業經在本省開採所需白鉛點錫已委員赴漢口採買請開局於省城西安府設爐十座錢滿文鑄寶陝二字每年開鑄二十四卯用銅鉛錫六十萬觔鑄青錢七萬二千八百串除去工價等項實存六萬二千餘串至本省配給兵餉已有四川每歲協濟錢文向定每百兩搭錢四串仍照舊例辦理其所鑄新錢應設局聽民易換以平市價戶部議如所請從之通考

十四年奏准雲南停運廣西錢改爲運銅增爐鑄錢搭放兵餉並設局售賣以平市價 又議准雲南省城局減爐十座臨安局減爐八座會典事例 通考

又令廣東寶廣局增額鼓鑄廣州巡撫岳濬奏言粵東各礦出銅有限而外洋夷船載至者亦少惟有取給湏丹金釵二廠銅各半配用從前各鎮協營兵餉未經搭錢者一例配給戶部議如所請從之 又增廣西寶桂局爐座先是十一年以粵西廠銅所出有限議歲貢湏銅十五萬觔配用並增爐二座爲十二座至是巡撫舒輅奏言雲南見在停運廣西錢必須在本省增鑄方不致缺乏請再添爐八座爲二十座其原議每一爐鑄正銅鉛錫六百觔爲一卯每卯出錢八十串今應增添以每爐鑄一千觔爲一卯加耗在外共用銅鉛錫七十九萬一千二百十觔有奇鑄青錢九萬六千串除去工價等項每年以六萬二千串配給通省俸餉以每百兩搭錢十二千六百文爲例其餘尙存錢二萬餘串於錢價昂貴之時或發省城鋪戶領換或設官局易換隨官酌辦以利民用戶部議如所請從之通考

十五年令江浙二省錢局加銅鼓鑄時以明年辛未春聖駕巡幸江浙正商民雲集之時特命截留湏銅於江蘇浙江二局預行加卯開鑄屆期設立官局減價出易以平市價通考

又奏准雲南廣西府今改州設爐十五座鼓鑄以銀七成錢三成搭放曲靖開化廣羅廣南等鎮協營兵餉又題准直隸鼓鑄銅不敷用請減爐二座會典事例通考

十六年奏准陝西向例每年領運四川錢三萬一千二百餘串配充兵餉每串工本計銀一兩有奇若撥川銅二十五萬斤運陝加以鉛錫鼓鑄可得錢四萬八千餘串每串止需用工本銀九錢有奇自十七年爲始歲撥川銅二十五萬斤令陝西委員赴川領運回陝增爐鼓鑄於四川撤爐九座停鑄陝錢其從前協陝之錢裁至十六年冬季爲止又題准陝西設爐二十座每年正鑄二十四卯帶鑄二十四卯搭放兵餉餘剩錢文減價

出售會典事例通考

十七年覆准山西鼓鑄需銅七十萬斤交商分五年辦運先給腳價銀三分之一餘俟交足找給帶白鉛五十八萬一千斤黑鉛九萬一千斤點錫二萬八千斤委官赴漢口採買以資鼓鑄每月銀七錢三搭放官兵俸餉又題准雲南東川局增爐五十座每年加鑄錢三十六卯又題准山西設爐六座每年鼓鑄十二卯又奏准江西添設爐四座又議准湖南加爐五座又題准雲南東川局新添爐五十座令東川府知府總理會典事例

十八年令湖北寶武局增額鼓鑄時以湖北議修城工湖廣總督開泰奏請每年添買漢口商銅四十萬觔配入鉛錫照原定之卯加倍開鑄除工料外歲添錢八萬六千九百串設局出易歸還鑄本以所得餘惠銀備充

公之用戶部議如所請從之 又開山西寶晉局鼓鑄減設爐座先是以銅効用完巡撫阿思哈奏請暫行停
爐得旨錢文為民間日用必需自宜卽行設法採辦鉛効源源接鑄其如何定以官價遴選殷實商人具領
承辦之處著傳諭阿思哈速行辦理尋議定招商辦銅七十萬効聽赴漢口及蘇州購買分作五年交局先發
價銀三分之一其餘陸續支領其鉛錫另行委員採辦至是巡撫胡寶瑔奏請復行開局較從前酌減爐四座
止存六座鑄錢已足數用其各營官兵俸餉以銀七錢三配給戶部議如所請從之通考

十九年奏准湖北每年加鑄二十四卯 又議准四川寶川局將舊減爐七座照舊復設以增鼓鑄會典事
通考

二十年奏准四川加爐鼓鑄新舊共三十座 又覆准寶川局增爐十座連舊爐共四十座每年每爐分鑄十
八卯按期鑄造 又奏准四川各爐每年加鑄一卯餘息銀五千兩以爲土弁番兵操演各項以及巴旺麻書
角洛等三處安設防護并兵之用會典事例

二十一年奏准山西增爐五座其新舊各爐鼓鑄餘錢交地方官設廠平賣按照市價減五分出易 又議准
湖南增爐十座添放兵餉 又議准雲南東川局每年加鑄十八卯歲暮餘息銀四萬三千餘兩以備該省急
需會典事例 通考

二十二年題准山西新添五爐每月一卯每卯鑄錢一千八百二十串會典事例 通考

二十四年奏准回疆制錢式樣應遵定制其分兩因地制宜每文鑄重一錢一面鑄乾隆通寶漢字一面用清
文及回字鑄其地名 又議准貴州錢局移道省城仍設爐二十座每年額鑄四十六卯之外照定額加鑄二

十三卯會典事例

又移貴州學節鑄局於省城加卯鼓鑄貴州巡撫周人驥奏言畢節縣設局之始原因就近可運銅鉛但每歲所鑄錢文解至省城安順二處仍須開銷腳價而知縣有地方之責委令管局亦有顧此失彼之虞應移局於城貴陽府專委大員管理至銅鉛各廠雖距省稍遠若將安順以下河道開通改爲一半水程可以節省運費並將加鑄二十六卯歲可添錢五萬七千三百五十五串有奇增搭兵餉仍以所餘錢流通出易以平市價其所需銅助見在積存庫內者有八十餘萬將來陸續採出可接濟二年之用戶部議如所請從之尋復奏定每年六十九卯除去工價等項實存錢十七萬二千餘串內搭放兵餉及俸工役食等錢十萬餘串以六七萬串令官錢鋪發賣每串照市價易銀一兩四分至二十六年以鑄價日平復議定每串易銀一兩以便民用通考

又復增湖南寶南局爐座時以協濟甘肅錢文四川及湖北皆於加鑄數內撥往惟湖南所鑄有搭餉及折給兵糧定額餘錢不敷解運巡撫馮鈴奏請以本地廠銅於舊爐二十座外增設爐二十座歲添錢八萬四千三百七十九串有奇以八萬串運至甘肅戶部議如所請從之至二十六年停解甘肅錢以本省興修城垣奏定仍照增添之數鼓鑄將鑄出錢八萬餘串設局平賣以餘恩充城工之用通考

二十五年議准四川每年加鑄二卯請動銀一萬四千五百六十餘兩作爲成本獲利銀七千七百九十餘兩作爲各營賞項之用○又題准貴州錢局令按察使總理○又奏准雲南省城局二十五爐臨安八爐每爐每旬於正鑄之外加鑄半斤每年計獲加鑄餘息銀二萬三千三百餘兩以爲大興等廠添補銅價之用會典事

二十六年奏准浙江湖北配用金銖廠銅質色黑暗應配黑鉛改易白鉛鼓鑄○又覆准廣東設爐六座每年鼓鑄三十二卯因金銖廠銅夾有黑鉛將每爐每卯原配黑鉛四十六斤有奇儘數改易白鉛發鑄○又題准雲南東川局於乾隆二十七年爲始將每年正鑄卯額酌減一半鼓鑄會典事例

又開西城阿克蘇城鼓鑄局先是回地惟葉爾羌喀什噶爾和阗各城以錢交易其阿克蘇諸城向不用錢或以銀買賣或以田地及貨物牲畜互換自平定以後以其地向有銅礦仍於阿克蘇屬地方置七品伯克二員管理採銅回戶至是參贊大臣尚書舒赫德以各城阿奇本伯克之請奏定於阿克蘇城歲徵紅銅四千二百五十觔烏什城歲徵紅銅三千一百九十觔庫車城歲徵紅銅八百十五觔沙雅爾城歲徵紅銅三百五十觔賽哩木城歲徵紅銅三百五十觔拜城歲徵紅銅三百四十觔哈喇沙爾城歲徵紅銅七百五觔共爲一萬觔
蒙解阿克蘇城開局鑄乾隆通寶錢其錢募鑄阿克蘇城名餘俱如葉爾羌城之制通考

二十七年議准廣西鼓鑄令按察使總理會典事例

二十八年議准雲南順寧府局鑄務令知府就近經理會典事例
三十六半卯會典事例

二十九年題准雲南順寧府局鑄務令知府就近經理會典事例

三十年奏准四川省局前請加鑄二卯以備兵丁紅白事件賞項今請再行加鑄一卯以爲添補賞項之用
又奏准雲南省局每年春季於正額之外加鑄九半卯所獲餘息以爲永昌順寧二府屬之土司地方巡防土

練歲需之用○又奏准市川局新舊各爐每年加鑄錢三十六卯所獲餘息作湯丹大碌兩廠加增銅價之需

會典事例

又據陝西鑄錢銅數增買演銅運陝供鑄先是陝西寶陝局鼓鑄高銅三十八萬觔向赴四川採辦因川省出銅減少停其採買更向雲南搬給三十五萬觔以供鼓鑄高低各色配解至是雲南以高銅漸少祇搬給五萬觔更換金釵廠低銅三十萬觔交委員領運陝西巡撫和其衷奏言陝省歷年銅觔年運年銷並無餘存而官商辦運津銅不過五六萬觔運局每無定期不能及時應用現在存貯陝銅止可供一年之鑄陝演相去遼遠銅觔往返約須二年有餘誠恐一時不能接濟必致停爐歇卯請將陝局鼓鑄每爐兩卯酌減五百觔以一年爲率今年減成之銅卽可待次年供鑄俟演銅運到仍行照舊鼓鑄再採運演銅既難刻期而至請自丙戌年爲始於三十五萬觔正額之外預買五萬觔仍照高低各色配解以備陸續接鑄之需戶部議如所請從之通考

考

又議以四川重慶夔州二營生息銀兩交鑄局加卯鼓鑄四川總督阿爾泰疏言川省各營需用賞卹曾請於一鹽茶項下支銀一萬四千五百餘兩交寶川局每年加鑄二卯扣還銅鉛錫等工價可得恩銀七千七百餘兩爲陸續賞卹之用惟重慶夔州二處仍係營中領本四萬一千九百餘兩自行開典生息充當每年獲息僅五千三四百兩較之錢局加卯鼓鑄相去懸殊且當店官爲經理雜費既多兵弁差操多悞或恐有私漸挪移之弊不若將官典概行停止所獲息銀及房間什物盡行變價歸本解司以一萬九千餘兩仍照例交鑄局隨卯帶鑄除歸還價本之外所餘銀兩餘息既多足收添補督項之用事簡易行亦於政體協宜得旨允行通考

三十一年減雲南順寧局加卯鼓鑄增各省城臨安鼓鑄卯期雲貴總督劉漢奏言大興大銅等廠礦日深修費更多經前督吳達善奏請於順寧府設爐八座每旬每卯加鑄半卯支放兵餉所獲息錢歸併大興大銅等廠爲工本經費嗣慮兩廠支給官本歸款無期又請於大理局各爐內加卯鼓鑄獲息清款至寧南廠歷年辦獲銅觔止能供順寧局正鑄之用其加卯鼓鑄之銅難以辦供應將三十一年順寧局停止加卯鼓鑄其順寧局每年正加各卯原係撥還大興大銅等廠預支動工洩水之項歷年清還惟現在三十一年所動興工洩水原本八千兩本年正鑄局錢止得其半不敷抵補應於省城臨安等局酌量加卯籌辦餘息歸補戶部議如所請從之通考

三十二年令寶直局餘銅鑄錢充餉先是寶直局鼓鑄每爐每卯應發各匠工食向照京師寶泉局之例按制錢八百三十文作銀一兩交爐頭易銀給發保定錢賤賠累不貲至是直督方觀承請以每卯銅渣銅屑加意潤汰一年計出餘銅三千餘觔約可鑄錢三百餘千文分賞爐頭補苴貯墊經部議以該省鼓鑄工價原係題明核給錢文每年報銷亦係開造錢工且該省止設爐五座各匠同在一廠稽察易周原無須易銀給發以致輒轉虧折藉口暗墊嗣後將前項餘銅歸公搭同正款鑄錢按年造報充餉其實獲渣土銀兩俟滿五年另行試淘如有多餘將確數奏明留局公用通考

三十四年奏准廣西減爐七座會典事例

二十五年題准貴州減爐五座將加鑄二十三卯暫行裁減○又奏准雲南留省城局二十五爐東川局舊爐二十座鼓鑄其六川新爐大理廣西臨安順寧各局均裁減會典事例

三十六年奏准回疆鼓鑄錢文每文鑄重二錢錢今阿克蘇烏什葉爾羌喀什噶爾等處人口增添費用繁多
錢少不能流通應將烏什鑄錢每文酌減五分餘銅以供添補之用○又奏准江蘇減爐八座減鑄十八兩江

西減爐四座山西增減爐五座曾典事例

又諭山西巡撫朱珪言晉省鼓鑄自乾隆十四年安爐十座十八年減去四座二十三年復添爐五座每年鑄
錢四萬九百串有奇除按月搭放兵餉外餘錢儘平市價數年以來錢價日趨平賤民間不必以官錢爲利請
酌減從前加增五爐止留原舊六爐歲可鑄錢二萬二千餘串於兵民並無不便而錢法仍足流通從之通考
三十八年定銅運抵津後不許開報守凍之例大學士于敏中等奏銅運攸關鑄務例限羣廠運員任錫綱陳
希澤黃斌等守凍與抵通或同時而行阻互異或一運而咨報各殊且一人所運之銅或兩地守凍其中顯有
徇隱捏節情弊奉 上諭銅運船隻既抵天津一帶距京已近銅筋非米糧可比即屬凍河之候原可改從陸
運皆因運員等恃有守凍之例遂爾藉詞遷延嗣後運銅抵津後概不准開報守凍如遇凍河卽令其陸運進
京則支吾守凍之弊不除自絕著爲例通考

又奏准雲南東川局添爐五座曾典事例

三十九年諭內地鼓鑄錢文自順治年間以來俱隨年號字樣鑄造至葉爾羌等處向來行使準噶爾蒙格錢
文自乾隆二十四年平定回部後將所有準噶爾舊錢銷毀另行頒式鑄造乾隆通寶錢文通行極爲利便回
部各城係朕開拓撫定之區國寶流行遵奉朕乾隆年號該回人等所當萬年敬守及我世世子孫亦當萬世
遵行不便照內地錢文隨時改鑄將此諭令行回部辦事大臣記檔永遠恪遵並諭戶工二部一體存載垂爲

成憲○又奏准伊犁量寶伊局設爐一座一面鑄乾隆通寶漢字一面鑄寶伊二清字每文重一錢二分用紅銅七成黑鉛三成配搭鼓鑄會典事例

又湖南巡撫覺羅敦福言寶南局錢文積至十七萬四千四百餘串皆因官價貴於市價無人承買局錢壅滯餘息無歸現在巴陵縣城工奏請借款莫若減價易銀取息供用經戶部議將局存錢文照依原定易銀官價核給興修巴陵距省本係一水之地裝運既便卽照銅鉛專例酌給運費亦屬無多一轉移間而數年壅滯錢文可銷去十分之三餘息亦無短虧之慮從之通考

四十年奏准雲南復設大理臨安保山三局共建爐三十五座鼓鑄會典事例

四十一年署雲貴總督覺羅圖思德等言滇省近年大小各廠歲獲銅一千一百三十四萬觔除京外鼓鑄年需高銅九百餘萬觔外其窯臺戶祿金釵等廠尚積存低銅五百餘萬觔並收回一分通商一百二十餘萬觔已足敷復爐加鑄之用請於東川局增爐十五座曲靖府安爐十八座廣西州復爐十五座保山局增爐四座大理局增爐三座省局添爐一座共五十六爐統成一百四十一爐內東川先經加卯帶鑄之二十五爐未便再議加卯其餘一百十六爐每年每爐於正鑄外一律加鑄三十六卯半計可獲息十六萬四千八百兩有奇查湯丹大碌等四廠年辦蟹殼銅五百五十餘萬觔工費不數每百觔加價一兩五錢大功廠係新聞費用稍省年辦蟹殼銅一百餘萬觔每百觔加銀一兩二錢此外中小各廠共計年獲銅五百七十餘萬觔每百觔加銀一兩足數工費統計加價共需銀十五萬三千餘兩核之所鑄餘息尚有存剩而搭放兵餉之外加搭各廠鹽井工本薪食銀兩以利民用又可無錢多價賤餘息虧短之更從之先是湯丹等廠積欠工本銀十二萬餘

兩九渡等新麻廠欠工本銀五萬六千餘兩部議於增給銅價內以十分之八發給廠民扣留二分以歸贍
欠分作六年扣完又滇省解交京銅六百餘萬觔由尋甸東川兩路分運瀘州其中牛駄馬載腳價尚屬敷用
唯由威寧州至鎮雄州所屬之羅星渡計程十站山路崎嶇近年馬匹稀少俱係僱夫背運兩夫背運一礮重
一百六十觔給腳銀二兩往返一月食用不敷夫役每多逃匿今酌議每銅一礮加腳銀四錢八分約需加九
千餘兩亦請於加給銅價內每兩扣銀五分八釐零即可如數扣增不必另籌款項均得 旨允行通考

四十二年奏准雲南東川局增爐十五座曲靖府設爐十八座廣西局復爐十五座保山局增爐四座大理局
增爐三座省城局增爐一座鼓鑄會典事例

四十三年奏准江蘇鼓鑄改用洋銅七分滇銅三分所用黑鉛全用白鉛配鑄江西改用洋銅六分金釵廠銅
四分浙江湖北所用黑鉛改易白鉛配鑄會典事例

四十四年奏准雲南減爐五座○又奏准雲南裁去東川局復設各爐並從前新增五爐大理臨安曲靖廣西
等四局各留爐八座保山留爐十座鼓鑄○又題准雲南省城局留爐二十座東川舊局留爐十六座會典事
例 通考

又奏准湖北減鑄三卯每年鼓鑄二十一卯一尾卯○又奏准廣西裁爐四座會典事例

又奏准貴州減鑄十卯每年鼓鑄三十六卯會典事例 通考

又奏准伊犁寶伊局加鑄錢二百餘串每年共鑄錢一千二百串會典事例

四十五年奏准雲南裁去大理鑄局留省城東川二局設爐三十八座○又奏准雲南東川舊爐十六座內酌

留十爐裁去爐六座其大理局八爐移設省城廣西曲靖臨安保山四局概行裁撤 又奏准雲南寶雲局令
按察使總理雲南府知府監鑄東川局令該管道員稽察東川府知府監鑄廣西寶桂局委鹽法道總理其監
鑄交盤仍由憲司會詳會典事例

四十六年戶部議查四川寶川局新舊設爐四十座歲需本省銅一百四十萬觔嗣因該省銅觔不敷接鑄奏
減新舊爐鑄十二卯今據該督文綬奏近來各廠產銅歲止七八十萬觔請再停十二卯連前共省銅六十萬
觔核計近年出銅之數足供配鑄其每年應用黑鉛四十九萬八千觔以供正鑄近年本省各廠產鉛四五十
萬觔除供加卯應用外尚餘二十餘萬觔請嗣後存積三四年核計足數舊爐正鑄一年之用卽將黔鉛停買
一年現在局存黔鉛一百五十九萬餘觔足敷兩年鼓鑄所有本年應買黔鉛緩至來歲秋間再行酌辦得
旨允行通考

四十八年奏准雲南寶雲局照舊改歸臬司兼管監鑄○又覆准湖北寶武局令鹽法道經管於府廳內酌派
一員監鑄貴州鑄局向委貴陽府官筑縣按年輪管貴陽府事務繁多應專委貴筑縣管理○又奏准寶伊局
每年向鑄錢一千二百串因銅數不足每年減鑄錢七十八串會典事例

五十年諭嗣後各省錢局無論藩臬及道員經營者於新舊交鋗時俱著前任造冊移交新任並具結造報巡
撫備有款項未清卽將前任經營之員參處會典事例

五十二年奏准貴州省城局原設爐二十座應酌分五爐移設大定府鼓鑄搭放安爐今改興義等處兵餉廉
俸之用責成大定府經理貴西道稽查會典事例

五十六年奏准鑄局鼓鑄錢文改蘇藩庫收貯搭放兵餉卽由司駁明給發會典事例

五十七年奏准寶伊局加鑄錢六百串湊放兵餉○又奏准西藏鼓鑄銀錢正面鑄漢字乾隆寶藏背鑄唐古忒乾隆寶藏字樣邊廓添鑄年分納用紋銀成造重五分者紋銀一兩易錢十八圓重一錢者易錢九圓餘銀一錢作火工其鑄錢工料俱由商上備辦毋庸動用官項交駐藏大臣派員督同噶布倫等監造驗明成色不許稍有攬雜會典事例

五十八年議准前藏所鑄銀錢應專派鑄錢仔卒二名濟仲喇嘛二名由駐藏大臣會同達賴喇嘛挑補並添設監鑄官一員令四川總督於同知州縣內揀選派往監鑄一年更換令駐藏大臣隨時查驗如銀錢成色低潮卽將該員奏明治罪如係勤慎出力奏明保題仍於每年春秋輪往邊界時分別駕查○又議准前藏新設監鑄官一員自打箭爐至前藏及期滿換回月支公費銀三十五兩官役口糧七分騎駄烏拉五隻通事一名譯字一名每名月支工食銀一兩口糧一分烏拉一隻該員到藏後月支公費銀三十七兩五錢官役通事譯字在藏工食口糧仍照往回沿途之例支給造入西藏娶費案內題銷會典事例

五十九年奏准停各省鼓鑄會典事例

六十年覆准寶伊局鼓鑄每文鑄重一錢二分用紅銅八分四釐黑鉛三分四釐八毫點錫一釐二毫現詔京局每百斤改用紅銅六分白鉛四分但白鉛一項買用維艱應仍以本處開挖之黑鉛配鑄會典事例

嘉慶元年奏准復開各省鼓鑄○又題准雲南東川局暫緩開鑄會典事例

三年議准廣西減爐七座會典事例

皇朝政典類纂

卷六十四

錢幣七 直省錢局

十五

五年諭新疆各回城自乾隆二十四年平定後卽著造乾隆通寶錢文通行至今撤思新疆二萬餘里俱係
皇考開拓撫定之區國寶流行所當萬年敬守現在阿克蘇諸領祖錢式樣所有新疆等處地方自應鼓鑄嘉
慶錢以資行使至乾隆錢尤應永遠通行嗣後新疆地方鼓鑄乾隆錢二成嘉慶錢八成一體行用萬世子孫
敬謹遵循勿替○又議准滇省金銕廠低銅內有鉛性所有辦運金銕廠銅之江蘇江西浙江福建廣東廣西
湖北湖南陝西九省毋庸配鑄黑鉛按額加配白鉛鼓鑄其全用商辦洋銅之直隸山西二省及本省出產黑
鉛之雲南貴州四川等省鼓鑄錢文照京局之例一體三色配鑄會典事例

七年議准西藏鼓鑄銀錢從前內地原派監鑄官併監鑄關防一顆一併裁撤卽交西藏糧道管理監鑄關
稅事繁於該處章京司官筆帖式內遴委一員監鑄均毋庸另給公費會典事例

十一年奏准四川鼓鑄銅斤向資本省廠銅間有不敷按例價十二兩採買商銅濟鑄近來工本昂貴採買商
銅不敷額用今覓得西昌縣屬之拖角山白果山二處銅礦應准暫行按照例價官為開採不抽課耗俟鼓鑄
充裕仍照例抽課會典事例

二十五年上諭軍機大臣等據御史王家相奏近日江晉寶蘇局所鑄官錢銅少鉛多而官銅偷鑄小樣錢每
錢一千不及四斤民間號稱局私白蘇松至浙江江西流通浸廣以致銀價日貴官民商賈胥受其累其私鑄
設置之地則於局內深挖地窖上蓋煤炭掩人耳目其搬運之時則於每日兩次放水買囉水夫隨身帶出其
私售之人則附近寶蘇局之錢店接受窩藏輾轉流布一年之中惟應解兵餉不得不鑄官錢此外盡鑄小錢
其火工飯食仍開銷公項銀兩若添司到局則就置新鑄之小錢而以舊存備解兵餉之官錢磨新牒混寶蘇

局監督協理各委員毋受陋規每開一卯監督得陋規三百兩協理得陋規二百兩以致鑄頭益無忌憚歷任
藩司未必全無見聞特以因循姑息流弊愈深等語錢局鼓鑄圖法攸關豈容官局鑄私致所民胥受其累陳
桂生接奉此旨卽日親赴寶源局嚴密查驗該局有無私挖地窖並搜查有無私鑄小錢一經查出弊竇卽將
該藩司及監督協理各委員據實嚴參並究明得受陋規起自何年務須大破情面秉公查辦不可稍涉瞻徇
一面將錢局事宜認真整頓遴選廉能素著之員赴局監理按卯鼓鑄將新鑄錢文照例當堂稱兌驗收貯庫
如有偷減工料者立卽嚴懲以除積弊 聖訓

道光二十一年諭戶部奏請飭催各省開鑄一摺各省鼓鑄錢文搭放兵餉以便流通見據該部查明停鑄省
分至十一省之多且停鑄多年恐錢法漸至廢弛不足以資民用著直隸山西陝西江蘇江西浙江福建湖南
湖北廣西貴州各督撫務照每年應鑄卯額迅速開鑄其有鉛斤不敷之處亦著趕緊購辦毋稍遲延東華續
錄

二十四年江西巡撫吳文鎔奏竊查上年戶部奉催各省開爐鼓鑄一案奉准咨鈔原摺內有云銀之爲物既
非若銅鉛錫鐵隨時礦採而耗銀之事又百出不窮銀之貴非由錢之多祇以日趨於少卽日形其貴此時
正宜設法用錢以濟銀之不足又稱用銀之款可代以用錢財用因以少裕等因旨哉斯言誠方今不易之
論也顧所謂設法用錢者當求所以善其法然後可以通其用伏思各省設爐鼓鑄原以錢爲日用所需藉
錢以便民之用非藉錢以濟銀之艱也至今日則情形有不同者今 國家承平日久合計有爐十四省每
歲額卯得錢一百十四萬串有奇流衍百數十年以來錢固已日見多矣然使錢日多而銀並未少亦不至

略重略輕之甚無如耗銀之端百出銀且日趨於少也以日多之錢代日少之銀似屬用之至便不知用也者通上下兼出入言之祇計出而不計入則銀之勢偏於重而價仍昂錢之勢偏於輕而價仍低價不平用固不能通也欲求其通必出與入均能以錢代銀則上下相通而錢始得行錢得行則銀不偏重矣顧所入之錢未可浮於所出也祇以額用之銀約計徵之以錢正不必全以錢代也查各省應行解部及協解鄰省者長途撥運腳價浩繁應仍行徵銀解銀至本省兵餉文武官庫俸薪工役食祭祀驛站一切坐支之款統計各省歲不下二千餘萬兩應全行改折收錢放錢以此二千餘萬串之錢委輸官庫錢之勢必見少少則價貴以此二千餘萬兩之銀留布民間銀之勢必見多多則價賤此理勢之自然者然以此平銀錢之價固矣恐其效非旦夕可變兵未平之先若照錢一千准銀一兩之例支放必致兵譁役怨事格不行故改折錢文必按時價改折地方官按時價折解藩庫藩庫按時價散放各款徵解相應支領胥安可以行所無事也且增幣期以興利而利中之弊當先籌及約有五端均可無害礙為一曰民情宜體察也定制正賦皆徵銀解銀一旦照時價改折錢文恐亂舊章而駭物聽不知零星小戶例原許以錢代銀而農田所出穀粟麻枲蔬菜之類亦多係糧貢錢文故現在各直省百姓以錢完賦者無慮十之八九民以輸錢為便官不得不俯順輿情今折解藩庫在官雖名曰改折而在民則實守故常閭閻無耳目之驚有司少易銀之累因利乘便法莫有良於此者矣一曰錢價宜釐一也一省之大市塵情形不能一律或有平色高低不同或有串頭虛實不等若照各州縣市價合銀解錢難免參差查銀錢聚會多在省垣外府之價恆視之以為準應令各省藩司按庫平足附據省垣之價為定於二月八月開徵半月之前通知州縣遵照批解價銀價得平隨時核

減則該庫收數可歸畫一也一曰解錢官劃數也司庫出納兼用銀錢則州縣亦須銀錢兼解其應如何解
錢之處必當裁清數目以昭限制各省存留坐支之款歲有常經除耗羨內有解部飯食及搭放局錢作
抵之數應割出仍令解銀其餘應即全行折錢外其動用地丁者由藩司核明歲用銀數按照各州縣錢糧
多寡均勻指派解錢則批解數目各有定額不致漏縮混淆矣二曰扣平官循舊也查坐支各款現在有應
按二兩平扣給者今既照庫平銀價改折錢文是所領之項卽與庫平紋銀無異平條銀兩仍須照扣應將
所發錢文按照銀價扣錢其扣平銀兩仍令州縣解銀報撥庶幾變通之中不改已定之例也三曰局錢宜
疏通也賦入之錢可按時價以爲收放局鑄之錢按時價支放則工本大虧按定例支放則偏枯難免查各
省鼓鑄額卯至多不過數萬應全於各官養廉按成搭放現在錢價雖輕而所搭尙不至過多況俟銀價一
平仍無所損文武官員絲粒皆戴國恩自不應計及錙銖而兵餉得免配搭於兵丁目前生計亦可不至
艱窘矣似此一轉移間法不必更新民不必易習兵丁無所苦物價漸就平制用之宜彰明較著也至南北
各省情形或小有異同因地制宜隨時變通似均可酌量辦理儻行之久而銀錢相埒出入咸宜則各省鼓
鑄可加卯增額推廣流通以孳生不竭之錢濟消耗日絀之銀操縱有權利源在上矣臣才識謗陋閱歷無
多一己之見未敢遽信爲當然惟當此國計未充上厰宵旰苟有一得之愚不敢不爲芻蕘之獻是否
可采伏乞聖鑒

四鑒異文節遺集

咸豐三年戶部奏山西巡撫哈芬疏稱改鑄錢變通軍餉請飭將寶晉局鑄務酌設安協章程奏明試辦得
旨部定章程迅速具奏不可專待哈芬奏到一議頃准豈爾部反不如外省耶東華續錄

四年福建巡撫呂佺孫奏竊照閩省寶福局前因銀貴錢賤有虧成本於道光四年奏明停鑄直至道光三十年始行啟鑄平時商民交易現錢與錢票並用是以停鑄多年從無缺錢之慮上年因匪徒滋事居民咸有戒心凡平時收藏錢票之家無不支取現錢以致錢票驟形阻滯現錢因而缺乏當經督臣王懿德奏准添爐鼓鑄當百以下大錢與制錢相輔而行藉資周轉庶如局中存銅本已無多自添鑄大錢以來現存更屬有限雖令收買民間廢銅而爲數寥寥無益於事閩省又地不產銅若俟委員赴演採辦非特程途遙遠緩難濟急且值庫款支絀之際銅本亦屬無資臣自八月抵任以後目擊情形萬分焦灼竊思連年鼓鑄現錢必日見其多何至轉形缺少細加探訪始知民間本係收藏錢票自上年錢鋪連日倒閉小民因之受累雖現設永豐官局錢票照舊通行而無知鄉愚不免因噎廢食每將制錢掘土掩埋爲日久存儲之計是以市肆現錢仍復不能充足甚有奸徒藉錢缺私鑄小錢攜和行使雖經隨時飭縣獲犯究辦而小錢禁令既嚴制錢短少更甚至於國計民生大有關係且自開設永豐官局以來一切兵餉軍需無款可放陸續提用銀錢各票已至六十餘萬之多急宜趕鑄錢文以應持票支取之用臣仰荷天恩畀以封圻重任日與督臣熟籌良策以冀補救伏查鑄錢之制始於梁盛於宋行之蜀郡最久臣前在四川臬司任內曾見南宋時所鑄鐵錢字樣分明輪廓肉好至今尚屬完善因念閩省本爲產鐵之區採購甚易鐵價不及銅價十分之五成本又輕雖生鐵性滯質粗果能提鍊精純亦可經久不壞而制錢爲民間日用所需時時在手盤用自然鏽蝕之處且可杜鄉民埋藏之陋習上年部議改鑄鐵錢督臣王懿德因鐵之爲物不及銅之貴重竊恐民間輕視私鑄日增物價驟長且祇知前代有鐵錢名目而不知鐵錢果能流傳經久是以附片奏請停鑄

茲經臣詳細討論亦以鐵錢爲利甚溥與閩省尤屬相宜寶目前裕國便民良法亟宜變通改鑄不敢以
具奏在先稍存迴護與臣意見相同惟鐵錢工價本輕易啟奸徒私鑄之弊現議將分兩酌量加重定以每
錢一枚計重一錢六分格外加工磨鍊使奸民無利可圖私鑄可期漸絕且工價於本亦不致有銷燬之慮
況現在京城鑄用鐵錢通行無礙閩省自可照辦應請仍照部臣原諒鼓鑄鐵錢以充民用臣現飭鹽福局
試行鑄造謹將樣錢寶交軍機處先行代呈一面將舊收四爐概令按卯鼓鑄鐵錢其當百以下大錢仍於
新添兩爐一同鼓鑄以示寶貴而免偏紳所有改鑄鐵錢工本銀數章程容再開明另行奏報臣仍督飭局
員認真經理俾可行諸久遠儻稍有窒礙卽當據寶奏請停鑄不敢意存固執茲據藩臬兩司暨督糧鹽兩
道會詳前來除咨戶部查照外謹會同閩浙總督臣王懿德恭摺日奏伏乞 皇上聖鑒訓示呂堯仙奏
光緒十一年閩浙總督楊昌濬奏竊查閩省市塵制錢缺乏各鋪盡出錢帖零星以小錢雜行用雖迭赴
江浙購錢接濟價脚因多虧折而且杯水車薪隨散隨盡上年海防吃緊錢帖更難取信幾致紛擾曾經奏
明提勸公款暫借各錢鋪以銀折支始獲綏定是閩省錢法關係甚鉅不能不急籌鼓鑄也查錢文輕重本
無一定大約錢重則私毀必多錢少則盜鑄更熾補偏救弊責乎因時損益伏考 大清會典順治年間初
鑄每文一錢嗣加鑄一錢二分至一錢四分康熙年間改鑄一錢四分雍正年間改鑄一錢二
分乾隆以後皆以一錢二分爲則迄今制錢日見其少由於舊錢銅質較重私毀盜鑄逐漸消磨欲除其弊
莫若輕貨使之無利可圖不禁自止否則法律雖嚴仍難禁絕是議辦鼓鑄不能不酌改鑄也省垣原
設寶福局本歸藩司糧道會同管理需用銅鉛委員分赴滇黔辦運遵照部頒錢模按卯開鑄工本尙須籌

貼自咸豐年間改鑄鐵錢鈔錢之後停辦已二十餘年匠工流散爐座傾圮所剩屋宇改儲軍裝欲循舊制
驟難規復是鼓鑄之地又不能不變通另籌也同治四年間前督臣左宗棠在閩奏請製造輪船聲明輪機
來後兼可鑄錢因創造之初趕辦船工一時不能兼顧現在錢價日昂百物因之俱貴竊思船政廠屋有餘
添爐調匠無須另行建蓋船料出洋採購順途附運銅鉛亦較便捷在廠員紳本以考工爲事併講求算學
化學兼司監鑄測算尤精廠員之上設有提調就近督率稽查自無流弊通盤審覈較之城內專設一局辦
理尤稱簡易經費亦可節省至攤鑄錢文必須先計工本官辦無虧私毀無利方能垂諸久遠據船政後學
堂監督刑部主事鍾大炮^正切核以紅銅白鉛各重一百斤入爐一五火耗應除三十斤可鑄成錢一百
七十斤以枚計之得三十二千文東洋紅銅每百斤連運腳共合錢一十八千二百六十文白鉛每百斤連
運腳共合錢七千三百四十文工炭每千需錢二百文共應錢六千四百文與鑄出新錢數目相準試鑄之
錢每文重八分五釐民間堪以行用似此變通辦理係為嚴杜私毀利益民用起見據福建布政使沈保靖
會同兼署按察使督糧道劉瑞麒等後局司道詳請奏明請旨如蒙恩准卽在辦防經費內撥銀二三
萬兩作為成本在船廠設爐募匠照此鼓鑄接月將出鑄新錢照價發賣換回銀兩再購銅鉛轉輸周轉毋
使間斷毋使虧耗其應行酌貼廠紳丁役薪資及製辦模範自定局費二百兩另於外銷款內每支以免使
用成本等情前來臣等竊維歷代錢文法以漢之五銖唐之開元為最善昔賈誼有言錢重則利深盜鑄雲
起重刑不足以禁之前明譚綸謂國家鑄錢以濟銀之不及就使鼓鑄之費與銀相當而多鑄一萬金之錢
卽多增一萬金之錢流布海內是藏富之術也近來各國通商金銀流出外洋每歲以千萬計各省利源

漸竭惟有推行錢法尚可補民用之不足閩省民貧土瘠地不產銅一紙相沿歷年已久去歲馬江失事各錢鋪支取爲難紳民始知鼓鑄之益若因其勢而利導之便民之政莫大乎是據呈錢樣輪廓頗似開元雖分徑差小而體質殊厚經臣訪諸紳耆均稱尚可適用惟事關更改舊制錢法處分綦重工等未敢擅便合無仰懇天恩俯念閩省制錢缺乏民用維艱准予籌款變通鼓鑄以杜流弊而裕利源地方幸甚再現錢輕重既與舊制略殊銅鉛耗三項價目亦與例價稍有未符惟科本鑄錢並無賠貼之處應許免其核計合併聲明除咨部外謹會同署理船政大臣裴蔭森恭摺具奏

經世文續編

十二年閩浙總督楊昌濬奏竊照閩省前因制錢缺乏原設寶福局停鑄已久驟難復設議請在船廠設爐鼓鑄借資輪機以省人工酌改銖兩以杜私鑄等情當據前福建布政使臣沈保靖會詳具奏嗣奉部覆准在辦防經費內籌銀二三萬兩作爲成本其購辦銅鉛各價及運腳錢文核例無浮亦准照辦惟每文鑄重八分五釐分兩過輕行令查照咸豐一年京局鑄錢分兩辦理又銅鉛折耗工炭局費與例未符鑄出新錢如何搭放搭收妥爲籌辦等因轉行遵照在案現在船廠工程緊急廠員不及兼顧並無餘屋可騰原設寶福局改儲軍裝不得不另行擇地委員辦理查省城機器局尚有空屋隙地堪以修建該局委員候補知府張冕辦事認真兼熟考工常經札飭福州府張國正會同委員試鑄並於辦防經費內先行籌提銀二萬兩飭發承領據報將局內空屋修葺完竣並添建房屋設爐五號每號五爐召匠製模購買銅鉛添派委員監工巡督於本年六月初四日開爐試鑄惟前准部議每文鑄重一錢以杜盜鑄而盜鑄之徒意在牟利現鑄八分五釐僅數工本非特私鑄無利卽仿鑄造亦無利可圖若鑄重一錢則工本虧折必多且恐錢重利

深旋鑄旋燬不數年而仍前缺乏應請仍照原議鑄重八分五釐以期經久至銅鉛火耗定例每百斤准銷折耗九斤內配演銅五十四斤白鉛四十六斤合銅鉛百斤按一五折耗雖較例耗有多惟係銅鉛每五十斤勻配較之例配斤數銅少鉛多且東洋銅質不及演銅折耗加增實毫無浮冒工炭一項卽係工料定例每發淨銅鉛一百五十觔准銷工料銀三兩二錢二分七釐今鑄錢一百七十觔需工炭錢六千四百文銅鉛觔數有則工炭自宜增益邇來匠工炭價昂於昔年以錢合銀多亦有限局用一節前議月定銀二百兩係擬船廠氣辦而言在廠員紳提調就近督率稽查毋復另籌薪水現在船廠不能兼顧改就機器局啟鑄所有創設爐座製辦模範以及監工委員丁役薪費一切較前又復不同仍月定經費銀二百兩委難再減且在外銷款內籌支不動成本工款應請准予照支至新鑄錢文向例以錢一千作銀一兩搭放兵餉等項其時銀價每兩不值一千是以人皆樂從道嘉慶二十三年銀價增昂每兩換錢一千三百餘文卽經奏請停搭現在銀價更昂於昔若照向例搭放兵情恐未必願從稅課等項收款向係收解銀兩間有零星搭繳錢文因閩省山高灘險運載維艱由各外局易銀解省現查各府缺錢與省相等若令收錢起解此盈彼絀似亦非宜此項議鑄錢文原因銀價日增各錢鋪缺少制錢以爲救敝扶偏之計應請仍照原議將鑄出新錢發鋪承領按照時價繳換銀兩收回成本一俟銀價低平新錢充足再行籌議搭收搭放章程以臻安善除將新鑄錢樣另送併飭地方官訪私鑄私燬棍徒從重治罪一面嚴禁行使私錢以重圖法據福建布政使張夢元會同善後局督糧道詳請奏咨前來臣維歷代錢法以五銖開通爲最善部議咸豐三年奏定之例適與相埒洵不刊之良法也然定例固當遵守而時宜尤貴變通是以元嘉四銖民稱其便天福祥符重

俱一錢以外而顧棟高所得祥符官錢有輕至九分者。國朝康熙年間開鑄制錢至重一錢四分亦兼鑄八分九分以濟行用當時謂之小制迨乾隆四年重錢日小而小制錢尚存前湖北撫臣晏斯盛開源節流疏內亦欲再從輕減使銷者無利自止現議八分五釐臣再四籌商先令照樣試鑄一俟鑄有成效再行擴充辦理至工耗局費籌款以及一切收放情形仍由臣督同司道隨時考察分別渾鑄總期民用無滯官帑無虧於錢法稍有裨益以仰副聖主興利除弊至意

經世文續編

二十一年署兩江總督張之洞奏竊查各省停鑄制錢以來市用銅錢日見其少加以私銷不絕錢價因之日昂近日大江南北各州縣旬日之間銀價驟跌每兩僅易制錢一千二百數十文上游皖楚等省情形亦復相同鄰省皆禁運錢出境以致市面愈不流通小民生計艱難商賈即多折闊民間完納丁漕釐課大為苦累百事窒礙民情惶擾時近歲暮生事可虞竊思錢貨由於錢少此乃自然消息之理若出示禁止擡價更滋事端即使向別省購運為數有限稍事補苴亦無大益此非開其來源終無善策惟有迅速增鑄錢文方足以示平準而靖民心因思臣在兩廣任內時奏明創設錢局以機器鼓鑄制錢製作精好輕重適宜現經會商撫臣札飭江寧藩司兩淮運司江安糧道蘇潤釐局各借撥銀四萬兩共十六萬兩分別匯解上海道庫存儲由江寧藩司委員赴滬支取採買上等東洋紫銅及外洋白鉛運赴廣東交由兩廣督臣飭交廣東錢局附鑄制錢二十萬串補給工錢仍照定章銅六鉛四每文計重八分加工趕造鑄成後分批陸續解滬分撥蘇淮揚四屬行用屢轉流通以便商民惟鑄錢平價不如實米平糶必有折耗方能妥便此項銅鉛工火運費折耗若干將來應請其據責開報由司道釐局四處分認為數亦甚多合併陳明除飛飭各關

道及沿海州縣示禁運錢出口並通飭地方官嚴查私鑄認真擘辦外理合會同江蘇撫臣趙舒翹恭摺具
奏伏乞 皇上聖鑒謹 奏張宮保政書

二十二年湖廣總督張之洞奏竊照近年以來制錢缺乏市價日增湖北寶武局自光緒十三年奏明鼓鑄一年以後旋即停止錢無來源又兼鄰近各省錢價俱貴紛紛禁錢出境彼此不能流通以致商民益形艱困查湖北爲長江中樞南北綿亘之地商賈走集利在流通斷不能如他省之閉關嚴禁自顧一隅且丁漕釐庫等項官民需錢爲最多非廣鑄制錢不能濟用亟應開局鼓鑄用資補救並可輔助銀元疊經多方考驗查核舊案並用土法試鑄錢式既屬粗劣虧折又復甚鉅合計舊案動支內銷外銷各款虧折約係二成且彼時銅鉛之價當年每鋤僅銀十二兩零洋每鉛每百鋤僅銀五兩數錢前年冬間可鑄錢之洋銅長至二十兩數錢目前長至二十一兩以外白鉛價長至七兩內外若用土法虧賠必過三成萬難舉辦大率土法銅色又較低銅劑又較少而人工太費斷不能如機器所鑄之工精用省且土錢積弊樣錢式尚可觀實在流行民間者不免粗惡是以先行籌款購運銅鉛咨解廣東錢局附鑄按照上年六月八部議擬兩江督臣劉坤一奏請每錢一文重七分奉 詔允准成案鄂省附鑄之錢亦以每文七分爲率鑄成分批解鄂惟鄂局附鑄者不止一省每日所出之錢勦攤分解鄂省所得無多仍不足以濟民用且由滬局購運銅鉛赴粵鑄錢裝運回鄂往返運費不免折耗自不若湖北購機自鑄較有相宜雖曰前機廠所費較多第此後一勞永逸源源鼓鑄銀元銅錢子母相權輕重相劑其益無窮臣等督同司道詳加籌畫撙節變通之法因查臣繼洵前於兼管督臣任內曾 奏明由外籌款購備製造後膛機槍等項現因機器尚未全

備添購所需尚鉅此項槍礮擬暫緩造可作鑄錢之用其應添配各件擬令槍礮廠鐵廠先行墊款代造精大者始向外洋購賣零星者向上海洋廠就近添購庶幾費不鉅而事可集飭據熟諳機器之員估計應用各項機器應配爐座料件並即在武昌省城鐵政局西偏餘地舊日寶武局基地建造鑄銅錢局所有需用機器各項飭委湖北候補知縣張清干總黃福華前赴上海詳細訪查考究茲據張清芳福華稟稱在滬逐件講求英德造錢機器均不及美國新機之速現在茂生洋行向美國漢立克納浦廠購定春餅機壓字機剪牀搖光盤及供此各項之馬力汽機刻字鋼模以上各件價值連運保費共銀三萬二千三百六十餘兩限六個月到鄂又需用大小車牀抽水機鎔銅爐由上海洋廠製造價銀一千七百兩此外尚需銷爐及供輒片等項之馬力汽機及各廠車軸架輪皮帶等件即在前次購存製造後膛檯槍劈山礮機器內移用至壓鋼模機銀元局尚有存者其輒銅片之熱輒冷輒烘牀鐵水櫃鑄銅生鐵槽架等項由槍礮廠墊款製造其儲水池並水管各廠鐵料由鐵廠代造暫時尚可不需現款應俟錢局造成以後從容算明籌還此項配造機器每日可出錢四百串覆核價值與江南四川等省所購者比較尚屬相宜經飭付定銀向外洋趕造又估計修造廠屋爐應機墩煙囪一切等項工料約需銀一萬六千餘兩合計購機造廠價值工費等項除其中機器有就存件移用及由槍礮廠鐵廠墊款代造暫可不計外約共需現銀五萬餘兩查從前寶武局停辦成本監道庫當存有銀一萬五千九百六十餘兩錢五千四百八十四串零銀錢併計約合銀二萬餘兩又查光緒十二年鑄錢成案其鑄錢工本係奏明借撥海防餉項及土藥稅銀茲酌照成案於釐金項下借撥銀三萬兩以爲添補購機造廠之需由官局傾鎔項下分爲五年籌還現在一面購機一面造廠其鑄

錢式樣卽查照戶部議定每文七分奏案辦理至粵局鑄錢銅鉛成本係銀元局所籌粵錢現已陸續運到卽發銀元局行銷以之專收本局所造之銀元民間見銀元可取現錢自然樂於行用銷出銀兩卽以購運銅鉛接續鑄造輒轍周轉足可接濟不窮無須另籌鑄本查購辦鑄錢全分機器多到八九萬金少亦五六萬金茲經多方湊集分向外洋及滬廠鄂廠購造所省已多至機器製造較之土法鼓鑄可少攤人工之費銅鉛成本折耗無多與局用一切均查照舊案仍由外籌補不動正款而其輕重精粗始終一律市肆不致淆惑工役無從偷減官用民用一歸大同開鑄以後可與銀元相輔而行於商務民生均有裨益據湖北布政使王之春署鹽法武昌道朱其煊暨善後銀元兩局司道會詳請 奏前來臣等覆核無異所有湖北省購機建廠廣造制錢以濟民用緣由謹合詞恭摺貢陳伏乞 皇上聖鑒謹 奏張宮保政書

皇朝政典類纂卷六十五

錢幣八

禁銅例

康熙十二年議行鑄造銅器之禁時以銷錢作銅者多九卿議定民間市肆交易除紅銅鍋及已成銅器不禁外嗣後一應黃銅器在五觔以下者仍許造賣其餘不得濫行鑄造違禁者係旗人鞭一百枷一月係民杖一百流三千里所獲銅入官通考

十八年行解送廢銅之令奉 上諭今聞錢法漸弛鼓鑄滋弊以致制錢日少價直騰貴著戶部工部都察院掌官同詣錢局親查釐剔弊端至部院衙門各處所有廢銅器皿及廢紅衣大小銅礦並直省所存廢銅礦著盡行解部鼓鑄通考

五十五年令京局暫行收買舊銅以充鼓鑄時江蘇等八省督撫辦銅以事在創始未能依限解交戶工二部議定先行收買舊器皿廢銅交局鼓鑄每觔定價銀一錢腳費五分通考

雍正元年行收買舊銅之令除遠僻之省載運維艱毋庸知照併不足六成之低銅不准收買外應令近京各省并劄行順天府及京局監督出示曉諭毋論旗人民人有願將舊器皿廢銅運送到局者不拘多寡隨到隨收錢法侍郎預向銀庫領銀貯局每觔給銀一錢一分九釐九毫通考

四年嚴造用黃銅器皿之禁令交官收買先是正月大學士九卿等議言奸民銷毀制錢改鑄銅器從前立法甚嚴而終不能禁止者緣定例之時但禁將來未造之銅器而已成之銅器置之不問民間總有新造亦必託

名已成又新造之器惟禁五觔以上者而五觔以下者不問故法久玩生仍然滥行鑄造而其弊至於銷毀制錢也今欲杜毀錢之源惟在嚴禁黃銅器皿嗣後除紅白銅不禁并黃銅之樂器天平法馬等子及五觔以下圓鏡亦不禁外其餘一應器皿無論大小輕重俱不許仍用黃銅製造倘有犯者造賣之人照違例造禁物律治罪賣用之人照不應例治罪其已成銅器有願賣者俱作廢銅交官每觔給價照一錢一分九釐九毫三絲之數官吏不得扣尅江蘇浙江福建湖北湖南廣東見在辦銅其本省廢銅交辦銅官收買如紅銅不敷卽以此項銅器解部扣六成紅銅補額其四成銀准扣出另給價直俱照例每觔給水腳價三分其不足六成之銅器亦准收買總照成色遞減其價於解部時報明至安徽江西廣西貴州四省雖不辦銅然與江蘇廣東湖廣接壤安徽江西廢銅歸於江蘇廣西廢銅歸於廣東貴州廢銅歸於湖廣令三省委官收買解部雲南見開鼓鑄所收黃銅和入紅銅扣算成色鼓鑄直隸山東令各州縣收買廢銅交布政司彙齊解交京局直隸解送每觔給水腳銀一分山東解送每觔給水腳銀一分五釐至山西陝西無水道可通河南亦半由陸運腳價非輕四川有川江之險解運亦難此四省廢銅暫收存本省俟一二年後視所收多寡或本省開鑄或作何解送各督撫再議具題如此則私毀之弊可息而於錢法實有裨益得旨依議至是以民間銅器交官者少而各鋪戶亦仍行貨賣幸上諭錢文乃民間日用所必需鼓鑄日增而錢不見多必奸民圖利有毀錢造器皿之事若不禁止銅器則錢價究不能平嗣後京城內除二品以上官准用銅器其餘俱不得用黃銅器皿定限三年令將所有悉行報出當官給價收買經九卿遵議除樂器等項外京城官民人等所有舊存黃銅器皿俱交官領價旗人交本旗佐領漢人交五城御史處隨交隨收其收買銀兩各於戶部先行支領存貯其所收之銅每

季解送錢局如過三年之限不交官者照私藏禁物律治罪其鋪戶有仍將黃銅製造器皿者照銷毀制錢爲從律治罪令各該管衙門不時稽查各省應請俱照京城例定交收 上命先於直隸各府並各督撫駐劄之省城試行收買尋復 申諭都察院五城御史及八旗官員等朕爲銷毀制錢之弊是以禁用黃銅器皿令其交官給價專爲民間資生利用起見並非朕有需用之處而廣收銅器於內府也民間卽當踴躍急公欣然交納尙何待上官之稽查催迫耶且民間器皿不必定需黃銅其在有力之家則白銅紅銅皆非難得之物至中人之家瓷器木器價廉工省亦未嘗不適於用非若錢爲人所不可缺者與其藏置在家將來限滿三年犯禁擅罪何如早爲交出既得價直而又受錢價減省之利益乎著將此旨通行曉諭知之至五年四月令各省所屬府州縣地方皆一體禁飭九月奉 諭各督撫等前禁鑄黃銅器皿及官民不得濫用曾諄切詳諭京城見今奉行維謹錢價已覺稍平乃近聞各省城銅器鋪內仍用黃銅鑄造者甚多此明係督撫不實力奉行徒以告示虛文掩飾而已朕時時諭內外諸臣若所頒旨有不便於民之處卽當據實數陳請弛其禁斷不可陽奉陰違有失爲政之體督撫等寧不聞之乎朕向因制錢日少卽知有銷錢鑄器之弊嗣於京城內屢次擊搜銷毀制錢之人而欵差官至甘肅地方亦見有毀錢爲器者省會乃督撫駐劄之區耳目最近政令易行非若邊鄉僻壤之難於稽察也朕爲制錢籌畫焦勞各地方官辦運銅筋亦甚費跋涉之苦然後官局得鼓鑄以供百姓之用夫以鑄錢若此之難而奸徒射利竟將已成之錢復行銷毀姦國害民孰大於此故禁用銅器者所以杜毀錢之源也今後各督撫務實心遵奉倘仍前疏忽定嚴加處分至從前會議三品以上許用黃銅今猶覩濫用者多以後惟一品官之家器皿許用黃銅餘著徧行禁止有藏匿私用者概以違禁論嗣是各省遵

旨奉行將所收銅器觔兩於年終彙題其三年為限之例以交銅未盡復陸續定議展限收買通考

五年諭戶部朕前降諭旨令各省設立收買銅器公所於屬員中選擇廉謹老成之人專司其事在司庫先撥數千金以為價值嗣後陸續給發業經通行曉諭但恐各州縣與所設公所有相隔甚遠之處民間交納未便朕意欲令直省州縣凡民間交納銅器准其抵作正項錢糧但恐交納者多而經費所在有未便之處或行之既久轉有燬錢交官之流弊應如何舉行方為妥協其可行於何等省分並作何交納扣抵與生銅熟銅定價之處爾部詳議具奏朕又聞外省官員有欲捐買銅觔者此斷不可行該地方官但能實心辦理收銅事務便於公事有益如有已將已貲現買銅觔者著將銅交官仍照觔數給與價值

雍正內閣 上諭

又 諭戶部制錢為民間日用必需之物向來錢價甚昂民間深為不便朕為民籌畫宵旰焦勞因思鼓鑄日增而錢文不見其多必有銷燬制錢以為器皿之事是以令京城與直隸各府及各省督撫駐劄之省城不許鑄造黃銅器皿凡有黃銅器皿者俱著交官照數給與價值無非欲錢文充裕俾小民有資生之益而無家用之苦也年來於京城內外屢次擊獲銷燬制錢之奸民而欵差官員於甘肅地方亦見有燬錢為器者可見銅器若不嚴禁則燬錢之弊必不能除而錢文必不能裕錢價必不能平此其相因之勢固有灼然不爽者京城現今奉行惟謹凡黃銅器皿俱已陸續交納給價乃聞各處省城並未設有收買銅器之公所與專司其事之官員則民間雖有銅器何從交納此皆各省督撫怠忽因循並不實心奉行之故也用是再頒諭旨著各省督撫設立公所於屬員中揀擇廉謹老成之人專司其事在司庫先撥數千金以為價值嗣後陸續給發凡有交納銅器者按其觔兩給以預定價值不得絲毫扣剋亦不得以重秤令其虧折夫制錢為日用之所不可缺

而器皿則不必定用黃銅此理甚明此事易曉各省督撫果能將朕便民利用之至意諱切曉諭而又核實給以價值則民間之交納銅器者自必踴躍爭先矣著各省督撫將所買銅器尙兩每年歲底奏聞其所辦價值報部奏銷倘委辦之員有侵蝕扣尅等弊督撫卽行題參從重治罪直隸各府委官之處亦照此一體遵行雍

正內閣 上諭

十一年諭黃銅既禁用紅銅者自多其實黃銅卽係紅銅白鉛攪和鎔成若不併禁仍於鼓鑄未便所有紅銅器皿應如何分別飭禁雲南開鑄貴州解鉛應如何酌定規條并現鑄錢文應否改重一錢二分之處著九卿詳悉妥酌定議具奏毋得輕率亦毋得拘泥雍正內閣 上諭

李紱請嚴禁銅疏云錢文入銅鋪之爐卽化爲銅而未化之前原係制錢不可得而捕也旣化之後已成廢銅又不可得而捕也惟禁斷撻造銅器之鋪則銷毀亦無所用而銷毀之弊不禁而自除矣今現在功令止禁黃銅未禁白銅與紅銅也議者以白銅非制錢所用不知今之所謂白銅皆黃銅也議者以紅銅非制錢所化不知今之紅銅皆黃銅也銅爲錠锞煮以藥水可爲假銀豈不能爲白銅嘉興洪爐以藥水染之作古銅色豈不可充紅銅故臣謂今所行紅白銅皆黃銅也臣請白鑄鏡及樂器而外一切撻造黃銅白銅紅銅之鋪盡行禁絕犯者發充邊遠則國寶流通矣穆堂集

乾隆元年罷黃銅器皿之禁戶部尙書海望奏言錢文爲民間日用所需近年以來鼓鑄無缺價直昂貴建議者莫不多求禁銅之法而奉行不善易致弊竇多端夫銅器散布民間相習甚久一旦禁使勿用則其情有所不便往往遷延而不交交納而不盡緩之則互相觀望急之則百弊叢生是以展限之奏請屢聞收買之告諭

無日不更借此籲策刁民借此訛得賄則賣官法不得則入人罪搜括難盡用法不均其弊一也民隱既難上達有司未必費賢民間交納銅器或有侵蝕扣尅僅得半價者或有除去使費空手而歸者名爲收銅寶爲勒取其弊二也此等銅質本極粗雜加之銹壞一經錢局鎔化折耗甚多而工價不減在收買之時原費帑金所得不償所失於鼓鑄毫無所益其弊三也又況黃銅乃係紅銅白鉛配搭而成是以百萬觔之黃銅器皿其中即有紅銅五六十萬觔今禁用黃銅而不禁紅銅是較之未禁之先銅又多費而適以昂其價直速其私毀是故未禁黃銅之先白銅甚少既禁黃銅之後白銅甚多皆奸匠銷毀制錢攬藥煮白以成器皿其弊四也凡此四弊必當究其根源以求變通之計夫自古銅貴錢重則易私銷銅賤錢輕則滋私鑄是以錢文輕重必隨銅價之低昂而增減之上年世宗憲皇帝因私銷之弊飭九卿議減分數每文重一錢一分所以調劑夫銅鑄錢重者成效自有可觀固已不必屑屑於禁銅之末務矣嗣後請弛銅禁凡民間貿賣悉從其便祇於雲南浙江辦銅之處立官分職統計部用銅觔數目採辦如有餘銅任民販賣則鼓鑄自得充裕於國計民生均屬有益經九卿等遵旨議定將收銅及禁銅之處悉行停止

王述鈔幣議曰按禁銅之令自古行之漢賈誼以爲七福可致唐劉秩有五利之說考之前史並申禁令若我朝銅產豐饒冶之利自足以流轉而不窮原無藉民間所有之銅以充鼓鑄然欲絕私鑄私毀之源不得不嚴銅器之禁雍正四年嚴禁造用黃銅器皿是時每銅器百斤官給價銀十一兩九錢而廢鑄錢除工料外以每串爲銀一兩計之實止得八兩四錢有奇故同一禁銅也古者專欲爲利於上而我朝之暫行於一時者專欲止弊於民海陸請罷銅禁恐其擾累於民然苟能嚴飭官吏何至累民且行之數年銅器

收舉胥吏亦無可驅擾矣至於黃銅能變而爲白銅自當并紅銅白銅而禁之不當因此而并黃銅罷之海
望李紱二疏論者終以李疏爲是

經世文續編

十年陝西巡撫陳宏謀條奏一黃銅仍宜禁止也錢出於銅爲錢計必先爲銅計考之歷代調劑錢法皆有禁
銅之令我朝康熙十二年十八年皆曾禁止鑄造黃銅器具雍正四年又經禁止計自禁銅以後中間各
省並未曾添鑄錢局而銀一兩已易錢九百文以上不至如此時之昂貴未始非禁銅之效祇因彼時民間
所用黃銅器皿俱令交官給價官役奉行實多紛擾皇上御極之初允廷臣之奏仍弛銅禁原爲銅觔足
供鼓鑄而開禁可杜紛擾非爲民間所用器皿必須黃銅也今銷燬日甚錢法難調因時救弊似宜變通臣
請仍照康熙年間禁銅之法不禁現存之銅器止禁以後之打造通行之後卽取各銅鋪鄰佑甘結有再打
造黃銅器皿者各治以法凡民間向日所用銅器無論新舊概不繳官銅鋪已造未賣之銅器定限三月聽
其售賣過期不賣交官給價三月以後尙有售賣黃銅器皿者查拏治罪銅鋪內如有未曾成器之黃銅卽
令交官給價各處打造銅鋪開張列市厯厯可數地方官止須就現在銅鋪曉諭取結改業於民間一無紛
擾於鋪戶亦無虧損向後倘有打造卽使潛縱置跡而聲聞遠近人共見聞無難捕獲也其紅銅白銅器皿
器具仍許打造此外如佛像煙袋事件紐扣之類皆可用別項銅錫爲之一概不許用黃銅自不用銷燬制
錢此杜絕銷燬根源之一策也銷燬既絕則新舊制錢積而日多銅觔盡供鑄局又可源源多鑄省費利用
莫善於此鋪戶止於不打造黃銅民間止於不用黃銅器皿而率土兵民便益已多矣

皇朝奏議 培遠堂

嘉慶十九年奉 諭向來雲南土貢例進銅爐浙江歲進嘉爐湖鏡兩淮歲進銅火盆相沿已久歷年所積宮內存貯甚多朕愛惜物力思以有用之銅筋皮之無用之地殊為虛擲現在錢局官銅未為豐裕若省此耗費俾廣為流通於鼓鑄不為無益著傳諭該督撫鹽政此數項銅器嗣後均毋庸呈進則鑄造者少而地寶胥歸利用矣欽此則例

二十年諭給事中黃中傑奏請復禁銅收銅舊例以裕錢法一摺所奏甚屬不知政體國家因時立政期於便民自乾隆初年停止銅禁以來已八十年民間無不稱便而京省各局銅斤亦並無缺額之虞昨歲朕曾降旨停止外省呈進銅爐火盆以節糜費而裕鼓鑄酌盈劑虛道貴適中至民間日用所需安能以數十年弛禁之物一旦設為奇令察及錙銖從前永祚楊擇曾節次奏請禁用銅器皆經戶部議駁今該給事中復請申嚴銅禁並請飭令官民家內所存黃銅器皿槩以三年為限悉數繳官如逾限不繳者查出以違例論罪此令一出必致紛紛擾累胥役訛索鄰里控訴訟案煩滋究於錢法奚裨耶所奏不可行著無庸議東華續錄

許楣禁銅條論議者曰設立收銅之局民間銅器以鈔價收之禁絕銅器鋪以銅私相賣買者沒入其器更不加罪胥吏不得向民間搜括以致騷擾論曰民間銅器其利用者多矣雖以價錢收之未必盡應也何況借鈔以銅器私相賣買非首告官安得知自好之士焉肯首告首告非羣役卽地棍耳而羣役地棍得錢卽已又焉肯違行首告必誣執人於市而刦其銅器曰予我者舍汝不且以私賣買入官憲者委而去之強者與之爭然後奉以告官矣官方以收銅為功詎復辨不過沒入其銅驅其人令出而已如是而猶曰胥吏不得向民間搜括以致騷擾吾不信也議者曰禁絕打造銅器之鋪立官銅鋪但造

樂器鎖錙以便民用論曰金史載正隆而降銅禁甚嚴民間銅器不可鬻者皆造於官而鬻之既而官不勝煩民不勝病乃聽民治銅造器而官爲立價以售其弊若此顧亭林日知錄博考禁銅之令而終以一言斷之曰今日行之不免更爲困民之事諒哉兄撻曰金史但言官不勝煩民不勝病而不言官之何以煩民之何以病今爲引伸其繕民間銅鋪所在有之通都大邑或至數十然民爲之則不覺官爲之則卽一縣一鋪欲以令長而兼商賈之事是官不勝煩矣民間銅鋪買賣低昂願否任便官賣則任事者不免於定價外多取設有損壞皆當就官鋪修治試舉極瑣碎事言之假令門戶箱篋鎖壞當時銅工一呼卽至而官鋪不能能亦日不暇給又竊遠之處更無暇往來僕僕其他難以枚舉是民不勝病矣鈔幣尚

咸豐四年先是閩浙總督王懿德等奏銅禁綦嚴諸多未便請收五斤以上銅器其五斤以下者速弛其禁至產銅之地不止雲南一省陝西商州有人呈請開辦銅礦請飭該督撫認真採辦下軍機大臣會同戶部議至是奏收繳銅器應如所奏辦理五斤以下銅器仍准民間照常使用其產銅之區請飭陝西巡撫迅卽委員確查以憑覈辦從之東華續錄

九年諭惠親王等奏設法採買銅斤並申明舊章嚴禁銅器一摺京局需銅鼓鑄節經戶部奏准將銅器分別斤數禁止打造使用並經刑部等衙門議奏在案乃地方官因循日久漸至視為故常以致銅斤日形短絀採買商銅赴局交納者亦屬寥寥而應申明舊章認真辦理所有各項銅器除樂器及古銅彝鼎等物不計外其餘各樣銅器凡在一斤以上者概行禁止在京大小官員民人等自奉旨之日起限三月將一斤以上銅器赴部呈交如有逾限不交查出將銅斤入官仍照刑部等衙門奏定官民處分罪名成案分別辦理其各省銅鋪私

這一斤以上銅器者照例治以應得之罪京外各商呈交各色銅斤以及民戶呈交銅器者均隨時赴戶部官局查驗成色兌收概以實銀給價自此次申明降旨後該部及地方官務須出示曉諭實力奉行以裕銅斤而濟鼓鑄東華編錄

錢幣九

辦銅鉛錫例採辦

滇之銅黔之鉛歲以其良者入京局省局則於距之近者取給焉凡京銅歲運六京鉛歲運二晉轉運而達於局凡護送起搬催督各責於其境省局則各視其水陸之程而運之皆限以月日運官則優其支給凡京運既事則引見而予敘焉會典

一各省委員赴滇採買銅觔銅多路近及下游各廠令各省委員自行赴廠領運銅少路遠各廠令廠員運交雲南府大理府接收轉發馬運者日行一站牛運者日行半站如中途牛馬倒斃雨水阻滯銅數在一萬觔以下道里在十站以內者寬限二日一萬觔以上十站以外者寬限四日五萬觔以上十站以外者加限一倍再加寬限六日如有逾違照運員在途逾限之例移咨吏部查議

一各省委員領運寧臺廠銅觔在省另行改煎建蓋爐房打造爐座雇匠役買備炭觔每運限六十日每改煎銅一萬觔定限十日逾限者查參

一各省委員在滇省辦理文件請領運腳咨牌每運限三十日雇募牛馬如所運銅數在十萬觔者限三十日二十萬觔者限四十日三十萬觔者限五十日四十萬觔至五十萬觔以上者限六十日連辦理文件請領運腳咨牌總不得逾九十日之限

一各省委員赴滇採買銅觔由司酌撥以委員到滇兌收銅價銀兩之日起核算所領高低銅數統於一月

限內籌撥毋致守候稽延

一各銅廠撥給銅觔如數在四五千觔以至一萬四五千觔者定限一日兌竣其在二三萬觔以至十餘萬觔者照此遞加倘廠店各員不行遵照定限秤兌以及辦運之員不依限領運卽行照例分別查參以上並戶部則例

順治二年定差工部司官一人專督辦買商銅會典事例

十七年題准動支蕪湖龍江荊州杭關長蘆五差額稅辦銅總計全局鼓鑄每年需銅一百八十萬觔各關辦九十萬觔部辦九十萬觔會典事例

康熙元年題准停止部內辦銅會典事例

二年定令部商收買錢暫停各關辦銅將額銀解部會典事例

十三年題准各關銅辦解一半會典事例

十八年題准撥兩淮鹽課銀三萬兩兩湖長蘆各萬五千兩河東五千兩令各巡鹽御史督催各運使遵部定價值買銅解部會典事例 通考

又定寶泉寶源二局收買淘洗餘銅戶工二部議定兩局鼓鑄錢文凡土砂煤灰內有滴流餘銅應令該監督召人淘洗所得之銅照部定價收買通考

十九年題准各關收買廢銅舊器准以銅六鉛四折算扣解不許機和板塊等銅會典事例

二十年題准停止鹽差辦銅會典事例 通考

二十一年覆准各關銅賄舊全解會典事例

二十三年議准寶源局每年需銅一百二十萬觔除無湖龍江杭關荆關現辦解七十三萬九千六百五十四觔尙少銅四十八萬三百四十六觔照部定銅價每觔六分五釐動支江蘇撫屬蘆課銀一萬一千五十兩辦銅十有七萬觔安徽撫屬蘆課銀三千九百兩辦銅六萬觔湖廣蘆課銀六百五十兩辦銅萬觔江西蘆課銀六百二十兩七錢五分辦銅九千五百五十觔濟寧關稅銀六千一百七十五兩辦銅九萬五千觔無湖贛關各稅銀一千九百五十兩各辦銅三萬觔湖口關稅銀九百十兩辦銅一萬四千觔太平關稅銀二千六百兩辦銅四萬觔鳳陽關稅銀一千四百十有六兩七錢四分辦銅二萬一千七百九十六觔照例解部會典事例四十四年議准福建廣東鹽差各辦銅十有三萬觔福建海關十萬觔廣東海關七萬五千觔江南海關五萬觔浙江海關七萬觔兩浙鹽差增辦銅十有五萬觔均令商人承辦會典事例 通考

又議令雲南省城設立官銅店時雲南廣開銅廠總督員和諾題定按廠抽納稅銅每年變價將課息銀報部復請於額例抽納外預發工本收買餘銅各銅廠每觔價銀三四分以至五六分不等發運省城設立官銅店賣給官商以供各省承辦京局額銅之用每觔定價九兩二錢除歸還銅本及由廠運省腳費等項外所獲餘恩息數歸充公用從之 通考

五十二年定增兩浙鹽差銅二十萬觔福建鹽差銅六萬觔廣東鹽差銅十萬觔並江蘇安徽湖廣蘆課銅均令商辦會典事例

又覆准將江蘇安徽江西湖北湖南等處所辦之銅交與內務府商人等承辦每年節省銀五萬兩再於兩淮

鹽差增銅十七萬觔河東廣東鹽差增銅各一十萬觔福建鹽差增銅六萬觔福建海關差增銅四萬觔交內務府商人照定限全交如逾限遲延虧欠錢法侍郎指名題參將保結之佐領一併從重治罪其釐課銀盡行解部會典事例 通考

五十三年覆准奏銷各商所辦銅鉛額數以十分爲率未完不及二分者免其處分限一年完足未完二分至五分以上者交各衙門照分數分別治罪未完六分以上者照侵欺錢糧例從重治罪皆限一年內照欠補完不能補完者變產追贖會典事例 通考

五十四年議准寶源局每年共需銅鉛二百十有六萬觔停止商辦令江蘇安徽江西福建浙江湖南湖北廣東八省動支正項錢糧每省辦紅銅十有八萬八千九百七十六觔十三兩有奇共解寶源局銅一百五十一萬一千八百十四觔八兩四錢每銅一觔價銀一錢二分五釐又商領戶部錢糧辦解寶源局倭鉛一百萬七千八百七十六觔五兩六錢每鉛一觔價銀六分二釐五毫凡銅鉛水腳每觔銀五分實給三分節省二分解交戶部會典事例

五十五年令京局暫行收買舊銅以充鼓鑄於是奸民私銷小制錢作廢銅變賣較之錢價獲利以倍 諭令廷臣集議尋議錢局祇許收買舊銅器皿不許買新鑄板塊如有鑄小制錢充作廢銅者通行八旗步軍統領並五城大興宛平兩縣察緝分首從治罪房主鄰右知情不首者照爲從例不知者勿論該管官亦如之 通志五十八年罷京局收買舊銅之令通志

六十年議准八省分辦之銅歸併江浙巡撫辦解自六十一年爲始江南辦江蘇安徽江西福建廣東五省銅

數浙江辦本省及湖北湖南三省銅數會典事例 通考

六十一年議增辦鉛價直戶部議冒錢局以銅六鉛四配鑄見在鉛觔價直昂貴是以商人承辦不前應酌量照八省銅價增給二分之例每鉛一觔增價二分爲八分二釐五毫仍給水腳銀三分務令勒期解部不得藉詞遲誤從之尋以鉛價漸平仍復每觔六分二釐五毫之例會典事例 通考

雍正二年覆准舊器廢銅照康熙五十五年之例收買接濟撫用除遠僻省分載運雜費毋庸知照並不足六成之低鉛不准收買外令近京省分及原辦銅等省出示曉諭無論旗民有願將舊器廢銅運送到局者錢法侍郎預向銀庫領銀貯局俟銅運一到隨到隨收照所收數目每一觔給銀一錢一分九釐九毫三絲俟外解紅銅足用之日停止如各省採買額銅之外收有廢銅亦准其解部照廢銅給價

五年題准貴州各廠餘鉛照例收買運往永寧廳各省採買每一百觔定價銀三兩九錢會典事例

六年定辦解額銅分別成色之例戶工二部議言各省承辦二局額銅四百四十三萬五千餘觔每觔定價一錢四分五釐自係一例支銷並未分別成色但解到銅觔不能一色純熟若不爲收受不惟解員往返苦累亦恐各省銅產不同請嗣後除淨銅照例給價如有塊銅及廣條鑄殼等項不足成數者卽令監督同解員估定成色彈兌交收行文辦銅本省減價報銷至於錢局亦照所估成色分別配搭每開鑄銅鉛百觔如九成銅以銅六十觔鉛四十觔配鑄九五成銅以銅五十五觔鉛四十五觔配鑄從之 通考

十二年議准京局鼓鑄每年額辦鉛三百六十六萬餘觔令貴州巡撫於雍正十三年爲始選官採買分解戶工二局商辦之鉛停其採辦再湖南郴州桂陽州每年抽稅鉛向附商人類鉛解部今商辦既停應令該撫委

官運解會典事例

乾隆元年奏准解京銅以四百萬觔爲率買自雲南及東洋者各二百萬觔自乾隆三年爲始令分額承辦又各省採買洋銅出口收口均由海關查驗收稅辦銅扼要之地將江浙海關監督官銜內加監督某處海關兼辦銅務字樣江南銅令監督江南海關道員招商承辦湖閩兩省銅令監督浙江海關道員招商承辦將有倭照各商內確查身家殷實並無挂欠者用驗倭照具連名互結冊報該撫察覈承辦會典事例 通考 又奏准令江浙督撫招商辦銅如有情願自捐資本出洋買銅者許其呈明該管官廳其出洋採買俟各商回日官爲收買以供鼓鑄會典事例 通考

三年奏准各省商人出洋買銅者報明江浙督撫給與執照令其出洋購買如在京有家道殷實之商願赴洋買銅者取具保結赴部具呈由部奏明給與執照行文江浙督撫亦令其出洋採買會典事例

又覆准各省辦磁京銅官商虧空甚多現在雲南產銅頗旺應將各省每年辦解京銅四百萬觔自乾隆四年爲始盡歸雲南辦運會典事例

五年奏准浙江江蘇江西福建收買商人自本省銅每一百觔給價銀十七兩五錢如洋銅充裕價值平減卽奏明駁減如京局採買洋銅預年發價每一百觔給價銀十四兩五錢水腳銀三兩其江西赴蘇採買給水腳銀三錢七釐有奇雜費銀二錢一分有奇挑腳銀六釐會典事例

六年奏准雲南各銅廠每一百觔定價銀十一兩金銖廠銅質色低黑每一百觔加耗二十三觔定價銀九兩咨行各省赴滇採買配鑄會典事例

八年題准廣東辦解京局點銅錫除收課錫外不數錫准其採買湊解每一百觔給價銀一十四兩一錢一
觔五毫會典事例

又題准貴州柞子廠黑鉛每一觔一分二觔之價收買工本不數請每一百觔給價銀一兩五錢收買解京會
典事例 通考

九年題准廣州辦鉛每一百觔每站陸路報銷腳價銀一錢二分九釐二毫會典事例 通考

十年題准廣東採買洋錫照時價每一百觔給銀一十有三兩五錢收買解京供鑄會典事例

又題准廣州辦解京局白鉛請照課鉛變價例每一百觔以一兩五錢收買解京會典事例 通考

十一年復准廣州白鉛運供京局暨本省鼓鑄外其餘鉛觔照原定價值儘數收買委員轉運漢口設局發賣
各省供鑄其黔省鉛觔工本運費卽以漢口銷售之價解還鉛廠以作收買之用會典事例

十七年諭晉省開爐鼓鑄銅觔官設法採辦源源接濟以資民用其如何定以官價遴選殷實之人具領承辦
之處著速行辦理欽此遵 旨議定山西鼓鑄需用銅觔招商承辦按年領價購買照西安保定商辦洋銅之
例每一百觔給價銀十四兩按每年應辦之數先給價銀三分之一餘俟銅觔交足找領會典事例

十九年增雲南收買廠銅價直雲南巡撫愛必達奏言東川府屬湯丹大祿等廠所產銅觔歲以解運京局定
例每百觔以價銀九兩二錢報銷原係合算耗銅餘銅及銅廠雜費在內其廠民實得之價向係每觔給銀六
分查雍正四年開採以來奏定於百觔內抽課十觔例不給價餘銅官爲儘數收買尋復議課銅之外再抽耗
銅五觔至乾隆四年復題定東川所屬各銅廠地遠費多每百觔除抽課及加耗外餘銅准照每觔銀六分收

寶其在各屬地方者新開之廠照新例每百觔抽課二十觔餘銅每觔給價五分收買舊有之廠照舊例每百觔抽課九觔餘銅每觔給價自三分八釐至四分二釐收買嗣後俱遵照辦理但湯丹大碌二廠銅質最高廠民採銅百觔除去抽收十五觔實止得工本銀五兩一錢開採年久礦硐日深費用加重所給工本實屬不數請每百觔增銀九錢以足六兩之數經戶部議該處舊定銅價已較多於他廠未便再行議增得旨著加恩照請增之數給予一半餘廠不得援以爲例通考

又議以廣東鹽觔與雲南銅觔互易供鑄廣東巡撫鶴年奏言粵東鼓鑄歲需正耗銅十四萬一千二百六十四觔現在雖有存局餘銅仍應每年辦銅十萬觔以備接濟查滇省產鹽不敷亦歲需粵鹽一百六十六萬一千三百三十三觔已咨商滇省彼此抵換可免委員鬻價之煩嗣後兩省按年輪值遇廣東辦銅之年卽運鹽而往遇雲南辦鹽之年卽運銅而來惟粵鹽之價較滇銅尚有不敷仍扣算補足實於公務有益戶部議如所請從之嗣後至二十五年以存局銅觔將完復議於鹽銅互易之外每年再動帑添買滇銅五萬觔應用通考二十年定江浙採買洋銅商額先是江浙承辦京局銅觔各洋商皆預先領帑至乾隆三年停止辦運而商人積欠甚多未能清繳嗣因江蘇開鑄另招自攜資本之新商卽給與舊商所用倭照出洋採銅俟辦回時與浙江分買供鑄至是江蘇巡撫駐有恭奏言舊商欠項尚有一十二萬七千餘兩年久無完若干年各商初往東洋時倭人設立倭照每張約費銀八九千兩不等今新商楊裕和等卽承頂其照出洋獲利情願代完舊欠分年抵補查乾隆十四年議採辦洋銅每年額定十五船除官商范清注銅船係領帑辦銅外民商自辦者共十二船應請卽以見辦十二人爲商額每年發十二船置貨出洋約需自備銅本銀二十八萬八千餘兩辦銅一百

五十萬觔仍照舊定官收一半之例江浙二省分買其代完舊欠銀卽於司庫發官銅價內按年扣收於乾隆二十年爲始增給布政司印照以爲海口稽查符驗其有他商情願辦銅者悉附十二類商名下如引鹽散商附入甲商之例不得私自越限其銅船有在浙省收口者一體辦理知會至閩粵洋商向不辦銅仍照舊例毋許私販戶部議如所請從之至二十五年禁止絲觔出洋復委定額商楊裕和及官商范清注等每年出洋者十六船共辦銅二百萬觔除搭帶糖霜藥材等貨外每船應配帶綢緞三十三捲以重一百二十觔爲一捲毋許浮多賣成江南海關及浙江乍浦二處官員照例稱驗輸稅二十九年以弛絲觔出洋之禁復令每船准配帶湖絲照原定綢緞之數抵算出口易銅以供鼓鑄通考

二十五年令廣東湖南收買廣西餘鉛以供鼓鑄護廣西巡撫葉存仁奏言粵西鼓鑄需用白鉛向係委員赴黔省採辦嗣因恩縣屬之幹峒廟出有白鉛奏明抽課之外餘鉛每百觔以價銀二兩四錢收買供鑄遞年積存局內者共有一百六十四萬餘觔上年又增開爐架一廠採鉛日多已議定每百觔減價一錢作爲二兩三錢收買但本省鼓鑄鉛觔毋庸再爲預備而礦產旺盛廠民銷售不及未免工本拮据查廣東湖南與廣西接壤雖各開有鉛礦而白鉛出產甚少寶廣局每年需用白鉛十三萬五千觔係照依時價採買每百觔價銀四兩九錢有奇寶南局每年需用白鉛二十萬觔係黔省撥運每百觔腳價銀三兩六錢有奇如由桂林轉運至二省合計運腳較原數皆有節省請嗣後將餘鉛收買存貯省城錢局令二省委員赴粵西陸續買運易銀歸款戶部議如所請從之至二十八年以出鉛數減議令湖南復買黔鉛其廣東所需額鉛仍赴廣西採買通考

二十九年奏准廣州白鉛自三十年爲始每年添辦一十五萬筋運京供鑄會典事例

三十四年諭軍機大臣等昨據高晉奏委員採辦滇銅一摺以該省向來原用洋銅鼓鑄後因間有不敷兼用滇銅配局仍係一時調劑之計現在滇省銅筋除運京局及各省採辦外所餘之數不能甚充況兼遠赴滇省採買往返耗時緩不及事已降旨高晉令其隨宜酌辦不當拘泥成例今思各省錢局如果離海窯遠不能購辦洋銅者卽仰資滇省之銅自屬正理至如浙江福建俱係瀕海之區何以亦復兼辦滇銅甚至寶福局每年所用洋銅僅止三萬餘筋而滇銅轉有十四萬餘筋之多江西亦因距江南不遠採用洋銅何亦兼購滇銅三分之一其參配並用之故殊不可解又如廣東亦在沿海地面通洋最便該省未定鹽銅互易之例從前是否亦用洋銅其毗連之廣西一省運自廣東海道亦不費力又何以全用滇銅其中酌盈劑虛自當因時制宜不得以向例如此惟事依樣葫蘆而置遠近難易於不問著傳諭各該督撫卽將該省現在鼓鑄情形並如何酌量變通俾採購不勞跋涉錢局無誤卯期而滇省亦免供應紛煩之處詳悉妥議據實覆奏 聖訓

三十五年戶部議查滇省辦運京銅每年六百二十九萬餘筋該省鼓鑄及各省採買共需銅五百餘萬筋昨據該督彰寶以滇銅不敷請暫停採買經部議駁在案今據該撫明德奏稱雲南錢價每銀一兩易錢一千二百文市價已屬太賤向於六府設爐一百一十六座實屬過多應將東川新設爐二十五座大理廣西各十五座臨安順寧各八座暫爲裁減歲可省銅一百四十五萬餘筋再陝西廣西貴州湖北四省歲需滇銅額數均屬過多亦可酌減銅五六十萬筋加以現在廣開子廠二年間外省委員均可挨次領運而銅筋亦可從此日加充裕應如所奏辦理至稱減爐七十一座歲省白鉛一百二十餘萬筋黑鉛十萬餘筋板錫八萬七千

餘筋應運赴漢口供各省採辦之用從之

通者

三十七年奏准寶泉局需用點錫令廣東於每年額辦一十四萬一千一百四十二筋之外加辦錫一萬八千八百五十八筋每年共辦解一十六萬筋

會典事例

四十年奏准寶源局需用點錫令廣東於每年額辦七萬五百七十一筋之外添辦錫九千四百二十九筋每年共辦解八萬筋

會典事例

又 諭凡採辦滇銅必須選派明幹知縣或能事之同知通判前往並須擇其身家殷實者充當此差方為妥協雜職中卽有勤慎明白堪任差委者亦祇可令派出之丞倅知縣帶往以供奔走查催之役斷不可專派薄尉微員領辦致滋貽誤設差委非人沿途或有侵蝕虧空等事惟派委之該督撫藩司是問欵此遵旨議定各省採辦銅鉛錫筋動項在一萬兩以上者於州縣丞倅中選委委員辦理以專責成

會典事例

四十四年裁雲南省鑄二十七座以節省銅筋撥供他省採辦

四十七年奏准晉省商人年額採辦銅十萬筋例給價銀一萬四千兩餘銅一萬筋例不給價應照該商等公貼成數每正銅一筋貼銀一錢八分餘銅一筋補給價銀一錢四分貼銀一錢八分按每年額辦正餘銅一萬筋共需貼銀二萬一千二百兩於典商生息銀內動支餘剩息銀二千八百兩積存司庫遇有添爐加鑄仍作辦銅貼費之用

會典事例

四十八年奉 諭據閩鴻元奏蘇州官商承辦洋銅除每年額解六省銅五十一萬餘筋外其多餘之銅俱令一律繳官俟年清年款之後准該商等賣餘銅等語此項銅筋前因范清濟辦理不善壓欠甚多是以餘銅不

准自行變賣今新商王世臣代爲接辦若能費力經理趕緊轉運所有從前壓欠之項原可陸續帶交況該商王世臣係接辦之人若俟積欠全完始准變賣餘銅該商不能少沾餘利未免偏枯嗣後除每年額運正項銅助交清並酌量分年帶交積欠若干外其餘銅助卽准其照舊變賣以紓商力通考

五十四年軍機大臣戶部議奏各省委員採辦濱銅自起程及運銅回省均有定限惟到濱交價以後至在濱期行以前例無明文請嗣後各省辦銅委員先後到濱者儘先到之員給發同時到者儘遠省之員給發委員一到滇省卽將應辦銅助指定廠所何廠撥銅若干助應定限若干日統計何年月日可兌交委員領運開單咨部存案俟奏報開行時將廠員給領有無逾限於摺內聲敘戶部逐運查駁如廠員逾限不給照運員在途逾限例讓處兌給銅助如有低潮准該委員稟換若因換銅誤限亦應將廠員照例讓處若委員並未稟換至本省驗明不足成色卽將委員查參從之東華錄錄

五十五年諭軍機大臣等費漕奏請給價收買商銅以杜私鑄一摺內稱滇省辦銅各廠除抽課交官外向有一成二成准令通商之例商人難保無影射收買私鑄源利情弊應官爲收買每年可多獲銅一百餘萬助以之添撥各省採買及鐵砂折耗鑄店底銅之用等語此奏雖似爲該省杜絕私鑄起見其實該藩司以各省採買銅助及鑄店底銅恐有欠缺故欲將此項商買餘銅歸官以作抵補之用止係一偏之見未經通盤籌畫所謂知其一不知其二也銅助爲民間必需之物不能一日缺少卽使廠中稍有偷漏爲數亦屬無多若將各廠抽課各官所賸餘銅槩行禁止商民售賣則民間所用之銅從何而出不特銅價因此昂貴而小民等需用孔西必致將官錢私行銷毀改鑄銅器卽錢價亦必因之倍增況見在滇省各廠所產銅助尚屬旺盛每年額運

各起俱係依限開鑄並無短絀遲誤卽民間錢價亦俱平減本無虛鰐過慮若如該藩司所奏是名為設法
調劑而轉使私銷益甚弊端叢生況杜絕私鑄之弊惟在地方官實力查禁今不於此悉心整頓而以禁止商
賣餘銅為正本清源之計恐防弊而實以滋弊且使該處商民知有此事必將銅筋預為擡價居奇銅價既貴
則錢價自增於閭閻日用諸多不便所關非細民可使由不可使知費漕何見不及此耶此事當再加詳酌富
鋼譚尚忠久任漢省於銅務自所熟習著伊二人會同悉心妥議據實奏覆想該督撫意見亦與朕大略相同
也

東華續錄

嘉慶二年議准長蘆官商承辦直隸江蘇浙江江西湖北陝西六省洋銅預發帑銀赴洋採辦每年額交直隸
省銅二十五萬觔陝西湖北江西浙江等省銅各五萬觔江蘇省銅五萬五千九百六觔直隸陝西二省銅每
一百觔作價銀十四兩江蘇浙江江西湖北四省銅每一百觔作價銀十三兩其民商自備資本辦繳江蘇浙
江西三省洋銅每一百觔給價銀十五兩三錢至官商額辦洋銅除江蘇浙江二省係銅船必經之處卽自
行交局其江西銅筋令該省委員赴蘇領運由商運送沿途經過各關例不輸稅今長蘆乏商應令江蘇遴商
接辦仍照從前十三兩十四兩之例預給銅本採辦江蘇浙江二省就近由商解交其直隸陝西湖北江西四
省洋銅商人赴洋辦回按額解交寶蘇局庫令各該督撫委員赴蘇兌領商人無解送運經過各關照例納稅
其應給銅本在於江蘇藩庫先行動給領辦各省委員齎價赴蘇如該商有缺額違限等事立卽革退另選妥
商接辦或有虧欠銀兩在於連名互結各商名下公賠會典事例

五年奏准各省應用黑鉛貴州每年額辦一十萬觔運漢口售供配鑄嗣因各省以金釵廠銅配鑄無需黑鉛

惟直隸山西二省全用洋銅必用黑鉛配用應令貴州每年改辦五萬觔以供該二省鼓鑄會典事例

又奏准湖南郴桂二廠俱因開採年久產鉛甚微酌令每年辦解黑鉛二十五萬觔其黔省應辦黑鉛四十七萬餘觔令貴州認真採辦務足原額按年起解以資配鑄會典事例

六年諭內閣戶部奏據馬慧裕咨湖南應辦京局黑鉛暫歸黔省代辦請仍勅令湖南照舊運解一摺湖南省從前應辦黑鉛原係七十餘萬觔後經祖之望於該省巡撫任內奏請將原辦四十餘萬觔酌減每年定額二十五萬觔馬慧裕到任如果相距在數十年之後尙可藉口今昔情形不同今馬慧裕卽係與祖之望接任之人何至僅能辦三萬餘觔該撫到任未久自未及親行查勘何得僅據屬員稟報年久砂竭率行咨部驟減至三萬餘觔若再賜數年豈竟欲全行請免耶至黔省每年應辦黑鉛已屬不少若再將楚省額解黑鉛統歸黔省辦解豈不更形竭蹶現在京師錢價較昂廷臣動請加卯鼓鑄若鉛觔短少豈能敷鼓鑄之用馬慧裕著傳旨申飭仍著將該省應辦黑鉛二十五萬觔實力籌辦照數運解毋得怠存諉卸 聖訓

八年諭那彥寶奏滇省積存寧臺廠低潮銅五百餘萬觔以俟改煎純淨方可撥給各省採買之用但恐委員等守候需時有誤局鑄請將尖山廠所出之銅改撥領運等語寧臺廠積壓低銅既難撥令委員領運而尖山廠銅觔成色與煎淨寧臺廠銅色相等且尖山廠程站較之下關局計近十五站半運腳又屬節省著照所請通融撥給以供採買仍將換存省局寧臺廠並積貯下關局各低銅一律改煎純淨照舊撥給各省採買之用該部知道會典事例

二十三年諭軍機大臣等戶部議覆伯麟等奏滇省廠銅不敷定額請收買四川商銅接濟由川買銅回滇須

另開山路添買貯銅房屋多糜帑項莫若卽令四川省探辦徑行起運較爲便捷該省子廠每年出銅若干如何開採轉運請飭四川總督雲南巡撫會議章程具奏等語滇省每年應運京銅並本省局鑄以及各省採買官銅近年均辦不足額今四川省西昌縣新開子廠既產銅豐旺本年已由滇省採買四百萬觔以有餘補不足官於銅務有益惟一切開採發運必須妥議章程方足以資經久蔣攸銖曾任雲南藩司銅廠情形素所深悉著會同伯麟李堯棟悉心籌畫務當不分畛域期於國用有裨如每年能辦足四百萬觔固屬甚善卽爲數稍減可以行之久遠亦不爲無補其應如何派委官員經理開採及酌定價值由何路發運較爲省便之處兩省公同核算詳細開單定議且奏伯麟等亦不得因川省現有子廠可採不竭力督辦滇銅意存諉卽鄰省之見也 聖訓

道光十五年江蘇巡撫林則徐奏竊照蘇省官商承辦直隸陝西湖北江西浙江江蘇六省鼓鑄洋銅前於嘉慶二年欵商王履階承辦奏定每百觔例給價銀十三兩五錢九分三釐每年額辦六省洋銅共五十萬五千九百六觔歷給價銀六萬八千七百七十八兩七錢八分預給一年帑本嗣王履階之弟王日桂接辦十有餘年銅帑兩清從無貽誤迨嘉慶十三年程洪然投充官商自願減價每百觔祇請價銀十二兩並願先繳銅觔後領帑項其意祇圖邀准未計虧賠自此更改舊章不久卽因力乏告退後商汪永增接辦僅止四年亦卽乏退復舉舊商王日桂之子王宇安奏充以資熟手當據該商稟請復還舊制未經准行仍照減價後帑之例辦理王宇安連年賠累屢次求退因無人應允著令勉力承辦嗣據蘇州府詳據現商王宇安以前商程洪然率請改易章程減價後帑以致連年虧累資本全空稟求循復舊章仍領十三兩五錢九分三

釐之價預請一年帑本俾得源源辦運等情當經藩司批飭確查疲乏情形果否屬實覈議詳辦去後旋據蘇州府知府沈兆澤寶蘇局監督榮匯覆稱官商承辦洋銅從前原定章程本屬妥善是以銅帑均得清完嗣因前商程洪然呈請投充自願減價先銅後帑承辦未久卽行乏退以後各商遺累虧暗旋充旋退該商王宇安接手之始卽據票復舊章未經批准歷年疲乏求退曾致殷戶分辦又皆畏縮不前惟有懇復前奏舊章俾銅運得以經久等情由藩司陳鑾覆查屬實詳請旨奏前來臣等伏查蘇省官商辦銅從前奏定章程照發帑採辦價值之例每百觔給價銀十三兩五錢九分三釐並預給一年帑本王履階等弟兄相繼歷辦十有餘年尙能支持無誤後商程洪然於嘉慶十三年自願減價接充頓改舊章並未計及辦公掣肘以致虧乏退商迨嘉慶二十二年以現商王宇安奏充該商接辦之初卽據票請復舊未經批准嗣以無力賠累節次稟退經升任撫臣程矞采查覈殷戶承充均各視為畏途名莫應只得責令王宇安勉力辦理不准退歇近年以來銅船屢次遭風倍形苦累經該司府飭查至再臣等復加察訪委係實在情形咨蘇局洋銅爲六省鼓鑄要需若不酌復舊章必致缺誤並查程洪然減價後帑之案雖經奏明質出自該商一時遷就之見今據請仍復嘉慶十三年以前舊制覈與原案相符非另改新章之比但預給一年帑本設有轉運遷誤帑項未免虛懸應不准行惟每百觔給價銀十三兩五錢九分三釐本係從前奏定章程並非格外加增合無仰懇皇上天恩俯念商力疲乏准予循復舊章以敷辦運其價六省分銷贏縮亦尙有限如蒙允允應請卽從道光十五年爲始飭令遵照妥辦俾免藉口求退無人接充致誤六省鼓鑄重務除飭司另覈章程細冊詳請咨部外臣等謹合詞恭摺具陳林文忠公啟書

咸豐四年諭軍機大臣等慶惠文瑞奏採買銅筋請分別查辦等語向來偷漏官銅原干例禁若如所奏實係民間蓄藏銅器及商人積蓄情殷報效者若概以私銅目之勢必至隱匿不出轉無益於捐買銅筋鼓鑄之事著都察院步軍統領衙門順天府按照所奏分別詳查如果商民所呈之銅並非官物地方官不得概行禁止亦不得假手吏役從中訛詐以杜弊端而裕鼓鑄 聖訓

又 諭內閣惠親王等奏請飭山西採辦鐵筋解交京局以資鼓鑄一摺見在鐵錢局四廠開鑄鼓鑄歲需生鐵一千二百萬筋僅就附京地方採買不敷應用著山西巡撫卽飭藩司迅派廉能可靠之員如式採辦務於咸豐五年二月以前先將一半生鐵六百萬筋解交京局毋得稍有短絀致誤要卽所需工本運費卽在該省籌庫錢款項下作正動用再由鐵錢局卯錢內照數劃出按月解交戶部以抵該省應解部庫之款其每年例解鐵筋既經停解仍將節省價腳銀兩解交部庫以清款目東華續錄

九年諭軍機大臣等裕瑞奏回子應交額銅諸折交錢文一摺據稱葉爾羌庫庫雅爾桑珠二莊地方向係開設銅廠令衆回子刨空交銅將一切糧賦差徭豁免庫庫雅爾莊每月交銅一千二百筋桑珠莊每月交銅五百零七筋茲據該二莊伯克等呈稱庫庫雅爾莊離空銅地方路途遙遠耽延時日其桑珠莊柴水缺乏挽運維艱請將應交之銅每筋交當五錢二百五十文按月清款覈計收銅鼓鑄搭放兵餉有盈無絀懇請允允等語該回子等採空銅廠交納銅筋歷有年所今請折交錢文以省空運似係體恤回民但輕改舊章其中恐有別情日後有無流弊著扎拉芬泰遴委員前往該城確切查明具奏 聖訓

十年諭內閣前據裕瑞奏葉爾羌庫庫雅爾桑珠二莊向設銅廠諸將銅筋折交錢文當經降旨令扎拉芬泰

委員查明有無流弊茲據奏稱據派伊犁領隊大臣錫拉那前往查明咸豐五年間因籌辦開礦是以將庫庫雅爾桑珠二莊每年應交糧布棉花及一切雜差概予豁免近年銅筋短絀情願折交錢文雖經該伯克等數次申諭毫無抑勒惟令該回衆因此暗累非所以示體恤可否免其折交銅筋仍復糧賦舊制請旨遵行等語該處開設銅廠原以供鼓鑄之用今既產銅短絀未便令折交錢文情同科斂所有庫庫雅爾桑珠二莊折交銅筋錢文卽著停止仍收原額糧賦以復舊章而杜流弊

東華續錄

同治六年諭軍機大臣等戶部奏請飭濱江海各省解錢籌銅一摺湖北施宜等處向多銅礦著該督飭屬招商試辦酌抽礦稅試行有效卽籌款收買南銅以裕鼓鑄並著妥擬章程具奏至濱海商賈向有販運紅銅條銅等項應如何招商收買之處並著各該督撫三口通商大臣妥速議奏將此諭曾國藩英桂瑞麟李瀚章馬新貽郭柏蔭劉坤一蔣益澧崇厚並傳諭何璟知之

東華續錄 五見制錢品式類

七年諭軍機大臣等戶部奏籌辦銅筋請催各督撫認真辦運一摺京師自濱銅停運鼓鑄不能加額曾經戶部奏令四川省派員在瀘州一帶設局採買瀘銅由湖北轉運天津並諭准林鴻年所奏雲南川東所屬各廠每年額辦京銅三百六十萬筋運赴川楚變價迄今日久並未據該督撫覆奏實屬遲誤著崇實吳棠劉嶽昭岑毓英宋延春各將該省招商開廠設局收買等事宜迅於三月內妥議章程具奏由部指撥有善之款解往分起辦運不得如前因循以至罰法瀘州存積瀘銅湖北應如何分局收買及施宜等處銅礦能否開採著郭柏齡何璟迅飭妥議奏明辦理至紅銅條銅足資鼓鑄應如何體察華洋商販情形隨時變通設法採買之處著會國藩英桂馬新貽瑞麟丁日昌李瀚章李福泰趕緊籌辦不准空言塞責

東華續錄

八年允李鴻章奏採買洋銅以資鼓鑄東華錄

光緒九年雲貴總督岑毓英奏竊據藩司唐炯詳稱滇省承平時額運京銅及各省採辦本省鼓鑄不下數百萬廠務之盛如此軍興後遂爾廢弛同治十三年奏諸試辦無異創始歷年以來加本腳免抽課銅籌復經費體恤調劑不爲不至而每年湊運五十萬兩每據非必硐老山空其故略有數端一則砂丁招集不易從前大廠動輒十數萬人小廠亦不下數萬非獨本省窮民凡川湖兩粵力作功苦之人皆來此以求生活滇謬所謂丁由利集銅由丁出也自經兵燹加以疾疫戶口凋殘僅存十分之一而商賈不能流通田土又多荒蕪凡百生計艱難外省客民遂爾裹足砂丁既少雖有美礦無憑攻採一則爐戶虧折太甚向例銅砂煎出每百觔徵課十觔耗銅四觔二兩餘銅歸官收買乃法久弊生於是銅本則扣減平色留難守候收銅則私製大秤重兌浮收加以看銅改煎種種害索每銅百觔爐戶獲價有僅得銀四五兩者不敢開銷勢必填塞挪新日久積成巨欠而本省市價每百觔值銀十餘兩鄰省二十餘兩小民趨利罔知犯法貢善歇業狡黠走私而廠務日形棘手矣一則民間資本不厚向來辦廠見功遲遠不能預期而分尖洩如置備器具修橋開路以及油米柴炭需費甚鉅從前賴外省富商挾資來滇開採百物流通民間生計藉以裕饒至於本省戶鮮殷實不過零星湊集朋充夥辦事興後常年衣食率多不給更無餘資以謀廠利各廠爐戶既無資本以開新山又不忍舍舊時礦硐但陶荒洗燥藉領官項圖混目前而承辦之員大都見小欲速不謀久遠長此不過冀復類運恐有無期一則地方官辦理弊多從前定章本有駐廠委員原以地方官事務煩多不能親駐廠中勢必假手親幕丁胥官商情隔徒滋弊端自前署藩司倉景渝請改歸地方官辦理東川永

北等處爐戶虧折拖欠日深不獨民間視為畏途不肯與官交涉卽其餘有廠各屬地方官亦皆畏累却顧率以銅老山空一舉搪塞此時若不改併更張勢必江河日下以後益無從整頓該司抵任以來凡遇官紳商賈稍知廠務卽向其諮詢利弊各令條陳並派員弁徧歷東昭永北各廠就詢熟悉廠務老民既得悉受病之源因考求補救之法咸謂銅非丁不出丁非利不集現在蜀患人多滇患人少宜先開辦附近川邊之東昭永北武定各廠以次及於曲靖楚雄順甯開化臨安庶便招集惟人情轉徙無常必使其謀生有資然後視為樂土相率而至是宜復還道俾商賈流通口岸日開謀生路廣遠近窮民移家就室生聚滋多不但目前廠務有益而各屬田土亦可費次第開墾此實事理相同有必然者至於裁革使費以絕弊端預借底本以示體恤寬予年限以資調劑別開新廠以圖久遠官商並辦以期合作得以順協人情鼓舞興作一年之間必有起色三年之後決著成效該司非確有把握萬不敢違議更張等情詳請具奏前來臣復查演省銅務開辦已將十稔迭經督同各任藩司竭辦幾於寢食俱廢法經屢變而效尙難期推原其故求循法之人易求核實籌畫善於行法之人難茲該司視力既堅體察亦均眞切所議各條經臣等逐加商度意見皆同立諭已具端倪辦理當收實效自未便稍拘更張之見致誤整頓之方謹將詳到章程五條另繕清單恭呈 御覽並請 命飭部核議立案以便遵行其餘一切事宜容飭司隨時體察情形再行酌議辦理經

皇朝政典類纂卷六十七

錢幣十

辦銅鉛錫例運解

一雲南省各廠銅觔自廠發運東川尋甸威寧瀘州省城各店分運解京及外省領運并撥本省各局鼓鑄計湯丹廠運尋甸店每百觔給銀四錢五分運東川店每百觔給銀二錢五分九龍箐子廠運至湯丹每百觔給銀一錢八分七釐聚寶山觀音山二子廠運至湯丹每百觔各給銀一錢二分五釐自尋甸至威寧計陸路十五站每百觔給運腳銀九錢三分三釐二毫三絲自省城請領運腳至尋甸店計三站每銀一千兩每站給馬腳銀一錢三分四釐二毫七絲五忽大水碌碌二廠運東川店每百觔各給銀四錢 茂龍廠運至大水溝廠每百觔給銀四錢五分六釐運東川店每百觔給銀四錢 大風嶺廠運東川店每百觔給銀七錢五分 樂馬廠運昭通店每百觔給銀二錢五分八釐 大寶山廠運省每百觔給銀五錢 紅坡廠運省每百觔給銀四錢 大興廠運省每百觔給銀四錢 湯丹子廠小巖坊廠運瀘州店每百觔給運費等銀六錢五分九釐 義都廠運省每百觔給銀六錢 大美廠運省每百觔給銀三錢五分 二租租廠運省每百觔給銀三錢 雙巖廠運省每百觔給銀九錢 吉龍廠運省每百觔給銀三錢七分三釐 寮子山廠運省每百觔給銀二錢 寧臺山廠運大理府每百觔給銀一兩二錢自大理至下關每百觔給銀五分二釐一毫有奇自下關至楚雄府轉運寶雲局每站每百觔給銀一錢四釐一毫五絲辦運京銅每站每百觔給銀一錢二分九釐二毫 凤凰坡紅石巖子母廠運省每百觔各給銀三錢 大功廠辦運京銅

每站每百觔給銀一錢二分九釐二毫 香樹坡廠運省每百觔給銀一兩零五分 長發坡廠運牛街店
每百觔給銀三錢自牛街店運羅星渡轉運瀘州店每站每百觔給銀一錢二分九釐 人老山廠運瀘州
店每百觔給運費等銀六錢一分八釐 箭竹塘廠運瀘州店每百觔給運費等銀一兩九分九釐猛岡河
廠運省白羊廠運永昌店每百觔各給銀八錢 白羊廠運大理下關每百觔給銀一兩一錢 老洞箐廠
運省每百觔給銀三錢金釵廠運蒙自縣店每百觔給銀一錢五分自廠運省每百觔給銀八錢三分四釐
自省至寶東局每站每百觔給銀一錢二分五釐 金沙廠運瀘州店每百觔給銀一錢六分四釐五毫凡
各廠撥運腳費在廠務項下支銷

一雲南省松漢林廠運銅至寶東局計程六站半每百觔給銀八錢一分二釐五毫雙龍廠運銅至寶雲局
計程六站每百觔給銀六錢至尋甸二站每百觔給銀二錢

一四川省金獅子廠運銅至分水嶺計程二百里用夫背運每夫一名背銅五十觔以五十里為一站給銀
七分空回以八十里為一站給銀三分自分水嶺至建昌計程二百四十里以八十里為一站用馬駄運每
站每百觔給銀一錢適北子廠運銅至建昌計程四百里以八十里為一站用馬駄運每站每百觔給銀一
錢金馬子廠運銅至建昌計程二百里用夫背運每夫一名背銅五十觔以五十里為一站給銀七分空回
以八十里為一站給銀三分以上三廠自建昌運銅至寶川局均計程一千六百里以八十里為一站用馬

馱運每站每百觔給銀一錢每運銅三千觔用押差一名每站飯食金馬子廠給銀四分金獅遜北子廠各

給銀五分每銅一百觔用竹筐一個價銀一分均在銅本銀內支給按年造入礦廠奏銷冊內報部核銷

一四川省金馬遜北金獅子廠自省城請領銅本銀兩至廠每領銀二千兩用駄驃一頭遜北子廠計程二

十五站金馬子廠計程二十二站五分金獅子廠計程二十五站五分每站腳價遜北子廠給銀一錢八分

五釐一毫八絲六忽金馬金獅子廠各給銀二錢三分八釐一毫油鹽包布繩索等項銀三錢三分每領銀一萬兩用押運家人一名給騎驃一頭每站腳價遜北子廠給銀一錢八分五釐一毫八絲六忽金馬金獅子廠各給銀二錢三分八釐一毫往回盤費遜北子廠給銀六兩金馬金獅子廠各給銀二兩均在銅本銀

內開銷

一四川省遜北廠赴省領銀回廠每萬兩押解人役一名騎驃一頭給銀五兩往回給銀十兩盤費銀三兩往回給銀六兩每銀二千兩駄驃一頭給銀五兩油鹽包布繩索等項銀三錢三分又每銅三千觔押差一名每站給飯食銀五分呂家溝甲子夸龍門溪細沙溪各銅廠赴省領銀回廠每銀一萬兩押運人役一名往回給盤費銀二兩駄驃一頭每站給銀二錢三分八釐一毫呂家溝廠每站二錢每銀二千兩駄驃一頭每站給銀二錢三分八釐一毫呂家溝廠每站二錢油鹽包布繩索等項銀三錢三分每銅三千觔押差一名每站給飯食銀四分每銅百觔用竹筐一個價銀一分

一貴州省辦運京局白黑鉛觔歲需工本腳價銀二十九萬一千五百二十三兩九分八釐每年先儘本省道庫存貯漢口售鉛歸還工本銀兩抵外其不敷銀兩題請撥解貴州應用內除各運自通州至京局運

費銀三千五百九十七兩九錢三分七釐又沿途撥費銀五千兩由直隸藩庫撥貯坐糧廳庫備支其餘請撥協解銀兩於三月內核明題請撥解倘需用甚急必須暫行借項著該督撫卽隨時奏明辦理於協解銀兩內撥還歸款

一四川省龍頭山廠鉛自廠運至小霧基上載裝運計程二百六十里人夫背運每夫一名背鉛五十觔以五十里爲一站每站給銀七分計程五站一十里給銀三錢六分四釐空回以八十里爲一站每站給銀三分計程三站二十里給銀九分七釐五毫按每鉛百觔給背夫銀九錢二分三釐自小霧基水路運至省城以八十里爲一站小霧基至敘州府計水程六百八十里自敘州至嘉定府計水程四百五十里自嘉定府至省計水程大百四十里共計水程一千七百七十里計程二十二站一十里每百觔每站給水腳銀二分四釐共銀五錢三分一釐每運鉛三千觔用押差一名每站給飯食銀四分自廠至省往回計程四十四站二十里給銀一兩七錢七分每鉛百觔需用竹筐一個裝盛每個價銀一分

一由省請領鉛本陸路回廠計程一千二百二十里以八十里爲一站計一十五站二十里每銀二千兩駄驃一頭每站給腳價銀二錢三分八釐一毫共銀三兩六錢三分一釐二絲五忽油鹽包布繩索等項銀三錢三分每領銀一萬兩用押運家人一名給騎驃一頭每站給腳價銀二錢三分八釐一毫往回計程三十站四十里共給腳價銀七兩二錢六分二釐五絲又往回盤費銀二兩均於鉛本銀內支給按年造冊報銷一貴州省各廠鉛由廠運至省城每站每百觔給銀一錢二分九釐二毫運費銀一分由新寧縣陸運至二郎灘每百觔給銀五錢八分九釐三毫零由二郎灘至重慶每百觔給銀一錢九分五釐又二郎灘仁懷合

江三處撥夫價銀二錢四釐一兩灘五里葫蘆船灘三里均應全行起撥牙令三灘小內灘三處均應起四存六此外尚有險灘會同地方官驗明出結報銷 湖南省廠鉛由桂陽州廠運至省城錢局每百觔給銀一錢九分四釐四毫俱以九八市平給發

一廠地鎔鉛飭照部頒法馬鎔足五十觔一塊運交畢節轉運永局兌收存貯如鉛塊觔兩稍有參差不一卽按鉛面所鑄廠任字號著令廠員卽行另鎔不必俟運官接兌時始行鎔辦致滋遲誤

一運官在永寧打兌鉛觔眼同局員將法馬秤兌每塊務足五十觔領運解京取具運官印結申送詳咨如有短少卽隨時抽換如於領兌後復以鉛塊觔兩短少指換者惟該運官是問不准抵換以杜挪輕換重之弊

一運官接領淨鉛由永寧運至重慶俟鉛觔接有成數卽知會永寧縣雇備船隻眼同裝載將該船所載鉛觔塊數筋數設立木牌註載明白釘於鉛上由永寧縣護送前進逐程查驗交替如查與木牌開載塊數不對卽將原船一面添役護送前進一面挨查在何處短少卽據實稟報著該運官及該地方官賠補

一鉛觔全數到重慶時仍取具自永寧至重慶各廳州縣印結齊賅以便於具報開行及所用兵牌內將鉛觔塊數聲明

一運官在永寧接鉛一面將所兌鉛觔陸續運至重慶卽一面先赴郡城預辦船隻每運均需房屋堆貯鉛觔駐劄人役計運鉛一起在重慶駐劄九十餘日每運給房租銀十五兩入冊報銷

一貴州委員辦運京鉛在省領出水腳銀兩卽督令起程赴永不許在省停留並於護牌內將所領銀數註

明飭令貴筑縣點驗明白押令出城并飭經過地方照護牌填註銀數查驗撥設出境如有短少卽行稟報
查辦其永寧以下應令沿途督撫嚴密稽查毋許夾帶貨物倘有不遵卽行揭報請參

一貴州省委辦運京局鉛觔遇有沉漏者照例准其掛批外如沿途並無沉漏仍有短少不准掛批將該
員查參辦理

一運官到京交納鉛觔如鉛塊完整並無磕損形跡而觔兩仍有不足者令廠員賠補若鉛塊磕損不完觔
兩稍短責令運官於備帶餘鉛內補足如再不敷而所少在百分之二二者亦准其掛欠回黔買補帶解倘
塊數不足及鉛塊印模參差暨有蒸煮形跡卽屬盜賣透漏臨時訊明嚴辦

一黔省運京鉛塊定以五十觔為準運至京局按照觔塊數目驗收如觔數不足者咎在廠員令廠員賠補
塊數不足者咎在運員令運員賠補不得互相推諉

一運京銅觔自乾隆甲寅年以後鉛觔自乙卯年以後如尚有違例短少者除將所短銅鉛勒限嚴追外仍
將該運員交部嚴加議處

一運京銅鉛例有掛欠百分中之一二者准按限買補帶解免其議處如有例外短少經錢法衙門查明實
數卽知照吏部議以革職留任其應暗短少銅觔銀兩於該員回省之日起限數在一千兩以下者限六箇
月完繳一千兩以上至三千兩者限一年完繳三千兩以上至五千兩者限二年完繳五千兩以上至一萬
兩者限三年完繳一萬兩以上至二萬兩以内者限四年完繳如不依限全完卽行革職若該員能於半年
內將應暗銀兩全數交足者該督撫具題開復留於該省補用如仍不能完繳在僉派各上司名下按股攤

賠以上並戶部則例

康熙十七年申定各關差完解銅筋之限戶部疏言各關監督應辦銅筋關係官鑄應嚴立限期自到任後八月完解定額之半如不完降職一級留任其半於差滿後限四月完解如不完降二級留任限一年全完開復仍不完革職變產追賠商役悉照例治罪從之通考

十八年行解送廢銅之令奉 諭今聞錢法漸弛鼓鑄滋弊以致制錢日少價直騰貴著戶部工部都察院堂官同詣錢局親查釐剔弊端至部院衙門各處所有廢銅器皿及廢紅衣大小銅礦並直省所存廢銅礦著盡行解部鼓鑄尋議各關差承辦兩局銅筋聽買廢銅舊器解送或將紅銅六十筋鉛四十筋折作銅一百筋不得攬和板塊之銅以絕毀錢之弊至二十四年復議不拘板塊及廢銅准其一體解送通考

五十九年議令湖南桂陽州稅鉛解京局配鑄湖南桂陽州開採鉛礦所有抽收稅鉛向例逐年變價將課恩報部至是戶部議言見在局鉛商辦不易桂陽州有上年稅鉛十二萬三千三百十一筋燒分解交京局並自今五十九年以後稅鉛俱停其變價每年起運以十分之七解戶部十分之三解工部配銅鼓鑄仍照商人辦鉛之例每筋給水腳銀三分從之嗣後湖南郴州稅鉛亦令照例解部通考

雍正二年覆准每年辦銅上下兩運仍於四月十日起運報文一到扣算程途勒限解交若上運至九月下旬至次年三月有不到部者委解各官並該管上司皆嚴加處分會典事例

五年議轉運雲南鍋筋令江蘇湖北湖南收買解交京局雲南總督鄂爾泰奏言滇省自增開湯丹等廠以來採銅有效已於上年選定額課見在礦產增盛除供本省鼓鑄一百餘萬筋外核算雍正五年分銅筋可餘二

百數十萬觔但銅多本少不敷官賣請勸支鹽務虧餘銀兩收銅轉運至江南等省令收買還項經戶部議言見在惟江蘇一處尙辦三省銅數湖北湖南浙江福建廣東五省各辦一省銅數除福建廣東二省從無遲誤浙江見已開洋毋庸別購濱銅外其湖北湖南以採買維艱每逾定限而江蘇則積欠滋多正宜急爲變通應將湞省餘銅令該督勸鹽務銀六萬兩收買委員以一百餘萬觔運至漢口以備湖北湖南採辦之用以一百餘萬觔運至銀江以備江蘇採辦之用各省辦銅定價每百觔十四兩五錢水腳三兩合濱銅每百觔價銀九兩二錢加以運至漢口鎮江水腳需十三兩以外將來再由漢口鎮江遞運至京尙需水腳三兩較之原額亦稍有節省江蘇兩湖所買濱銅均作雍正六年額辦不必拘定舊例分上下兩運倘有不敷另行補足總以不缺額數不逾六月到部爲率江蘇於雍正六年所收洋銅以抵歷年虧欠其濱省將來出產之銅贏縮難以懸擬令該督扣定年限將所獲銅數預行題明以便知照各省採辦至此項銅觔既係官收官賣經過關津毋得抽課當卽驗明放行從之通考

八年議減江蘇辦銅額數令安徽江西承辦並定八省分辨洋銅濱銅之令江蘇巡撫尹繼善奏言江蘇額辦三省銅觔必分員承辦而本年銅觔未完來年發帑之期又至通省各官人人辦銅尙在不敷安能擇人而委查辦總見在委員在江蘇辦理請令安徽江西亦照舊額分辨經戶部議准自雍正九年爲始將江蘇銅數分出二省交安徽江西遴選大員領本省司庫銀亦赴江南海關募商採辦嗣後八省仍各辦一省銅數江蘇安徽江西浙江福建五省分辨洋銅湖北湖南廣東三省分辨濱銅各依限如額起解通考

十一年議准江南等八省上下兩運額解之銅均照部頒法馬每省鑄給四副兌收兌解並將所頒法馬令運

官齊領至部局官收銅時將帶至法馬與局存法馬較準合一然後兌收至雲南省亦應鑄給法馬二副各省赴滇買銅照此收買會典事例

十二年定各省解銅官按運更換之例戶部奏言各省承辦額銅其解官皆係歷次領運往來日久與局內書役爐頭人等兩相熟識恐收銅時滋生弊竇請行文各省嗣後委解銅觔遵照解觔之例按運更換如有遞年長令管解者卽將解官治罪原委之上司交部議處從之通考

乾隆三年議定雲南運銅條例時以停鑄運京錢定四百萬銅觔盡歸滇省辦解雲南巡撫張允隨將起運事宜分別條款具奏經大學士等議定一銅觔起程宜分八運也每年額銅應以五十萬觔爲一運委滇省現任府佐或州縣官一員爲正運雜職官一員爲協運計銅四百萬觔需府佐州縣八員雜職八員一銅觔出廠宜分兩路也辦運京局俱係湯丹等廠銅產在深山由廠運至水次計陸路約有二十三站查自廠至東川山路崎嶇難於多運而威寧以下又當滇黔蜀三省衝衢不能多雇駄腳今應將銅觔分爲兩道各二百萬觔半自廠由尋甸經貴州之威寧轉運至永甯半自廠由東川經昭通鎮雄轉運至永甯然後從水路接運到京一耗銅官核定也湯丹廠銅多係九五成色應於每百觔外加耗銅八觔一併交納永爲定例一餘銅官備給也自滇至京途萬里水陸搬運凡磕損失落在所不免應於正額百觔之外帶餘銅三觔交納之時正額缺少以此補足如有餘剩卽作正銅交部歸於帶運數內報銷一運腳之雇覓宜各定責成也自威寧以下卽非滇省所轄換馬換船處領運官勢難兼顧且以滇省之員屬外省之腳必致行戶居奇高昂價直嗣後令雲南巡撫於銅觔起運之前卽預行咨明沿途督撫遴選幹員督同該處地方官俟滇銅一到卽協同領運官屬募船馬

催前進如有遲誤分別查參所需腳價仍聽雲南領運官給發報銷至張家灣地方爲銅觔起運之所應設立銅房一所滇省預委駐府佐或州縣一員雜職一員總管稱收轉運至京交局再設監督一員由各部郎中員外郎內據派駐劄張家灣專司彈壓稽查銅觔一到監督同轉運京局之員給發領運官回文卽將運到銅觔數目先行報部查核一沿途之保證宜先定章程也銅觔經過地方文武各官均有巡防之責應行令各督撫飭令員弁實力防護催趨前進如在瞿塘三峽及江湖黃河等處偶遇風濤沈失地方官選撥兵役協同打撈係無從打撈者出員保結題請豁免若長運官役有沿途盜賣等弊亦令該地方官嚴行查察報明該省督撫題參論罪一辦員之養廉宜爲酌給也查湯丹等廠收買稱發銅觔向係糧道管理今自廠起運凡雇備駁腳仍照舊責成料理其本任養廉已數支用外其中廠至尋甸換車轉運應委尋甸州協同運員辦理由廠至東川換馬轉運應委東川府協同運員辦理各府州養廉僅數本任之用應酌行添給至長運之府佐或州縣官每月給養廉銀六十兩雜費二十兩雜職官每月給養廉銀三十兩雜費十五兩其在漢口儀徵等處均須換船凡一應打包換算搬運過載之費令運官按日登記回滇之時據實造報至委駐張家灣轉運之員往來京師需費頗多府佐或州縣一員每年應給銀二千兩雜職一員每年給銀六百兩監督一員與省委駐之員相等每年亦給銀二千兩統於追銅案內報銷一辦銅之工本宜爲協濟也湯丹等廠出銅甚多每百觔需價銀九兩二錢每年約需工本廠費等項銀五六十萬兩其中撥運京銅四百餘萬觔又約需腳價及官役鑿銀十餘萬兩令按年月題就近撥給銀一百萬兩存貯司庫陸續動用報銷如有餘剩留作下年之用

又令雲南於正額之外加運銅觔戶部奏言滇省解部銅觔僅數本年鼓鑄之用並無多餘存貯查湯丹等廠近更旺盛每年可辦獲銅八九百萬觔除辦運京銅四百餘萬加以本省及黔蜀協鑄并賣給商民共用銅不過五六百萬觔此外餘剩尚多應乘目下加旺之時於正額之外令該省歲增辦百餘萬觔運赴京局等議定每年添辦銅一百七十萬四千觔仍由尋甸東川兩路分運照例每百觔加耗銅八觔仍帶餘銅三觔備運分委解銅之正運協運各官搭解通考

又定雲南運銅限期戶部議定從前江浙承辦洋銅自起運之後限以半年到京今雲南道里較遠應加展三月限以九月到京每運挨次計算如有逾限仍將領解官照舊例議處通考

五年定貴州兼運黑鉛廣東辦解點錫戶部議定兩局所需黑鉛應定額爲五十萬觔令貴州於鉛廠收買起運將應解白鉛每年減辦五十萬觔所需點錫定額爲十五萬觔令廣東辦運均於乾隆六年爲始如額解部供鑄通考

七年移銅房於通州令坐糧廳兼管銅務先是張家灣設立銅房每銅船到灣監督與雲南委駐之轉運官按數稱收一面給發回批領運官卽回滇報銷一面自張家灣轉運至京局至是以張家灣地方湫隘車輦稀少且自灣起岸至京計程六十餘里道路低窪易於阻滯戶部議定將銅房移設通州令坐糧廳兼管銅務嗣後滇省徑具批解局銅觔抵運州交坐糧廳起運至大通橋由大通橋監督接運至今並令領運官自行轉押赴局交收倘有短少亦令運官添補其由部派往駐劄張家灣監督一員卽行停派雲南原委之轉運官亦裁去一員止留雜職一員移駐通州協理投掣文批之事至二十六年復議銅觔至京既有坐糧廳及大通橋監督

爲之轉運且領運官既押銅至局則一應文批自應由運官辦理無庸更委一員承辦令雲南將轉運之雜職官一併撤回通考

又定銅觔自通州運局限期並預行撥解車價之例戶部奏言銅觔到通交坐糧廳由五屬運至東便門外令大通橋監督用車運局統計應定限兩月全數進局間值漕糧同時並到及陰雨泥濘實在不能依限到局卽令坐糧廳及大通橋監督詳報倉場侍郎查明咨部展限至銅觔自滇至通一應水陸腳費係給發領運官隨帶應用其自大通橋運局車價銀應令雲南預行撥解坐糧廳存貯以待臨期按運給發從之通考

八年更定雲南承辦正運加運額銅分爲六運戶部議定滇省辦解京局正額銅觔向定爲八運今應合爲四運每運委正運官一人協運官一人共領正銅一百觔及耗銅八萬觔餘銅三萬觔一同起解水腳雜費照數支發其搬運出廠以九十日爲一運每年均分四運起程至加運銅觔向定爲四運今亦應合爲二運每運委雜職官一人共領正銅八十五萬二千觔及耗銅六萬八千一百六觔餘銅二萬五千五百六十觔一同起解

附通考

十三年更定雲南辦銅分路起運之例雲貴總督張允隨奏言滇省辦運京銅先經議定由尋甸東川兩處陸路運至永寧交長運官由水路接運至京尋甸威寧一路每年運正耗餘銅三百十六萬五千餘觔每百觔需腳價銀二兩大錢有奇東川昭通一路每年運正耗餘銅三百十六萬五千餘觔每百觔需腳價銀二兩五錢有奇後因昭通一路係新闢苗疆馬匹屢寡不敷日奏開鹽井渡河道將東川額運銅內酌分一半改由鹽井渡水運至瀘州每百觔較昭通陸路節省銀三錢二分有奇復因威甯一路與黔鉛同運馬匹仍屬不敷奏開

羅星渡河道將尋甸額運銅內酌分一半改由羅星渡水運至瀘州每百觔輶威甯陸路節省銀一錢八分有奇嗣後自尋甸東川以下遂分爲四路每路各運銅一百五十八萬二千餘觔歷年辦運無誤見在滇省開修金沙江直通四川已疏濬完工舟行無阻請將威甯一路陸運銅觔改由金沙江之小江口水運至瀘州交長運官轉運京局較之陸運每百觔節省銀七錢二分有奇俟將來船隻日增再將昭通一路陸運銅觔悉改由水運戶部議如所請從之通考

十四年諭雲貴運送銅鉛一事辦理日久諸弊叢生經朕於營私虧缺之委員嚴加懲處並令該部詳議定例沿途督撫自當實力遵辦但向來銅鉛運京原有定例委員往往逾違及至抵京又復掛欠累繫總由委員捏報事故所至停滯以便作弊而各該省督撫以事不關己雖有催趲之例不過行文查報了事遂至委員任意朦混肆無忌憚不思銅鉛有資鼓鑄本屬公事凡運送船隻由該省起程於何日出境之處已傳諭雲貴督撫奏報其沿途經過各省分督撫大吏均有地方之責雲貴督撫既鞭長莫及而各該督撫復視同膜外殊非急公之道嗣後銅鉛船隻過境出境日期及委員到境有無事故並守風守凍緣由俱應詳查明確隨時具摺奏聞一面飭屬督催毋令仍蹈前轍至河送官物其小者仍照常辦理他省餉鞘木植之類悉宜留心查催不得任其遲滯致滋弊端著一併傳諭各督撫知之通考

又申定雲南運銅限期戶部議言雲南解運京銅向令長運官由四川接運至京自川至漢口定限四月漢口抵通州定限五月至於漢口儀徵例須換船一切搬運過載於漢口定限四十日儀徵定限二十日通計自領銅抵通定限十有一月如逾限一月照例將領運官革職戴罪管解委解上司官降三級留任如遇守凍之時

地方官察明咨部照例扣除至守風守水日期均不准扣算再每運銅均有正協領運官二人沿途或有沉失打撈等事卽令一人先運其每船准裝銅七萬觔不得減船重載及私帶貨物所過之境令地方官弁照漕船之例按站催趕並將入境出境日期報部察核倘無故停留及有盜賣等弊地方官不實力催行及私隱不報照徇庇例降三級調用督撫一併議處其交銅之後自京回滇以九十九日爲限至加運銅向係雜職官二人管解未免職卑任重嗣後亦照正銅例委府佐州縣一人爲正運雜職一人爲協運從之通考

十六年諭內閣戶部所議銅鉛交局贏餘之處奏稱滇省辦運銅觔每百觔給有餘銅三觔以備折耗添秤之用額銅交足外餘剩令其儘數交局餘鉛亦應照此令其儘數交局等語看來從前成例似是而非辦理亦有名無實解局銅鉛既有定額不足者責令賠補則贏餘者自當聽其售賣蓋贏餘已在正額之外卽不得謂之官物如應儘儘收則從前竟可不必定以額數矣足額已可完公又誰肯儘交餘數徒有儘交之名而餘銅未嘗不留存私售朕辦理庶務惟期行實政而去虛名銅鉛交局一遵定例正額交足所有餘剩銅鉛應聽其售賣以濟京師民用未嘗不可但官解之餘而私售漏稅則不可行而且啟弊惟令據實納稅隱匿者治以漏稅之罪足矣此摺發還另議 聖訓

十六年定鉛錫自張家灣運局限期戶部議定照運銅之例亦以兩月全行交局通考

十八年定雲南運銅官給照回省之例戶部議言滇省每年解銅需正協運官十二員事竣回滇惟原定有十九日之限但在京收銅補耗遲速不齊該員藉端逗遛或於起程後沿途停滯皆所不免嗣後交完銅觔將回滇日期報明戶部給發實收卽將起程日期填給執照行知雲南督撫氣知會吏部如入京時在途有沉失

察之銅應起原處打撈者卽知照該處督撫飭地方官驗明執照協同撈取并將運員入境起程日期先稟
移咨湖南省如有遲延據實參處從之通考

十九年議以湖南鑄銅運往湖北供鑄湖南巡撫范時綬奏言桂陽郴州二銅廠開採之始歲止獲銅三萬餘
觔尋增至十萬觔自十七年以後加意調劑現在歲可辦獲銅三十餘萬觔除寶南局鼓鑄用銅十九萬六千
二百觔之外尙有盈餘查湖北鑄局每年需銅不下四十萬觔近聞漢口銅採買甚艱請將湖南所餘銅歲運
十萬觔協濟湖北之用一水可達實爲便益至於銅價於上年議定除二八抽課外餘銅官買每百觔給銀十
三兩應令湖北亦照定價撥銀還項戶部議如所請從之又增定寶源局錢放餉額數工部奏言寶源局按卯
鑄錢解交節慎唐者歲共四十萬一千二十八串有奇除給發各工及移交戶部放餉錢二十四萬串之外每
年遞加存積現在庫者三十七萬餘串正宜及時流還查搭放兵餉每月約以二成計需錢七萬餘串戶部
用至五萬餘串工部協放者僅二萬串爲數較少請嗣後工部餉錢每月以三萬串爲例令戶部核明八旗應
領款項卽於節慎庫給發庶庫錢不至壅積從之尋定每屆領餉之期工部票傳寶泉局爐頭除分放本部
錢文外卽令前赴工部庫領錢如數散給至二十六年以一局爐頭辦放兩處餉錢未免顧此失彼且錢文遇
有短少易至互相推諉更定工部餉錢令智源局爐頭赴庫放給通考

又令四川以存積餘銅解京四川總督黃廷桂奏言成都錢局存積銅一百四十餘萬觔建昌各廠存貯未運
局者又有八十餘萬觔川省每年需銅止六十萬觔請酌留八十餘萬觔以備通融接濟尙有一百四十餘萬
觔可以解京經戶部議准運至京局以充鼓鑄但專員領解需用腳價甚多令先如數運貯重慶俟各省運銅

路過之便每運帶解二十萬觔分作七運附解交局過者

二十一年諭船戶偷盜銅觔每運延停泊於無人之處偷拋水中揚帆而去別遣小舟潛撈起賣過多恐致敗露故將船板敲破作為沉溺以掩其跡此等情弊在所不免船戶沿途盜賣必有該處牙行鋪戶串通購買始得速售地方官果留心訪查何難力除積弊著傳諭銅鉛經過之直省督撫責成護送員弁加意防範嚴密稽查仍於奏報時將所指情弊據實聲明會典事例

二十三年覆准解銅正加各運頭正運於頭年十一月詳委於次年三月到省四月內自省起程赴瀘州領銅一二三運以及加運詳委到省起程限期亦各照上運相隔兩月挨次辦理將各運起程併領銅日期預行報部會典事例

又定貴州辦鉛起運限期貴州巡撫周人驥奏言黔省辦鉛向例分上下兩運上運以四月起解本年十月到部下運以十月起解次年四月到部自川省重慶府開行沿途一切換船搬載分別定限抵通如逾限一月以上照例查參現因川江夏漲難行應照滇銅例設法避險請嗣後上運於二月內起程三月即可出峽仍定限本年十月抵通下運於八月內起程九月即可出峽仍定限次年四月抵通如此則重運不至冒險而抵通之期更為寬裕戶部議如所請從之通考

二十六年更定雲南辦解京銅仍分八運羅協運官戶部奏言滇省承辦京局正加四運銅觔向定每運委正運官一人協運官一人一同起程在途一切屢經搬載俱係正協二員會同辦理上年各運依限解到者固多而到京遲滯者亦復不少總由二員合運責任不專未免互相推諉應請將額解京銅仍分為八運作六正

運兩加運每運俱系同知通判知州知縣等官管轄以專責成不必再委雜職官爲協運每年仍避出川江夏
灘之期將八運均勻起解從之通考

又令貴州湖南起運京鉛罷協運官並定貴州辦鉛仍分四運戶部奏言貴州湖南承辦白黑鉛動向係分派
正運協官各自領鉛先後開運船其正運所領鉛動雖多於協運然正運係府佐等官沿途足資彈壓卽遇舟
車需要亦易於應辦協運既係雜職微員一切每多竭蹶於公事不免貽誤請照雲南運銅之例專委同知通
判知州知縣等官管辦其廣東辦解點錫向無協運之例嗣後仍毋得委雜職等官至於鉛動分運宜酌量均
派湖南所辦黑鉛爲數較少應照舊爲上下兩運貴州所辦白鉛原額四百四十萬餘動近又有添辦之數仍
應分爲四運從之通考

二十七年定京局交收銅鉛錫限期戶部奏言向例銅動到局監督呈明錢法侍郎驗定成色卽令交收俟全
數兌完之後給發回批乃運官每易遷延時日不能作速交清嗣後請定期限兩月全收如有動數短少勒限十
日令赴局補交其各省辦到鉛錫亦照此一體辦理仍將局內收清日期先行知照該撫以便飭令運官回任
報銷從之通考

二十九年議定湖南運辦京局黑鉛仍歸貴州湖南分辦先是京局所需黑鉛七十萬五百七十動有奇_{（每}
十）交
貴州辦運而因湖南郴州開採桃花壠等處及桂陽州等處黑白鉛砂出產甚旺乾隆十一年議將貴州所辦
京鉛一半改歸湖南代辦復於乾隆十四年將貴州應辦京鉛全交湖南代辦至是湖南巡撫喬光烈奏言湖
南所辦京鉛本由桂陽郴州兩廠分運今郴廠因開採日久硐老砂竭已請封禁而京鉛爲鼓鑄所必需未便

缺額開貴州柞子等廠所產黑鉛自停運以來頗有積存鉛筋今據貴州巡撫劉藻覆稱貴州每年可辦京局黑鉛三十五萬筋自乾隆二十九年爲始照數委員解京供鑄其餘三十五萬二百八十五筋有奇仍須湖南辦運請改於桂陽廠探辦作爲一運於九月全數解京仍分交戶工二部收納供鑄至所需顏料庫黑鉛一萬七千六百六十九筋有奇向亦係郴桂兩廠分辦今統歸桂廠辦解戶部議如所請從之通考

又定廣東湖南運京鉛錫程限廣東布政司胡文伯奏言雲貴辦運京局銅鉛均經議定程限其餘省分解京鉛錫未經定期恐委運各員沿途任意逗遛或致誤公經戶部議言直省辦解鉛錫由本省前至張家灣抵京其間經涉江湖實在需日若干應令直省各自核計定限嗣經廣東巡撫明山議定廣東辦解點錫自廣州前至通州之張家灣中間多係灘河逆流南雄而上俱由陸運山路亦復崎嶇運送原非易易應酌定期以十閏月解京爲限湖南巡撫喬光烈議言長沙領運黑鉛直自漢口運抵張家灣原照貴州運銅之例定限五閏月其自長沙前抵漢口中隔洞庭水寬風逆勢難冒險前進應酌以一月爲期中途遇有守風守凍日期仍准沿途地方各官結報核辦戶部議如所請從之通考

三十年調任湖北巡撫李因培奏請飭沿江州縣遇銅鉛沈失一面赴勘一面代雇水摸并委捕巡一員帶兵役協同運員家丁督率防範倘有私賣嚴拏治罪 上諭曰此應實力妥辦者無論弊賈叢生卽寶保沈沒亦費物力可惜也南省亦應有類此者一體留心可也 謹飭

三十一年停運京局鉛筋失是貴州每年辦解京局白鉛四百三十九萬餘筋又辦解湖北漢口售供直隸等八省鼓鑄白鉛三百萬筋俱由該省之大定府等府州僱馬運至永甯交委員接收轉運至是巡撫鄂寶以大

定等處現在辦理雲南軍需馬匹該處產馬有數缺運缺乏請將應辦漢口鉛停運一年經戶部議以直隸等八省本地俱不產鉛今若停運勢必仍買商鉛恐商鉛亦辦運不前必多貽誤查京局現存白鉛尚多不如將運京鉛勦督請停運半年以京局緩運半年之期撥抵運解漢口之數已可通融接濟從之通考

又貴州巡撫鄂爾言本年加運京銅定限於明年二月自瀘州開運現在牛馬缺乏請緩至明年八月同三年頭運一齊開幫又稱大小各廠因兩年辦理軍務油米炭到廠者少以致辦銅短縮貴州等省赴滇採買自上年至今未發者共高銅二百餘萬觔金釤廠銅一百九十餘萬觔請移咨各省自行查核酌辦經戶部議以戶工二局現存銅觔及本年解到並起運在途共計有一千六百六十萬有奇興其令各省委員在滇空候不如將該省本年加運展限並明年頭運第一起京銅截留撥給各省通融辦理從之通考

四十年諭軍機大臣等據管理錢法侍郎金簡等奏請飭催京局銅鉛一摺若照常依議發行該督撫等接奉後仍未必經意尚恐有名無實運京銅鉛一事朕曾屢降諭旨令該督撫等實力妥辦毋許遲延兼令沿途督撫實力催趨並令將入境出境日期隨時具奏邇年以來滇省督撫於起運開幫未嘗不如期奏報各省督撫於銅鉛過境亦未嘗不照例奏聞而各運船隻違限如故皆由各督撫視為員文不實心辦理所致而其弊大率藉守風守水為由任意稽延習而不覺在本省督撫委運既不派明幹之員且一經起程即藉以卸責其在川省瀘店裝運每不免耽延之處又以事非專責亦聽其稽延至於沿途督撫遇有運官到境雖查報出入日期總以非其統轄之員不肯認真催督及開報守風守水日期又多拘於向來之例不肯切實稽查銅鉛違限之故大概不離此數者試思江湖大風多不過三日四日或為水阻亦何至半月經旬督撫等豈可率意徇情

致令藉端違限乎著嚴切傳諭各該督撫嗣後領運銅鉛之事各宜加意經理仍將遵照此旨辦理緣由各據實奏聞此次傳諭之後若委員虧劣致誤運限者惟清省督撫是問若瀘店耽延致逾定期者惟川督是問若仍照前妄報守風守水聽其任意逗遛者在何省違限卽惟該督撫是問該部嗣後遇銅鉛到局均照此覈計如或遲逾程限卽據實參奏 聖訓

四十一年戶部議運京銅鉛經吏部以運員開行以後定有逾限處分而開行以前遲向無定例伏思處分之輕重總以限期爲權衡其未經開行與旣經開行責任各有攸歸自應分晰酌定以昭畫一查向來運銅委員抵瀘州領兌過秤打包僱船裝運定限五十五日者原因在永寧瀘州兩地分領予限是以寬餘今旣在瀘州一處領兌較便應酌減二十日止准扣限三十五日作爲開行以前之定例至船運委員自永寧領兌裝運赴瀘州向來予限三十日自瀘州至重慶予限二十日在重慶鎔鑄按照每日鎔化二萬餘觔計算照舊每運限三箇月又在重慶僱船開行限二十五日應請均作爲開行以前之定例合計前後限期雖分而於舊例仍無增減嗣後運員任意逗遛以致開行逾限者卽照違限議處不准扣除定限如此則各該員自顧考成益加迅速儻辦於京運寶屬有裨從之貴州巡撫裴宗錫言近年瀘銅豐旺現又增給廠價商民採挖踴躍除供京省外應有餘剩而黔省自減爐以後不惟鑄息缺額而官錢旣少市價增高請撥瀘銅之有餘補黔省之不足將原減爐五座復加安設在瀘省每年只加撥銅十一萬一千觔爲數無多亦屬易辦戶部議如所請從之通考

四十二年諭銅鉛船隻過境地方官催徵不力以致逾限處分固所應得但各州縣俱有應辦地方事務如因

會密相驗等案近據前桂不能親身督催亦屬事所常有若概予實降寶革未免太重嗣後運京銅鉛錫觔
運員逾限通限沿途僅濟不力之地方官應議降調者改爲降級留任應議革職者改爲革職留任會典事例
四十四年諭軍機大臣等昨據圖思德等奏近年漢口運到商銅約十五六萬觔均買自川陝二省並非滇省
販至現在存銅計五萬餘觔等語所言不實川陝二省安得有許多銅觔供商販運而滇省現有一分餘銅道
商又豈能舍漢口而他往且李侍堯前奏以漢口銅多足爲走私之據言之鑿鑿因而設法稽查自係探訪確
實入奏必非妄語今圖思德等乃以漢口之銅買自川陝久不由滇省販運趨避之意顯然蓋因鄭大進曾有
停買漢口商銅仍買滇銅之奏欲爲迴護實屬非是鄭大進前奏名爲每年少得鑄息二千餘兩其實因購買
漢口商銅價值較昂承辦之員恐有賠累不肯擔當而又不肯明言其故遂請停購商銅仍欲赴滇貿用止圖
爲楚省辦銅數員卽責並不知滇省銅觔盈縮大局而計寶屬大謬如漢口定價稍有不敷何妨據寶奏明量
爲增給若使畏難不辦遂欲諉卸鄰封是其視滇省銅觔之能否供用竚如視秦越人之肥瘠封疆大臣豈宜
出此鄭大進心存畛域而罔顧銅務大計所見已小至圖思德曾爲雲南督撫豈不知漢口之走漏滇銅乃既
至楚省卽不復爲滇銅通盤籌畫亦與鄭大進扶同入奏圖思德平日辦事尙屬誠實不應漫無主持若此圖
思德鄭大進均著傳旨申飭至圖思德等前奏川陝二省之銅亦欲照滇省設立三連印票之法斷不可行已
降旨諭令停止卽滇省三連印票亦宜緩辦銅觔除鼓鑄官用外原有餘銅通商立法最善蓋銅觔爲百姓器
用所必需聽商賈流通貿易以便閭閻方爲有利無弊若持之過嚴商人無利可圖不復營運致民間無銅供
用勢必又生私銷之弊是欲禁走私而轉導奸民之銷燬雖立法甚嚴私銷者處斬然獲者百之一二耳非計

之得也朕以爲欲杜走私止須派省嚴飭廠員實力查察有犯必懲無立另立科條徒溢流弊
四十七年奏准貴州黑鉛按年撥運十萬觔帶解漢口以備各省採買每一百觔定價銀三兩七錢九分有奇
會典事例

五十年議准貴州辦解黑鉛以戊申年上運爲始每運每員各加帶黑鉛八千二百三十八觔有奇會典事例
五十四年諭軍機大臣等據諸穆親等奏雲南辦運京銅每年正加八運計得餘銅十數萬觔向給解員售賣
請留局備用等語近年以來京城錢價平賤於民間甚爲便益今若因局中銅觔稍短不准售賣餘銅使奸商
聞之希圖乘機牟利必至錢價遽昂況銅觔爲器用所必需而私銷之弊雖嚴密查禁尚所難免茲復將餘銅
不准售賣則民間無處得銅私銷勢必日多且委員等向藉售賣餘銅從中潤以爲回任盤費若俱留局備
用將來委員等必不肯運帶到京於途次先行賣去亦無從查察試思每年卽無沉溺所剩餘銅亦不過十數
萬觔厯來准令出售戶工二局鼓鑄錢文並未閱因此缺卯今卽添此十數萬之銅官銅亦未必驟臻充裕諸
穆親等此奏名爲調劑局務起見而未計及滋弊實多所謂止知其一不知其二斷不可行 聖訓

五十五年諭內閣向來滇省辦運京銅八起皆派雲南官員領運自瀘州至京程途甚遠涉江河屢換船隻
運員等人地生疏雇覓他省舵工水手多非素習往往防護疏虞銅船致有沈溺今費沽奏請承運京銅令滇
運至重慶交替自重慶至漢口儀徵等處例應換船之所卽由各省選派人員更換遞運令其雇覓妥船慎
選水可免沉溺之虞等語戶部照該藩司所奏駁覆固屬慎重銅務起見惟是各省水程遼遠自重慶至漢
口自漢口至儀徵再由運河進京中間相距各數千里每至交替處所凡遞運委員不能不盤查秤兌或因觔

秤短少成色高低額外需添或因結報無虧藉端勘索遞相交卸則遞有稽延勢必輒轉長途逾遠程限是欲杜弊而轉致有違限誤運之漸不足以專責成而昭慎重嗣後自應仍令滇省委員長運到京庶責有專司不致互相誣卸但所歷之四川湖南湖北江西江蘇安徽山東直隸地方皆非滇員本省如江路經過險灘河道

提溜打歸雇夫役呼應究恐不靈且遇有沉溺等事亦恐該員藉端影射不可不派委大臣經理稽查所有領銅經過之處四川著派鄂輝湖南著派馮光熊湖北著派福甯兩江著派孫士毅山東著派惠齡直隸著派梁肯堂於銅船到境時各派勤幹或道或府一員會同演員照料押運出境後遞相交替仍通飭各屬小心謹送令各該督撫籌定章程如何督同道府大員及地方官稽查彈壓代雇船隻之處妥議具奏不得僅以出境入境日期一奏了事倘有沉溺短少惟派出之該督撫是問嗣後每年演省奏到銅運開辦時卽照此次辦理章程將沿途各省藩臬大員開單候朕每省酌派一員經理其事俾各有專責毋致推諉則盜賣短少之弊自

司永除 聖訓

五十八年諭銅鉛沉溺其打撈並無難易之殊乃向來撈獲數目往往鉛多於銅白因銅鉛價值懸殊殊水摸等隱匿銅筋以圖盜賣牟利節次所降諭旨甚明此等事總有治人無法惟在該督撫督飭所屬遇有沉溺無力嚴查如有水摸隱匿銅筋及鋪戶私行售賣者切責根究斷案嚴懲其弊方可逐漸斷絕會典事例

五十九年諭督撫遇有銅鉛沉溺固應寶力打撈如實係險灘難以施力自當酌量情形不必過於勉強以致水摸有涉險輕生之事會典事例

嘉慶七年奏准演銅運京例係在省鎔煉純淨方准起運何至到京後尚有低潮顯係承辦之員希圖冒銷火

工所致與其在京煎煉滋累不如嚴在廠煎煉之例以專責成嗣後演銅運京再有低潮攢雜經部驗出卽將廠店各員及查驗道府運員參奏分別治罪其在京煎煉火工卽在各該員名下罰出不准造報所有京局煎煉之例永行停止並令該督撫於出運之時取具廠運各員純淨印結及查驗道府加結先行送部以備按運稽覈會典事例

又奏准鑿南正運大起京銅四百四十一萬七千八百觔自十二年改作正運四起分運節省養廉幫費等銀添給正加六起運員均勻分支正運銅數加增在瀘領銅每起定限四十日其加運二起仍照原定一月例限會典事例

七年諭向來演銅係由尋甸州起運經過黔省威寧州屬地方交鎮雄州轉運至瀘州水次交兌嗣經改由黔省威寧州接運令該州赴演請領運費往返兩時諸多不便著改歸滇省迤東道承運徑交鎮雄州接運以昭開易會典事例

八年題准貴州運漢售供各省白鉛因採納河新廠程站較遠酌增三站運腳每一百觔合價銀四兩一錢三毫三絲九忽八塵令各省照此齊價採買四川赴永甯採買黔省白鉛每一百觔合價銀四兩五錢五分二釐一毫七絲九忽二微會典事例

九年奉旨演黔額運銅銀京局鼓鑄攸關自當按運源源接濟方無貽誤且運銅經過各省均經朕派出藩臬大臣沿途催趨是其專責如果實力督催何至行走延緩但著傳旨嚴行申飭所有現在業經抵津各運銅鉛著直隸總督朕催趕緊運通並著倉場侍郎轉飭坐糧廳大通橋各監督俟各運銅鉛一到毋得拘泥定限務

於凍河以前設法趕運交局以資接濟其在清河漢口等處各運銅鉛不迅速挽運恐不免守凍來歲開行必致糧艘擁擠殊有關繫著各該督撫上緊催趕若再有遲延卽著該督撫查明於何處耽延將承催不力之藩

奏指名參奏會典事例

十年議准貴州每年運赴湖北漢口銷售鉛助黔省委員至漢口交代湖北委員接收清楚卽行起程回黔毋庸在漢口守候銷售其接收鉛助及兌發各省委員採買事宜令漢陽同知就近坐局管理每屆歲底責成漢陽府盤察結報所有售獲鉛價寄貯湖北庫貯省下運委員到楚領解回黔歸款會典事例

十一年諭領運京鉛關繫緊要總應隨時催趨無誤京局鼓鑄嗣後銅鉛運員到川務令迅速開行不得任令藉詞延誤儻有實係患病者如爲日無多尙可俟其病愈催令起程若察看病雖速愈應卽另行派員接運以重局務該部知道會典事例

十七年奉旨滇省運京銅筋鼓鑄攸關必須迅速到京源源接濟所有沿途行走各運滇銅著派出專司督催之項隸山東等省藩臬大員實力催趨上年在東守凍之李鑄一運銅筋限於五月內抵通其辛未年滇員嵩山等各運銅筋亦一體嚴催迅速運京毋得借守風守水爲名前運偶有耽延後運藉詞觀望致滋延誤至桂芳等奏稱壬申年滇銅現尙未報開行著傳諭伯麟等卽傳飭領運各員迅速啟行其加辦銅筋並應解銅批飯銀均飭令一併報解會典事例

道光三十年諭內閣戶部奏請飭催銅筋等語京局鼓鑄錢文全賴滇黔二省按時運到銅鉛方資應用豈容

任意稽延所有甫經運過淮闢及尙在湖北江西地方之滇運戊申己酉等年銅効各員著沿途各督撫嚴飭沿河文武員弁押令晝夜遄行剋期北上其奏提湖南江蘇局存洋滇高銅並著趕緊管押運京總期速益加速以重鼓鑄而濟要需 聖訓

又 諭內閣戶部錢法堂奏請飭催銅効等語滇運銅効遲滯屢經降旨飭催並特派沿途各省藩臬大臣實力催追何以漫不經心任令延宕可見各省藩臬直將特派事件視為具文殊貿委任茲據戶部錢法堂奏稱在途各起運員均未據經過各省報抵何處其已入山東境之宋淇一運亦未據報出境日期若再耽延致誤鼓鑄所派催辦大臣豈能當此重咎著直隸總督山東巡撫先將宋淇一運銅効星夜迎提飛輓北上一俟行抵通鑄即著倉場侍郎迅速盤驗務於八月中旬運交京局其餘在途各運亦著經過各該省督撫勒限加緊嚴催不准片刻停留並著漕運總督飭令於重運車船內插檔行走毋得藉稱擁擠再有遲延至湖廣等省銅効亦著一律趨進勿任虛報阻滯係各該運員仍復逗遛地方官催辦不力卽著各該督撫指名嚴參以儆怠玩而渙要需 聖訓

又 諭內閣楊殿邦奏銅鉛船隻輓出東境等語戶工兩局需銅孔亟現在節逾立冬宜防凍阻所有委員姚光璣椿齡陳然青等三起及在後之李崢嶸等各船著該漕督迅飭嚴催並著倉場侍郎直隸總督酌量情形是否應須起運迅卽設法押催抵通毋任延誤 聖訓

咸豐元年諭內閣工部錢法堂奏請分撥銅効以資鼓鑄等語工部寶源局現存銅効不敷鼓鑄在途各運盤經嚴催尙未據報抵何處自應先事預籌著戶部錢法堂於業經提到之湖北銅六十萬効內撥交工局二十

萬勦以資接濟其奏提未到之江蘇湖南存銅共四十四萬三千觔俟解到時亦著照向來滇銅定額分撥工局三分之一嗣後戶部如再提他省銅勦並著照此劃分辦理以昭平允

聖訓

又諭內閣戶部錢法堂奏滇銅觔運遲延已酉未到三運或甫入東境或甫抵清江庚戌六運均無確信恐緩不濟急等語銅運攸關鼓鑄似此節節耽延必致遞逾貽誤疊經降旨飭催仍著沿途各督撫及派出之藩臬各員並河漕各總督不分畛域一體飭屬嚴催務令趕緊運京以資鼓鑄毋任遲延倘各該運員任意逗遛或沿途地方官不能實力催辦卽著指名嚴參邀辦東華續錄

二年諭內閣戶部奏滇省辦銅低潮過多領運各員行走遲滯請飭催查辦一摺雲南省辦運京銅自應遵照定例依限開船乃近年在瀘各運無不以患病守水爲詞任意耽延且碎局銅勦低潮過多鐵砂尤甚現在京局鼓鑄急需豈容碎運滯低潮攪雜致有貽誤著雲貴總督雲南巡撫查照戶部前奏章程嚴飭廠店各員以及領運委員務將所辦銅勦煮鍊純淨整鑿清楚毋稍含混並飭領運各員依限到瀘瀘店委員隨到隨兌儻仍有玩誤卽著從嚴參辦該督等惟當實力整頓剔除積弊如銅勦成色不能純淨起運不能迅速卽著該部查明將該督撫奏請一併議處 聖訓

三年諭正三司機大臣等戶部奏籌議川楚封存銅鉛改道運京一摺現在京局銅鉛短絀各起運員多因江路梗阻不能抵通湖北省城現有存留兩運銅勦四川巴縣現有截鉛四運鉛勦據該部奏請均令運赴樊城或河南新野縣登陸卽用商販雇車攬載包裝包鉛之法運抵河南內黃縣計陸程一千三百餘里卽由楚旺集入衛河交豫省運糧軍船灑帶歸各運員押運以期迅速抵通接濟京局之用著裕瑞吳文鎔崇綸英桂按照該

部所指程途辦法派委道府大員悉心籌辦親往督理監押各運員遍行各按省分交替飭令經過州縣一體照料以利運務而資鼓鑄此係必應籌通之舉該督撫等務當迅速妥籌辦理毋得推諉貽誤 聖訓

四年諭軍機大臣等戶部奏請飭催銅筋由河運前進等語據稱雲南委員周力塘景堯春二運銅筋已由河南催抵大名之龍王廟地方尙未准直隸總督咨報到部京局鼓鑄需銅甚為緊要現值盛夏大雨時行設直隸陸運稍有阻滯必致貽誤若由大名陸運至冀州李家莊雇備船隻順流運至天津轉輓抵通較之長途陸運尤為便易並可節省經費該二起運京銅筋前經諭令桂良派員妥速兌收趕緊解部何以日久尙未據報由直起運著桂良仍遵前旨迅速催趨解部其由冀州李家莊河運抵津是否可期迅速並著桂良酌度情形速籌妥辦無論水陸務於七月內全數運京不得稍有遲誤至察家樞一運銅筋據山東巡撫於四月內咨部上在猶守凍迄今仍未奏報出境實屬任意逗遛著崇恩確查該運銅船現在行抵何處飛速派員迎提催趨出境卽道路偶有梗阻亦須設法繞道前進尙期輓運交局毋稍稽延 聖訓

九年諭內閣工部寶源局奏鑄辦鐵錢需用平鐵等語寶源局所需鐵筋由山西省採辦按李解京因上年所解潞鐵不堪鼓鑄業經咨行山西巡撫嗣後一律均用平鐵茲據奏稱山西應該局秋運一批鐵筋仍由潞安府城運恐誤鼓鑄著山西巡撫將應解寶源局鐵筋一律用平鐵運解如平鐵或有不敷卽照鐵錢局三七成搭運俾利鎔鑄貢華續錄

同治六年諭軍機大臣等蘇廷魁奏銅鉛船隻改由河運請飭山東省迅撥運河挑工另案工程經費一摺黔省辦運京鉛近因江路疏通仍照舊章由四川重慶江南儀徵以達通州此等船隻笨重甚於米船若不將運

河淤淺段落安爲挑之誠恐銅鉛到境致有阻滯京局鼓鑄關係非輕且本年江北漕米雖已停運而小米幫船及鹽勦軍火船隻仍須行走乘此大汛未交正可將另案工程及時擇要興修所有該河督前次奏請飭撥另案銀五萬兩挑工銀三萬兩著丁寶楨督飭藩司迅速如數籌撥解交蘇廷魁以便將要工程緊興辦庶於京鉛北上不致貽誤 聖訓

乾末嘉初滇省運銅爲最苦之差一經派出卽身家不保推原其故凡全滇屬員中有虧短者有才具短純者有年邁者本管道府卽具報委令運銅於承領運腳時卽稟明藩司將所短各數扣留藩庫以至委員赤手勤身止有賣銅一法所短過多或報沈失或交不足數至參革而止此數十年弊政也自蔣礪堂相國攸銛任滇藩查得銅廠內有提拉水洩一項每年應發銀二十萬兩八成給發扣存二成得四萬兩於四正運每船津貼銀八千兩副運減半於起運時給發一半船至湖北全給之保舉運員須本管道府道加考以並無虧空年力正強爲合格此法行至道光年尚無更變人不以爲異途矣見崇慶楊鴻侯國楨自定年譜楊亦道光初藩雲南者今滇銅久不採運舊章未必遵行錄此以爲講銅政者之一助楊鴻侯在滇兩署藩篆其時各省採銅委員率飄留至四五年候訪知四川烏坡廠銅可以船運遂陳請大憲在烏坡採買銅二百萬觔五省委員咸獲齊運雖銅價略貴而運腳節省合計有盈無絀此亦留心度支所當知者鄭潛一筆

錢幣十一

銀元

銀與錢相爲表裏以錢輔銀亦以銀權錢二者不容疇重凡一切行使大抵數少則用錢數多則用銀其用銀之處官司所發例以紋銀至商民行使自十成至九成八成七成不等遇有交易皆按照十成足紋遞相核算蓋銀色之不同其來已久銀幣始盛於元時而陶宗儀輟耕錄載至元十三年以平宋所得撒花銀子銷鑄作錠卽當時之色銀也今民間所有自各項紋銀之外如江南浙江有元絲等銀湖廣江西有鹽撒等銀山西有西鏹及水絲等銀四川有土鉢柳鉢及茴香等銀陝甘有元鉢等銀廣西有北流等銀雲南貴州有石鏹及茶花等銀此外又有青絲白絲單傾雙傾方鉢長鉢等名色是海內用銀不患不足因其高下輕重以抵錢之多寡實可各隨其便流轉行用至於福建廣東近海之地又多行使洋錢其銀皆範爲錢式來自西南二洋約有數等大者曰馬錢爲海馬形次曰花邊錢又次曰十字錢花邊錢亦有大小中三等大者重七錢有奇中者重三錢有奇小者重一錢有奇又有刻作人面或爲全身其背爲宮室器皿禽獸花草之類環以番字亦有兩面皆爲人形者閩粵之人稱爲番銀或稱爲花邊銀凡荷蘭佛郎機諸國商船所載每以數千萬圓計考漢書載安息大秦諸國附近西海者多以銀爲錢太平寰宇記載海西諸國錢有騎馬人面諸品蓋其遺制至今尚存而諸番商化市舶流通內地之民咸資其用則實緣我朝海疆清晏所致云通考

乾隆五十六年諭廓爾喀所鑄錢文衛藏竟可毋庸行使莫若西藏地方安設鑄座派撥官匠鼓鑄用唐古特

字模鑄寶藏字樣通行使用 衛藏通志

五十七年諭藏內設鑪改鑄寶藏字樣銅錢所有廓爾喀銀錢嗣後作為銀兩用完銷除衛藏通志
大學士公福康安等會奏為酌定鼓鑄銀錢章程仰祈 聖訓事竊上年九月內欽奉 諭旨廓爾喀所鑄
錢文衛藏竟可毋庸行使等因欽此茲復欽奉 諭旨藏內設鑪改鑄寶藏字樣銅錢等因欽此仰見我
皇上惠數遠檄便商利民至意藏地拉哩西通各部落番民習使銀錢驟難更易卽內地銅錢亦祇行至打
箭爐而止自打箭爐直至拉哩全係使用碎銀藏內鑄出銅錢仍恐不能行使糜費更為不值查從前商上
並不鑄造銀錢專賴廓爾喀運來易換因所鑄新錢成色較高遂而居奇擡價欲以一圓當作兩圓行使上
年經成德奏明以軍興需用由商上鑄造銀錢一律通行商民稱便今廓爾喀要威悔罪經臣福康安堅明
約束不敢再提一圓當兩圓之語已可永無異議若藏內自鑄銀錢使用使廓爾喀無所居奇卽將來仰蒙
恩准復通貿易商民交易公平更可經久無弊至於銀錢成色向來每錢一圓重一錢五分總係攏銅成
色過於低潮今若勒令全無攏雜按照輕重兌換銀兩則工價炭火等項賠貼太多不免大虧成本如准其
酌量攏銅卽嚴定限制而日久弊生更屬難於稽查應請嗣後商上鑄造銀錢純用紋銀成造不得絲毫攏
雜每圓仍重一錢五分紋銀一兩祇換銀錢六圓是銀錢計重九錢易銀一兩以多出一錢作為鑄錢工本
並另鑄一錢之銀錢一種每兩易換九圓五分之銀錢一種每兩易換十八圓均有一錢餘贋成色既無高
下之殊鼓鑄亦免貼賠之累可期永遠通行卽廓爾喀所鑄錢文同係紋銀彼此均無所藉口所有巴勒布
圖錢與商上原鑄錢文每圓總有銅二三分成色較低今若概令繳銷勢所不能祇應將商上原錢及巴勒

布舊錢鑄令每紋銀一兩易換八圓與嗣後鼓鑄足色銀錢示以區別以昭平允至商上鑄錢工匠物料俱由商上備辦將易換銀兩所餘之一錢作為工本自行經理毋虛動用官項仍交駐藏大臣派員督同噶布倫等監造驗看成色不許稍有攬雜錢上正面輪廓上用唐古特字模鑄乾隆通寶字樣背面用唐古特字模鑄寶藏字樣以昭我國家同軌同文之盛並於正面中間逐年鑄出造錢年分用資查考設有鑄銅情弊卽行按年查出將監造之員及該管之噶布倫鑄錢之孜琫濟仲並匠役等從嚴究問罰治罪衛藏通志

諭福康安等奏藏內鼓鑄銀錢章程亦祇可如此辦理藏內既不產銅所需鼓鑄錢文銅筋仍須向滇省採買至藏一路崇山峻嶺購運維艱自不若仍鑄銀錢較為省便但閏所繪錢模正面乾隆寶藏四字背面鑄寶藏二字俱用唐古特字模模印並無漢字於同文規制尙為未協所鑄銀錢正面用漢字鑄乾隆寶藏四字背面用唐古特字亦鑄乾隆寶藏四字以昭同文而符體制已另行模繪錢式發去遵辦衛藏通志

道光二年諭御史黃中模奏請嚴禁海洋偷漏銀兩一摺所奏是定例廣東洋商與夷人交易止用貨物收買轉賣不准用銀立法甚為周備近因民間喜用洋錢洋商用銀向其收買致與江浙等省茶客交易作價甚高並或用銀收買洋貨實屬違例病民不可不嚴行查禁著廣東督撫暨海關監督派委員弁認真巡查出口洋船不准偷漏銀兩仍不時查察如有縱放之員卽行參革治罪東華續錄

九年諭軍機大臣等御史章沅奏粵洋通市不得違例私易銀錢請旨飭議章程一摺向來外洋與內地通市止准以貨易貨例禁甚嚴近日洋商貨物多為奇巧炫惑漁利取值不啻數十百倍據該御史奏稱該洋人賦

性狡黠純用機心賣物則必索官銀制錢買物則槩用番銀美錢銀低錢薄僅當內地銀錢之什七或仍以番銀給還則斷不收納是以番銀之行日廣官銀之耗日多嗣後該省通市務當恪遵定例止准易貨毋許易銀其番銀之在內地者行用已久自難驟加遏絕至內地官銀則分毫不准私出著李鴻賓盧坤延隆會同詳查

妥議章程具奏

東華續錄

又 諭軍機大臣等朕聞外夷洋錢有大鑄小鑄蓬頭蝙蝠雙柱馬劍諸名在內地行使不以買貨專以買銀暗中消耗每一文抵換內地紋銀計折耗二三分自閩廣江西浙江江蘇漸至黃河以南各省洋錢盛行凡完納錢糧及商賈交易無一不用洋錢番舶以販貨爲名專帶洋錢至各省海口收買紋銀致內地銀兩日少洋錢日多近年銀價日昂未必不由於此若不究明弊源嚴行查禁不特徒滋紛擾轉使作奸犯科之輩益復無所顧忌前因內地間有夷錢攜雜行使曾經降旨飭禁然尚不似洋錢行使之多折耗之甚昨據李鴻賓等密陳英吉利請改貿易章程摺內亦經籌議及此該督等通達治體深悉積弊必須將如何截其來路如何禁其分銷期於言出法隨不至徒爲文告故事有名無實方爲妥善該督等素稱曉事當能仰體朕意

東華續錄

十三年諭據給事中孫蘭枝奏江浙兩省錢賤銀昂商民交困並臚陳受弊除弊各款一摺著陶澍等悉心籌

議體察情形務當力除積弊平價便民不得視爲具文致有名無實

邸鈔

兩江總督陶澍江蘇巡撫林則徐會奏竊臣等承准軍機大臣字寄欽奉 上諭據給事中孫蘭枝奏江浙兩省錢賤銀昂商民交困並臚陳受弊除弊各款一摺等因欽此當卽恭錄轉行江蘇藩臬各司分別移行確查妥議去後茲據江甯藩司趙盛奎蘇州藩司陳鑾臬司額駁伊體察情形會議詳覆前來臣等伏查給

事中孫蘭枝所奏地丁漕糧鹽課關稅及民間買賣皆因錢賤銀昂以致商民交困自係確有所見因而議及禁私鑄收小錢定洋錢之價期於掃除積弊阜裕財源惟是銀錢貴在流通而各處情形不同時價亦非一定若不詳加體察欲使銀價驟平誠恐法有難行轉滋窒礙即如洋錢一項江蘇商賈輻輳行使最多民間每洋錢一枚大概可作漕平紋銀七錢三分當價昂之時並有作至七錢六七分以上者夫以色低平短之洋錢而其價浮於足紋之上誠爲輕重倒置該給事中奏稱以內地足色紋銀盡變爲外洋低色銀錢洵屬見遠之論無如閩市肆久已通行長落聽其自然恬不爲怪一旦勒令平價則凡生意營運之人先以貴價收入洋錢者皆令以賤價出之每洋錢一枚折耗百數十文合計千枚即折耗百數十千文恐民間生計因而日絀非窮蹙停閉卽抗拒不行仍屬於公無裨且有傭趁工人積至累月經年始將工資易得半錢數枚存貯待用一旦價值虧折貧民見小尤恐情有難堪臣等詢諸年老商民僉謂百年以前洋錢尙未盛行則抑價可也卽屬禁亦可也自嘗販愈通愈廣民間用洋錢之處轉比用銀爲多其勢斷難驅遏蓋民情圖省圖便尋常交接應用銀一兩者易而用洋錢一枚自覺節省而且無須彈兌又便取攜是以不脛而走價雖浮而人樂用此係實在情形或云欲抑洋錢莫如官局先鑄銀錢每一枚以紋銀五錢爲準輪聊肉好悉照制錢之式一面用清文鑄其局名一面用漢文鑄道光通寶四字暫將官局銅錢停卯改鑄此錢其經費比鑄銅錢省至什倍先於民餉搭放使民間流通使用卽照紋銀時價兌換而薄庫之耗羨雜款亦準以此上兌計銀錢兩枚卽合紋銀一兩與耗銀傾成小錢者不甚參差庫中收放並無失體蓋推廣制錢之式以爲銀錢期於便民利用並非仿洋錢而爲之也且洋錢一枚卽抑價亦係六錢五分如局鑄銀錢重只五

錢比之洋錢更爲節省初行之時洋錢並不必禁俟試行數月察看民間樂用此錢再爲斟酌定制似此漸改移不致遠形虧折等語臣等察聽此言似屬有理然錢法攸關理宜上出聖裁非臣下所敢輕議故商民雖有此論臣等不敢據以請行惟自洋錢通用以來內地之紋銀日耗此時抑價固多審研究宣設法以截其流祇得於歸從民便之中稍示限制嗣後商民日用洋錢其易錢多寡之數雖不必官爲定價致涉紛更而成色之高低戲平之輕重應令悉照紋銀爲準不得以色低平短之洋錢反浮於足紋之上如此則洋錢與紋銀價值尚不致過於軒輊而其捶爛翦碎者尤不敢輾轉流行或亦截流之一道也至原奏稱鴉片烟由~~進~~口潛易內地紋銀此尤大弊之源較之以洋錢易紋銀其害愈烈蓋洋錢雖有折耗尚不至成色全虧而鴉片以土易銀直可謂之謀財害命如該給事中所奏每年出洋銀數百萬兩積而計之尙可問乎臣等查江南地本繁華販買賣食鴉片煙之人原皆不少節經嚴切查拏隨案懲辦近日並無私種鴉粟花作槳然青之人蓋鴉粟之產於地非旦夕可成因新例有私種鴉粟卽將田地入官之條若奸民在地上海種植難曉往來耳目一經告發究辦財產兩空故此法一立卽可杜絕且以兩害相較即使內地有人私種其所賣之銀仍在內地究與出洋者有間無如莠民之嗜好愈結愈深以臣所聞內地之所謂葵槧等種不甚行銷而必以來自外洋方爲適口故自鴉片盛行之後外洋並不以洋錢易紋銀而直以此物爲奇貨其爲屬於國計民生尤堪髮指臣等隨時認真訪察力撻嚴懲誠恐流毒既深此肇彼竄或於大海外洋卽已勾串各處奸商分路潛銷以致未能淨盡又密飭沿海關津營縣於洋船未經進口之前嚴加巡邏務絕其源再於進口之時實力稽查夾帶如有偷漏縱越或經別處發覺卽將半利之奸商得規之兵役一并

追究加倍重懲以期令在必行法無虛立庶可杜根株而除大害至紋銀出洋自應申明例禁查戶部則例內載洋商將銀兩私運夷船出洋者照例治罪等語而刑部律例內祇有黃金銅鐵銅錢出洋治罪之條並無銀兩出洋作何治罪明文恐無以懾奸商之志近年以來銀價之貴州縣最甚其虧而銀商因緣爲奸每於錢糧緊迫之時倍極高價州縣虧空之由與鹽務之積疲關稅之短絀均未必不由於此要皆偷漏出洋之弊有以致之也如數勑部明定例禁頒發通行有以紋銀出洋者執法嚴辦庶奸商亦知懼畏不敢公然逾越矣

林文忠公政書

刑部覆奏兩江總督陶澍等議覆給事中孫蘭枝奏紋銀出洋請明定例案一條查白銀一項雖非銅鑄製造軍器者比惟內地物產應供內地之用若私運出洋則內地轉形支絀應如該督所議另立治罪專條嗣後紋銀出洋一百兩以上請照偷運米穀一百石以上例發近邊充軍一百兩以下杖一百徒三年不及十兩者杖一百枷號一箇月爲從知情不首之船戶各減一等閭擬纂入則例永遠遵行從之

東華續錄
申禁賜洋民人以紋銀易貨

東華續錄

江蘇巡撫林則徐奏欽奉 上諭前據御史黃爵滋奏紋銀洋銀應並禁出洋杜絕仿鑄從重科罪一摺當交刑部妥議具奏茲據刑部將仿鑄洋錢明定治罪科條具奏著照所議辦理其禁止洋銀出洋於海津交易事宜是否可行著沿海各督撫體察情形妥議章程酌核具奏餘依議欽此仰見我 皇上於防微杜漸之中萬因地制宜之意當經恭錄欽遵轉行司道府州將各海口情形備細體察籌設去後茲據蘇州布政使陳鑒江蘇按察使裕謙蘇松太道陽金城會議詳覆前來臣等查該御史請禁洋銀出洋原奏以內地向

有仿鑄洋銀之弊若紋銀有禁而洋銀無禁既
起見惟洋銀行用情形各省本不相同其始辦
較多其濱海之區雖設有江海一關准令商
之事較之粵海關例准夷船貿易者情形迥
有帶貨北行並無禁帶銀前往者蓋南貨販北
爲其浙江閩粵海船攜帶洋銀來至上海置
得一蓋江浙洋銀價值向比閩粵等省爲昂
江蘇又貴於浙江商賈計及銖錙豈肯貲買
而非違賣外夷之利以蘇省情形而論洋銀
海者均不得攜帶洋銀是欲截其去路而先
化紋銀仿鑄洋銀如原奏所稱蘇板吳莊錫
雜銅鉛然後有利可牟而近來民間兌驗洋
是以客商皆剔出不用民禁嚴於官禁行商
能行及外洋况經刑部議定新例奸民消化
若洋銀出洋之禁雖未知於閩粵等省何如
禁仿鑄有犯必獲以清弊源外謹將體察在

月少先勢切工商錢旅愈始若心幾瞬江飭
銀旗截不用均頃自驟靜有輕蘇答

市中洋價愈昂且南方所用之洋錢一經渡黃又不適於北方之用是以幫船開行仍須換銀帶往彼鋪戶利權子母計折錙銖往往於糧船受兌之前先將洋價擡高以因州縣及至幫船開行之日又將銀價擡高以困族丁輒轉低昂陰爲盤剝以致縣幫交累漕務愈難況洋錢作價既多則縣幫每多爭執既有爭執勢必耽延重運開行之遲未始不由于此臣等公同籌議欲杜洋錢之擾價絕市儈之局奇必先於辦漕禁用洋錢方可以回積蓄現在空船歸次期於早兌早開相應請旨將漕務內一切費用概算折給洋錢其向帶洋錢一圓者今悉以紋銀七錢三分核實給發庶市儈免高擡之價縣幫無爭較之煩不獨圖法得以均平卽漕行亦因以迅速似屬於公有裨如丁胥夫役人等膽敢抗違或市儈奸商把持壟斷卽由臣等一體嚴禁從重究辦不稍寬貸務期令行禁止弊絕風清以仰副聖主利民速漕之至意林文忠公政書

咸豐五年署陝西巡撫載齡奏請以黃金定價抵銀行行使軍機大臣會同戶部妥議等奏該撫通籌全局爲裕國便民起見應如所請試行並酌擬章程十二條一成色宜酌定一價值宜酌中一交官之項分別覈辦一收納地丁於串票內添註數目一解部之款與白銀並解一協撥餉銀搭解黃金一各省放款視所收之數酌量搭用一部庫放項視金數之多寡隨時酌辦一出納按照向來收放定章一收放黃金就見銀款內分搭一官銀錢號令各省一體開設藉資兌換一產金省分宣令試行開採從之東華續錄

周臘虎鑄銀錢說江浙行用佛頭洋銀製自大西洋之西班牙減小西洋之呂宋國故俗又呼之為大呂宋乾嘉之時其國在廣東貿易頗盛故其洋銀流入中國最廣中國因習用之後其國衰微且所鑄洋銀已換新式佛頭銀已於道光初年停鑄所來中國洋銀愈用愈少閩廣各省必椎爛用之日見

其紹江浙商民樂其便易市井貿易惟此信行各錢店認定式樣少有更變則舉起而叱爲僞鑄巧立各
種名目以抑勒民伍至每圓洋銀竟貴於銀一兩之多出則呼爲淨光入則苟爲爛板轉移之間銀已八
折商賈愁歎民客咨怨莫究其由而坐受其困即或夷人重鑄新者各錢店又呼爲新板而坐以七折夫
屬官八政貨居其一列史食貨有志國家最大之政莫過於此而令商賈擅其利權抑勒恣睢流虐天下
非細故也夫貨幣之妙在於子母相權大小輕重各得其平稱情機物流通上下故名之爲泉蓄音如泉
流不息也國家舊用銀錢兩種以平百物厥後錢日賤而銀日貴子母不相權而輕重殊絕故洋錢起
而承其乏流轉於銀錢之高下而適得其平民咸利而趨之今洋銀之貴無已若不爲之變通競趨爭用
其用逾急其害逾深病國病民莫此爲甚夫利權徘徊無主之時惟智者急起收之民亦樂其便利熙熙
攘攘而歸之上不勞而民不困故爲今計宜准洋銀分兩鑄造銀錢以剛鐵製爲板式面爲咸豐寶貨環
以年月并銀工名字幕文爲龍鳳環以滿文亦仿洋銀之式以板石椎而成之前林文忠鑄造銀餅其製
渺小全無法度後又無法以行之宜其不用也今一仿洋銀之式鑄其文字以爲中國寶貨凡官府與民
交易以及丁銀田稅關市之征無不取之於此便民甚矣何爲而不行耶難者將曰中國好爲僞非若洋
銀之鑄一也夫洋銀之僞有夾銅有蘇板有鑽鉛巧式新思無奇不有而不能惑辨者之目安在洋銀之
無僞乎洋銀有僞而不害其功用惟便故耳若製造銀錢一新耳目而無種種之挑飭其夾銅輕板又可
辨而知之何爲賤中國而重外夷耶其不足疑一也或又曰民習故疑新洋銀行習已久驟易銀錢必不
能強疑者而使之信嗚呼目睫之見自生疑障皆此等謬說障之也洋錢之所以重於江浙而人樂趨之

著江浙徵收錢糧惟此是索故市肆彌重之試思賦入之廣出納之大孰有大於藩司之各款關稅之類
征乎二者已提綱絜領系東南財賦之大權矣儒此之行市肆之間尙能爲之敵乎尙能有他物足以相
抵有大力足以相抗乎譬有人自薄其千金之璧而疑不足當鄰人燕石之值者不已俱乎其不足疑二
也或者曰國家鑄大錢製交鈔無一可行子之暢言銀錢亦紙上空談袖手雄辨未見辦事之艱阻也噫
大錢交鈔之害法病人乎人病法乎法不信民不從施不一人不信已屏絕而強人用之已嫌棄而尅人
好之雖有愚者恐亦未易爲其所惑也浙江祇用當一品額稅丁銀可以上行行之每年而民不倦何
胥於浙而惑於蘇則行之不善明矣可咎法乎況交鈔大錢皆以虛權實非若銀錢之以實相權便民而
無所巧售如佛頭洋銀之行用數十年廣及半天下豈強之而使然乎惟其便而信耳其無可疑三也釋
此三疑厥有三利一釋爭一平物一通貨古之執政以正物者莫不由此也銀錢鑄成之後准今之譯錢
之價出入取其盈餘給工值火耗外尙可以通有無足國用贍軍食因民之所利而利之惠而不費此類
是矣

經世文續編

馮桂芬用錢不廢銀說今天下非小弱也開墾之地日益廣山澤之利日益出布帛菽粟民生日用之需
有加而無減也是天地之所出自足給生人之食用而懲資之勢日甚一日者何也曰銀少也銀何以少
曰偷漏出洋也或謂銀貴不盡由於出洋以明季國初爲證不知彼時府第有私積富室有厚儲故銀
驟貴厥後窖藏盡出加以礦苗大旺銀又自貴而之賤今有是事乎或謂由錢多所致不知錢未嘗多也
京師歲除間因錢鋪閉歇稍多藏票者爭取見錢錢卽湧貴是錢不多之證京師尙爾外省可知矣上海

通市以來夷船每日收元寶四五百爲銀二萬餘每年漏銀七八百萬距今十年遂爲常額四口遞減合計不下二三千萬兩設欲禁遏瑕釁立開中國之銀遞消遞減已去者不復來未去者勢無已凡物多則賤少則貴理也憶二十年前每兩易制錢一千二百文以前易制錢一千五六百文今易制錢幾及二千文若不早爲之所將來日增月益二千以外翹足可待國家歲入地丁鹽課關稅不下三四千萬兩無非取之民間夫民間之所出粟米之屬而已而國家之所取乃在至少至貴之銀置其所有徵其所無粟逾益賤銀逾益貴始以粟易錢則粟賤而錢貴向之每石入三千文者今入一千數百文是十折而爲五六繼以錢易銀則錢賤而銀貴向之每兩出一千餘文者今出二千文是又十折而爲五六以銀準粟昔之一兩今之三兩也是國家之出銀也常以三兩而供一兩之用而國家之入銀也直以一兩而竭吾民三兩之力如是而民安得不貧民既日貧賦益難辦逋欠則年多一年虧短則任多一任而地丁之入紬富商大賈倒罷一空凡百貿易十減五六而關稅之入紬民窮失業去爲盜賊梟徒日多私鹽充斥而鹽課之入純於是經費竭而撙節之說起撙節甚而因循之事成應修之水利不修因之宣苗無資農田易成旱潦轉以蠲卹損帑金應設之巡緝不設因之養癰貽患穿窬變爲跳梁轉以徵調廢單餉凡地方應辦之事大都以工用支紬慨緩籌議卒之事後補救需費更多歧中有歧弊益滋弊如是而國安得不貧揆厥原本無非銀貴有以致之中國之銀止有此數不過相流轉於上下之間開捐助餉無非挹彼注茲之法今則無可挹何有注雖劉晏復生不能轉無爲有矣雖然銀而爲生民衣食不少之物中國誠病矣若猶未也則中國之富足自在也轉弊爲利由反手也爲今之計莫如用錢而廢

銀然用錢而廢銀尚不如用錢而仍不廢銀惟在有以奪銀之權使其多少貴賤不足爲吾累而已銀之利在輕齎不廢其輕齎之利也銀之害在匱乏不受其匱乏之害也節用而無耗減之名薄賦而無耗費之實此其法奈何一曰收款放款起數一以錢也賦稅本有錢糧之目錢文又曰通寶通者上下通行之謂顧名思義本無不宜應請一切文案凡載銀一兩者酌改爲一千八百文下及民間一切票券嗣後一所以錢起數不準以銀起數犯者其銀入官其在定章以前在官欠繳生息各款在民典借各款一體換改一曰解京解省輕齎無用銀也錢重難運準其以錢易銀運解其水路可通之地照舊運錢一曰輕齎銷算由部按時定價每年一易也先期頒發一年之價各省一年內解京及互撥之款俱照定價銷算以昭晉一一曰市價長落官不強抑而解款銀錢相易致有贏絀之數準別立一款報銷也各處市價準兩水糧價之例而加詳焉分朔望兩期督撫按月報聞徵收起解以錢易銀解到發放以銀易錢皆於朔望相易以使之一定其於部定之價所贏所絀之數準別立一款存贏補絀歲終核銷此法未嘗廢銀不用而銀之多少貴賤可不復問以目前計之以九錢而當一兩之用萬一銀價更增卽以八錢七錢而當一兩之用銀日益貴不啻銀日益多充類至盡上與黃金同價猶之以此入以此出也度支無損毫末而國與民之隱收其利者實非小補蓋民間各種貿易往往頓置論銀而零賣論錢銀貴以來論銀者不加而暗加論錢者明加而齊減以是商賈利薄裹足不前今一槩論錢則準本獲利自然趨之如薦貨物因之流通稅項可期增裕至於鹽務納課論銀而賣鹽論錢銀貴以來課項倍於鹽價今改爲納錢商人種利既多輸課自易而尤莫若地丁錢糧一款爲小民沾 皇上莫大之恩也窮鄉僻壤無銀可徵往往以錢

代銀官爲轉換愚民無知但見年增一年不無缺望浙江奉化等處滋事多由於此可爲寒心今改徵錢文正數已減十分之一火耗傾銷之費加之無名亦當頓減昔爲不加賦而加賦今爲不減賦而減賦在國家無絲毫之損在閭閻沾浩蕩之恩彼見聖天子當軍興費細之時有此非常曠典必將感激涕零輸將恐後所以節民欠者利猶小所以固民心者利更大也或謂中國不重銀夷市以銀準貨出洋更多乎不知此未離乎重銀之見也今用錢而以銀爲置郵之真實也賤也出洋也不出洋也總與大局無與也宋以前不用銀何以富強自若也況本無法以使之不出洋何可爲改法苟且就使銀盡出洋正有一法以持其後唐憲宗時有委錢富家輕裝合券之法謂之飛錢宋蜀中有交子法富人十六戶主之嗣又官爲置務有會子關子之目皆有寶錢爲本更非行鈔之比今山西錢賣一家輒分十數鋪散布各省會票出入處處可通何妨仿唐宋遺意令西商轉換則輕齎更捷而無官爲置務之繁此亦一法也他若議用金玉珠貝諸幣議鑄大錢夫黃金便頓不便零寶玉珠貝一碎不可復力皆不足以敵銀大錢當十當百強輕爲重與行鈔同而防僞之法難於鈔製造之費多於鈔而其不可行亦同要皆未若用錢不廢銀之法爲易簡久大而無弊也

顧志堂稿

光緒五年出使大臣曾紀澤奏竊臣於本年四月二十二日接據法國外部瓦定敦咨稱法國現議鑄造大圓銀錢用之安南等處地方並擬用之附近各國甚願貿易國家收受此錢通行天下並望海關衙門准其收用前准美國之多拉銀錢通行各處法國新鑄之錢亦可收用懇請轉奏等因臣不敢壅於上聞謹將法外部來咨照譯漢文恭呈御覽伏查美國之多拉華語稱曰花錢每圓重合廣東市平七錢二分銀色約

九成有餘流行中國沿海各省垂數十年江浙一帶商民行用每圓兌換足銀價值早晚不齊或值銀七錢三四分間有增至七錢五六分者其非沿海省分如江西安徽湖北湖南等處近因茶葉貿易花錢亦漸通行今法國議鑄銀錢若其成色重輕與美國花錢大略相仿則事同一律久之商民必有與美國花錢僥幸雜互用之一日目下不必設詞拒之且事苟便於民生一任流通未始不足與錢法相輔惟法錢初入之時百姓偶有遲疑不肯收受之事亦在意中我國家祇當俯順商情不能繩以官法且花錢不入於稅餉無關於則例商民如未通行亦斷無由官吏三令五申強使收受之理我國家於商民生計純任自然固可以明告該國使知法錢可與美錢一律看待而不能格外邀求利益也至於所請海關收用一節查與中國各項稅課徵收足銀之例不合亦與美國花錢只由中國商民通行之例不符似難照准事關銀幣大政准駁之間務宜詳審可否飭下總理各國事務衙門暨南北洋通商大臣核議轉行到臣咨覆法國外部之處恭候聖裁除將法國外部原咨洋文鈔送總理各國事務衙門查核外合將法國議鑄銀錢咨請轉奏緣由恭摺具陳

十四年兩廣總督張之洞片再廣東華洋交錯通省皆用外洋銀錢波及廣西至於閩臺浙江皖鄂煙臺天津所有通商口岸以及湖南長沙湘潭四川打箭爐前後藏無不通行以致利歸外洋漏卮無底竊惟鑄幣便民乃國家自有之權利銅錢銀錢理無二致皆應我行我法方為得體且粵省所用洋銀皆係舊洋爛板破碎微黑尤為隴受其虧蚀省此次訂購鑄錢機器內兼有鑄銀元機器擬卽選募西人善鑄銀元者來華試造若附在鋳局內鑄造計此歲鑄銀元三千萬枚之機器其機器價值廠屋工料火耗一年所費不過四

五萬金專設一廠亦不過十餘萬金外洋銀元每元重漕平七錢三分今擬每元加重一分五釐有奇定為庫平七錢三分銀元上一面鑄光緒元寶四字清文漢文合璧一面鑄蟠龍紋周圍鑄廣東省造庫平七錢三分二字兼用漢文洋文以便與外洋交易鑄成之後支放各種餉需官項與徵收釐捐鹽課雜稅及粵省洋關稅項向收洋銀者均與洋銀一同行用不拘成數銀色務與外國上等洋銀相等銀質較重而作價補水均與相同商民趨利自易風行若日久通行民間自行加價亦聽其便聞外洋銀元頗有贏餘雖每元加重一分五釐斷無虧折如蒙允行懇請頒發明旨粵鑄銀元除京餉外各省協餉解款完納華洋釐稅民間交易准其一體行用開鑄時卽當將樣銀恭呈御覽試造之初先鑄一百萬元察其能否流通陸續添鑄多至五百萬元而止如不能暢行隨時停鑄殊不為難卽略有虧耗亦甚微渺可以預決當由粵省籌補不動庫款一年以後粵省果能暢行當將工費細目贏餘質數詳晰奏咨屆時擬請飭下戶部體察酌劑由部購置機器一副在天津設局鑄造頒發通商口岸一體通行粵省銀元仍憑准其鑄造由戶部酌定限制歲鑄若干如有息款卽以彌補鑄錢虧耗計戶部機器一副日鑄十萬元歲可鑄三千餘萬元卽以每歲鑄千萬元計之數年之後充物海邦流通域外雖不藉以裕國用亦足以保利權粵省試其端而戶部權其利揆時度勢似尚無所窒礙總之鑄務錢法銀元三事相為表裏交互補益如壞無端鑄產盛而後鑄銅鑄銀有所資鼓鑄多而後西南各省銅鉛有銷路以鑄銀之息補鑄銅之耗而後鑄法可以專用內地銅鉛而無虧虧折迫至開采日多銅價日賤官鑄無虧而趨其利民便其用邊軍資其餉實西南徼外之邊備塞東南沿海沿江九省之漏卮未必非自強之一端也所有粵省擬請試鑄銀元以備戶部推廣各緣由相

應附片具奏請 旨飭下戶部速諭覈覆施行張官保政書

二十一年御史王鵬運奏竊近日以來京師錢價日貴銀價日賤咸歸咎於私鑄之充斥銀號之把持而不知皆非也邇來東南各省以銀每兩僅易制錢千二百文洋錢每圓僅換制錢八百餘文銀賤錢貴有甚於京師者蓋其間有大漏卮焉不可不亟思補救也當光緒十二年間越事初定卽有倭人串同內奸奸商以銀易錢裝運出口以致各省錢價陡長銀價愈低於時乃有鼓鑄制錢之議滇南產銅日少遂不得不購買洋銅倭商購去中國制錢將其中金銀提出已敷購錢資本及購銅議起復以淨銅管諸中國本一而患三倍之天下之利孰有大於是者此皆由中國商人不通化學當閉關絕市之時尙可無虞外洩通商以來若固守成規不思變計則旁有大盜其覬覦而盤剥之也亦固其宜此次倭索償款多至二萬三千餘萬彼以一萬萬兩購錢出口可買盡中國制錢以我之矛陷我之盾則制錢立竭銅產不多官力無可挽回民間不能不用其必至於潰敗決裂窮而思亂明矣各省禁錢出口獨未查禁輪船外洋不用中國銅錢其運錢出口何爲者應請 旨飭下總署通行各口稅務司嚴查充公不得絲毫徇縱此節流之法也然稅司習氣恆刻待華商而寬待洋商利之所在人所必趨雖法禁綦嚴仍將百計偷漏非尋變通之法決不足以支危局而開利源其策有一請爲 皇上縷悉陳之一曰鑄銀圓九州作貢三品兼權周初九府泉刀始專以銅錢濟用迄今民用繁而銅礦少加以外人盤剥流弊已深乾隆時美洲銀礦大開皆運至中國現銀日多而不自鑄銀錢以利民用此何說也況比年來中國黃金出口由三百萬增至二千餘萬兩如不自鑄金錢則國寶全空終受外人挾制應請 旨飭下戶部購買極大機器鼓鑄金銀銅三品之錢金錢輕重略仿英磅大

小銀錢用鄂粵鑄成之式鑄成後頒發各省 諭天下一體通行各省亦一律鼓鑄以資利用仍 特派大臣總理其事惟救急之法則宜先鑄銀錢明春錢價必大漲度購機運京建廠設局約需一年廣東鑄銀局機器甚大每日可鑄銀錢七萬餘圓銅錢九萬餘串應請 飭下戶部先撥銀三百萬兩專鑄大小銀錢運京使用通行各省籌款運粵鑄錢俟機器到京廠屋齊備卽由京局辦理此等項之法一也

戶部議覆光緒二十一年十二月十五日准軍機處片交本日御史王鴻運奏制錢日少產銅日稀請禁止輪船運錢出口並開辦礦務鼓鑄銀圓以維大局一摺欽奉 諭旨著戶部總理各國事務衙門議奏欽此欽遵並抄錄原奏知照前來查原奏內稱近來京師錢價日貴銀價日賤咸歸咎於私鑄之充斥銀號之把持而不知皆非也其間有漏卮不可不亟思補救當光緒十二年間越事初定卽有倭人串同內地奸商以銀易錢裝運出口以致各省錢價陡長銀價愈低於是乃有鼓鑄制錢之議滇南產銅日少遂不得不購賈洋銅倭商購去中國制錢將其中金銀提出已數購錢資本及購銅議起以浙銅售諸中國本一而思三倍之天下之利孰大於是此次倭索償款多至二萬三千餘萬彼以一萬萬兩購錢出口可貿盡中國制錢各省禁錢出口獨未查禁輪船外洋不用中國銅錢其運錢何爲者應請 旨飭下總署通行各口稅務司嚴查充公不得徇縱此飾流之法也然利之所在人所必趨雖法禁綦嚴仍將百計偷漏非無變通之法不足以支危局而開利源其策有二一曰鑄銀四九州作貢三品兼權月初九府泉刀始專以銅錢通用迄今民用繁而銅礦少加以外國人盤剥流弊已深乾隆時美洲銀礦大開皆運至中國現銀日多而不自鑄銀雖此何說也比年來中國黃金出口由三百萬增至一千餘萬如不自鑄金錢則國寶空空終受外人挾制

應請 詣飭下戶部購買極大機器鼓鑄金銀銅三品之錢金錢略仿英磅大小銀錢用鄂粵鑄成之式鑄成後頒發各省 諭天下一體通行各省亦一律鼓鑄以資利用仍 特派大臣總理其事惟救急之法則宜先鑄銀錢明春錢價必大漲度購機運京建廠設局約需一年廣東鑄銀局機器甚大每日可鑄銀錢七萬餘圓銅錢九萬餘串應請 飭下戶部先撥銀三百萬兩專鑄大小銀錢運京備用通行各省籌款運粵鑄錢俟機器到京廠屋齊備卽由京局辦理一曰開礦政中國五金各礦藏地下者不可勝數徒以封禁大利不開比年西土考察及中國土人所知者如川藏之金礦銅礦江西湖南之金礦銅礦煤礦雲南兩廣之五金各礦山西河南之煤鐵礦奉吉之金礦皆以官吏貪圖省事不願開採小民本少力微無由上達應請特諭天下凡有礦之地一律準民招商集股呈請開採地方官吏認真保護不得阻擾俟礦利既豐然後按十分取一酌抽稅課一切贏紳官不與聞期以十年礦產全開民生自富各等語臣等竊維理財之要興利與除弊不外因時以制宜自通商互市以來中國金銀流出外洋者歲以數千萬固不徒制錢一端爲然也卽以制錢論洋商輸運出口原難保其必無而鑄務未興鼓鑄應需銅鉛仍從外洋購取是其流不能節源不能開國計民生所由日以蹙也當此時局艱難度支告匱自宜取天地自然之利收 國家自有之權設法變通誠爲當務之急該御史原奏內稱各省禁錢出口獨未查禁輪船應請通行各海口稅務司嚴查充公不得徇縱一節總理各國事務衙門查咸豐八年議訂通商章程善後條約第五款內載銅錢不准運出外國惟通商中國各口准其以此口運至彼口照現定章程遵行該商赴關報明數目若干運往何口或令本商及同商二人聯名具呈保單抑或聽監督飭令另交結實信據方准給照別口監督於執照上注明

收到字樣加蓋印信從給照之日起限六個月繳銷若過期不繳銷執照卽將其錢貨原本照數罰繳入官其進出口均免納稅至載船無論淺滿均納船鈔等語是查禁輪船載運銅錢本有成約該御史所奏奸商偷運如此之多究由何關出口轉運出洋未據聲敘應由臣衙門轉飭各關道監督會同稅司申明約章切實辦理各該關出口銅錢歲約幾何是否概有保單執照其無單照之錢各該關會否查出罰辦應令各該關監督稅司詳查聲復以後務當照約辦理毋或疏虞倘托手人等徇情容隱被別口查出卽治以應得之咎該御史所請禁錢出口並通行各海口嚴查不得徇縱自係嚴杜銅源外溢爲維持潤法要計茲與約章相符自應照准又據奏稱非籌變通之法不足以支危局而開利源其策有二曰鑄銀圓曰開礦政各節戶部查銀圓之鑄創自外洋近則督臣張之洞購置機器設局開辦於粵東現復試辦於湖北江浙粵閩流通甚便嗣後奏請仿照成法推行各省則有御史易俊陳其璋兩摺均經臣部議准奏請咨令沿海沿江各省用意經營並聲明務須考核成色流通行使尤以選派局員爲第一要義已通行遵照各在案今該御史王鵬運請 諭天下一體通行各省一律鼓鑄與臣部先後議覆各摺奏意見相同惟原奏內稱先鑄銀圓預防錢價大漲請飭下臣部先撥銀三百萬兩由粵局專鑄大小銀錢運京備用俟購買機器到京廠屋齊備卽由京局辦理等語查臣部上年議覆御史陳其璋摺內亦有以京城開鑄工匠生疏不如仍就廣東湖北兩省已成之局加增成本竭力擴充此外沿海沿江各省亦可自行設局如購器設廠一時未能應手則酌撥成本附粵鄂兩局分鑄現在各省尙未奏咨聲覆如粵局成本果能湊集增加各省畛域不分又復力籌附鑄則成本較前倍鉅自無庸再撥庫儲俟俟各省奏咨到日再由臣部妥議辦理即

二十二年太常寺少卿盛宣懷奏一曰理財之要理財有二義開源節流盡之矣今之廣製造興礦政以開源也紗布各廠成本之重不足敵洋產五金各礦收效之速不足濟急需今之併局卡裁冗費以節流也減併者百一無裨國計之大節裁者鎔銖何當中飽之鉅言常用則歲出歲入不相抵言通商則輸出輸入不相抵言洋債則竭內外之力而更無以相抵欲求足國先無病民欲收商利在挽外溢加稅之議事未就緒聞西人以釐金爲詞蓋窺我國用之細必不能停收釐金也應機決策莫若徑免天下中途釐金加關稅爲值百抽十令彼無所藉口釐金既免卽彷行西國印稅之法辦理得宜計加收之關稅新收之印稅合之當倍於釐金而免釐則出口土貨易於流通加稅則進口洋貨或稍清減取益防損利在無形所謂足國而不病民且陰以挽外溢之利者此也西人聚舉國之財爲通商惠工之本綜其樞紐皆在銀行中國亟宜仿辦毋任洋人銀行專我大利中國銀行旣立使大信孚於商民京府因通而不窮仿借國債可代洋債不受重恩之挾制不喫銅價之虧折所謂挽外溢以足國者此其一也墨西哥國以九成之銀鑄錢運行中國易我十成之銀歲耗以萬億計近來中外臣工多議自鑄銀元廣東湖北北洋南洋先後鑄造分兩輕重悉準墨銀臣愚以爲國家圖法自古及今皆自爲制度隨人趨步各國所無旣不能廢兩爲元各庫出入仍需元寶必致無銀可鑄查光緒十二年十月海軍衙門奏請將應放南北洋經費及東三省餉項均按二兩平核發是餉需改用京平已有成案今宜在京師特設銀元總局以廣東湖北天津上海爲分局開鑄銀幣每元重京平九成銀一兩再酌鑄金錢及小銀錢使子母相權而行凡出款俱用官鑄銀幣各省關收納地丁錢糧

鹽課關稅釐金俱收官鑄銀幣元寶小錠概不准用惟收款仍照庫平十成銀計算庫平較京平定以每百兩加平六兩十成銀較九成銀每百兩應加色十兩除各庫上兌津貼銀一兩定以每百兩加色九兩如應交庫平足銀一百兩者實收銀幣一百十五元無輕重高下之別無減平扣色之弊易簡理得婦孺難欺每年度支八千餘萬兩戶部約可盈餘平色銀一千二百萬兩較向來各省撥解平餘多收當不下千萬所謂挽外溢以足國者又其一也此外商務鉅細萬端設施有序應請特簡通達中外商務之大臣專司商政會同戶部取法鄰國實見施行興起商學鼓舞工藝利源無外溢藏富於商民君孰與不足國何患不強陳熾鑄銀條陳彌維寃書禹貢惟金三品三品者何金銀銅也周興以珠玉爲上幣黃金爲中幣刀布爲下幣恐上幣太貴下幣太賤乃高下其中幣以制上下之用故曰黃金者用之量也蓋天下之財幣惟貴能制賤惟重能制輕非三品兼權不足濟生人之日用三代以前聖神相繼自黃帝以下莫盛於成周而文武當日理財實以黃金爲準遂以車轍一軌九譯來庭固由德化之覃敷亦制馭之得其道耳明初紋銀之貴與黃金等故俸餉地丁概以紋銀出入歲僅三百餘萬而民間仍用銅錢即以貴制賤以重制輕之義也萬歷以後美國銀礦大開運入中國本朝沿明舊制仍用紋銀年復一年度支漸以不敷俸餉皆難自給上既病國下復病官病民何則紋銀之價日賤日輕不足以制物價之貴重也英吉利既得新舊金山自鑄金錢名之曰鎊每鎊重二錢二分五釐持以與各國通商無能敵者蓋閩周法得貴賤重輕相制之道故能縱橫四海獨擅利權各國隱受其虧不能不謀自立美洲分國亦鑄金錢式與英等嗣而法效之矣德效之矣俄效之矣奧日意比效之矣今日本亦效之矣其與英鎊同者十之七八不同者十

之三蓋人貴我賤人重我輕必爲人制我貴人賤我重人輕必爲制人入貴我亦貴人重我亦重則雖不能制人而亦可以自立此必然之理也各國制度不必仿英而不能不仿英之鑄錢者非有金錢一通商卽爲人所制也今各國皆有金錢而中國獨不用不鑄受害之鉅悉數難終約略言之厥有四弊一曰國債中國前時所借洋債尙少然撥還期近鎊價必擡以十成計之輒虧至二三成以上今歲撥三千萬歲虧二成卽多出銀數百萬兩至於購礮購船一切海防之費無一物不買鎊卽無一事不受虧若自鑄金銀錢入之金銀之會以鎊還鎊彼自無辭一也二曰商務通商各口買賣貨物均須以鎊合銀彼有千鎊之金錢即可作萬金之貿易我輕而彼重卽彼富而我貧中國之匯號銀號典肆錢莊無不仰洋商之鼻息以金鎊易紋銀易以紋銀易金鎊難是彼以一金鎊奔走華洋華人已暗聽指揮相率入牢籠之內而平日出入虧累所不必言六十年來中國商務所以永無起色馴至今日海疆各埠無一富商卽偶有之亦必倚洋商通緩急者職此故也自鑄金錢通用金鎊彼此之勢始可持平二也中國辦開銀行以後將與洋行通往來乎抑不通往來乎如通往來必須金可通銀可通票亦可通方無窒礙否則買鎊賣鎊必致受虧亦與國債相等如不通往來其局面僅一匯票莊官錢局耳況國家萬一忽有急需豈能自堅其說則千日積之一朝散之反聚斂中國之現銀以輸之外國矣惟鑄用金銀錢銀行鈔票亦以金銀錢爲數則四通八達若網在綱三也中國既開金礦又不禁金出洋是爲授人利器旣不鑄金錢又不用金鎊是爲自塞來源今日銀賤於金三十餘倍銅錢賤於金錢一萬餘倍他日將金收盡低昂其價值以盤算中國之銀則中國銀根立時短絀市面立見動搖生人養命之源懸於人手蓋貴能御賤重能御輕而

輕斷不能伸重賤斷不能御貴此一定之理雖聖王復起無可如何也惟鑄用金銀錢則大局挽回在此一舉四也或曰中國官民上下所通用者銀耳只須銀多何患金少此在通商以前可也通商以後則不可此後不通商可也此後仍通商則不可何以言之今綜計天下釐金關稅鹽課稅出於內地之商者二千餘萬兩歲有所短各海關洋稅葉釐稅出於海疆各商者亦二千餘萬兩歲有所增是海疆之貿易已與內地相等內地可以銀計海口必以鎊計內地之現銀少海口之現銀多頻年海溢川流彼已將利權操之掌握此後金銀價值高下由人尙能保此銀之長在中國乎惟金銀並用乃可輕重相權且金錢輕便所值較多人可收藏一二文以防不測是鑄用金錢卽藏富於民之上策也或又曰中國金礦甫開奈黃金不數鼓鑄何而無慮也各國之鑄錢者非皆自有金礦也按時價購金鑄錢已能敷用況中國從古至今稱黃金最多之國只須廣開金礦並由銀行金店按市價買金斷無不足現在情形可考而知者海關出口黃金之數歲值銀三千七百萬兩計重一百餘萬兩按照英鎊之重可鑄金錢七百萬元漠河一處出金歲亦在十萬兩內外此外吉林奉天四川雲南等處歲歲增多外國鑄錢之機皆金銀並鑄惟鋼模不同金重於銀一倍金錢雖小而分兩轉多也故金多則鑄金錢金少則鑄銀錢從無停機待鑄之患總之鑄金錢所以標外鑄銀錢所以安內多鑄一金錢卽外國免一分盤剝多鑄一銀錢卽內地免一分拮据而以貴賤輕重之理及現在情勢言之則鑄銀錢猶緩而鑄金錢乃彌急也請言自鑄金錢之利天下各國所用之金惟中國赤金係十成足色標金則九八各國所用器飾錢幣之金自六成至九六而止無能及標金者因鍊金無須化學愈鍛愈純故中國獨居上上耳各國鑄錢之金大略以八四爲率因成

色低則行用不便成色高則資本太多當日英鎊通行卽係八四他國仿英而鑄亦以八四爲衡本不必十成足色也匯豐馬加利等銀行專做中國金銀交易運金出口並無稅釐以彼八四之金錢抵我十成之金價是每金百萬兩額虧十六萬兩矣今我取以鑄錢則每金百萬兩即可淨贏十六萬兩合紋銀五百萬兩其利之大如此故鑄銅錢僅數成本而已鑄銀錢爲國大利鑄金錢則大利之尤此項利源理宜歸國並應奏定程式頒行以重其事則源源運鑄美利開矣請旨通用外國金鎊金錢之利英鎊盛行而後各國相率鑄錢此國之金錢不得通行於彼國出入虧折仍屬不便於民惟中國自道光以來外國之銀錢銷流於海疆內地中國行所無事亦竟無弊端蓋天下之錢本供天下人之用天無私覆地無私載日月無私照則錢幣之流行天壤者亦然此天下之公議也銀錢如此金錢可知今自鑄金銀錢而外國之金銀錢與中國分兩成色相同者均准通用則彼錢皆我錢也在我振興商務以貨易之而已夫天下萬事萬物各有一至當不易之道無中外古今一也自開闢以來五千餘年天下鑄錢之多莫多於今日者各國錢法之亂亦莫亂於今日者而有不多不亂者存於何驗之驗於天下人之便不便而已矣便不便於何驗之驗於通行之廣不廣而已矣今英國之金鎊通行已徧地球美國墨西哥鷹洋所行亦占地球之大半粵鄂仿鑄分兩相同得其要矣中國銅錢雖僅行本國而以御小物畸零分算大益民生此三者皆天下之至便實踰輕重適得其權衡度量之所宜然固圓法中至當不易之大道也然天道復起者勝利弊之故歷久而始明中國當此之時會逢其適實富貧強弱之一大轉機天佑國家時不可失應請實斷毅然釐定圓法飭下英美出使大臣購買鼓鑄金銀錢機器一副來京卽於京師設立錢

局機器之大小以每月能鑄金錢百萬元銀錢三百萬元爲度明降 諭旨定圖法爲三品金錢爲上品成色輕重同英鎊而龍文款式如銀錢每金錢一枚櫻紋銀七兩銀錢十枚銅錢十千外國金鎊金錢與中國分兩成色相同者亦准通用銀錢爲中品成色分兩款式均照粵鄂奏定之章每銀錢一枚櫻紋銀七錢銅錢一千五角小銀錢二枚二角小銀錢五枚一角小銀錢十枚五分小銀錢二十枚外國銀錢與中國分兩成色相同者均准通用銅錢爲下品各省照舊鼓鑄輕重以七分爲率適數其成本而止出入一律概以錢鈔各半爲衡明定火耗公費章程由內外官吏自行酌定請 旨遵行以資津貼佈告中外咸使聞知嗣後有阻撓圖法挑剔留難者以違 旨論京師錢局及粵鄂各省鑄銀錢局並請 皇上準今酌古 賞錫嘉名以著一朝濟變之經開萬世同文之軌提綱絜領操矩持衡萬化之原樞與於此伊古以來安有堂堂大國億萬人民而日餽餽然患寡患貧者徒以鈔幣未定民用不敷物重錢輕致成貧弱以自鑄金錢立其本以參用鈔票暢其流以廣鑄銀錢銅錢宏其用以開礦務農通商惠工諸事收其利而保其權若網在綱如金受範清師夏后繼美周京然而不強不富者未之有也

陳熾通用金鎊說裏糧以適千里載十斛粟與十千錢孰便則必曰錢便也攜銅錢十千與銀錢十元孰便則必曰銀錢便也攜銀錢十元與金錢一元孰便則必曰銀錢便金錢尤便也雖然此猶千里數千里之遙耳若遠而至萬里數萬里則舟車屢易行李多虞攜銀錢至數千元數萬元數十萬元數百萬元其累重與銅錢等水有風濤之險火有回祿之殃盜賊有掠貨傷人之慘金錢則以一值十萬一有事銀錢須十人擔負而逃者金錢則可以一人荷之而逸其便利何如乎古之時民情渾樸九州瘠井地限中原

粟布交易而可矣。唐朝拓地日廣，民用日繁，乃采銅鑄錢以通貿易，雖有黃金僅貴者贈問之儀，不爲幣也。嗣後錢法世輕，世重黃金漸少，白金漸多。唐宋以來，遂開銀冶，至有明嘉靖之世，西人採獲美國墨西哥銀礦之旺冠絕寰瀛，遂由粵海通市之區，浸淫內地。維時中國之銀二兩，易黃金一兩，金不貴而銀亦不賤也。而地丁錢糧改折銀兩，上兌中國之需銀日多，外國之來銀日廣。彼以銀易貨，我以貨得銀，尚無所謂虧損也。英人商務興於國初，其本國出金素多，又得新舊金山兩金穴，乃用金以籠天下之利，廣鑄金錢，名之曰鎊金錢。一值小銀錢二十，所謂先令者也。乾隆時，美人自立爲國，然舉國皆英人，其用金鎊如故。而美墨二金漸少，國銀益多，專用銀者獨中國。印度歲歲載銀入口，易我之貨與金，由是中國金日貴，物日貴，而銀獨日賤。舊有之銅錢亦隨之而賤。二貴二賤，是生四弊。黃金者國之寶也，彼不惜賄以重值，中國富商貴人爭售之，以要目前之利。而舉國無蓋藏，設有不虞，何以備之？是貧中國之富人也。弊一，飲食日用各物，生人之所必需，今使之無一不貴，懷寶啼飢而萬姓無安樂錠而走險，何以禦之？是貧中國之窮人也。弊二，內外各官之廉俸，自有明以迄本朝，本無所爲，不足以糊口而養身上，既不能議增，不得不取之於下，貪官蠹吏接跡於時，雖有刑誅，不能復禁，是壞中國之吏治也。弊三，四裔諸國向不鑄錢，惟中國獨有得錢則珍如拱璧耳。今各國皆有錢，其金錢一文，較銅錢貴至一萬二千倍。華錢之太賤，可知錢既賤矣，而又太重，且內含銀質，概目以銅。中國之私鑄者，因其重也。以一文化兩文，猶倍利耳。外國之私銷者，因其有銀也。以汞引之，每銅錢一千，可提銀數兩十數兩，二十餘兩不等，遂有數十倍之利，而妄可以服。

法禁之故中國之銅錢不盡不止是絕中國之民生也弊四中國此後果自問能閉關絕市則不鑄金錢
我行我法焉亦可矣如不能禁西商入口又不能禁華貨出洋則彼之錢皆貴我之錢皆賤非彼富而我
貧乎彼之物皆賤我之物皆貴非彼通而我塞乎彼富我貧則日仰人之鼻息而中國無富商矣彼通我
塞則日予彼以奇贏而中國且將無貧商矣通商六七十載輪船飛行而印度越南緬甸諸邦無一商運
貨自通中國者利權一授他人則貧苦艱難永作終身之奴隸耳嗚呼可勝歎哉欲收利權欲興商務非
自鑄金錢不可金錢之輕重非仿用英鎊不可英國出金最多故欲以金錢為準比來美國銀礦大旺故
欲參用銀準而英尼之何則金多之國利用金銀多之國利用銀故也英之尼之者亦所以固守利權也
中國產金最多產銀最少而自明以降官民上下通用紋銀固已不識外情受人盤剝矣各省金銀諸礦
相沿至今一律封禁又且不知內事啟彼覬覦矣泰西各國咸謂金價大昂金產太少不敷全地球萬國
通商之用惟中國金礦閉置未開必須開中國之金始足給生民之欲故英之窺川藏也金也法之窺滇
桂也金也俄之窺東省也金也日之窺高麗臺灣也金也茲利生孽有齒焚身中國以此區區將為衆射
之的何如速開金礦自鑄金錢使天下利權仍歸於己乎宜貼鑄錢機器專鑄金錢飭各省礦金一律歸
官采買鼓鑄私售者重治其罪民間舊有金器亦按時價收之所鑄之錢款式用龍文分兩同英鎊金錢
一抵銀錢十永著為例各省關均頒一分成色一律而中國通行矣各國均贈一分並知照各金銀之會
成色一律而外國通行矣如是則四弊可除乃興四利金葉金凱惟巨富者始得藏之耳鑄以為錢則貧
苦食力之民亦思人皮一二枚以防意外則國寶不流而一弊除彼之持我貨賤者以金鎊耳今我自有

金鎊又能廣闢利源中西之貨貴賤相等則民用可足而一弊除京官之俸以銀一兩折金錢一外官之廉俸旗綠兵勇之俸餉更役人等之工食均以銀二兩折金錢一裁額而加倍則貪吏皆成廉吏而三弊除中國既自鑄金錢又復廣鑄銀錢及當五當十之銀銅錢以貴權賤以大權小以少權多即使舊錢盡銷而已數周轉則無錢忽變有錢而四弊除海關進出口稅皆以英鎊金錢通用中人西人買貨賣貨亦以英鎊金錢通用皆免以鎊折銀暗受虧損利一國家購船購礮撥還洋款或他日恩借洋款皆可以金錢抵英鎊免致買鎊賣鎊出入參差利一中國金錢輕重與英美之金鎊同中國銀錢輕重與美墨之銀圓同則彼之金鎊銀圓均可通行於中國中國大開地利以貿易之則彼錢皆我錢也利三中國產金之富久爲各國垂涎今金礦自開金錢自鑄操於我利溥於人則邊陲漸銷戎心漸息民生日富國勢日強利四此一事者不止爲商務言之而其利益於商務固無窮也且必自有金錢而後可言商務也使當十年以前早明於中外權衡之故出我之美利以利四海之人則百廢俱興已成天下第一富國而惜乎覺悟之已遲也門戶已開藩籬皆撤人皆下手我始留心及今而爲之其難有十倍於當日者然及今而不爲之則亦更無能爲之日矣印度越南朝鮮緬甸其前車也

二十三年通政使參議楊宜治奏竊查七月二十五日江海關道劉麒祥來電稱本日英金鎊價規平銀一兩合一先令四本土二十六日並轉諭總稅務司赫德聲稱近日以來鎊價自七兩已漲至八兩有奇月內尙須續漲不知所止等語鎊價愈漲則中國征收所入使費所出無不加倍喫虧借款一項喫虧尤鉅而久中國國家商民交困其患俱在有形獨此鎊價遞昂耗物力於無形之中日加一日誠爲奇厄莫可挽救元

氣就竭伊朝底止論者謂鎊價故昂蓋西人之蓄意以華待其困極而唆之愚懵亦以爲然久而知其說之
億逆而不經也考中國周秦漢之世貨布泉刀率皆以銅而金銀亦不甚貴漢賜臣工勅曰黃金數十斤漢
舊謂外城以銀爲錢錢如其王面維時中國銅山甚富外域銀產初開故各尚有土官以一國家之圖法今
數千年以來外城銀礦充塞轉而重金中國黃金已耗降而重銀又直省均准開局鑄錢各異銖分任郡縣
商民自爲權量遍地私鑄不能如律禁止當圖法大壞之秋適各邦整齊之日烏在其不困也於人乎何尤
洋貨入口售得銀除買土貨外贓得之銀悉在上海銀行兌換鈔票及各國銀紙回國蓋中國未鑄之銀
西國視同貨物不能易幣祇可鑄器西國秤匣無非銀質是其明證此金鎊日貴而華銀日賤之由也欲挽
積弊弭大虧非率宇內之權量整齊而畫一之定準圖法以興各邦平均往來不可若徒憤憤於人之困我
坐以待斃此自窘之道也近來中外臣工條陳圖法不知凡幾或慮其紛更囉擾而不忍遽行或偶爾開鑄
銀元而未能流通收效意者尙未扼其要領參酌時宜使宜舉而易行歟臣曩年周歷各國見其圖法無不
自定極準之式如法之佛郎德之馬克俄之盧布皆銀質三國皆有金錢三等之幣皆由國家定準價值入
其國者必遵之各國之幣皆可通行惟金錢尤便各國金錢輕重稍別而以英金鎊爲準故鎊價視英金爲
定按華公祐平約計英金每鎊重二錢二分英銀錢一先令重一錢五分一金鎊合二十先令一先令合十
二銅質本土同治年間每鎊合中國規銀三兩半錢三分光緒十三年春每鎊合規銀四兩一錢六分五釐
規銀一兩合四先令今則一金鎊合規銀八兩有奇一先令四本土合規銀一兩是英銀三錢五分合中國
銀一兩矣燃眉之急莫切於此擬請 諭旨准予變通先按先令分兩成色式樣鑄造銀錢務令京師直省

一律通用專聘英國匠師購運英國機器在京滬地方審定一處開鑄俾與畫一嚴禁僞造並請一面飭
下各直省將軍督撫速採金礦聘匠開挖將來再仿英鎊式樣鑄造金錢並嚴禁內地黃金出洋以杜漏溢
聞漠河一處每歲採金不下數萬兩皆運上海銷售官照時價收回銀錢既鑄金錢續成由是可仿英式製
造鈔票金銀錢存儲 國庫直省庫視存錢之多寡為準則鈔票輒轉流通無用之金錢將同土壤矣一轉
移間不加賦不事捐輸不求人加稅立卽挽回利權三倍富國救貧之策無捷於此所有擬請整頓圜法冀
弭鉅虧各緣由謹就管見所及恭摺具陳是否有當伏乞 皇上聖鑒 訓示謹。奏光緒二十三年八月
初一日奉旨該衙門依議欽此 邱鈔

戶部咨總署片為片呈事在總理各國事務衙門片稱軍機處鈔交通政使司參議楊宜治具奏鎊價日
增請變通成式鑄金銀錢以彌鉅虧一摺奉硃批該衙門議奏欽此查此件應由戶部主稿會同本衙
門辦理等因鈔錄原卷片行前來查原奏擬鑄先令金鎊原為外洋鎊價日增設法抵用起見惟中國鑄
金銀錢按照外洋分兩成色式樣仿造將來鑄成以後歸還借款及購買船械外洋能否一律通用本部
殊難懸斷事關交涉要務相應片呈貴衙門詳細酌核速行見復以憑辦理可也須至片者 邱鈔

總署復戶部片光緒二十三年八月初九日准片稱通政使司參議楊宜治原奏擬鑄先令金鎊原為外
洋鎊價日增設法抵用起見惟中國將來鑄成以後歸還借款及購買船械外洋能否一律通用本部殊
難懸斷請酌核見復以憑辦理等因本衙門查原奏約分三段首敘鎊價之低昂借款征稅使費出入之
虧耗貞華之不能不變次敘各國通用金銀錢置未鑄之銀為無用為金鎊日貴華銀日賤之由未敘英

金鏹價獨行於中國中國自不能不仿照夫英式因請自造金銀錢以定內地圖法之準三段中帶敘宣
與各國一律平均往來及各國金銀錢皆準通行以爲將來之比例並以權量參差私鑄未禁爲圖法之
亟鄭請禁外溢推廣開挖以保大利而裕金源並無一語提及抵用而在冒外蓋聘匠購機得法
成色式樣不差務令境內一律通行官商出入相準入吾境者樂簡易而信公平計無不可抵用之理大
抵金錢利於外洋銀錢便於中國中國現行金價每錢換三四兩微零英鏹二錢二分合中銀八兩有奇
卽以未鑄者購鏹亦已差足抵用所懸絕者先令與生銀之數耳英國既可以一錢五分之先令合吾銀
四錢四分沿海商民遵之不背中國有自主之權戶部總天下之賦亦何難自定壹之式乎而猶不必
遽驅迫吾民勒令海疆外省通用也先設官金銀行在京師開鑄試辦今凡赴部納款者必在官行買先
令金鏹上兌務期出入往來之價一律以昭大信於是可逐漸推行矣比如今日官行定價每一華先令
合銀四錢四分洋商游士持一華先至何處行號皆得易銀四錢四分上下卽無不願行用再以抵款彼
願收我金銀錢則照時交付或不用金銀錢而用銀卽以我金銀錢易得之生銀與之其數亦適相準所
謂收利三倍者蓋先收吾華虧與外洋之利歸之公家也或疑以一錢五分之華先收閩閈四錢有奇之
生銀損下益上勢必不行要知國幣者非論分兩也乃憑據也信票也民間行店以銀易京蚨數千至百
兩千兩之紙票何以流通國家以銀錢爲票出入相準以示信尙何損益之有夫古之鹿皮貨布尙矣漢
初鑄五銖錢以當半兩宋大觀鑄澆銅錢以當十全盛之世有行之者矣今準交涉之時價而鑄此銀錢
計亦不過當五耳直省有司果能曲體此意曉諭地方當不憲其不行至於繳納公款向有費用仍應定

明加扣以資辦公商號行使亦可注明扣折以歸用民間票據不致廢歇此皆外洋之通例不過較之歧平歧色任意扣算者稍爲不便然裨益於公家者甚大且以之正人心厚風俗者甚微也此事總檣利害似屬當行惟尚有宜防之弊一端金錢之可通用無疑矣華先令一項將來果行於內地亦自可行於外洋但洋人心計最工財力最大加以華商爲之謀主謂華先既抵用於外洋而英先亦當行於中國於是廣運英先購我華銀銀必驟漲購我華鎊金必外溢而積滯之英先或不銷行於內地又不能轉銷於外洋是不可不防也防之之法應援英例以示禁英例凡交涉貿易用先令過二十以上則折爲一金鎊用錢或以貨準鎊或以金錢易鎊而不用先令蓋杜其以銀錢之多耗竭金鎊也各國用金銀錢與英足以相抵惟中國用銀多一折合故宜防其暗算此弊當在十年外華先令與外洋通行之後特先慮及是在貴部之預計耳

二十七年諭鑄造銀圓與銀兩相輔而行較爲利便惟必須明定章程先由京外各庫於收放各款內搭成行使昭示大信方可推廣暢行近年各省所鑄銀圓以廣東湖北兩省成色較準沿江沿海均已通行應即就該兩省多籌銀款源源鑄造卽應解京餉亦准酌量撥作成本仍以每圓庫平七錢二分爲準並兼鑄小銀圓以便民用嗣後該兩省每次報解京餉准其搭用三成所有鑄造餘利儘數販賣歸公此外各省並可撥款附鑄不必另行設局亦准搭解京餉其各省徵收錢糧稅釐概准其以銀圓搭用三成完納各州縣解司道等庫各省調解部庫均按三成搭收一切支發俸餉等項亦准按三成搭放仍嚴禁吏胥刁難挑剔諸弊務使收發一律確無欺重輪轉自可逐漸暢行俟通行後再行按成遞加以期行用日廣著戶部及各直省一體遵照辦理

並著廣東湖北各督撫嚴飭局員多擇良匠加意鑄造務令成色絲毫無爽益求精工如查有參差不齊之處即將經管之員嚴參重懲其認真考覈有利無弊者酌予獎勵所有動撥出入款項及每月鑄成銀圓數目俱

按季報部查覈以昭慎重

郵鈔

又 諭江南銀圓局創設多年行銷甚廣已著成效亟應照舊辦理著劉坤一會商張之洞陶模等將江鄂粵

三局並造章程切實通籌妥議具奏

郵鈔

江督劉坤一鄂督張之洞會奏銀元之利有三平色畫一出納分明更胥不能舞弊勒索官民不致貼補受累一也商賈交易簡捷無欺騙偷無權既益於行旅亦便於贖兌二也官款收發全用銀元以大元爲母小元爲子相輔而行工火局用外尚有盈餘三也惟官發之款若係采辦官物製造工料等事商民物價工價必然暗加其中且出納皆以大元爲主小元不能過多然鑄數發數既多盈餘亦尚不少此爲整齊銀幣之善政尚不在有無盈餘也惟有最要兩義或謂中國用銀皆以兩計各國洋銀皆係七錢二分宜每元改爲一兩方爲整齊適用此論未嘗無見特是錢幣之制權量之法必先有雄厚之力乃能操轉移之權中國財瘠商弱不能自爲風氣以後尤甚若銀元輕重恰與洋銀相同尚可依傍洋銀而行設改爲一兩與洋銀數目參差恐沿江沿海洋行不肯行用商埠不行內地必阻故仍須鑄七錢二分者方有暢行之益或又謂官收則按庫平庫色補足官發則以銀元當紋銀計算不必補水部庫可歲得鉅款此則萬萬不可出納必須一律商民方能流通蓋交官之款自必指定專收中國_舊紋銀元然則收款所進之龍元仍是官局發出之原物必官先發一萬然後民間有交官之一萬是官款發出時已先將此一萬之盈餘扣收在庫矣果能收

發一律則商民信用不疑散布天下或辦貨或積存周轉不已大率皆在民間豈能將每年發出之數全以繳納官欵還之於庫乎若出納不一則民間亦以九成視之其勢斷斷不能通行且爲英國麥西哥日本諸國銀元所軋必致從而壓價每元尚不及九成之寶數華商自行壓價何論洋商商埠既須折算民間安肯收用壅滯虧折其損多矣尙何盈餘之有乎昔咸豐年間審行鈔票矣徒以計臣不知理財之大道不考宋人交子會子之用法不籌票本其意但欲出空紙以換實銀於是出納兩歧發款搭成多收款搭成少或收款全不准搭或發款全用鈔票戶部既不視爲實銀民間亦遂視爲虛器數年之後壅廢不行鈔票一百值銀二兩此乃前車之鑒萬不宜以此自阻銀元之銷路也

戶部郎中袁昶擬覆吉林省試鑄銀錢片再臣部同日欽奉 諭旨覆議吉林將軍希元等附奏變通錢法試鑄銀錢一片臣等惟錢帛之法迄無定論權其利害原可因時變通然欲有所通則必先有所塞不謂求塞害之方而遽期變通以興利未見其可也前明初政患天下銅少而議行鈔故禁銀而用鈔 國初議者賭地丁徵銀吏貪民竭之弊故欲禁銀而用錢道光中鴉片烟流毒中國中國歲漏銀出洋以三四千萬計於時民間之銀驟貴故當日建議諸臣咸請設爲貴錢賤銀之法以救其弊故曰有所塞斯有所通也逮五口通商以來各國競鑄銀錢浸消中國東南沿海各省分民間每洋錢一枚計重七錢三分尋常市價抵上海規平紋銀七錢四伍分價昂之時竟有作至八錢者以色低平短之洋錢其價反浮於足紋之上利權之重輕自質胡操之暗中銷蝕漸推漸廣於是議者又有仿鑄西洋銀幣以塞其流之說臣等察微慮患久經緝度及此而不遑請改鑄議行者正以熟權利害尙未得其要領故也何以言之中國

之銀出自坑冶者少來自番舶者多賦餉出入一律用銀行之錢三四百年然自明中葉以來番舶率以銀奪中商百貨之利 國朝乾隆以後番舶又廣鑄洋錢以奪中國用錢之利取擗愈便計較愈工雖中國絲茶兩項為歲入大宗未足以敵鴉片一項漏銀出洋之害洋商墾市漸廣百貨浸銷中國現銀年減一年協餉各省互相混注僅數流轉欲鑄銀幣本源先洞一難也鑄幣非質精製工不足以禁盜鑄然使傾鎔火耗費紋銀八九錢鑄每重七錢二分之銀餅鼓鑄之成本太重商民未受其利 國帑先有所虧二難也鑄局不慎有收舊充新之弊流通民間有銷毀翦剔之弊而工頭匠役機和鉛錫種種作偽之病猶不與焉三難也江浙閩廣私鑄洋錢者林立利之所在趨之若燒道光中江蘇撫臣議鑄銀餅搭放兵餉未及暢行僞鑄充斥事遂中止今則口岸逋藪更多察奸不易四難也故論今日事勢非仿鑄洋錢不足以收回利權然審舶之來源不塞中國之礦利未開其事固有窒礙難行如此者茲據該將軍等奏請試鑄固僅以一隅冒之非舉全局統籌之然權其利害仍無以易不塞則不能通之說查原奏稱吉省制錢久缺銀價日貴市肆創有憑帖抹兌過帳各名目農民小販往往不得現錢使用以致百貨騰貴一節此銀錢兩缺而奸商得暗擅行鈔之害也失銀少則惟有改于收款放款皆用錢以濟之錢少則非收買銅斤開採礦產禁用黃銅器皿廣為鼓鑄並招徠制錢不足以維其窮吉省為我 朝龍興之地世復除無丁賦無耗羨額徵地銀裁八萬餘兩應征地租錢僅二十四萬餘串釐金錢歲入裁十三萬串雜稅等銀止三萬餘兩而歲支俸工養廉雜款乃三十九萬餘兩鍊軍協餉又歲出三十二萬依克唐阿等防邊各軍歲餉又約五六十萬皆受協部庫及各省放款多而收款少今試鑄之錢將舉收款放款均勻分

搭若干成而於兵民之便否尙難懸揣將放款搭用而收款照舊銀錢並徵乎則出入參差亦非所以協
物情該將軍等並未籌有試行費一章程其疑竇一也民間各種貿易往往頓置論銀而零賣論錢今銀
餅一出市價漲落其權將仍操之奸商若官爲定價朝三暮四又恐商民之情滋擾且制錢缺乏如故仍
無裨於鄉氓小販折閱受累之病其疑竇二也吉省民情俗奢游手坐食者多故致百物昂貴其商賈素
乏歸本率仰食于西商以資轉販奸商遂歛現銀散楮幣操其奇贏輕重貴賤胥拱手驅命而不敢怨此
乘強兼并之害各省皆然故前蘇撫丁日昌曾奏請參用西法官設公司銀行以挫其積重之勢今該將
軍等於官爲斂散設法阻遏私鈔各事宜並未預籌恐奸商之弊不絕官銀輒轉折耗仍名其疑竇四也
原奏稱由俸祿各餉項下提銀製造而於每鑄銀錢一枚工本幾何並未聲明查洋錢以美利加之墨西
哥出產最多彼土產銀故取之不竭吉林不產銀其源易涸加以傾鎔鼓鑄之費其利幾何而又凡預防
私鑄私燬機偏之弊等法未據詳立章程將來流弊層出難防其疑竇四也原奏又稱所鑄銀錢有各重
一錢三錢五錢七錢一兩之別查外國銀錢有他拉西林本土佛郎碼克法丁諸名目各國制度不同要
皆輕重兼權可合可分非隨意輕重漫無一定之品數等級也今既創鑄銀幣自宜參仿夷制一分而爲
四又分而爲八諸式以因統子以大御小如此則虧耗既少而於製作工巧平色抽縮之中暗獲贏餘以
資鼓鑄之費市價亦不至挑剔差參漲落不一何也名定則不爭事便則上下之情必可翕然無疑也該
省既籌通變之方宜徧攷各國錢模究以何者爲便然後折衷定式出示本轄境內或可逐漸流通否則
徒費人工實耗物力反不如用鉛之直截簡易不致大駁物聽其疑竇五也總之欲杜私鈔之害則宜抑

奸商欲行官造之幣則宜防盜鑄錢救物貴之勢則宜禁游惰欲濟銅銀兩缺之窮則宜籌礦務通塞之勢已成改鑄一事臣等未嘗堅執以爲終不可行苟行之有益無損亦何憚而不爲第未據詳細立法其中恐多委礙事關國帑且須便民示之以信方可施行相應請旨飭下該將軍等熟計利害斟酌條目據實覆陳再下臣部覆議行之庶損益得中而時宜不失乎臣等爲慎重錢法起見理合附片覆奏是否

有當伏候聖裁謹奏參軍蠻語

朱一新曰通商專用金銀故中國不可用鈔中國之鈔非外國所通行彼以貨來易銀而去我自用鈔而彼則廣收中國之金銀一旦有事銀根既竭用鈔者紛紛罷市外夷乃得操吾中國之利權而事益不可爲矣大抵重農者必貴粟帛重商者必貴錢幣錢幣之事由繁而日趨於簡今時銀貴他日又當金貴主國計者設法以使銀之流通則可欲廢銀而別籌重滯之物以易之物且益滯銀且益昂無裨於貧民而富民亦將變爲貧民是自困之道也無邪堂答問

馬敬之銀幣論天下之大害曰飢寒天下之大利曰菽粟曰布帛菽粟極圭撮布帛極分寸撮之以錢幣交易始鬯銀幣者權錢幣者也利宜與錢分行明中葉國賦頗徵銀迄本朝銀幣遂盛乾隆嘉慶間陝西廣郡婚娶之酬飲賓友之惠貽匪錢幣意若嫌天下之幣乃壹出於銀乃以錢權銀今置數者其前銀所欲也錢所欲也菽粟布帛所欲也然菽粟布帛提挈整頓卽以今制錢準之緡若重七觔一人所勝率二十緡而止或數百緡數千緡則非舟車運般未由致遠奔走天下惟銀幣乎銀幣生錢幣病菽粟布帛

死貲累鉅億萬便官吏便商賈便盜賊便吾農吾氓彌甚不便今夫
不便而輒轉而已得銀猶可說也坑冶之設向兼采銀厥今永行禁閉市舶之集向資來銀厥今反廣透
漏禁閉嚴銀源絕透漏多銀流決而又釵鋤銷鎔去其一杯箸銀缺去其一椎箔研泥及雜物塗毀去其
一是故銀幣耗農夫織婦畢歲勤勸低佔以售之所得之錢不可輸賦更進而櫛銀近日廬中并未聞以
銀贋者日復一日錢并壅於商賈不能得銀且不能得錢金之用珍於銀天下不憂金之耗者國家制
幣在銀不在金也錢之用浩於銀天下不計錢之耗者鼓鑄未停抑供億所亟在銀不在錢也皆諸身菽
粟布帛心膂也錢血脈也銀指爪毛髮也譬諸家菽粟布帛父母也錢子弟也銀備隸婢妾也先指爪毛
髮備隸婢妾而後血脉子弟吾見心膂之埋鬱父母之軒轅而已矣以錢權銀菽粟布帛益賤銀益難得
天下之人嗟嘆乎背棄閭井驚爲商賈必至愚至劣者自念辱情姑隱忍緣陋陋而徇固陋而氣固
其不靖官吏則貪冒橫城府盜賊則攘奪橫江湖遲之數十年恐釋耒而倚市投杼而刺文者尙良民焉
耳易曰物窮則變變則通通則久又曰節以制度不傷財不害民處極敝之時而不思變通之術節制之
經坐令上虧帑藏下毒黔黎有志之士所欲搔摩而抵掌也宋熙甯中張方平疏言比年公私交困并皆
乏錢農民皆變轉穀帛輸納見錢錢既難得穀帛益賤人情窘迫謂之錢荒方今天下豈不謂之銀荒者
與
刻乃銀幣天下不廢銀幣斷斬矣譚者顧踵沼輒云古未嘗以銀爲幣魏源氏近之達者也其軍儲篇亦
云宋明以前銀不爲幣此惟漢書食貨志稱秦并天下幣爲二等而珠玉韞貝銀錫之屬爲器飾不爲幣

爾太皞始鑄金禹湯鑄厯山莊山之金不必其銀不必其非銀矣荆揚貢金三品梁州銀鐵并賣爾雅白金謂之銀其美者謂之鍊不必其幣不必其非幣矣漢武帝元狩四年造白金及皮幣少府多銀錫又造銀錫白金其後官鑄赤爪白金稍賤民弗寶用賣禹上諫宣罷采珠五金銀鑄錢之官亡復以爲幣王莽即真漏信圖識忌劉金刀乃龍錯刀契刀五銖錢更作金銀龜貝錢布之品名曰寶貨其銀貨二品則朱提八兩爲一流直一千五百八十他銀一流直千晉武帝保定元年河西諸郡或用西域金銀之錢如今洋錢通典梁初交廣之城全以金銀爲貨幣韓愈奏五嶺買賣一以銀元稹奏狀自嶺以南以金銀爲貨幣雖遐陬僻壤兼之市舶銀未通行固爲幣矣源又曰銀鑄開采唐以前史書從無其事而下篇引周禮升人掌金玉錫石之地而爲之屬禁以守之若以時取之則物其地圖而授之巡其禁令謂治坑閉閉禁令之始庸當時獨造銀邪後魏宣武延昌三年有司奏長安驪山有銀鑄二石得銀七兩其秋恆州上言白登山有銀鑄八石得銀七兩錫三百餘觔其色潔白有逾上品詔并罷常令采鑄云從無其事何邪貞觀初侍御史權萬紀上言宣饒二州銀大發采之歲可得數百萬緡帝以耑旨稅銀之利黜萬紀一時矯意千古經制乎哉道不變者也法世變者也變法以牟利害卽階變法以斥利害卽祚錢子也菽粟布帛母也母可櫛子子可櫛母例錢於銀銀子而錢母錢幣不可櫛銀幣錢幣痛輕菽粟布帛痛輕管商把牢盆糲留典會計不能使裕矣而況材管鑰量斗筭詣以大計弱晒強罵一二畸儒碩士罔顧事勢之宜與否矯枉偏持務伸己說徑行其說不毒天下也幾希畢初所聞可以闢其口而奪之氣也

姚文相用銀利弊論古之爲市者以其所有易其所無皆粟與器械而已上之取於名亦粟米布綢而已至不得已而後以錢權之而又未嘗專用錢也降及後世泉貨交易因時遞變而日趨於難至今日之用銀而極矣蓋舊論之銀之爲用行之一方則可以之通行天下則不可行之一時則可行之以爲久遠之計則不可聽民之自爲交易則猶可征收支給上下通行則大不可何言之唐時嶺南貿貿一以銀見韓愈元稹奏狀通典亦載梁初交廣之域全以金銀爲貨蓋地瀕南海坑冶多而海舶利也宋仁宗時詔諸路歲輸繕錢福建二廣易以銀蓋亦因之此則行之一方有餘而無不足者也夏有水患禹發厯山之金作幣以救民商有旱災湯發莊山之金作幣以救民此行之一時有利而無弊者也自元以來銀竟通行不可救至明初禁用甚嚴乃未幾而通行如故漸至賦稅俸工無一不銀積重之勢極矣當時議者極諫用銀之便行之既久吏民亦尙相安然而征收支給上下通用行之天下垂之久遠恐終以爲大不可者何也夫人心風俗國家之元氣也食貨者天下之元氣而國與民之所賴也銀既通行則銀貴而粟賤粟賤而田輕於是天下皆棄本而逐末夫務本則安於樸厚逐末則習爲詐其勢然也民務本則田野日闢食貨自饒而人皆飽煖民逐末則田多拋荒食貨日絀而人受飢寒又其勢然也黠詐之甚流爲姦惡餓寒之極歸於盜賊而銀者輕而易齎又適足以便奸惡之侵欺而使盜賊有所勸於是循環相生世變日增而弊所底止天下之元氣日耗一日此其不可者一也古者民有恒產朝廷制之故天下之利權皆歸於上後世井田既廢產不可問然錢之行也猶足以權食貨之輕重至上下通行一皆以銀則粟帛賤而民不制錢滯而國困獨所謂黠詐之民逐末致富起而爲豪商巨賈者稱貸則重利剝民居奇則厚

貲積。銀錢輕重之權出其操縱官民拱手而聽之夫朝野交困而蒙猾擅其權尚可言乎此其不可者一也銀之出也非由於渾之各廠卽來自番舶然銀廠之設不耕而食者約有十萬餘人漢貢禹所謂一歲受饑且七十萬人者昔人指爲根本切實之論銀廠之置何以異此且近廠之地食貨必貴盜賊必多又煎煉之爐煙薰蔽豆洗礦之溪水損削田苗至若供億一切尤種種難整是資於課者無多而害於民者實甚非計之得者也若專恃番舶則棄國中本有之貨而轉仰給於外番常變既不可知漏卮已所難塞尤謀國者之所宜深念者矣此其不可者二也銀者饑不可食寒不可衣平時視爲至寶設遇干戈水旱而聚帛無可得易銀亦廢物而已故征給用銀無論逋賦愈多度支愈細也卽能府庫充盈亦非至計前明正統間以官倉儲積有餘令所在出積滯變輕齎乃自折銀之後不二三年水旱頻仍設法勸借至千石以上以賑凶荒者謂之義民詔復其家然空虛已見而相沿用銀仍未諒改旣而都國大祿倉無見粟民思從亂國隨以亡豈非百世之鑒歟此其不可者四也夫合此四者言之則是銀之通行授權蒙猾日耗元氣於不知且所出之途隘而積之府庫又緩急不足恃然而數百年來征收支給上下通行用之天下垂之久遠而未嘗盛然返者何也曰用銀則軍民省輶運之勞倉廩免紅朽之患其爲利也顯而四不可者害雖中於本原其爲害也隱顯者其利淺隱者其害深庸人見其顯不見其隱見其淺不見其深是以數百年來官民受困數倍於前而不知其由於用銀也卽有一二見及者畏難苟安一誤再誤可勝歎乎夫物極則變變則通用銀至今日可謂極矣前此竟未議改或者變通之舉將留以有待於今日誠能詳考昔人之言赫然改法征收支給概不用銀使制錢流

通古今統萬物天下無世知 盛朝之所爲超出尋常萬萬也豈不盛哉經世文指揮

銀行

光緒二十一年廣西按察使胡熾棻奏一籌鈔幣銀幣以裕財源昔元明以鈔票爲唐政者則以一紙空券欲抵鉅萬現銀情同誑騙耳西國以鈔幣便民者則以有一萬之銀始發一萬之票無絲毫虛浮也中國不自設銀行自印鈔票自鑄銀幣遂使西人以數寸花紋之券抵盈千累萬之金如德華有利等洋行之鈔票是也以低潮九成之銀易庫紋十成之價如墨西哥呂宋日本等國之洋錢是也今誠能於各省通商口岸一律設局自鑄金銀銅三品之錢預定相準之價垂爲令甲一面於京城設立官家銀行歸戶部督理省會分行歸藩司經理通商碼頭則歸關稅總核賜極精之器造極細之紙印行鈔票而存其現銀於銀行安定期章程明頒 諭旨俾民得以鈔幣兩項完納租賦稅釐至各省旗兵綠營防營之餉京外文武百官之廉俸亦即以鈔幣兩項分搭勸撥而尤必各處銀行於出入授受之間隨時查核不至鈔溢於銀並絕無毫釐短折方能取信於人持之久遠惟用人必須按照西法用商務之章程杜官場之習氣慎選精明廉潔之人綜計出入其餘亦須屏絕情面皆由公舉不得私薦方免弊端至於放恩責成殷實保人一有虧折惟保人代償押款則值十押七一經逾期拍賣價抵不足仍向欠戶追還票能照此認真辦理實力奉行其收回利權生息款計每歲盈餘之數至少當在千萬以上此誠今日至要之務不可忽視者也

二十二年太常寺少卿盛宣懷奏銀行昉於泰西其大旨在流通一國之貨財以應上下之求給立法既善於

中國之票號錢莊而國家任保證權利無旁愧故能維持不敝各國通商以來華人不知務此英法德俄日本之銀行乃推行來華擾我大利近年中外士大夫灼見本末亦多建開銀行之議商務樞機所繫現又舉辦鐵路造端宏大非急設中國銀行無以通華商之氣脈杜洋商之挾持議者謂國家銀行當全發帑本簡界大官通行鈔票由部造發如英法等國財賦皆出入於銀行是戶部之外府也然中外風氣不同部鈔股鑄未遑教官府之制度運貿易之經綸恐窒礙滋多流弊斯集或致委重西人取資洋款數千萬金咄嗟立辦其詞甚甘其權在彼利害之數未易計度臣惟銀行者商家之事商不信則力不合力不合則事不成欲慎始而圖終必積小以成大擬請 簡派大臣遴選各省公正殷實之紳商舉爲總董號召華商招集股本銀五百萬兩先在京都上海設立中國銀行其餘各省會各口岸以次添設分行照泰西商例悉由商童自行經理臣前在上海與開設粵閩浙滬江漢各海關官銀號之紳商候選道嚴信厚議及銀行之事嚴信厚顧全大局情願以其獨開之銀號歸併公家之銀行使其氣局寬廣並照匯豐銀行規制以精紙用機器印造銀票與現銀相輔而行按存銀之數爲印票之數以備隨時兌現各省官司向銀行借貸應照西例由總行票明戶部批准以何款抵還方能議訂合同歐洲國債數千百萬皆由銀行籌辦印發借券應收年息歸行取付大信不渝集事自易嗣後京外撥解之款可交匯以省耗費公中備用之款可暫存以取子息官造銀元倘不通行茲利者可由銀行轉輸上下官得坐收平色之利銀行用人辦事悉以匯豐章程爲準則合天下之商力以辦天下之銀行但使華行多獲一分之利即從華行收回一分之權並照西例俟有餘利酌量提捐歸公預定章程遵守商民既交得其便國家即陰收其益俟將來官商交孚內外政法變通茲利再

行等設國家銀行與商行並行不悖庶幾早更措施以免空言無補謹附片陳請伏乞 聖鑒訓示謹 素

郵鈔

總署議覆盛宣懷條陳摺 其理財一條所稱欲求足國先無病民欲收商利在挽外溢加稅之議開洋人以贊金爲詞蓋窺我國用之總必不能停收贊金也應機決策莫如徑免天下中途贊金加關稅爲值百抽十令彼無所藉口贊金既免則仿行西國印稅之法辦理得宜計加收之關稅新收之印稅合之當倍於贊金西人通商惠工之本其樞紐皆在銀行中國亦宜仿行及另片所奏遴選各省公正殷實之紳商舉爲總董招集股本銀五百萬兩先在京都上海設立中國銀行其餘各省會口岸以次添設由商董自行經理摺內又謂墨西哥國以九成之銀鑄錢運行中國易我十成之銀歲耗以億萬計近來廣東湖北北洋南洋先後鑄造銀圓分兩輕重悉准墨銀既不能廢兩爲圓各庫出入仍需元寶必致無銀可鑄擬請在京師特設銀圓總局以廣東湖北天津上海爲分局開鑄銀幣每圓重京平九成銀一兩再酌鑄金錢及小銀錢使子母相權而行凡出款俱用官鑄銀幣各省關收納地丁錢糧鹽課關稅贊金俱收官鑄銀幣元寶小錠概不准用惟收款仍照庫平十成銀計算庫平較京平定以每百兩加平六兩十成銀較九成銀每百兩應加色十兩除各庫上兌津貼銀一兩定以每百兩加色九兩如應交庫平足銀一百兩者實收銀幣一百五十四無高下輕重之別無減平扣色之弊以每年度支八千餘萬兩計之戶部約用盈餘平色銀一千二百萬兩較向來各省撥解平餘多收當不下千萬等語臣等查各省設卡抽釐爲近來入款之一大宗如果洋稅可以加至值百抽十將將卡一律裁撤非惟入款足以相抵抑且體恤商艱無如值百抽十之議各國多方顧

額尚未定局且釐金爲我自主之權洋貨可免土貨未能一律全免印花稅雖擬仿行將來辦理是否得法亦無把握此徑免釐金之說此時未便速行者也至開設銀行一節業已奉旨責成盛宣懷選擇股商設立總董招集股本合力興辦矣其所稱開鑄銀圓酌加分兩一節是以維持利權之一策臣等公同商酌亦擬責成盛宣懷俟銀行辦成後准其附鑄一兩重銀圓以十萬圓爲率先在南省試行如果可以流通並無窒礙再由戶部妥議章程奏明辦理為盼

江蘇補用道容閔請創辦銀行章程

總綱章程四條

一開辦事機 銀行昉自泰西英法諸國屢經改革愈變愈精要以美國爲最善日本銀行亦多採之今擬參倣美國銀行章程先設總行於京都續分設銀行於各省城及通商口岸總銀行資本以一千萬元爲額統由戶部轉撥 欽派大臣督辦并專派大臣總辦分銀行卽由督辦總辦陸續招商集股擇地開設所有總行分行一切應辦事宜隨時擬定咨明戶部辦理

一印發券票 泰西有國債券無論數千百萬皆由銀行籌繳今應借商民之財而給以憑據名爲借券銀元通行市面而代以紙幣名爲銀票此兩種均由總銀行用機器製造或暫時先往外埠定造借券年息五釐以備各分行繳銀領券凡有商民願買亦可照領銀票照資本定額如以一千萬元爲本應提六成六百萬元存庫此六百萬元中又以八成製爲銀票計四百八十萬元票內載明有虛款存抵本多寡少隨時兌現與空出紙幣者不同自無折悶之所通行各省可抵錢糧繳歸庫卽可作京餉起解開銷

之後京外流通資本愈厚卽照章加發銀票該票之鋼模定數紙張定造經數十手而成正面華文背面西文花紋工細斷難仿冒仍由戶部編號加戳然後通行每月已未發各若干詳註冊簿發出銀票設或日久破損准換新票所繳舊票點明號數對眾銷毀

一擴充分行總行既撥官款分行應招商股京都繁盛可設分行數處各省會暨通商大埠如上海等處次第招商開設泰西因領用券票稱爲國家銀行今請設立牌號稱爲某某官銀行如集股十萬元應先繳銀三萬元給與借券如繳銀之數股本多則借券遞加總合股本三分之一爲度此項借券於各處官銀行開市時仍繳存總銀行掣給憑單每年給與年息五釐核照所繳借券之多寡減成另領銀票所減成數又以股本多寡酌定等差股本五十萬以下者照所繳借券領銀票九成五十萬以上者八成百萬以上者七五成三百萬以上者六成如此則股本愈多而所領銀票之成數愈減此項銀票需用若干係於總銀行額設四百八十萬元銀票之外另行隨時印造萬一分行虧折已有存總行之借券抵保且爲數多於銀票除抵償外尚有餘款以備派員查帳等用再有盈餘仍給還各股商並照西例凡銀票存項股本每年正月七月收稅兩次每次通扯銀票已用出者收稅五毫存項二毫半股本二毫半合併一釐兩次共計二釐收稅極微與生意無礙其餘未領借券之票號錢莊如有願改官銀行者亦准繳銀領券一律辦理其牌號悉聽照舊無庸更易

一兼管製造 現在銅錢日少而金銀兩品尤闊擬由京都總銀行鑄造金銀錢近日金錢一項外肆交涉漸多其分兩成色務與西式一律庶中外通行不致因金價先零而折閱審是則需金日多金礦宜盡

力開採土法淘洗所得無幾宜聘礦師購機器廣開以期迅速所出之金就運京都鑄錢不得私售出洋以杜漏卮此中收回利權不少若礦金不敷鼓鑄自可稍待機宜且先鑄銀元以便民用現查各省官局已鑄銀錢其成色高低務宜一律設有參差關係甚大請飭將各省新鑄式樣送總銀行查驗其每年共鑄若干數目亦須咨報以憑稽核

總行章程十二條

一總銀行代戶部籌款本與分行專做生意者不同惟創辦之始分行尙未偏設擬請暫收官商存項並應劃支付等款以爲商辦分行之倡經理一切尤在得人應由總辦招請美國熟手分司其事詳核支收以免遺漏而昭大信漸與各國著名銀行聯絡以期匯劃可通緩急可恃款歸實際人無虛設所有員司概不徇情濫用

一總銀行自總辦以次薪水以及公用應准作正開銷暫在所撥資本內支付俟銀票通行鑄錢獲利後自應專撥幾成以備行用一切款目每月結報一次每年綜核一次刻成總冊偏發各省分行並詳報戶部備案銀行冊簿戶部堂司可以隨時閱看

一所撥資本一千萬元除六百萬元存庫外尙餘四百萬元預備購地建屋造庫機器鋼模紙張并鑄造金銀等用奉准之後請先撥若干以便布置一切

一鑄造金銀所需較鉅如資本不敷周轉應請設法籌撥特輸甚捷不致久閼成本以後戶部應放款餉如以金銀錢及銀票爲便即可酌量搭放若創辦之始市價未平或有漲落等情再行斟酌辦理以期盡

善

一新開金礦或統歸官辦或招商集股商股應得之金擬請按照時價給以鑄出之金錢以免金砂令塊轉售出洋此中仍恐難免偷漏須飭經辦之人隨時稽查結報

一總行有稽查分行之責買空賣空自當嚴禁如各行有違例情事可派委員至該行查帳如有應改應添或應撤之事票請核辦費用開銷公款如派出之員有滋擾勒索等事准分行詳報立時撤去

一總行所收藏錢櫃之管分以及各項鋼模每年須由戶部會同查看一次有無損壞走漏登明簿冊其已停辦之銀行所用銀票鋼模隨時驗明銷毀

一所發借券除官銀行照領外其餘紳士庶均可購買應付年息五釐無論何處官銀行一律驗票照付所付之銀由官銀行報明總銀行提款劃還

一所收借券現銀實與息借商款無異因有銀行付息較易取信俟集成巨款後可用以整頓海陸兩軍及一切保護疆土振興商務之事

一泰西借券名目不一用作何項工程者即名爲何項借券或二十年或三十年券內載明年限但使年息照付民信皆爭限滿之後仍可展期若干年換給新券

一鐵路招商創議已久祇准華商承辦不許時招洋股且路長款少勢難偏築惟總銀行及分行開設之後借券暢行可另發鐵路債券每張百元至五百元或一千元商民因銀行之可恃而深信國家必有誰相購買者通國鐵路不難同時並築矣

一借券之式大約長方尺餘上列本票下列方寸小票四十張卽息票也到期持向銀行贖去一票即可收息再到期再贖每年付息兩次謂盡小票則年限已滿可持本票收本其法甚善其製甚精茲謹繪圖式於左

| 借券圖式 | | | |
|------|--|----|-------|
| 上層 | | 下層 | |
| | | | 上層本票下 |
| | | | 層分列小票 |
| | | | 每年付息兩 |
| | | | 次每次朝去 |
| | | | 一票計四十 |
| | | | 小票二十年 |
| | | | 期滿 |

分行章程二十四條

一分設官銀行之牌號住址及董事幾人集股若干每人有股若干每股先收若干應設立合同簿冊刻用國記開報總銀行轉詳戶部給與准開執照并稟請本省藩司暨地方官立案以憑查考

一官銀行如集股十元應俟開辦獲利後逐漸提存公積銀至二萬元為止作為餘本萬一股本虧折除將餘本儘數分償外不更追查各股商私財此為有限公司庶股商不致受累

一開設之日起先定限二十年如無違例之事准其再開如未滿年限查有違例之事卽令停辦或

三分有二之股商不願再開亦可隨時會議停辦

一 股商所買股分即係自己產業如欲轉售於人可至本行報明於簿冊內改換新股商姓名住址如未報明改換倘有應問股商之事仍惟舊股商是問

一 股商公舉董事至少五人董事中再推某為總董某為副董某為本行總理均須有股分稍多之人至彙用司帳等人均須的保定賞罰凡收買匯票期票以及代存銀兩抵押款項應由總理主政

一 股本收進一半即可察請開辦未收股本分期續收如有股商或代股商辦事之人於續收股本到期不付卽出傳單聲明轉售倘無人願買則該股已付之本准於六個月內由董事會議定奪倘因此而資本不足卽行查帳停辦

一如欲推廣生意加添資本或三分有二之股商欲減少資本均須詳報總銀行批准以便定借券之多少照例增減

一 每年正月七月由公舉董事聯議行務董事任事之期一年為限如眾議僉同亦可接任每股商按股之多少派議事單若干紙備書是否字樣如不能親到可託他股商代議而行中執事不與焉至股商有欠行中款項者不准會議

一 錢莊票號資本充足可以改官銀行者不必另換牌號如有數家合併一行者牌號聽其自定均須將資本若干報明總銀行照定章核辦

一 每六個月董事查除開銷外淨利若干每股派息若干所獲淨利當先提百分之十劃入下屆帳內為

公積銀一俟公積與股本核算至二十成之數乃止不提

一銀行借與一公司一商家或一人之款項期限以六箇月爲定如欲展期須董事議准其銀數不得過收進股本百分之十至收買期匯各票抵押生意不在此例

一銀行股分票不准在本行抵押本行資本不得移作各項工業字號如股商挂欠本行銀款過期不還可將其股分撤回准六箇月內售出或當衆拍賣歸款否則總銀行可查帳勒停

一銀行所領銀票原爲隨時行用不准抵押現銀作爲增添股本亦不准將原定股本抽出以銀票充作股本

一各銀行應於每年正月七月間十日之內開明上層用出銀票收進存項除存部債券外所有股本通抵計算每項若干由首董帳房等簽字呈繳總銀行備查如有不開報者議罰若干元在應付債券內扣除

一官銀行所領銀票如有水火不測准由該銀行呈出實據具結請總銀行換給新票補足所失之數

一官銀行所領銀票雖有繳存之債券抵保而本銀行內仍須存現銀二十五成謂用出銀票所收存項兩款合算百分中之二十五成以備兌現俾無缺乏之虞

一外省各官銀行應於所備現銀二十五成之內酌提若干存放京都總銀行總銀行將此銀另款存儲不營運不算息以備各省官銀行到京可以兌現總銀行收銀之後給與各省官銀行收條官銀行將此收條亦可作爲本行存銀額數總期京外銀票流通以昭大信

一各處官銀行所領銀票准用以輸納地丁錢糧鑿金鹽課等款一如現銀不折不扣惟進出口關稅仍用現銀

一京外各處官歛餉項如有可以交銀行存放者卽就近發交恩應解京餉協餉亦可飭該行匯解以歸簡易

一銀行於借款拆息期匯各票應收恩銀照各處市面常例議定不得逾額如有違例取息過重應將存總銀行之借券恩罰去並准人控告飭令償還

一銀行不得收買地基除建造本行房屋及分行房屋地基外設有因欠項抵押或被欠鈔着作為歸款之地基暫時執掌卽須售去不得過兩年半期限凡抵押地基房產亦須產價多於抵款一倍以昭慎重

一銀行票如有持向該行兌現而不照付者准持銀票之人控告由總銀行查明確實議罰或收管該銀行資本簿據并代理各帳

一銀行停辦後應將所存現銀繳歸總銀行以備代付用出銀票之數總行收票付現之後卽將該行牌號銀票銷毀不再用出其前繳抵保銀票之借券可仍發還驅其作何開支

一銀行自欲停辦潛將期匯各票抵押產據易換他人名姓以圖巧避查出從重議罰

密閣續擬銀行條陳

一總行自總辦以次薪水從優俾得自給除應領薪水之外不得絲毫沾染行內帳目由熟悉銀行規例之西人經管其帳簿任人觀看逐日給算極易稽查在西人本多公正萬一查出稍有蒙混卽行更換不

得以訂立合同數年曲爲徇庇總辦知情容隱應請卽行撤參

一總辦布置銀行告成或另有要差或陳情告退或朝廷另簡賢員即可隨時接辦簿冊具在交代甚易並無久據要缺難於更換之弊但期接手之員於行中規例循照舊章不可任意紛更致歸咎於創辦之不善

一資本一千萬元先領若干元合銀若干兩應請如數領足一切部費飯食等銀概行禁絕蓋總行獨戶部之外庫應視爲本部應辦之事不可以尋常領款論萬一書役人等稍有需索應請剝切曉諭嚴行禁約倘領款認轉惟有據實稟陳斷未便委曲含忍致啟營私之弊

一建造總行房屋務須寬敞堅固擇地在戶部左近距市面不遠之處購買民地繪圖定造應需料件工價無論購自外洋或在中國採買將來報銷須將原賜發票呈驗一面由戶部密行訪察有無折扣浮潤如有弊端惟總辦是問

一鑄造金錢最易取人疑惑查金錢成色有定化學師在行查驗無纖毫之誤自鎔金房以至驗收房經十餘處之手始克告成翦餘之金邊地而之全屑皆有極妙之法拾取無邊工匠人等不能竊取絲毫成色幾何盈餘幾何費用幾何皆可按籍而稽無庸過慮銀銅兩項亦照此辦理

一事權責一前已首先陳明惟薦引員司人情不免倘不能錄用或已經錄用而辭出最易觸同人之怒馳至誹謗叢生事事棘手今創辦銀行務期裨益 國家如果有才雖重聘不惜如其無能雖力薦不受萬勿以私情而忘公義以上謹舉防弊大概此外言之難盡總在過事認眞破除積習無論派委何人總

辦甚當如此奉行據實再陳伏祈俯察不勝幸甚

中國銀行章程

一中國創設銀行欵幸 上諭烟燼股商設立總董招集商股合立興辦以收利權係爲通商與利起見因奉 持旨開設應卽名爲中國通商銀行並擬請存官款以示官爲護持與尊常商家自行開設銀行不同俾昭鄭重用垂久遠

二原奏京外撥解之款交本行匯兌可以減省匯費公中備用之款交本行生息可以有益 國許各口岸各省會及各國都會均須設立分行以便就近承匯領放

三本行奏明用人辦事悉以匯豐爲準而參酌之不用委員而用董事不刻調防而用圖記畫除官場習氣俱遵商務規矩絕不徇情毫無私意繩期標歸純潔利歸股商中外以信相爭出入以實爲主

四上海爲總行准於光緒二十三年春間開辦京都分行亦同時開設此外各口岸各省會分行須次第開辦均各加一地名如京都分行卽名爲京都通商銀行惟各國都會則名曰中國銀行

五各口岸各省會及各國都會本銀行未經設立分行之前應擇該處公正股實之行號先行代爲轉匯票俟設分行後卽毋庸代理

六本銀行資本現銀五百萬兩分作五萬股每股一百兩招股開辦時付銀五十兩第二次續付銀二十五兩第三次續付銀二十五兩照有限公司例每股付足銀一百兩作為完全以後無須再付其二三次付應之銀亦須俟總董公議加添之時先兩個月登報知會再行照付如日後本銀行生意興旺分行推

廣於原股五百萬兩外應再加添股分由各總董議定加添若干先儘原股東股數照加如不願加再另招新股

七先收股本規銀二百五十萬兩盛大臣認招輪船電報兩局華商股分一百萬兩各總董認招華商股分一百萬兩其餘五十萬兩聽各口岸各省會華商投股自登報之日起上海本地以一個半月為限各口岸各省以三個月為限照西法先行掛牌限滿裁數凡投股者准給股分數目應聽細單核給至交收股銀或就近交各處招商電報兩局代收由該局先行出具收條再寄由本總銀行換給收單抑或徑寄上海本總銀行交納給單均聽其便統俟股票填齊再行換給

八本銀行係奉特旨招商合力興辦公議擬請撥存生息公款一百萬兩以示官商維繫取信中外開辦之初先收商股二百五十萬挺領生息公款一百萬兩俟續收商股時再行請領至生息年限章程應俟盛大臣咨商戶部再由各總董會議請奏咨定奪

九本銀行照西例按六個月結帳股東官利擬定長年八釐如八釐之外盈餘即為餘利應由總董股東公議先酌提公積若干及分給總分各行董事人等酬勞若干其餘按十成分計以八成分給股東以二成報効國家藉答國家專准本銀行行銀票鑄銀錢存放官本匯兌公款及一切保護維持之利益至公積俟提至五百萬兩應否停止屆時再由總董兩議辦理

十總行實任總董十二人為度除已選立並於實任總董之內隨時議舉在司熟悉商務一人為辦事總董或限定期日或不限信服者方可選立並於實任總董之內隨時議舉在司熟悉商務一人為辦事總董或限定期日或不限

定期日一切總董會議章程應有權柄悉照西國銀行規矩詳列條目以資循守

十一本銀行辦法均照西國在中國所設之銀行故總行及京都並通商大口岸暨各國都會均用西人
為大班生意出入銀錢均歸大班主政而辦輔之遇有要事應由總董會議簽押然後照行以期周妥將
來中外分行廣設之後並須選派一精通商務體面西人為總董大班調度稽查各行之事其餘小口岸
及各省會所設分行均用華人經理不派大班買辦

十二本銀行既照西國法度總董盡舉華人此外應請在滬之公正殷實熟悉商情之西商兩人為參議
遇有會商要事應請西商參議一同會議作為公正人以期折衷至當見信中外商家

十三大口岸大省會分行准在該分行本地選舉認股最多者立為分董專管本地分行之事仍須總行
各總董及股東公舉

十四銀行買辦向歸大班所用本銀行全屬華股總董全係華人所有總分行買辦應由總董公舉仍照
西國銀行之例取具股質人保單或保銀存庫並議定辦事權柄訂立條款一存銀行一交買辦彼此執
守

十五上海總行大班已延定英人美得倫係在匯豐銀行數十年熟悉中西銀行生意買辦已延定陳笙
郊係錢業董事聲望素著衆所交推仍照西例分取薦保單存庫其應予權柄各總董會議給付單據其
本行應用洋人歸美得倫選用應用華人歸陳笙郊選用均須熟手以專責成

十六西國各銀行在中國地方存放銀兩息分久暫不過常年二釐至五釐為止而放款押款利息每年

六釐至一分二釐不等其放款按折息時日甚暫其押款按時價折減甚多本銀行應照西國銀行嚴謹辦法費一不二不徇情面必須有貨物等件抵押並有妥當人擔保方可押放以期有利無害

十七本銀行奏明准照匯豐印用銀兩銀圓各票凡各五種計銀一百兩五十兩十兩五兩一兩銀圓亦如之京都上海兩行准先出票照匯豐所出香港上海票式辦法各照各處市面通用平色如滙票至京行取用京票至滙行取用亦悉照匯豐折算辦法辦理其出票銀數總不逾實存銀兩之數

十八本銀行代各省官司借貸銀兩應照西例由總行總董及總理洋人查明須有抵還的款方能議定訂立合同稟明戶部批准立案照匯豐銀行代國家借款章程印發借券應收年息歸行取用

十九原奏本銀行准鑄銀錢應俟總行開後總董會議請由盛大臣奏定章程辦理
二十上海擬設商會公所凡有鐵路輪船電報金礦各項公司均在商會之內所有鐵路輪船電報金礦各處款項凡與本銀行往來者一切悉照章程毫無偏畸

二十一匯豐銀行開辦之初招股一千萬元股分亦係分期限收現查光緒二十二年結報除歷年分利外已積存公積六百萬元保險二十五萬餘元發出通用銀票九百餘萬元各處存款六千一百三十七萬餘元存金約五千七百十九萬餘元匯單一千四百八十二萬餘元現計每股本銀一百二十五元股價可售三百七十五元已加至三百五十元之多可見銀行之得利全在管事之得人今中國開辦銀行無論現下將來管事一切人等必須無官場習氣熟悉商務之人方可得力

二十二本銀行每屆半年須將一切款項核結清楚照匯豐辦法由總理洋人刊印總冊分送各股東及

公家存查至刊後以結帳後三個月為限不得再遲

以上章程二十二條係各總董參酌匯豐銀行章程公同議擬大概辦法呈由盛大臣核定其餘詳細條款應再由各總董詳細會議開辦

總督與鐵路公司咨商銀行事宜全稿總理各國事務衙門 爲咨行事上年貴大臣奏請設立中國銀行案本年正月初一日據京都電報局譯送銀行章程二十二條查係各總董公同議擬大概辦法其餘詳細條款尚須由各總董詳細會議開辦具見慎始謹終之意現就大概辦法而論亦頗周備本衙門於正月初六日電復內僅將聘用四人一節略加參酌嗣於初九日續據電局送到改擬該章第九第十五二條自較初擬更為切實惟查該章第三條內稱機歸總董利歸商股二語固係參酌匯豐之法盡除官場習氣以昭信實設使將來辦理稍有未善則虧空賠累亦在意中彼時其咎應歸何人自應預為講及又第四條上海為總行京都為分行一節查上海原為商賈萃之區招集股分撥解匯兌等事自較京都為多立為總行固甚相宜然此銀行既已奉旨開設其公家撥解匯兌之款自以京都為總圖京都若為分行似覺外重內輕不足以崇體制擬於京都上海兩處均為總行此外各口岸各省會均為分行庶覺兩便又第九條報効 國家之款於每年提給八釐官利並公積花紅以外按十成分派以二成報効試問 國家能得幾何自應於官利公積花紅之外按十成分派應提五成報効公家其鑄銀錢一項所獲利益應別訂章程另提加成報効自不必在銀行報効之內或附入第十九條專系章程內亦可至行鈔票一項開匯豐辦法每出鈔票百萬先提銀七十萬存官銀行方准出票以防倒帳認賠之需雖

第十七條有出票之數總不逾實存銀兩之數一語然未及提存一節似應酌提幾成京都存部庫各省存薄司及關道各庫以免折閱之虞又聞英國國家設有要需或數百萬或數十萬以一二釐利息資成匯豐便可咄嗟立辦現在銀行開設能否照此辦理又第二十二條每屆半年刊印總冊分送存查一節應照續三分呈送軍機處戶部總理衙門存案以備查核至銀行資本不得移作各項工業及一切貿賣生理亦不得收買各項房產地基其借與一公司或一商家之款項不得過股本百分之十所有存借進出之款在十兩以上者除匯兌外應報明隨時立案無庸俟至半年統行呈報以示限制事因創始不厭求詳以上各節統希貴大臣轉飭各總董於開辦之先詳籌妥議並望於原刻章程內逐條註明音復本衙門可也須至咨者通行

督辦鐵路總公司事務大臣太常寺少卿盛爲咨呈事本年二月十二日承准貴衙門咨開上年貴大臣奏請設立中國銀行一案云云咨復本衙門可也等因准此遵卽轉飭銀行各總董詳籌妥議去後茲據各總董面稟中國現辦銀行係奏明悉照匯豐銀行辦法當將奉飭各條考核匯豐章程有未備者詢明洋人並令師逐細核議本大臣詳加察核反覆駁結務求至當其各條扼要之處皆詳詢向管銀行之大班并師復與各總董及大班再四考訂凡可通融者悉已勸諭遵行實有窒礙者勢難過相抑勒致使已成之局壞於半途則今日之商情既阻將來之糾合愈難相應遵照籌議各節分條續行登復為此咨呈貴衙門謹請核覆飭遵須至咨呈者通行

謹將中國銀行章程遵飭籌議各節分條登復續具清摺呈鑒核

計開

本衙門於正月初六日電覆內謹將聘用西人一節略加參酌於初九日續據電局送到
九第十五兩條自較初擬更為切實惟查該章第三條內稱櫻歸總董利輔股商二語固係
法盡除官場習氣以昭信實設使將來辦理稍有未善則虧空賠累亦在意中彼時其咎應
預為議及

謹按此節據律師云經理董事之外例有查帳董事如查出經理董事或大班或買辦有
之事即可隨時撤退銀行倒帳如係因總董或買辦之人開報假帳私自虧空監守自盜
得之罪應照律例懲辦至聘用西人為上海大班據律師云向來該銀行用人有薦無任
豐銀行大班仁記洋行大班具有薦信立有合同並由總董給予權柄單如有不合隨時
並仿照日本初開銀行之始大班之外即派買辦陳金兼充華大班互相箝制總董十
三人為辦事總董駐行稽查謀始固不厭求詳立法亦殊難再密

又第四條上海為總行京都為分行一節查上海原為商賈荟萃之區招集股分撥解匯合
都為多立為總行固甚相宜然此銀行既係奉旨開設其公家撥解匯兌之款自應以合
都若為分行似覺外重內輕不足以崇體制擬於京都上海兩處均為總行此外各口岸之
行庶覺兩便

謹按此節據美德倫云匯豐以香港為總行以英京倫敦為分行因其招股總董均在

會議所稱總行者因各分行生意彙總於是不拘時日總董有尋常會議有異常會議京都既非通商碼頭股分不多又無總董勢必隔膜即如山西各票號亦無不以山西為總號並不以京都為總號也現議上海為中國通商第一口岸應以上海為銀行總匯之所以便中外交易京都上海均稱為中國通商銀行其餘各省各埠則稱為通商分行以期名實兩全

又第九條報効 國家之款於每年提給八釐官利並公積花紅以外按十成分派以二成報効試問國家能得幾何自應於官利公積花紅之外按十成分派應提五成報効公家

謹按此節據律師云西國銀行並無餘利報効國家亦無進項稅捐惟銀行派利於股分之人股分之人自繳進項稅照別項生意一律並有印花稅又據匯豐云匯豐行內餘利並無提出報効國家之款西國索取商民之利最為煩苛而於銀行不索報効者因銀行關係通國商務樞紐國家得其無形之利甚宏如有虧空賠累皆在股商國家不任其害如一有苛索必致商人裹足況華商魄力甚微膽氣又怯總董公議兩成報効如該行能仰匯豐利厚報効之數亦屬可觀如其利薄商股尚難免缺望遑論報効

其鑄銀錢一項所獲利益應別訂章程另提加成報効自不必在銀行報効之內或附入第十九條專委章程內亦可

謹按此節鄂所造銀元未能各省通用如責成銀行隨鑄隨用辦法不致紛歧自可通行無阻按照各鑄銀局利益全歸公家惟中所耗量不一銀元須由銀行設法通用將來似應酌提津貼銀行之

外利益全數歸公另議章程專委辦理

至行鈔票一項即應豐辦法每出鈔票一萬元先提銀七十萬存官銀行方准出票以防倒帳認賠之需
雖第十七條有出票之數總不逾實存銀兩之數一語然未及提存一節似應酌提幾成京都存部庫各
省存庫司及關道各庫以免折閱之虞

謹接此節謹豐於一千八百六十七年英國國家批准初定章程第十三條出票之數不得逾實在資
本之數至香港總公司常年存款亦須照所出票數存現銀三分之一以備兌付此章程批准試辦二
十年後謹豐利基豐公積亦鉅續定新章謹豐再照本銀存國家三分之一如國債票等類不必現
銀致疑轉輸各等語總董公議現在甫經開辦應照謹豐初次章程所出鈔票存現銀三分之一於本
行以昭核實俟辦理二十年成效大著再按照英國續定章程辦理並請責衙門於每年銀行六個月
結帳或前或後無論何時電飭江海關稅務司就近赴本行查驗所云鈔票儲銀三分之一是否相符

重昭謹

又聞英國國家設有要需或數百萬或數十萬以一二釐利息責成謹豐便司咄嗟立辦現在銀行開設
後能否照此辦理

謹按此節據謹豐云倫敦國家從無向謹豐借款數千萬之事香港國家借款亦須與銀行隨時商議
其利息係照商借一例總董公議現立銀行將來如能信孚中外氣局寬展自可援照西例國債數千
百萬由銀行代官經辦印發借券本息歸行代收代付至於銀行現在資本僅二百五十萬收足亦只

有五百萬即使全借於國家亦屬無濟故外國銀行係代國家出票借債是聚天下之財力以銀行爲經手並非專特本行之資本借與國家至於利息多寡應照隨時市價核議

又第二十二條每屆半年刊印總冊分送存查一節應照繕三分呈送軍機處戶部總理衙門存案以備查核

謹按此節應即遵辦

至銀行資本不得移作各項工業及一切貿賣生理亦不得收買各項房產地基其借與一公司或一商家之款項不得過股本百分之十

謹按此節據總董公議此本銀行通例自應遵照列入詳細章程辦理

所有存借進出之款在十萬兩以上者除匯兌外應隨時報明立案無庸俟至半年始統行呈報以示限制

謹按此節據美德倫云上海銀行出入十萬之數幾於無日無之且有今日存入明日取出銀主或存或欠多有不願使官場知者如必欲隨時報明立案不特煩瑣難行且必致滋擾渾魚官商出入均赴英法俄德銀行來往中國銀行可以朝開而夕閉矣

總理各國事務衙門爲各行事光緒二十三年三月十一日接准咨稱奏請設立中國銀行一事本行二月十二日承准貴衙門咨開查該章第三四條第九條又第二十二條以上各節統希轉飭各總董於開辦之先詳籌妥諱並望於原刊章程內逐條註明咨覆等因遵即轉飭銀行各總董詳籌妥計茲據各總

蓮回稟中國現辦銀行係奏明悉照匯豐銀行辦法當將奉飭各條致核匯豐章程有未備者詔明洋人並經手律師逐細核議本大臣詳加察核反覆駁詣務求至當其各款扼要之處皆詳詢大班律師復與各總董再四考訂凡可通融者悉已勸諭遵行實有窒礙者勢難過相抑勒相應將遵照審議各節分條繕摺登復咨呈謹請核復飭遵等因前來本衙門查此項章程既經貴大臣轉飭各總董詳審妥議具見實事求是之意相應咨復貴大臣查照及早開辦其有未盡事宜仍隨時聲復本衙門可也須至咨者通行

皇朝政典類纂卷六十九終